





125



E.K. WATERHOUSE

---

Edinburgh 1952

*Duplum Bibliothecae  
Regiae Monachii*



N 10488





Melchior Thumb.  
PAVLI IOVII  
NOVOCOMENSIS  
EPISCOPI NVCKERINI

Elogia  
Virorum literis illustrium,  
quotquot vel nostra vel a-  
vorum memoria

vixere.  
*a. Biblioth. P. B. Francj. Cingl. f.*

Ex eiusdem MVSÆO (cuius descriptio-  
nem vnā exhibemus) ad viuum  
expressis imaginibus  
exornata.

*Ex libris*

*M. Andrea Holst.*

PETRI  
PERNAE TYPOGRAPHI  
BASIL  
OPERA AC STUDIO  
CIS IO LXXVII.

*B. G. a. 1677.*









ILLVSTRISSIMO PRIN-  
CIPi IVLIO. BRVNSVI-  
CENSIVM ET LVNEBV RGEN.

*sum Duci, Domino suo Clemen-  
tissimo.*



**A**D Deorum immortalium aras, vel exorandi vel de-  
precandi ergo accessuri, qui munera non habent,  
mentem saltē deuotam afferunt: qui habent, nō  
nisi cum mente pura eadem offerre possunt. Ego i-  
gitur, qui omnes in vniuersum principes ob hoc i-  
psū, quōd dii sunt, & filij excel<sup>ti</sup> omnes, summi il-  
lius rerū moderatoris vicarij & administri, veneror  
& suspicio; tum verō eos cum primis, in quibus præter communes illas,  
& vulgares; heroica quædam virtutes elucescunt. Quorum cum nul-  
lum vnquam ferax admodum fuerit seculum, tum verō hocce nostro  
senescentis penē mundi tempore quanto pauciores, qui cum priscis il-  
lis virtute & eruditione conferri queant, reperiuntur principes, tanto  
ampliore gloria ij, qui vt sese ad dei immortalis ideam, quantum qui-  
dem mortalibus datur, componerent, seriō studuere. De illustri C. T.  
erga Ecclesiam & Rempub. studio & amore, cum æterna nominis tui fa-  
ma historiarum monumenta olim testabuntur. Eiusdem verō erga lite-  
ratorum ordinem beneuolentiam cum pari magnificentia coniunctā  
nobilis illa tua, tuis nuper auspicijs, animo sumptuque verē regio insti-  
tuta, confirmataq; Academia, satis superque testatur. Ergo quum ditio-  
nem, quam C. T. possidet amplissimam, viuus doctissimorum virorū  
statuis plusquam dædaleis animatam sciam: eidem quoque has Io-  
uiani Musæi in omni genere literarum clariss. virorum mutas quidem i-  
magines, sed ad ipsum prototypon summa fide expressas, ex suburbano  
illo Nouocomense, non minoribus quā in illud traductæ fuere sum-  
ptibus denuo productas, omnibus omnium vel publicis vel priuatis Bi-  
bliothecis communicandas, neutiquam displicituras confido. Et si e-  
nim Epictetus Stoicorum princeps nullā sui corporis imaginem extare  
voluit, quōd indignum facinus esse duceret, corporis formæ, cum ani-  
mi sepulcrum esset, posteros inhære, quin potius ad animi immorta-  
lis excellentiam recolendam animos traducendos putaret: fuerit tamē  
illi vel ad inanis gloriolæ fucum eluendum suus hac in re sensus: sit no-  
bis econtrā magni illius Alexandri Macedonis exemplo, etiam noster:  
vt quorum ingenij monumentis Respub. literaria cum nominis æter-



# P R A E F A T I O.

nitrate grato fruitur animo, eorundem quoque imaginibus oculi ipsi delectentur: praesertim cum non verba modo & voces, sed etiam solum aspectum virorum magnorum, ad virtutem plurimum habere momenti, quotidiana doceant exempla. De operis instituto nihil hic dici potest, quod non ex ipsius met louij Praefatione rectius intelligatur. De meo vero studio hoc vnum profiteor, qui maioribus prope, quam res mea familiaris pateretur, impensis à nobiliss. pictore louianas imagines exprimendas curavi: si Illustriss. C. T. conatum huncce meum probari intellexero, cum neque exemplum, neque satis magna iam, & quidem luculenta desit materia, me Elogijs simul & Imaginibus, multo instructiorem deinceps editionem daturum. Haec igitur deuotæ obseruantiae, tæte & tam illustri virtuti debitas, neq; vt opinor, ingratas primitias, à C. T. scribere benigna fronte excipi, meque inter clientes tuos vel extremos fuisse, vnice cupio atque opto. Deus summus Imperator

Illustriss. D. T. & vitam & incolumitatem in multos proroget annos. Basileæ, Idibus Martij, anno Christiano M. D. LXXVII

Illustr. C. T.

deditiss.

Petrus Perna Typographus.



# ELENCHVS DOCTORVM VIRORVM QVORVM

RVM ELOGIA HOC IN OPERE DESCRIBUNTUR.

## A



Egidius Cardinalis	159	Copus Basiliensis Medicus	221
Aelius Syncerus	149	Cornelius Sceperus	224
Albertus Magnus episc. Ratisspon.	7	Cosmus Pactius Florentinus	220
Albertus Crantzius	221		
Albertus Pighius Campensis	182		
Albertus Pius Carporum princeps	154		
Alexander Achillinus	112		
Ambrosius Camaldulensis	22		
Andreas Maro	135		
Andreas Mattheus Aquavivus	137		
Andreas Nangerius	145		
Angelus Politianus	73		
Antiochus Tiberius Casenas	100		
Antonius Campanus	39		
Antonius Galatbaeus	202		
Antonius Nebriensis	121		
Antonius Panhormita	23		
Antonius Tibaldaus	174		
Antonius Tilestus Cosentinus	204		
Antonius Perrenotus Atrebatensis Antistes	224		
Augustinus Iustinianus Genuensis	210		
Augustinus Niphus Suesanus	171		
Atrelius Angurellus.	130		

## B

Baldus Perusinus	17		
Balthassar Castellio	143		
Baptista Mantuanus Carmelita	117		
Baptista pius	187		
Bartholomaeus Cocles	106		
Bartholomaeus Facius	197		
Bartholus à Saxoferato I.C.	15		
Beatus Rhenanus	221		
Benedictus Iovius Nouocomensis	194		
Bernardinus Corius Mediolanensis	113		
Bernardus Bibienna	125		
Bernardus Iustinianus Venetus	200		
Bessarion Nicanus Cardinalis	43		
Bilibaldus Pirckheimerus Nuremberg.	221		
Boccacius	13		

## C

Callimachus Philippus	80		
Camillus Ghilinus Mediolanensis	216		
Camillus Quernus Archipoeta	156		
Christophorus Longolius	127		
Christophorus Persona Romanus	201		
Celcius Calcagninus	209		
Conradus Goclenius	221		

## D

Anthes Aldigerius	10		
Descriptio Musae	3		
Donatus Acciaiolus	29		
Domitius Calderinus	37		
Demetrius Calchondyles.	55		

## E

Elisius Calenius	91		
Emanuel Chrysoloras	41		
Erasmus Roterodamus	171		

## F

Flavius Blondus Foroliuensis	27		
Franciscus Arillus	179		
Franciscus Marius Grapaldus	118		
Franciscus Petrarcha	12		
Franciscus Philelphus	30		
Franciscus Vatablus.	225		

## G

Abriel Altilius	206		
Gaguinus Gallus	213		
Galeottus Marius Narniensis	90		
Garcias Lassus	225		
Gaspar Contarenus Cardinalis	184		
Gaspar Vrsinus Vindelicus	221		
Georgius Logus	224		
Georgius Merula	71		
Georgius Sauromanus Germanus	208		
Georgius Trapezuntius	46		
Georgius Valla Placentinus	199		
Germanica nationis Elogium	221		
Germanus Brixius	215		
Georgius Tiphernas	201		
Guarinus Veronensis	197		
Guido Posthumus Pisarenensis	131		
Guilielmus Budaeus	179		
Guilielmus Pellicerus.	225		

## H

Hector Boethus	212		
Henricus Cornelius Agrippa	186		
Hercules Strozza	103		
Hermolaus Barbarus	69		
Hieronymus Alexander	181		
Hieronymus Donatus	214		



Hieronymus Samonacola.

I

Iacobus Angelus Florentinus	
Iacobus Bracelius Ligur	
Iacobus Cardinalis Papiensis	
Iacobus Faber Stapulensis	
Iacobus Sanazarus	
Iacobus Zieglerus	
Iacobus Tuscanus	
Ianus Parrhasius	
Iason Maynus	
Imaginum ordines	
Ioachimus Camerarius	
Ioachimus Perionius	
Ioachimus Vadianus ex S. Gallo	
Ioannes Pannonius	
Ioannes Argropyllus	
Ioannes Coëtà	
Ioannes Cuspinianus Viennensis	
Ioannes Dantiscus Varmiensis episcopus	
Ioannes Franciscus Picus Mirandula	
Ioannes Lascaris	
Ioannes Manardus Ferrariensis Medicus	
Ioannes Marius Catanæus	
Ioannes Picus Mirandula	
Ioannes Regiomontanus	
Ioannes Reuchlinus Germanus	
Ioannes Ruellius Suebionensis Medicus	
Ioannes Scotus	
Ioannes Sepulveda Cordubensis	
Ioannes Simoneta	
Ioannes Torclius	
Ioannes Bellaius	
Iouianus Pontanus	
Ioannes Oecolampadius.	

L

L Ampridius	
Lancinus Curtius	
Lazarus Baiphius	
Laurentius Laurentianus	
Laurentius Medices	
Laurentius Valla	
Leo Baptista Albertus	
Leonardus Aretinus	
Leonicus Tomæus	
Ludonicus Ariostus	
Ludonicus Calius Rhodiginus	
Ludonicus Vines Valentinus.	

M

M Aphaeus Veginus Landensis	
Marcellus Virgilius Florentinus	
Marcus Antonius Casanova	
Marcus Antonius Coccinus Sabellicus	
Marcus Antonius Turriannus Veronensis	
Marcus Musurus Cretenfis	
Marinus Becichemus Scodrenfis	
Marinus Mossa	

32	Marsilius Ficinus	84
	Martinus Cromerus	223
212	Martinius Silicæus episcopus Cartag.	226
199	Matthæus Palmerius Florentinus	211
35	Michael Marullus Tarchaniota.	53
203	Michael Syluius Cardinalis	226
149	Musæi descriptio.	3

N

	Nicolaus Leonicens Medicus	132
	Nicolaus Borbonius	225
125	Nicolaus Copernicus	221
5	Nicolaus Machiæuellus.	162
221	Nicolaus Perottus	32
225	Nicolaus Tegrinus.	215

O

	Ordines imaginum	5
	Osbo Truchfès Cardinalis.	223

P

	Pandolphus Colleenicius	92
	Paulus Aemilius Veronensis	215
	Petrus Alecyonius	205
	Petrus Candidus December	28
	Petrus Crinitus	108
	Petrus Grauius.	138
	Petrus Léonius	67
	Petrus Martyr Angleria	206
	Petrus Nannius Alcmarianus	224
	Petrus Paulus Vergerius	198
	Petrus Pomponatus	134
	Philippus Beroaldus	102
	Philippus Decius	164
	Philippus Moreus	224
	Platina	34
	Pogius Florentinus	22
	Polydorus Virgilius	213
	Pomponius Gauricus	140
	Pomponius Latus.	78

R

	Raphael Volaterranus	202
	Robertus Valsurius	211
	Rodolphus Agricola Frisius	61
	Roffensis Cardinalis	168
	Rutilius.	178

S

	Salmonius Macrinus.	225
--	---------------------	-----

T

	Theodorus Gaza	43
	Thomas Aquinas	8
	Thomas Linacrus Britannus.	119
	Thomas Morus Britannus	166
	Thomas Nadaſtus	224
	Tranquillus Andronicus.	224

V

	Vdalicus Zasius.	221
--	------------------	-----

Z

	Zwinglius	221
--	-----------	-----



# CLARISSIMI GENE- ROSIQVE IUVENIS, DOM-

ROBERTI A' BERNEMICOVRT, BARONIS  
in Liefveld, Domini Otlandiæ, pijs manibus pacem,  
ac quietem Ioannes Latomus.



N mibi præcipites etiam, Mors inuida, quæ tu  
Vulnera fecisti, vulnera vt esse negem?  
Nec mibi concedes, vt iusto verba dolori  
Impendam? Et iustus qua ratione, loquar?  
An quem tu perimis, vel aperto crimine, nostris

Sensibus ereptum, carminibusq; voles?

Ab, Mors, non possum, nec erit tua tanta Tyrannis,  
Vt paria in viuos regna tenere velis.

An ne etiam gaudes (vt falsè et liuida) fastu.

Ornari lachrymis, carminibusq; tuum?

Et tua tum demum iactas illustria facta,

Insigni è luctu quum grauiora vides?

Vt cunque est: seu te doleat, seu dura, iniuriabit.

Me sanè in lachrymis, et gemitu esse iuuat:

Et iuuat in miseros deducere carmina questus,

Carmina cupressu conspicienda nigra:

Et tecum miscere elegos, miscere querelas,

Et casum generi, Schete, dolere tui.

Et iuuat hoc etiam, defuncti manibus illam

Quam possum vitæ ferre decenter opem.

Ab, non tam validis, vt quondam Epidaurius, herbis

Non quibus est medicis Phasias vsa focus:

Sed cantu et numeris. vtinam vel qualibus Orpheus

Plutonem fregit, perdomuitq; canem.

Nostra, nec addubito, Geticam illam causa graualet

Dignior et lachrymis, et pietate foret.

Illirapta licet fuerit crescentibus vxor

Annis: tu solo pectore adultus eras,

Vxor primus amor fuit, at non vltimus illi:

Hoc nisi, non alio tu potes igne frui.

Prolibus at petijt forsan spatia apta creandis:

Sed fuit in sterileis promior ille mareis.

Quo minus ast iterum bis denis mensibus extes,

Si quid obest, oberunt hæc tua Fata, pater.

Ne dicam, lachrymas quòd iam deterferat illa,

Casum iterum Fati segnis obire noui:

Quid tua non luget? quid non dolet Agnia fletu

Exoraturus impediante sonos?



Cum qua instauramus socij, quibus ille carebat:  
 Cum lachrymis blandas, turba proluxa, preces  
 Hec ego Bistoniam canerem si voce, mouerem  
 Persephonem, durum Persephonesq; virum.  
 Non grauis ille foret Stygias inflectere leges,  
 Et sinere adreditum stagna patere tuum.  
 Tu neque respiceres: neque quod Ioue nata timeres;  
 Ne quid Avernalis sumpsis ante cibi.  
 Ipse opere insueto gauderet nauita: nec è quo  
 Littore consuevit cymba referre onus.  
 Hoc demum officij nostram exaequaret amorem,  
 Et pietas animo parferet ista meo.  
 Quod cano sed minus est: non est potis ista mouere  
 Vena Medusæis horrida monstra comis.  
 Infra animum longè subsidit carmen: ad ima  
 Fertur ut insuetus, dum petit alta, faber.  
 At quæ cymba minus firma est procurrere in altum,  
 Littora, nil prohibet, per vada tuta legat.  
 Sed neque tuta lego: nam me meus ardor in æquor,  
 Altus, ingenij, pro ratione, rapit.  
 Scilicet excolui doctos in imagine vultus,  
 Quos in Museo condidit ille suo,  
 Ille, inquam Iouinus, cui scriptus piscis, & herbae,  
 Et tenor historiae nomina longa dedit.  
 Quemq; per ingenue laudis genus omne vagantem, &  
 Carpentem titulis optima quæque suis:  
 Impulit huc studium pietatis, ut ora virorum,  
 Ingenij proprijs qui enituere bonis,  
 Seu nostra miseri, seu sunt meliore beati  
 Sorte, sua in villa videnda daret.  
 Quam mirè extruxit victuro in nomine Comum,  
 Qua patriam Lari verberat vnda lacus.  
 Picta videnda dedit: sed multò illustrius, addit  
 Ex merito laudes quando cuique suas.  
 Huic ego conatus nostris subscribere Musis,  
 Carmina quæ lusi dedo dicoq; tibi.  
 Quæ precor ut viuant, ne tu moriaris in illis,  
 Et subeas vitæ damna iterata tuæ.  
 Sed bene quod mors est, non hic, velut antè timenda:  
 At tinere & blattæ, tempus & illud edax.  
 Et sanè hæc timui: tamen & protrudimur vltra.  
 Tardenteisq; meos spes rapit acris equos:  
 Tum quod nostra aliquot fors quoque pondus habebunt.  
 Quæ nullo laudes sunt mihi felle litæ.  
 Tum mea quod pietas in te praelustior esset,  
 Firmior ad longos si queat esse dies.



Spes est, quum fide mea vitis inhaereat vlmō,  
 Pondere quæ proprio pressa iaceret humi.  
 Donec erunt Musæ, donec qui diligit illas,  
 Et iam non totus barbarus orbis erit,  
 Musæum Iouij, Iouius dicetur & ipse,  
 Illaq; pictorem docta caterua virum.  
 Et puto iam famam transisse Themistidos oram,  
 Inq; Peruranis consensuisse locis.  
 Quis scit, si nostra hæc illò vsq; Roberte sequantur?  
 Mancipia à Dominis non decet esse suis.  
 Quos inter medicos non ibis vt anser olores,  
 Vt pudor Aonij, parsq; pudenda chori.  
 Sed tua te virtus, doctæq; scientia mentis  
 Asseret, illustri constituetq; loco.  
 Quem licet octaua iuuenem trietride raptum  
 Vsum bis linguis nouit Apollo tribus.  
 Nouit & ingenij quàm multa recondita in ipso  
 Tempore prompturus, si licuisset, erat.  
 Iudicium accedit foci post omnia Scheti,  
 Et quasi de raptō nunc quoq; patre dolor.  
 Nomine doctrinæ de mille sodalibus vnum  
 Legerat ex eius stirpe futurus auus:  
 Nomine doctrinæ curarum dulce leuamen.  
 Ingemit, estq; sui (credite) parte minor;  
 Promisi quid mereor, si factum Paule probabis  
 Sit fas hunc libro præposuisse tuo.  
 Quod quis vt inuideat: satis est hæc gloria nobis,  
 Materies morbi crescat vt vsq; sui.  
 Tu mea apud doctas quum carmina legeris umbras,  
 Grata celebratis sintq; Roberte, viris,  
 Hæc per me Latomus vobis encomia scripsit,  
 Dic, & amicitia pignus id esse meæ.  
 Sic tibi det requiem, qui versat fortibus urnam  
 Aeacus: & longum, care Roberte, Vale.

1556. Idib. Decemb.



# AD PAVLVM IOVIVM

IVNIOREM IOANNES LATOMVS.



*Aule, si adhuc superas, Iouiani nominis hæres,  
Ad te hæc missurus qualiacumq; fui.  
Sed quia longa via est, in seffa q; forsan ab hoste:  
Ah, nimium, dixi, longus hic error erit.*

*Non dare patronum, qui vindicet ista, verebar:*

*Qui tamen è viuis hoc agat, vnus eris.*

*Nam tu, cui volui, pars es mihi magna, placere,*

*Musæi dominum quum reor esse sacri,*

*Cuius in extrema precor hæc quoq; parte locari,*

*Si tamen hoc gratum est: immò erit: es Iouius.*



## HONORATI FASITELLI.



*NE debent Iouio viri elegantes  
Bonis artibus omnibus politi:  
NE debent Iouio elegantiarum  
Parenti, artibus omnibus polito,*

*Quantum vix animus capeffat vllus:  
Nec viui modò, qui vident, amantq;  
Vrbani senis & salem, & lepôres:  
Sed quos lumine adempto auarus Orcus,  
Quis scit, quo cohibet loco misellos?  
Nam facit Iouius suis tabellis  
Excultis lepidò suo labore  
Leti funera non timere viuos,  
Vitam viuere mortuos perennem.*



# IN EFFIGIEM PAVLI IOVII.

*Cuius ope æternum vultusq; animusq; virorum  
Doctorem superest, talis erat IOVIVS.*

B. V. B.



## IN ICONES ET ELOGIA DO- ctorum virorum.

**H**umanis oculis cervi virtutis imago  
Si posset, miro illa sui inflammaret amore  
Pectora: nunc, homines animis quorum illa resedit  
Mirandos orbi ut celestia numina reddit.

Sepe sed illorum vultus spacia ampla locorum  
Eripiunt oculis, aut mors fluxo eximit ævo.  
At virtutis amans simul & virtutis amantum  
Huius in his viam effigiem, ipsorumq; tueri  
Dat IOVIVS tabulis expressa fidelibus ora  
Et coram & quocumq; loco, haud obnoxia morti.  
Quid maius præstari humana possit ab arte?  
Quis IOVIVM certare Iovi non dixerit ipsi?

BONAVENTURÆ VULCANII BRUGENSIS.



# PAVLI IOVII NOVO

COMENSIS EPISCOPI NV CERINI

IMAGINES CLARORVM AC DOCTORVM

*rum Virorum ad Octavium Farnesium Urbis  
praefectum.*

**P**ER ILLUSTRUM quidem exemplo, & verè more  
maiorum facis Octavi Farnesi Princeps iuventutis,  
qui focero Cæsari singularis diligentiae, inuictaeque  
virtutis imperatori armatus comes, vel in tanto ca-  
strorum fremitu, incerta dubij ocij momenta Mu-  
sis impertis: hac enim imitatione pernobili, non  
modo C. Cæsaris, qui vnus summi iudicij, summæ-  
que virtutis fastigium tenuit, sed Antoni, Bruti, Catonis, Octavij me-  
moriam recolitur. Quando hi, quod legimus, tui sanguinis, verèque Ro-  
mani Heroes, vel paludati & canente classico nunquam literarum stu-  
dia remiserint. Quo fit, vt hanc excelsi generosique ingenij indolem,  
quam nō adulanter admirari licet, tibi magnopere gratulemur: quum  
è Belgis iucundiore quadam epistola, quæ non in castris cū peracri Gal-  
lo hoste collatis, sed in præpingui ocio perscripta videri possit, vltimam  
historiarum mearum partem efflagites: repetasque item vehementer  
tanquam promissam, & gerendo bello Gallico valde opportunam, Ar-  
gentoni viri grauiissimi historiam, quam mihi nuper expetenti Nico-  
laus Rentius, vetus ac humanissimus amicus meus è Gallica lingua in It-  
aliam casta fide traduxit. Ante omnia verò, tanquam eruditæ iucundi-  
tatis munus desideras clarorum virorum imagines, quæ in Musæo no-  
stro ad Larium spectantur, & eas quidem per Elogia, quod nisi longo,  
difficilique labore paruis in tabellis assimilanter expingi nequeant, sci-  
licet, vt tantorum ingeniorum dotes admirabili varietate stylo descri-  
ptæ elegantiores oblectamenti nomine ad animi iudicium transmit-  
tantur. multo enim grauius pulchriusque videtur, ingentium animo-  
rum virtutes proprijs annotatas Elogijs ad admirationē intueri, quàm  
ductas ex vero diligenter effigies, inani quanquam, iucunda oculis vo-  
luptate spectauisse. Verum & obiter quoque requiris, quod nequa-  
quam, saluo pudore, & integra fide præstari posse videtur, vt Musæum  
iucundè graphiceque describani, postquam id tibi secus, ac maximè cu-  
piebas, properante Cæsare, adire, spectareque non licuit. Parebo itaque  
lubenter honesta petenti, sed egregia fide debitum professio, aliquid mi-  
hi benignè condonandum existimo, scilicet, vt per partes huius æris a-



lieni graue onus commodissimè dissoluatur. Tu verò singulari huma-  
 nitate iuuenis, facile hoc dederis iam planè seni ægroque pedibus, ac  
 his præsertim intempestiuis caloribus circumuento, quos nobis longè  
 maximos ab æstuoso Buxetò, dum Cæsar belli quàm pacis audior, ad  
 algidas Germaniæ Alpes properaret, in multo & puluerulento itinere  
 subeundos reliquistis. Mitto igitur ante omnia libellum, dulci breuita-  
 te periucundum, quo Elogia tabulis pictis supposita continentur. E sin-  
 gulis enim imaginibus, singulæ exemptiles tabellæ dependent in mem-  
 brana, vitæ atque operum summam præferentes. Argentonus autem,  
 qui Veneto prælo excuditur, totius Italiæ ciuitate donatus ad te; ac ideo  
 libenter, quod ad Belgas suos redit, post paucos dies perueniet. Quod  
 verò ad historias meas pertinet, eas nequaquam tutò tabellarijs com-  
 mitti posse putauerim, ne interceptæ quorundam animos offendant.  
 Nunquam enim vel æquissimus rerum gestarum scriptor victis pariter  
 atque victoribus satisfecit, quo minus vtrinque gratiam suam extenuet,  
 vel odium querat, quod eum facile sit factiosa, superbaque iudicia sub-  
 ire, qui inter viuos libero ore locutus, tanquam posteris gra-  
 tum facturum, non procul ab inuidia Fortu-  
 nę ludos perscribit.

VALE

M V S AE I



# MVSAEI IOVIANI

## DESCRIPTIO.

**P**UBLICATIS ac in Museo tanquam augusto Virtutis templo dedicatis clarorum virorum tabulis, illæ ipsæ veluti spirantes imagines æquissimo iure deponunt, ut Musæum quoque sua sacrata sedes eodem conditoris stylo describatur: sed id vetat ingenuus pudor, qui tamen eruditus & ineptus est, qui quum sua miretur, ea demum plura æstimet quàm aliena? At is hercle multo stolidior euaserit, qui seuerè parca narrando, consilij atque operis sui dignitatem eleuet, ut modestia laudem ferat: ille porro insanus poterit videri, qui dum sibi tenerius blandiendum existimat, certos veritatis fines ambitiosis excessibus perturbet. Sed ego, si Musis hospitibus placet, aureæ mediocritatis modum tenebo, ut has suburbani, literatiq; oculi delicias ita exprimam, ut inuidiam eorum iudicio, qui hæc viderint, facile deuit, indeq; mihi securior ac vberior voluptas obueniat: quando & hæc omnia Donius Etruscus vates miscellaneo opere edito, ac ob id incolumi pudore meo disertissimè decantavit. Neque enim cum nihil maius, & supra fortunam meam luculentius exprimi velim, vel adulantibus adeo verecunde subirascor, ut dispudeat leta fronte consiteri, id esse Musæum, quod elegantes, clariq; hospites sæpius inuisunt, perpetuo ciues frequentant, ipseq; ante alios Alfonsus Dava- lus viranque lauream meritis, & præclarus inchoati absolutiq; operis adiutor, omnibus æstivis secessibus anteposit. Villa est in conspectu vrbis peninsula modo in subiectum circumfusi Lary pelagus exporrecta: nam ad septentrionem quadrata fronte, directisq; lateribus in altum excurrit, arenoso puroque in littore, ob idq; maximè salubri, in ipsis Pliniana villa vestigijs excitata. hoc enim præclarè religiosa vetustatis testimonio plurimum augetur edificij decus, ac plena gloria, ac admirationis autoritas paratur. Iuuit hercle longo obrutam situ, & penitus iacentem in patria clarissimi ciuis memoriam, non ignobili studio, & digna pietate suscitasse. Manet adhuc stabili naturæ munere latissima loci facies, ac aterna præcelentis structuræ fundamenta extant: quanquam absolutis operibus, & tempus edax, & Larius ipse, vel subitis incrementis admirabilis, potius quam sæuus, dum perpetuo alludit, & sititibus pulsat, vehementer inuiderint. Visuntur in profundo vado, quum lacus molli & vitreo æquore stratus, & liquidus conquiescit, quadrata marmora, ingentes columnarum trunci, denoratæq; pyramides, quibus ante portum lunatæ molis fauces ornabantur. Ab Oriente enim totius edificij obiectu, & producta in cubitum lapidea mole aduersus Aquilones tranquillius portus efficitur, duplici quidem, & decenti podio coronatus: alterum è cauedij porta effusos spectantesq; marmoreis sedibus excipit, quum applicantes ab vrbe amicorum nauicula saluantur: alterum ob longam areæ marginem, quæ portui imminet, pectore tenus exornat. In hoc siquidem lata areæ desinit, binis inclusa viridarijs, murisq; pinnatis, quæ hippodromi, speciem præbet. Ad dextram medio lacu insula exurgit, firmissimo pariete circumsepta, uicinaliq; eminentibus præmiseris arboribus: hæc austri flatus arcet, & portum obducto latere protegit: à continente dirimitur Euripo, quem Plinius viridem & gemmeum, nihil adulatione mentius, appellabat. Hunc præalto ponte, ut nauigia inclinatis malis permeent, iungere cogitamus, si parta pace miseriarum finis ostendatur, ut si lubet, vel inuito Neptuno, ad institutam piscinam transire liceat. Illi enim ab alto lasciue prouecti pisces, ac in insulam per oblata, & cæcis anfractibus insidiosa foramina penetrantes, erepro reditu tanquam latis carceribus asseruantur, ut auris tempestatibus exclusa piscatio nihil expectitum dubijs men-



sis eripiat. Ab ipso quoque insula aduerso latere, illa immortalis virgo abdita intus, quae Dorica vocatur Echo, excitantibus quum lato clamore salutatur, celeri liberalique obsequio semper responder: eam duplicatas reddit voces, ac hisdem accentibus recantat, & tum quidem ex hoc inani, sed dulci loco blandissima capitur voluptas, cum circumuehimur cymbis, natantesque pueros ad certamen adhortamur argenteolosque nummos audaciae premia vrinantibus in alto dispergimus. Altera porro ad occasum area, minor quidem, sed liberiore calis facie, & multa oculis occurrentium montium varietate incundior, quam nominis vestri merito Farnesiam vocamus, matutinis opaca umbris ita patefcit, ut sub podio tutam ab Euris stationem relinquat, sinuososque Lari recessus, ac oppida apricis promontorijs imposita, innumerabiles item villas, & veliferas commeantium classes longissime prospectet. At hi à laeva dextraque diuersi portus, quod opportunè decenterque euenit, toto interiacentis Isthmi spacio coniunguntur: sic ut non absurda bimaris Corinthi similitudine, dum iocamur, huc tanquam ab Aegeo Cenchraeum illum à Ionio Lechaen vocitemus: nam quā terrestris aditus ad villam patet, Isthmus binis ingentibus munitus portis, oblongo tractu totius aedificij frontem aequatè complet, & exornat, dignumque prorsus primaria ianua & perpicto atrio vestibulum prabet. hinc aliae atque aliae ex opposito aperiuntur valuae, quae rectissimo transitu, & valde grata introspicientibus serie per concamerates topiario opere Iulianas vites, ad hortos & syluosos montes ducunt. Ab his per fictiles tubulos salientes aquae perennem & limpidissimum fontem duximus in Doricam porticum, magno quidem labore, & reluctante saepe Nympha, quod ea tanquam ex Orcadibus egregie syluestris, opaci & silentis ocij cupida, hac recta frequentia, occursumque hominum timidissime deuiteret, nunc effecta blandior sponte ascendit in statuā Dea naturae erectam, & per papillas erumpit, ut in marmoreum labrum effundatur. Hoc vno pulcherrimo fonte mirè gaudet Musaeum: inde enim ad summum apicem florentis elegantiae peruenit: nam interiora conclauia porticus, diatras, aestiua hybernaque cubicula instaurasse multò luculentius, eximisque picturis nobiliter exornasse, quibus alius opibus, ingenioque validior facile potuit: nos autem loci genium secuti, ardenti quidem studio, sed dubia spe absoluendi operis, ita per partes aedificauimus, ut saepe sera poenitentia de Fortune liberalitate desperasse videamur. Sed qui villas à beatioribus & Regulis, ac ideo supra ciuili fortunae censum, magnificè aedificatas non viderunt, aut benigniore iudicio non insulsi operis elegantiam, parum eruditis sumptibus anteponunt: facile mirantur primam porticum ab hilari atrio statim occurrentem, quam à pictura argumento Personatam vocamus, quod prisco more hiantes Comædorum personas per intercolumnia volitantibus suspensas strophis: dum oculos moratur & detinet, intrantibus ostendat: nam inaurata personae elegantioris vitae praecepta, Laconica breuitatis effundere videntur. Hanc hyeme tepor eximius commendat: nam totam collectis radijs plurimus Sol implet: quum ad meridiem pertendens aestiuam (quam Doricam diximus) adeo celeriter relinquat, ut prandere simul, ac cenare propter fontem spumoso strepitu sonantem opacissimo loco possis, nisi te Apollo vates, nouemque sorores in illud spaciosum perillustreque conclauē, à quo tota illa villa Musaei nomen accepit, blandientes alliciant. Hoc enim pluribus undique fenestris ac ianuis circumuectum Solem, exortasque eodem cursu peruenies auras, aut admittit, aut quum lubet, obductis valuis excludit. In medio enim omnibus horis aequata spirant aerae, adeo moderato & salubri spiritu, ut Syrium in caelo ardere non sentias, ob idque damnatos menses, tanquam verna temperie mitigatos, nondum venisse, aut certe silenter effluxisse, quum nec aestues, nec planè sitias, prorsus existimes. Tota enim villa ante meridiem, quum ex alto Sol vrget, obortus Aetesiis blandissime ventilatur. In fronte quoque polium ab insigni proiectura clatris ferreis circumseptum, in subiectas undas prominet, quo nihil ad prospectum incundius excogitari potest. Inde enim ad proiectam escam allectos



*pisces hamata linea extrahere iuuat, & cum singulari voluptate innumeras natatum acies intueri. Nam Larius ipse argenteo nitore translucens, dum colores & species piscium ad oculos transmittit, spectantibus arridet. Introrsus autem Apollo citharædus, & Musæ suis instructæ organis, cœnantibus applaudunt. Inuitat exinde loci mutatione gaudentes in proximum cubiculum suum Nînerua, ubi præcorum ciuium simulachra visuntur, veriusque ante alios Plinij, antiquiorisq; Cæcilij & Ruffi Caninij poetarum, Attilij item grammatici & Fabati, Neronis odio insignis. Nînerua autem iuncta est bibliotheca, parua quidem, sed lectissimis referta libris, à depicta imagine Mercurio dicata. Ab hoc demum itur ad Sîrenas, id est cubiculum aliquanto retractius, tanquam honesta tributum voluptati, ac inde ad armamentarium, quod iuxta atrium, iure ipso, inuicti Caesaris Caroli augusta insignia tuentur. Ceterum maximo conclauis adiuncta est nobilis illa cœnatio tribus Gratijs merito consecrata, quæ florido laqueari, minoribusq; septem Doricis columnis, & facetissimo picturæ genere mirabiliter adornatur, quum peritus optices pictor peristylj fugientis recessus, ex obliquo deceptis oculis expresserit. Hinc quoque vrbs ipsa penè tota conficitur, & Larius peramænus meandris ad Germaniam reflexus, frequentiq; olea & lauro virentia litora, vitiferi colles, & nemorosa aut lata pascuis nascentium Alpium iuga, nec plaustris quidem ardua despectantur. quocunque te veteris, noua atque hilaris loci facies occurreret, quæ oculos reficiat, nec unquam exatiet. Sed tum opima pleniorq; voluptas ostenditur, quum ad piscantes, extremaq; trahentes retia nauiculis aduolamus, ac incerta sortis iactum mercari lubet, & capturæ piscium intentis manibus & oculis interesse percipimus. Quid dicam de superioribus cœnaculis, in quæ de nomine virtutis, ac honoris argumenta lepidissimis inscriptionibus ostenduntur? His hyeme nihil apricius, luminosius, atq; tepidius experiri, videreq; contingit, quum toto ferè ambitu per varias fenestras, vitreis specularibus admittant soles, & sine face diem: et Larius ipse, vepote qui nusquam gelaescit, maritimi litoris naturam emulatus, mirum temporem præbet, duriciemq; hyemis suauiter frangit. Interior autem villa, quod magnopere Musis expetitur, strepitu vacua, & alti plena silentij, nitidaq; munditijs ad secretiora studia, vel festiuis lusibus occupatum comiter inuitant. Nam (vt diximus) dirimente Isthmo, tanquam in aliam minorem domum, & equilia hippodromo coniuncta, & penuarias cellas, & culinae totiusq; familiae tumultum penitus excludit, aurea profecto quietis beata sedes, ac exoptata potius quam concessa libertatis tranquillitas & salubris portus, ita vt hæc nobis Alexander frater tuus, idem maximus Cardinalis, & gratissimus Mecænas, in æstuosa Roma publicis muneribus occupatus, inuidere possit.*

ORDINES IMAGINVM.

**I**magines veros clarorum virorum vultus in tabulis pictis exprimentes, quas pertinet multorum annorum studio, sumptuosaq; ac ob id propè insana curiositate, toto ferè terrarum orbe perquisitas in Musæo dedicauimus, quatuor omnino classibus distinguuntur.

Prima eorum est quisq; functi, quum ingenij fecunditate floruerint, feliciū operum monumenta posteris reliquerunt. Horum elogia primus hic liber, Octauij Farnesi, nomini tuo dicatus continet, eo quidem ordine diligenter seruato, vt ad exactam temporis rationem qui primo vita excesserint, subsequentes antecedant. Nulla enim alia ordinis nobilitas quaeretur, nisi quæ fatali vitæ exitu præscribetur. Hæc enim saluberrima lege totam litteram, quæ de loco dignitateq; ambitiosè & turbulenter excitari possit, pacatis omnibus sustulimus.



Secunda classis horum erit, qui hodie viuunt, & publicatis ingenij dotibus, illustri fama, tanquam certissimo vigiliarum fructu perfruuntur. Sed horum Elogia accuratiore demum studio proferemus, quum mollioris oculi locus parato & cupienti benigna seculi sorte concedetur. Religiosa enim grauioris censurae trutina viuentium laus expendenda videtur, ne amicitia, quæ mihi cum literis integerrima semper fuit, & hic ipse, quo semper latissime viximus perspicua voluntatis candor, recti iudicij elidat neruos, laudandiq; pariter, & notandi libertatem eripiat. Quis enim summa felicitatis ingenia satis laudauerit, aut non insulse notauerit, quum iam prouisa nominis aeternitate, omnem inuidiam superarint? & quod non dispu- deat ad elimandum æquisimus locus diligentiae relinquatur. In his recitandis, ab ætatis honore series ducetur, quum iuniores æquisimo iure, natu maioribus honestissimum locum concedant.

Tertia porro classis præcellentium operum artifices excipiet. Hæc periucundo libello explicabitur, quum præter picturæ, calaturæq; decus, ex certis nobilium artificum monumentis demonstratum, facetissimorum etiam hominum, qui dictis aut scriptis excitato risu, ægorum animorum curas alleuarint, memoria renouetur.

Quarta erit maximorum Pontificum, Regum & Ducum, qui pace & bello gloriam consecuti, præclara ingentium facinorum exempla imitanda, aut vitanda posteris tradiderunt.


Harum imaginum populus stupenda varietate mirabilis, tum maxime incredibilem spectantibus offeret voluptatem, quum per Elogia sigillatim arguta breuitate describetur.

FINIS.

ALBER



7  
Albertus Magnus.



**S**IT hoc tibi, quanquam breue Elogiorum omnium merito lū-  
culentissimum Alberte Sueue, Artobrigensium sanctissime an-  
tistes, postquam docendo scribendoque Theologiæ philoso-  
phiæque totius locos omnes miris celsissimi ingenij tui luminib.  
illustrati, vt illud in literis nemini adhuc concessum, et quod vi-  
uo rara felicitate contigit, Magni cognomen assequerêre. Vixisti quippe cete-  
ris aliquantò beatus, hoc est, alterum & octogesimum ætatis annum: scilicet,  
vt immortalitati tuæ iusta gloria plenus interesses, accumulatoque fecundis-  
simi ingenij merito, clarioris tituli munere dignus censerêre. Deserebat enim  
Maximi cognomentum Gymnasiorum omnium consensus, nisi publico vo-  
ro, Christiana verecundia restitisses. Sed quid tibi maius Dii immortales da-  
re potuerunt, quàm vt diu in terris viuus & incolumis, inusitate, nec vnquam,  
nisi post fata obuenientis gloriæ fructum perciperes?

## E L O G I A

Ferdinandi Balamij.

*Magna parens altricque virum Germania alumni  
Incedit meritò laude superba sui.*

*Naturæ ac rerum vires, causasque latentes,  
Hoc nemo nobis doctius explicuit.*

*Magnus ob egregias fecundi pectoris artes,  
Dictus es, at Iouij nunc ope maior eris.*

Iani Vitalis.

*Natura has violas, ratio hæc tibi lilia passim  
Ad tumulum spargunt, Theutone magne tuum,*

*Purpureis quarum tribulos auellis ab hortis,  
Et pulchris violis lilia mista seris,*

*Aniaque abstruse pandis penetralia causæ,  
Verè igitur Magni nomine dignus eras.*

Latomi.

*Quantum erat, hoc quondam cognomen, Magne, tulisse  
Quum solidè doctus nullus in orbe foret?*

*Esto: vetustatis factum laudatq; probatq;  
Et tibi posteritas sancit, habetque ratum.*

## Thomas Aquinas.



IVI Thomæ Aquinatis hæc erat facies, cum in primis studiorum honoribus decoræ iuuentæ hilaris versaretur. Nondum enim vt postea inflexu ætatis euenit, illa subtristis ac omni alia ferè durior parcissimæ mensæ disciplina, iugesque demum lucubrationum vigiliæ, nobile, ac ideo tenerum corpus afflixerant. Hic enim planè adolescens, abdicata antiquæ stirpis præclara nobilitate, ad quam hodie Alfonso Daualus inter Cæsaris duces longè clarissimus, maternum genus refert, & spreto demum omni patrimonio, neque familiæ dignitati, neque valetudini vnquam pepercit, vt post edita diuini ingenij monumenta in cælum, vnde venerat, vitæ integer euolaret. Idcirco defunctum in Volsceis ad Amasenum amnem, quum supra naturæ potestatem multa miracula operum ab eo edita renuntiarentur, Ioannes Romanus Pontifex, ex Senatusconsulto non dubitauit, quin eum solenni cærimonia inter diuos referret. Obijt non planè senex, quum eum humanæ gloriæ, quæ ei ex studijs maxima obuenerat, satietas cepisset, scilicet vt alteram, qua absoluta pietate promerebat, cælum suspiciens, certiore voto sequeretur.

Incerti.

*Hic Thomæ cineres positi: cui Fata dedere  
Ingenium terris viuere, cælo animam.*

Latomi.

*Doctior, an dicam vixisti purior? atqui  
Vixisti quo non tempore debueras.*

Ingentium



*Ingenium, sterili quod tunc defloruit æuo,  
Hoc natum cælo si meliore foret,  
Fallor, vel poterat parasangis vincere multis,  
Quotquot ab exculta pectoris arte vigent.*

## Ioannes Scotus.



EMO eorum qui non infano Christianæ pietatis amore flagrant, vltro sese cœnobijs in seruitutem addixerint, Ioanne Scoto in grauissimis studijs, aut acrior, aut subtilior fuit, quum admirandis commentationum voluminibus editis, nouam de nomine suo sectam conderet, & in Aquinatis scripta non dissimulante inueheretur. Natus est in vltima Britannia, ad Calydoniam syluam, vt minus mirum sit, Anacharsin summæ sapientiæ philosophum apud vecordissimos Scythas, crasso, atque ingenijs excolendis importuno cœlo patriam habuisse. Verum hic proteruo, captiosoque differendi genere Christianis dogmatibus illuisse videtur, quum passim inducta quæstione dubitabundus, sacrarum rerum fidem, nequaquam tenui figmentorum caligine confudisset. Sequit enim idēo lites immortales, quando eius placita, vel grauiter ab aduersæ sectæ professoribus oppugnata, ex aduerso ab eius discipulis acerrimè defendantur. Sed qui aliquot præclara eius ordinis ingenia, ad optimam frugem nata, distorreo scilicet ad veritatem itinere suspendisse, perdidisseque videtur, manifesti, aut certè occulti alicuius criminis apoplexia correptus, poenas perfoluit: ita quidem, vt nimis festinato funere pro mortuo tumultus, quum redeunte vita, serò morbi impetum natura discuteret, frustra ad petendam opem miserabili mugitu edito, pulsatoque diu sepulchri lapide, eliso tandem capite perierit. & de alio quoque Ioanne Scoto, quod ex Gallicis Annalibus Crinitus recitat, verum esse crediderim, eum à coniuratis discipulis, diui Calsiani exemplo, graphijs confossum, inulta morte concidisse.

Iani Vitalis.

*Quod nulli vnquam hominum accidit, Viator,  
Hic Scotus iaceo semel sepultus,  
Et bis mortuus, omnibus sophistis  
Argutus magis, atque captiosus.*

Latomi.

*Quæcunque humani fuerant, iurisque sacrati,  
In dubium veniunt cuncta, vocante Scoto.  
Quid? quod est in dubium illius sit vita vocata,  
Morte illum simili ludificante strophæ?  
Quum non antè virum vita iugularit adempta,  
Quàm viuus tumulo conditus ille foret.*

## Dantes.



**P** R I M V S Itatorum Dantes Aldigerius, non Instituto vetustatis ordine tantum, sed præcellenti grauis ingenij fecunditate primum locum inter imagines meritis, optimo iure conspicitur. Hunc Florentia, factiosa eo seculo ciuitas protulit, ab altaq; mentis indole cognitum Octouirali supremæ potestatis Magistratu insignem fecit: vt mox fatali conuersa turbine & summum ciuem, & Etruscæ linguæ conditorem, tanquam sæua & ingrata patria proscriberet. Sed exilium, vel toto Etruriæ principatu ei maius, & gloriosius fuit, quâ illam sub amara cogitatione excitatam, occulti, diuiniq; ingenij vim exacuerit, & inflammavit. Enata siquidem est in exilio comœdia triplex Platonica eruditio- nis lumine perillustis, vt abdicata patria totius Italiæ ciuitate donaretur. Plerusq; ideo gloria perenni, quum eam quæ pijs mortalibus expetitur, cœlestis auræ felicitatem tanto ore, tantoque spiritu decantatam contempleretur, nulla  
ads



adhuc oborta canitie Rauennæ morbo interiit, adeo mentis compos, ut sex ver-  
sus sepulchro incidendos componeret. Nec Rauennates in apparatu funeris  
publico totius Italiæ cui defuerunt. Quum enim sepulchrum è marmore con-  
didissent, non obscure exprobrata Etruscis acerbitate, nouam sibi claritatem  
gloriosa pietate vendicarunt.

Ipsius Danthis.

*Iura Monarchiæ, Superos, Phlegetontâ, lacusque  
Lustrando cecini, voluerunt Fata quousque:  
Sed quia pars cessit melioribus hospita castris,  
Aëtoresque suum petijt felicior astris  
Hic claudor Danthes patrijs extorris ab oris,  
Quem genuit parui Florentia mater amoris.*

Sed tumulum vetustate collabentem, Bernardus Bembus, Petri Bem-  
bi Cardinalis pater, in ea vrbe Prætor, opere cælato & concamerato, ad-  
ditoque hoc epigrammate luculenter exornauit,

*Exigua tumuli Danthes hîc sorte iacebas,  
Squallenti nulli cognite penè situ.  
At nunc marmoreo subnixus conderis arcu,  
Omnibus & cultu splendidiore nites,  
Nimirum Bembus Musis incensus Etruscis  
Hoc tibi, quem in primis hæc coluere, dedit.*

Latomi.

*Maior ab exilio parta est tibi gloria, quàm si  
Non esses patriam vertere iussus humum.  
Ingenio siquidem stimulos dolor addidit, & te  
Fecit ad ignotos condere verba modos,  
Vt modò non certent de te tantum oppida septem,  
Italia affirmet tota sed, esse suum.*

## Franciscus Petrarcha.



**F**RANCISCVS Petrarcha eodem ciue magistroque suo Danthe, Etruscae linguae facultatem constitutam plane & certis adornatam numeris flagranter excepit, tanta ingenij solertia, duriora molliendo, & singulari suauitate varijs modis flectendo numeros, vt enatam dudum, & vix dum flores ostendentem eloquentiam, ingenti cultura, ad absolutae maturitatis fructum, summumque ideo exactae elegantiae fastigium perduxerit: eamque laudem sit consecutus, vt in eo poetis genere, amatorioque praesertim, castitate, candore, dulcedine, nobilium poetarum, & primus & vltimus sanis a scribendo deterritis existimetur. Sed tanti viri iudicium illudens fortuna grauiter fefellit, quum haec aeternae felicitatis spiritum habitura, tanquam temporaria despiceret, vt ex Latina Africa, vnde ei in Capitolio insignis laurea praemium fuit: certiozem, et nobiliorem gloriam adsequeretur,



sequeretur. Sed debeamus plurimum ingenuo sudore semper æstuanti, dum literas à multo æuo miserè sepultas è Gothicis sepulchris excitaret, modò eum tanquam Italicæ linguæ conditorem & principem, ab incomparabili diuini ingenij virtute veneremur. Concessit naturæ planè senex ad Arquatum Patuini agri vicum, vbi tumulus carmine ab se composito nobilis conspicitur.

*Frigida Francisci lapis hic tegit ossa Petrarchæ,  
Suscipe Virgo parens animam, sate Virgine parce,  
Fessa que iam terris, cæli requiescat in arce.*

Latomi.

*Qui tanta Etrusci carminis dulcedine,  
Tamque æstuosis vexeris præconijs  
Tuam puellam, vt nemo te non crederet  
Flagrare, quantis nec vel Æthna incendijs,  
Atqui idem amoris frigidus neglexeris,  
Quem spectat omnis amans, vel in tenebris scopum:  
Amasse Lauram, an Lauream te dixerim?*

## Boccacius.



**B** O C C A C I V S, eodem felici seculo quo renatæ literæ Latine existimantur, Certaldo oppido editus, alteram in patria lingua pedestris eloquentiæ partem primus inchoauit, & absoluit. Neglexerat eam Danthes in altitudinem Heroicæ comœdiæ diuino furore carminum abreptus. Petrarca verò Latina oratione delectatus tanquam ignobilem reliquerat, vt discipulo qui amore ei frater fuit, quota sua pars, tanquam ex patrimonio nouæ laudis, legitimo nomine hereditatis obueneret. Non defuere tamen qui censerent, neque Boccacium versu, neque Petrarcam soluta oratione valuisse, tantorum ingeniorum sortes alternante Fortuna, ideoque ambos acri iudicio in id munus intendisse neruos, ad quod pronior, atque liquidior styli vena perflueret. Sed non dispari Fato, & hic ipse in studijs opinione deceptus est, quum præcipuo, ingentique labore, vt certum sibi decus pararet, penè frustra defudarit. Obsolescunt enim & ægrè quidem vitæ spiritum retinent libri de Genealogia deorum, varietateque Fortunæ, & de fontibus accuratè potius quàm feliciter elaborati, quando iam illæ decem dierum fabulæ, Milesiarum imitatione in gratiam oblectandi ocij admirabili iucunditate compositæ, in omnium nationum linguas adoptentur, & sine vlla suspitione interitus, applaudente populo, cunctorum operum gratiam antecendant. Excessit è vitæ sexagesimo secundo ætatis anno. Sepulchrum eius cum marmorea effigie insculptis his carminibus in templo maximo Certaldi conspicitur.

*Hæc sub mole iacent cineres, ac ossa Ioannis,  
Mens sedet ante Deum, meritis ornata laborum.  
Mortalis vitæ genitor Boccacius illi,  
Patria Certaldum, studium fuit alma poësis.*

## Myrtei

Si quæram cineres tuos Boccaci,  
 Hic iacent: si animam, petiuit astra:  
 Si qua gloria sit tuis libellis  
 Maior, non ego, Lydiusue linguae  
 Cultor patriæ, & æmulus Latine:  
 Sed index erit, aut iocis Cupido,  
 Aut gaudens facili Venus loquela:  
 Aut, quem dicere malo, totus orbis,  
 Cui viuunt Veneres, Cupidinesque:  
 Quibus cultior est tuus libellus,  
 Elegantior omnibus libellis.

## Latomi.

Inter Auernaleis animam dum cogeret umbras  
 Cyllenius Bocacy:  
 Ergo, ait, hæc nostri spes est præclara laboris,  
 Vestræque gratitudinis?  
 Antea qui nulla vixistis lege dirempti,  
 Misti nothi cum gnesys,  
 In certam primus stirpem, classeisque redegi,  
 Secans minorum gentium  
 Maiorumque tribus. vt sit cognoscere promptum  
 Suos cuique posteros.  
 Immo, ait ille, arctè dum nos facis ipse sedere,  
 Totamque sarcis curiam  
 Patribus, astra tibi quis te magis inuidet ipso?  
 Nam plena sunt subsellia.

B A R



## Bartholus.



**B**ARTHOLVS Sentini in Vmbria natus, magno acumine perspicacis ingenij ius ciuile professus, in omnibus Italiae gymnasijs exactę doctrinę documenta reliquit. Eum aduersus studiorum labores indomitum extitisse ferunt, consueuisseque vti in pertenui mensa certis cibi potusque mensuris ad tuendam valetudinem, vt quum sæpe memoria laberetur, obliuionis incommoda assidua commentatione refarciret. Ob id voluptates omnes adeo seuerè reiecerat, vt ne horula quidem extra naturę necessitatem studijs subtraheretur. Sed eandem quoque seueritatem supra æquum in torquendis necandisque noxijs exercuisse visus est: quum rerum capitalium iudicijs pgressset, adeo vt reum furti, nec ritè confessum, & in fontem, præcipiti sententia supplicio affecerit. Ex ea acerbitate, quum inuidiam populari voce conflaram subisset, conspectum hominum

pudore vitabundus in arcanum ruris ocium euoluendis libris se abdidit, è qua demum studiorum intentione audacter egressus, æquales suos doctrinæ firmitate, & mira iudicii constantia superauit. Donatus est virtutis causa à Carolo Quarto Imperatore gentilitijs Bohemiæ regum insignibus, quibus purpurei leonis forma aurato in campo, cum bicipiti cauda salientis exprimitur. Perusiæ autem supremam in gymnasio claritatem consecutus fortunas suas collocauit: duxitque vxorem, sed irrita spe masculæ prolis. Verùm infinitos propè discipulos, amore filijs pares, præcellentis doctrinæ reliquit hæredes. Defuit ei Latine eloquentiæ facultas, ne summæ gloriæ fastigiū teneret. & tamen est quod maximè miremur, illum in perpetuo docendi munere occupatum, tot & tanta volumina perscribere potuisse, quum quadragesimo sexto ætatis anno fatore, reclusus, iustum de inchoatis summa felicitate, necdum perfectis operibus, desiderium posteris reliquerit. Sepultus est ad aram maximam in templo diui Francisci.

#### Myrtei.

*Hic est Bartholus ille, iuris ingens  
Lux, & commodus explicator hic est,  
Quem mors ante diem abstulit maligna:  
Heu mors inuida, & æuo iniqua nostro,  
Quæ leges iterum iacere cogis.*

#### Latomi.

*Vnquam si poterunt perire leges,  
Cum ipsis Barthole legibus peribis:  
Ast si harum steterit perenne nomen,  
Non est quod timeas mori perennis.*

B A L



## Baldus



**B**ALDVS honesta Vbaldorum gente Perusię natus, Bartholum  
præceptorē subtilitate ingenij & varietate doctrinæ superauit:  
nam à patre medico celebri, priusquàm ius ciuile attingeret,  
dialecticæ atque philosophiæ præceptis haud mediocriter  
imbutus fuerat. Præcoci enim ingenio penè puer non ad o-  
primam modò frugem, sed rarissimo etiam naturæ dono, ad longam senectutē

peruenit. Verum præalto ingenio multa conuoluenti, inuertentique stabilis scientiæ constantia deerat: quoniam subtilissimè disputando, atque enarrando, non humani modo, sed diuini quoque iuris intelligentia summus: refrigerato demum iudicio, post altercationes à Bartholo doctrinæ robore vincere: tur. Eum eximia laude florentem, Ioannes Galeacius Vicecomes, potentia & gloria maximis regibus æquatus, cum Ticini gymnasium conderet, magnis præmijs euocauit. Ibi nunquam senescente nominis fama, nunquam in publico munere defessis viribus ad septuagesimum sextum peruenit annum: fatoque functus est paulo antequam ille Princeps externarum gentium victor, prope- rante fato moreretur. Ferunt Baldum diui Francisci habitum, quum expiraret, induisse, Tumulus in eius diuiæde cum hac rudi inscriptione conspicitur.

*Conditur hic Baldus, Francisci tegmine fultus,  
Doctorem princeps, Perusina conditus arce.*

Latomi.

*Qui Baldum iuri negat accendisse lucernam,  
Ille potest medio Sole negare diem.  
Nam dudum extinctam hæc meliora secula lucis  
Opprimerent: radijs sed micat illa suis:  
Illa suo auctori tanto speciosior, orbis  
Fulgida quod medijs luxerit in tenebris.*

L E O



## Leonardus Aretinus.



**P**RIMVS in Italia Leonardus Aretij natus, Græcarum literarum decus à multis seculis Barbarorum immani tyrannide proculcatum erexit, atque restituit. Eius enim incomparabili beneficio morales Aristotelis libros optima fide traductos legimus. Historiæ quoque ab eo eleganter conscriptæ, in manibus habentur. Hæc ingenij fecunditate florentem, Innocentius septimus quamquam plannè iuuenem, grauissimo muneri parem, epistolarum Magistrum fecit: ita demum eruditè, atque integrè officio functus, vt succedentibus quatuor pontificibus amplificata dignitate operam præstiterit. Senescenti opes creuerunt cū aliena liberalitate, tū sua tristi parsimonia cumulata, adeo vt Arlottus, mordaci sale perurbanus in Fabellis eius geniū relicto corpore in fuga sitientē ridenter expresserit. Mortuus, quod ei nullo pudore fuit, furti damnatus est, quod

Gothicam historiam suppresso Procopij nomine publicasset, accusante Christophoro Persona, qui aliud exemplar nactus, & Gothicam, & Persicam simul atque Vandalicam, & Græci authoris titulum ingenue profitendo transtulerit. Nouissimè reuocatus in Etruriam populi Florentini res gestas perscripsit, nec multo post senex, diuitijs, & gloria plenus Florentiæ vita functus est, dignus utique hoc sepulchri titulo, ac marmoris ornamento, quod in æde sanctæ Crucis spectatur.

Caroli Aretini.

*Postquàm Leonardus è vita migravit,  
Historia luget, eloquentia muta est:  
Fertur quæ Musas tum Græcas, tum  
Latinas, lachrymas tenere non potuisse.*

Latomî.

*Si quis bene vnquam meritus est de litteris,  
Is Leonardus erit.  
Qui fluctuantibus litteras Pelasgicas,  
Exilioque vagas  
Iam iam futuras: scilicet Bizantijs  
Sceptra premente Deo,  
Latè excitatis Barbaris: Quiritum  
Primus ad arua vocans,  
Septena duxcit Vrbis ad palatia.  
Vnde statim Italiam  
Missis per omnem plurimis colonijs,  
Tam bene nunc habitant,  
Solo ut nequirent in patrio opulentius.  
Proin Leonarde tuo  
Frûere merito, gens Latina litteras  
Dum colat Argolicas.*

P O G I V S



## Pogius.



**P**OGIVS ē Terranoua Florentinae ditionis oppido, in hac luce Romani cœli optimis literis ingenium ita expoliuit, vt Pontificijs scrinijs sub Eugenio & Nicolao præficeretur, æquatus scilicet honore summis viris, qui in eo munere fidelis, eruditique ingenij operam præstitissent. In his fuere Leonardus Arët. Maphæus Vegius, et Ioan. Aurispa. Erat cōsilio grauis, & quū luberet, facetiarū sale perurbanus: ita vt mira, & sepe subita varietate ad ciendum risum modò pretextatis verbis vteretur, modò graubus & malignis scommatibus aliene famę nomen perstringeret. Sed amarulento libello in Vallam importunè inuectus, ab eodem pessimè audiendo cumularas maledicetę sue pœnas luit. quū Valla suo talle turgidus, & Facium, et Panormitā, et Raudensem probrosis voluminibus

iugulasset. Erat quoque Poggius adeò intemperans obiurgator, vt quum in Theatro Pompei, loco & die celebri, vbi bullatorum diplomatum censura habebatur, Georgio Trapezuntio malediceret, ab eo acriter duplici colapho caderetur. Transtulit demum è Græco Diodorū Siculum: sed et nobiles aliquot libellos de infelicitate Principum, varietateque Fortunæ, & de auaritiæ peste, orationes item plures composuit tanta ingenij fecunditate, vt facetias etiam ad excitandam hilaritatem ægris animis expetendas conscriberet. Sed quod gratum & vtile posteris fuit, Ciceronis libros de Finibus, & de Legibus a se in Germania descriptos, in Italiam primus attulit: ita vt & ei quoque Quintilianum in falsamentarij taberna repertum debere fateamur. Nouissimè ex multa peregrinatione, Romanaque aula exactæ ætatis senex Florentiam reuersus, consummato oratore, ac optimo ciue dignam patriæ operam præstitit, conscripta Latine historia populi Florentini, quæ à Iacobo demum filio in Etruscum sermonem versa legitur. Hic iam defuncto patre ex Pactiano scelere strangulatus, in prætorij fenestra cum cæteris pependit.

Myrtei.

*Olim Pierides, olim Florentia mater,*

*Viuentè risit Poggio.*

*Nunc tumulum hunc adit, & donū pro carmine flores*

*Fert, proque risu lachrymas:*

*Quæ nisi pro vera sint pietate, rogabit*

*Arnus ministræ vt suas.*

Actij Synceri.

*Dum patriam laudat, damnat dum Poggius hostem*

*Nec malus est ciuis, nec bonus historicus.*

Latomi.

*A grauib. potui studijs qui clarus haberi,*

*Corrupti ingenium plus satis ipse meum.*

*Conuersti ad rixas animum, nugasque facetas,*

*Sed Cato quas nolit, quasque Sabina legi.*

*Hac ego quæsiui vitam male sanus in herba,*

*Heu facit ad vitam sed nihil ista seges.*

*Vino tamen: sed non aliter quàm Herostratus ille,*

*Quæsitæ, & parta est crimine vita meo.*

*Vos moneo, ingenio quicunque. & ab arte valetis,*

*A solidis vitæ quærite rebus opem.*

## Ambrosius Monachus.



MBROSIVS Monachus ex ordine Camaldulensium, qui supra Florentiam in opacis Apennini iugis dicatam cœnobio vitam seuerè ducunt, doctrinæ grauitate ac ingenij præstantia æquales suos antecessit. Græcè enim atque latinè doctissimus, com-  
plectente Cosmo, & mox Eugenio, & Nicolao admirantibus, summum eius ordinis honorem, qui Generalis præfecturæ hodie dicitur, ita  
ade-



adeptus est, vt eum constanti iudicio Patres purpuræ destinarent. Dionysium enim Areopagitam de Cœlesti Hierarchia, diuino spiritu proloquētem singulari eloquentiæ puritate Latinis expresserat, atque item Diogenem Laertium, verum non eadem cura, limaque perpolitum. Sed & sacris operibus bibliothecam, quæ ad Angelos spectatur, cumulatè referat: quibus existimari potest, nequaquam ei vires & facultates, sed animum omnino defuisse, vt ad Romang facundiæ fastigium perueniret: abstractus enim in altitudinem Christianæ contemplationis, vt pium sacratumque virum decebat, totius vitæ ociū in diuinis literis consumpsit. Fuit hic vir, quod raro euenit, sine oris tristitia sanctus, semper vtrique suauis, atque serenus: ita procul à liuore, contentioneque, vt cum Vallæ Pogium reconciliare conaretur, eos neque planè literatos, neque item Christianos videri diceret, qui inducta simultate sacrosanctum literarum decus probrosis libellis importunè deſœdarent. Excessit è vita planè senex, tumulatusque est ad Angelos, vbi hoc carmen pius Vates affixit.

Spinelli.

*Attica mella sapis, redoles quòque nectar vbique,*

*Tu qui diuino numine, nomen habes:*

*Quod nisi dulce canis referens mysteria diuinum,*

*Dulcius hoc certè est nectare, & ambrosia.*

Myrtei.

*Viximus ambrosia, sed enim concessimus Orco,*

*Nunc iterum cælo redditur ambrosia.*

Latomi.

*Qui legis hunc tumulum, legeres si scripta sepulti,*

*Possentque hic oculis nuda patère tuis:*

*Quàm fluit eloquio, quàm dulciter afficit, vt què*

*Nil nisi nectareum quolibet ore sapit:*

*Diuinus fieres; nec quamlibet ante scisses,*

*Iurares dictum protinus Ambrosium.*

## Antonius Panhormita.



NTONIVS Panhormita Siculus, Bononiæ equestri familia natus, qui à Pontano alumno Elegantiarum pater appellatur, elatè genus suum ab vltimis Britannis, Becadellaque familia Bononiæ celebri repetebat, præclaro genti insignium argumento, quod ipsdem militari in scuto, depictis alatis viperis vteretur.

Sed maiorem profectò sibi ex laude optimorum studiorum nobilitatem comparasse videri potest. Moribus enim ac literis præstantibus exornatus, quum Philippo Mediolanensium Principi fertilis ingenij industriam obtulisset, tanta liberalitate susceptus est, vt Principem noscendæ historiæ cupidum, familiariter doceret, & publicè octingentis annuis aureis elegantiore literas profiteretur. Hic est ille Philippus, qui summæ clementiæ fructum generosis exoptatum Regibus

gloriosissimè decerpfit, quum Alfonso Regem navali prælio captum, non emiserit modò, sed auctum copijs, ac opibus in regnum restituerit. Verum eo gravissimis bellis occupato, Panhormita Alfonso adhæsit, secretioris scrinijs magister, & studiorum, expeditionumque omnium terra marique perpetuus comes. Scripsit Epistolas candidiore stylo, sed maximè iucundo victoris Regis triumphum, & de factis dictisque optimi eius Regis aureum libellum, quem Pius Pontifex exemplis paribus intertextis, nobiliorem reddisse videtur. Sed cum Valla demum ad exercendum maledicentiæ dentem, naturæ acerbitate paratissimo, simultatem concepit: eo quidem euentu, ut mutuis veluti confixi telis, fœdè admodum inimicis risum excitarent. Senex vxorem duxit Arcellam sibi magnoperè dilectam, liberosque suscepit, quorum honesta soboles Neapoli visitur. Postremo æger, vitæque diffidens, in supremo morbo hoc carmè composuit, quod tumulo inscriberetur.

*Quærite Pierides alium qui ploret amores,  
Quærite qui Regum fortia facta canat.  
Me pater ille ingens hominum sator, atque redemptor  
Euocat, & sedes donat adire piæ.*

Pontani.

*Siste hospes, fas est cantus audire Dearum:  
Grata mora est: Musæ nam loca sacra tenent.  
Antoni monumenta vides: hinc templa frequentant:  
Ille fuit sacra maxima cura chori.  
Illum sæpe suis medium statuere choreis,  
Duxit compositos arte decente choros.  
Sæpe lyram cessit Clio, cessere sorores,  
Concinuit teneros voce manuque sonos.  
Extinctum fleuitque Aon, flevitque Aganippe  
Sebethus miseros egit in amne modos.  
Sirenes quoque de scopulis miserabile carmen  
Ingeminant, planctu littora pulsa sonant.  
Pierides tristem ad tumulum fudere querelas,  
Pierides passis post sua terga comis.  
Hinc crevit desiderium, nec cura recessit  
Vatis, at extincto vate remansit amor.  
Conveniunt nunc ad tumulum, celebrantque choreas,  
Et memorant lusus magne Poeta tuos.  
En audis sonet ut lenis concentibus aura?  
Ut sonet appulsu concita ter'ra pedum?  
Hec vati memores Musæ post Fata rependunt:  
Carminis hoc meritum est: num satis? hospes abi.*

Elisij Calentij.

*Qui molles elegos, & Regum gesta canebat,  
Sacra Panhormita contegit ossa lapis:*



Iani Vitalis.

*Has tibi dat violas, immortalesque amarant hos  
 Ingeniorum alitrix, & Martis alumna Panhormos:  
 Non quia torpenti Musas excire veterino,  
 Aut Regum immensas potuisti assumere curas,  
 Verum quod Crassos inter, ditesque Lucullos,  
 Integer Antoni voluisti viuere Codrus.*

Latomi.

*Cum Valla, fateor, mihi non conuenit. ob id ne  
 Et salis, & Veneris laus mihi tota perit?  
 Et vixi comis, & (credite) semper amari,  
 Qui iuuenem duxi iam satis ipse senex,  
 Dein colui Musas, quæ Valla, quia omnia spreuit,  
 Dico illum humanum non tenuisse modum.*

## Laurentius Valla.



LAURENTIUS Valla Romanus à Gothicis temporibus vsque ad patrum nostrorum memoriam præalto sepultos somno ciues suos ad nobilium literarum studium excitauit. Indignatus enim tandiu corrumpi seculum leguleorum & sophistarum immani conspiratione, optimasque artes inculta sermonis barbarie defædari, Elegantiarum libros edidit, traditis Romanæ elocutionis præceptis ex accurata veterum scriptorum obseruatione, quibus iuuentus æmulandi studio ad detergendas corruptarum literarum sordes accenderetur. Eam quoque illustrati patris sermonis laudem Græcæ literæ cumularunt, quum Thucydides, & Herodotus historiæ parentes, ipsius liberali labore è Græcia in Latium transferint. Fuit Valla ingenio maximè libero, ob idque mordaci, contentiosoque, utpote qui aliena satyrico dente facile perstringeret, & lites in literis, quasi id opus esset, aduersus ignorantes acerrimas fereret. Extant enim Inuectiuarum, & Recriminationum aliquot libri, eruditè falsæque perscripti: quibus dum læsi nominis famam tueretur, Facium Ligurem, Panhormitam, Pogium, & Raudensem iugulasse videri potest. Flagellatis quoque regionum ludimagistris, uti multabile redundans, quod nihil in aula Pontificis sibi placeret, Neapolim ad Alfonso Regem se contulit, apud quem de auris bellis in Hispania, atque Sicilia gestis historia perscripta est: sed eo styli charactere, ut eius minime videri possit, qui cæteris elegantiarum præcepta tradiderit. Edidit etiam opus de falsa Donatione Constantini, pio, & sacerdotis nomen professio criminis atque nefarium, ut pontificij Imperij autoritatem Græcorum scriptorum ad stipulationem confirmatam conuellere niteretur. Sed mox eadem inconstantia Regem deseruit, vel improbane Philelpho, ut nec planè senex in patria moreretur. Sepulchrum cælato ex marmore, cum effigie, ac elogio, Catharina mater pientissimo filio posuit, quod in Laterano (eius enim tem

pli flamen erat) introeuntium ad dextram spectatur. Obijt anno Christianæ salutis, M. CCCC. LVII. Calendis Augusti.

Franchini Cosentini.

*Laurens Valla iacet, Romanæ gloria linguae:  
Primus enim docuit, qua decet arte loqui.*

Latomi.

*Barbaries Gothicis innecta ferociter armis,  
Constiterat solido per Latium omne gradu,  
Seque clientelis quum iam munisset. Et annis,  
Inque hostem blattas mitteret et tineas:  
Indignans patriam tam fœdè Valla iacere,  
Armauit subitam, conseruitque manum:  
Illa supercilio sperans rem posse teneri,  
Debacchata quidem, sed propè fracta fuit:  
Et, nisi per mortem, cecidisset tota prope Etò,  
Interea vinci qua valet arte liquet.  
Queis tibi pro meritis (si grata est, Roma probabit)  
Ponimus hæc tumulo carmina Valla tuo.  
Romulus est Urbis, Valla est idiomatis author.  
Hic reparat primus, primus ut ille struit.*

F L A.



## Flavius Blondus



**F**OR OLIVII viâ Aemiliâ nota vrbe Flavius Blondus prodijt, rudi adhuc veteris elegantiae seculo. Is magno ausu, singularique industria, nec infelici euentu, multorum annorum intermorientes res gestas è tenebris excitare orsus, Decadas conscripsit, quibus ab inclinante Romano imperio funesta tempora, ac ideo veritatis lumine orbata, in lucem proferuntur. De vetustate quoque collapsæ Urbis, ac eius demum resurgentis dignitate, erudito operosoque volumine publicato, quantam nec ambitiosè quæsitam exoptarit, in literis auctoritatem adeptus est: vnde ei honestæ opes fauore Pontificum accessere. Liberis operâ dare, quàm sacris initiari maluit: suscepitq; Gasparem filium, quem vxor Margania Romani sanguinis, nobilitasse visa est: sed posterì, quanquam adauctis fortunis, conditori familiæ minimè responderunt. Fato functus est septuagenarius, cum latusque in Capitolio extra limen templi deiparæ Vir-

ginis (id enim Iouis Tonantis olim fuisse putamus) quod non secus ac antiqui-  
tuis, auctore Tacito, centum gradibus adeatur.

Iani Vitalis.

*Erui è tenebris Romam dum, Blonde, sepultam,  
Es nouus ingenio Romulus atque Remus:  
Illi urbem struxere rudem, celeberrima surgit  
Hæc eadem studijs ingeniosè tuis:  
Barbarus illam hostis ruituram euertit, at isti  
Nulla vnquam poterunt tempora obesse tuæ.  
Iure triumphalis tibi facta est Roma sepulchrum,  
Illi vt tu viuas, viuat vt illa tibi.*

Latomi.

*Dum stetit augusto Romanum limite regnum,  
Termine, Dys magnus æquiparandus eras:  
Cedebant illi venturo ex arce Tonanti:  
Custodi imperij mansit, vt antè, locus.  
Cur nunc mortali cedis, dic Termine Blondo?  
Pondus habet meriti num Iouis, atque tui?*

## Petrus Candidus December.



ANDIDVS December è Viglebano vrbe, quæ est inter Padū  
& Ticinum, Laurentij Vallæ testimonio exactissimæ censuræ  
grammaticus, Mediolani Græcè, Latineque docuit, præstanti  
eruditionis ac eloquentiæ fama. Eius extat Appianus Alexan-  
drinus è Græco in latinum versus, id expetente Alfonso Rege,  
qui studiosissimum quemque eius ætatis, vt ad locupletandam Latinam lin-  
guam, occultos Græciæ thesauros proferrent, liberaliter inuitarat. Sed manci-  
palsimque corrupti exemplaris Græci vitio, vel laboriosus interpres in eo ope-  
re sese candidum præstare non potuit, quum alia multò felicius perscripserit.  
In vita enim Philippi Vicecomitis, quæ circumfertur, Suetonium lepidè admo-  
dum æmulatus, ita quod proposuerat expressit, vt aliquanto inuerecundius,  
quàm scriptorem odio vacuum deceret, stylum exercuisse iudicetur, quum vi-  
tia hominis occulta, nec vlli magis, quàm ipsius pudori nocentia, ob idque ve-  
landa prorsus, cupidè nimis, maligneque detexerit, in eo præsertim Principe,  
in quo singularis illa, diuinæque simillima clementiæ laus, cum probro multo-  
rum regum gloriøsè refulsit. Fato functus est octogenarius senex Mediolani,  
non mediocribus fortune à Francisco Sfortia decenter honestatus, meruitq;  
marmoreum sepulchrū, cum effigie è suggestu iuuentutem docentis, quod in  
vestibulo Ambrosianæ basilicæ ad læuā introeuntib. occurrit, hoc rudi carmine  
inscripto, quod respondente rhythmo, nō minus ineptè, quàm ridiculè clauditur.

*Scandere sidereas virtus si nouit ad oras,  
Candidus astra tenet, in templo numen adorans:  
Pontifici summo, Regi, populoque, Duci que  
Hic Ligurum secreta dedit laudatus vbique:  
Miles eloquio clarus, Graysque Camœnis  
Instructus, Latium studijs ornauit amœnis.*

Mun-



*Mundanis fessus curis, & in æthere pulchro  
Elatus, gelido linquit sua membra sepulchro.*

*Latomi.*

*Quis iacet hic multa formosus mense December?*

*Ingenium æstiuæ fertilitatis habet.*

*Quid non talis ager hac tempestate tulisset,*

*Ingenia autumnio quando fouente calent?*

## Donatus Acciaiolus.



ONATVS Acciaiolus antiquæ stirpis Florentinus, quum exortis florentibus ingenijs de doctrinæ laude certaretur, in vtraque lingua generosè admodum sese exercuit, vt ex Moralibus Aristotelis luculenter apparet, quibus erudita & pereleganti commentatione magnum lumen attulisse iudicatur, explosis scilicet sophistarum interpretum ineptijs, quum Eustratij Græci placita secutus, certiore vtique vestigio niteretur. Vertit etiam in Latinum è Plutarcho clarorum aliquot vitas longè omnium elegantissimè: verum aliquanto nobilior euasit, quum Carolum cognomento Magnum, tanquam alterum Florentiæ patriæ conditorem Latino libro celebrasset. Sed vir consilio grauis, ac ob id obeundis Reipublice muneribus occupatus, neque satis ocij ad studia literarum furari, neque gratem, quod tenuissima valetudine vteretur, longissimè proferre potuit. Fato enim functus est Mediolori, quum legatus in Galliam vltiorem iter haberet: vt inde, implorata ope, ciuitatem Pontificijs armis vexatam, periculo liberaret. Nihil enim remisso odio, Xystus, post vindicatum Pactianæ coniurationis facinus, Laurentium Medicem, ex ea iniuria firmiore dominatu positum, vehementissimè persequebatur. Donati ossa, ad vetustum generis sepulchrum Florentiam relata: id Carthusiano in templo, hoc epigrammate inscripto legentibus indicatur.

*Politiani.*

*Donatus nomen, patria est Florentia, gens mi*

*Acciaiola domus, clarus eram eloquio.*

*Francorum ad Regem patriæ dum orator abirem,*

*In ducis anguigeri mœnibus occubui.*

*Sic vitam impendi patriæ, quæ me inde relatum*

*Inter maiorum nunc cineres sepelit.*

*Latomi.*

*Quam vitam impartis alijs, abs te accipis ipse,*

*Et fruëris meritis Acciaiole tuis.*

*Dignus, quem doctissimi pietate Nepotes*

*Exornent: atqui sufficis ipse tibi.*

*Nec patria ingrata est, pro qua vel Fata subiisti.*

*Quæ tibi dat tumulum, quantum habet imperium.*

## Fr. Philelphus.



**T**OLENTINATES in publica Decurionum domo Francisci Philelphi cuius effigiem, cum equestris ordinis baltheo laurea-  
tam peregrinis hospiti- bus ostendunt, adseruantque etiam regij  
diplomatis membranam, ad collatæ dignitatis argumentum.  
Is Græcarum literarum amore flagranter incensus, vt de Cabal-  
lino fonte potaret, Parnasum montem petiuit, in Athenarumque ruinis im-  
mortalium philosophorum vestigia pedibus calcauit. Porro inde Byzantium  
profectus, Emanuelis Chrysoloræ filiam vxorem duxit, quæ Græcæ elocutio-  
nis magistra, quotidiano vsu Atticorum accentuum, inepto, sed docili coniu-  
gis ori dulcedinem instillaret. Reuersum inde, & Græcè pariter, ac latinè pas-  
sim orantem, Italiæ principes admiranter exceperunt. Suscepto enim legatio-  
nis munere, Palæologi Imperatoris Constantinopoli, Turcarum infesta arma  
agrè



ægre sustinentis preces afferens, opem implorabat. Fauere ei ante alios Eugenius Pontifex, Rex Alfonsus, & qui singulare iustitig, & bellicæ virtutis coronâ eo seculo promeruit Franciscus Sfortia, ab eo heroico poemate celebratus. Ingenio enim in studiis æstuate, vario, ambitioso, quum neminem sibi exæquare literaria laude pateretur, plura quàm quisquam alius, in omni dicendi genere volumina publicauit, profitendoq; singulis in vrbibus eruditæ iuuentutis academias excitauit, nullam spem nobilioris gloriæ Latinis æmulis de Romana facundia: nullam denique de Græca, vel ipsis Græcis relicturus, nisi tantus eloquentiæ fluuius, vti nullis moderati iudicij ripis castigatus, nimis latè exundans, & mutato sæpe aluo, turbulentus & incertus, dum sese diducit, & abscedit in paludes, perspicui profluentis dignitatem amisisset. Inter Græca opera latinitate donata, Xenophontis Pædia Cyri, & ex Plutarcho aliquot heroum vitæ, & demum Hippocrates, non ita probantur à Græcis, quàm à Latinis perleguntur. Vixit ad exactam ætatem nonagenario proximus, perijtque Bononiæ adeo dissipatis rei domesticæ copijs, vt ad efferendum funus & cubiculi & coquinæ instrumenta venierint: & Marius filius egregiè doctus, paternæ potius virtutis, quàm multæ substantiæ hæres relinqueretur. Sed in familia eruditæ victoriæ trophæum permanfit, nobili exceptum risu, quum Timotheo Græculo, de vi syllabæ contendenti, victoque, barbam ex pactiōe inexorabili superbia derauisset, vti lepide Myrteus his carminibus expressit.

## Myrtei.

Nunquid sat tibi non fuit Philelphe,  
Linguae gloria nobilis Latinae?  
Ni Græcas quoque peruagatus vrbes,  
Dignus coniuge, nuptijsque Græcis  
Ferres Timothei nouum triumphum?  
Cui, dum vna semper ille dictione  
Tecum pignore certat, atque barbam  
Abradi sibi ferre pollicetur,  
Victus: aut positam pecuniam abs te  
Victor auferat. Abnegasti eadem  
Barbam posse pecunia obtinere  
Victor: atque nouacula expedita  
Barbam illius habere maluisti:  
Iam nunc non Itale Philelphe, sed sis  
Græcæ gloria nobilis palestræ.

## Latomi.

Lis super accentus Græciratione, Philelpum  
Thimotheumque inter (Græculus ille fuit)  
Orta est: dissidium placet hoc sopire periclo,  
Græculus es, barbam victor vt ille ferat.  
Dij bene, Romanus superauit: & ille coactus  
E pacti barbam tradere lege fuit.  
Exultas spolio, Græcæque vxore superbis:  
Non est ingenio laus minor ista tuo.

## Nicolaus Perottus.



SENTINVM Vmbriæ oppidum, cui hodie Saxoferrato nomen est, Bartholo iureconsulto nobile, secundam à Nicolao Perotto claritatem accepit. Huic, quum deessent opes, corporis vires mācipali frugalitate, atque duritia constitutæ, perpetuis lucubrationum vigilijs minimè defuerunt. Iuuenis in ludo pueros honestos docuit tanto cursu, vt mox Latinæ linguæ rudimenta, vtili compendio ad normam digesta, ob idque facile pueris perdiscenda publicarit. Exinde Romę Græcas literas pertinaci studio consecutus, fretusque Bessarione generoso Mecœnate, adeo exactè, feliciterque profecit, vt ab eo Polybius grauiſſimus historiæ scriptor, latinitati donaretur. Non defuere tamen ex æmulis, qui eius auctoris translationem antiquissimam fuisse, furtoque surreptam existimarent, quod Thucydidem, Diodorum, Plutarchum & Appianum, clarissimo ingeniorum certamine conuersos, vnus Polybius egregia fide Latinus, æquali,



bili, & prædulci Romani sermonis puritate prorsus antecedit. Composuit quoque volumen commentarij nomine in Martialem, Cornucopiæ, vsurpato veteri Græco lemmate nuncupatum, perutile quidem, ac ob id fortasse sempiternum: sed austero pudore suppressit editionem, quod humili, & parum pudico opere quæsitæ laus dignitati minimè responderet. partis enim opibus, Archiepiscopatum Sipontinum adsecutus, seipso maior, Perusiam Umbriamque regebat. Excessit è vita senex apud Sentinum, in villa viridarij & fontibus peramœna, quam à pingui ocio Fugicuram appellauit.

## Myrtei.

*In villa Fugicura obit Perottus.  
O villam nimis, & nimis beatam,  
Quæ viuientis heri leuare curas  
Posset, nunc cineres tenet sepulti:  
O Villam domino beatiorẽ,  
Cui curas moriens reliquit omnes.*

## Latomì.

*Cornu nobile copię Perotti  
Non quale Oleniæ puer Capellæ  
Sanxit Iuppiter, intulit Cælo:  
At quale Herculeæ manu reuulsum,  
Ætoli flumij perenne vulnus,  
Thymo & baccare Naiades replerunt:  
At doctum, variumque, multiplexque,  
Et cunctis opibus, cupedysque,  
Quas Musæ Oenotrides amant, refertum.  
Hic est ille liber, ille Martialis  
Interpres, Latine illa lingua lingue  
Cornu nobile copię Perotti.*

## Platina.



**S**ACRATI præsertim ordinis, bonique mortales plurimum Platinæ manibus debent, quando eius ingenuo labore, ad exoptatam obscuri seculi, nec ideo perituram lucem, Pontificij principatus actionum incorrupta veritas nunciatur: quæ procul eloquentiæ illecebris, vti pura & incompta fidem prætert, & cæteris elaboratis operibus auget dignitatem. Neque enim vel dialogi de Vero bono, veraque nobilitate, & de Optimo ciue grauitè conscripti: vel honestæ voluptatis documenta scite tradita diu superessent, nisi viuacis historiæ lateribus adfixa, felici societate succederent, & communi (quanquam impari) perennis vitæ spiritu fruerentur. Is planè egens, & obscurus, vnoque tantum ingenio nobilis, Cremona Calixto Pontifice in urbem venit. Cognitum Pius atque Beslarion, erudito iudicio sacerdotijs minoribus exornarunt. Paulus ve-



Ius verò Pontifex periniquè maligneque delatum immaniter toruit: Xystus demum conditus ab se in Vaticano bibliothecæ præfecit, quum eo munere longè dignissimus haberetur. In ea nobili custodia iam senex fato functus est, Quirinalem domum cum Laureto ad coronandos poetas Pomponio relinquens. Funus in Exquilias ad Mariæ maioris templum usque perductum est, flebili carmine celebrantibus poetis: sepulchro autem, quod à læua ad tertiam columnam conspicitur, hoc epitaphium ab alumno Demetrio inscribi iussit, quum & hæc quoque carmina amici lugentes affixissent:

*Quisquis es (si pius) Platinam  
Et suos ne vexes, angustè  
Iacent, & soli volunt esse.*

*Actij Synceri.*

*Ingenia, & mores, vitasque obitusque notasse  
Pontificum arguta lex fuit historiæ.  
Tutamen hinc lautæ tractas pulmenta culinae,  
Hoc, Platina, est ipsos pascere Pontifices.*

*Prosperi Spiritei.*

*Qui res Pontificum sacras, & gesta piorum,  
Quique ducum vitas nobile fecit opus:  
Quisq. modum docuit, quo laudet honesta voluptas,  
Et quo ne iuuenes torqueat acer amor:  
Pluraq., quæ longum est, properans censere, Viator,  
Omnia fidere & pignora mentiserant.  
Vixit adhuc Platina: et quâquam concesserit Orco:  
Nil tamen in vatem Parca seuera potest.*

*Latomi.*

*Dum res Pontificum strueret, propè fractus ab alto  
Collapsus est fastigio.  
Romulus auspicio est, quia sacra conditor Urbis  
Nec non Remus periculo.*

## Iacobus Cardinalis Papien.



VIT hic vir inter sacri ordinis Senatores, pari virtutis atque Fortunæ munere lectissimus. Erat enim cum optimarum literarum studio, & vigilantis ingenij fertilitate, tum animi iudicio, styloque, & perspicuis moribus Pio secundo persimilis: à quo adoptatus in familiæ nomen, & ad purpuræ decus euectus est. Extant commentarij grauiissimarum actionum, atque epistolæ: quibus senatoriæ prudentiæ potius, & Christianæ seueritatis nomen, quàm perfectæ orationis laudem petisse videri potest: quod in cursu honorum maximis obeundis muneribus occupatus, splendidum illud antea conceptum illustre eloquentiæ lumen, festinato & penè præcipiti, vti necessitas ferebat, scribendi genere vehementer infuscarit. Verum ea rudis adhuc seculi ingenia facile summa, ac

admiranda censebantur, quæ hodie tanquam expergefactis cenforibus, vix in infimis literarij theatri gradibus sedem inueniunt. Sed fortasse populari commendatione contentus, eam absolute scribendi gloriam, vti leuem, & à doctissimis tantum, ideoque paucissimis intellectam, spreuit, vt ingenio ad sacrarum literarum studia reuocato, illam quam dii superi dederant personæ dignitatem religiosè tueretur. His enim moribus sibi iter sternebat ad ipsum rerum fastigium, sed illudente Fortuna in summo ferè deceptus hæsit, quum Facta potiore ei viam ad cælum permunirent. Perijt enim non adhuc senex in secessu ad cryptas Laurentianas Vulsiniensis lacus, à circumforaneo medico miserabiliter enecatus, quum vir in omni negotio, præterquam in tuendæ sanitatis ratione prudentissimus, vt quartanæ febris tædium discuteret, immite verarum stulta propinatum manu, fato coactus ebibisset. Scripserat antea ingenuæ piæque liberalitatis testamentum, sed id Xystus Pontifex irritum fecit, quod pecunia satis grandis apud mensarios occultè deposita, tanquam frugis atque opes contemnentiis censu, amplior æstimatione publica videretur. Epigramma tamen ex eodem testamento in fiscum non venit, hæredibus vtique relictum, vt hoc modo marmoreæ sepulchri tabulæ inscriberetur.

*Luca ortu, Sena lege fuit mihi patria, nomen  
Dum vixi Iacobus, mens bona pro genere:  
Papa Pius sedem Papiensem detulit, idem  
Cardineo ornauit munere, gente, domo:  
Quem colui viuens, non linquo mortuus: hic sum,  
Et propè sancta patris filius ossa cubo.  
Viuite qui legitis, cælestia quærite, nostra hæc  
In cineres tandem gloria tota redit.*

#### Latomi.

*Hic ille cardo, & alpha litterariæ  
Gloriæ, Iacobus Papiensis accubat  
Pio parenti, homuncioni Syluio.  
Vterque quorum literis euectus est,  
Ille ad tiaræ triplicis fastigium,  
Hic ad rubentis purpuræ: in qua substitit  
Patri hoc libenter deferens, honoribus  
Vt præstet ipsi, cæteris ac dotibus:  
Pio parenti filius gratissimus.*

D O M I



## Domitius Calderinus.



**C**ALDERIA Veronensis agri oppidum, calidis aquis nobile, Domitium protulit. Eum acri flagrantiq; ingenio ad gloriam anhelantem, Bessarion Cardinalis excepit, & extulit. Exinde, quum Romæ profiteretur, & obscura senſa duriorum poetarū admirabili recondite lectionis testimonio dilucidasset, literarij splendoris assertor, ac omnis obscuritatis illustrator acclamatus est. Verum editis interpretationum commentarijs, peracerbas, sed iuuentuti maxime vtilis cum æmulis similitates exercuit. Ambitioso quidem, & nimis aculeato dicendi genere ex aliena inscitia (dum intemperanter perstringit, atque remordet) nomen quærens, eo modo, ætate, laudeque florentem, sed imbecilli stomachi temperaturam nimis lucubrationibus exterentem : quum digna multis seculis opera conciperet, rapida febris eripuit. Celebrante funus Academia, nobi-

lis iuuentus cum lachrymis vestem mutauit, mortem verò vel æmuli, & principum affectantis, Politianus his carminibus profecutus est.

*Hunc Domiti siccis tumulum qui transit ocellis,  
Vel Phœbi ignarus, vel male gratus homo est.  
Intulit hic vatum cæcis pia lumina chartis,  
Obstrusum ad Musas hic patefecit iter.  
Hunc Verona tulit, docti patria illa Catulli:  
Huic latum, atque vnam Roma dedit iuueni,  
Eiusdem Scazon.*

*Asta, Viator, puluerem vides sacrum,  
Quem verticosi turbat vnda Benaci,  
Hoc mutat ipsum saepe Musa Libethron,  
Fontemque Sisyphi, ac vireta Permessi;  
Quippe hoc Domitius vagit solo primum,  
Ille, ille doctus, ille quem probe nosti  
Dictata dantem Romule iuuentuti,  
Mira eruentem sensa de penu vatum.  
Abi, Viator, sat oculis tuis debes.*

*Latomi.*

*Hæus tu, Viator, si vacat: sed accede  
Sic, ut neque anima, neque strepitu molestus sis:  
Nanque æger est qui hic dormit, & caput languet,  
Adbuc misello tinniens, ob illas quas  
Conuitorum prope muliebrium pugnas  
Pro litteris plusquam viriliter gessit:  
Humanitatis haud ferentibus Musis  
Decus, tam ineptè turpiterque proscindi.  
Factum vnde credo, quòd, bene meritum quamuis,  
Etiamque dum virum, annuere sustolli.  
Tu Calderinum Domitium, satis si vis,  
Salueto notum: & rem tuam ito curatum.*

*A N T O-*



## Antonius Campanus.



**Q**UIS in præpinguis simiæ rictu tantam excelsi, atque habilis ingenij indolem? Quis in fordida stirpe tantam Fortunam non miretur? Antonium enim Campanum rustica mulier in agro fessa opere sub lauro peperit & aluit, puerum argute loquacem edituo sacerdoti in famulatum, & disciplinam tradidit. Ita feliciter perceptis literarum rudimentis, Neapoli mox pædagogus erudiendo nobili puero mercede quæsitus est. Tantos autem in studijs Latinis quinquennio processus fecit, ut inde Perusiam transierit, scilicet ut in præclara frequentis gymnasij luce, profitendo illustri famæ limen aperiret. nec multo post a Perusinis ciuitate donatus, Pij secundi pontificis gratiam studiorum similitudine promeruit, à quo virtutis honore Interamnatium præful est creatus, & à Paulo successore locupletatus. sed postremo eum Xystus immodicè Tiphernatiū

tyrannis fauentem, quum multis vrbibus integra nominis auctoritate præfuit, in exilium egit. Fato functus est apud Senas à Pij memoria sibi gratissimas, inuidente non planè seni longiorem vitam comitali morbo. Inter multa orationum, & multiplicis styli opera quæ extant, auidissimè Bracij inclyti ducis vita perlegitur, digna posteritate, nisi rerum gestarum fidem adulatione poetica corrupisset.

## Platinæ.

*Campanus iacet hic humili contectus in vrna,  
Qui vaga, dum vixit, sidera transiit.  
Historicus scripsit: dixit cecinitque, nec alter  
Philosophus toto clarior in Latio.  
Nil maius natura tulit: miracula cæli  
Huius in ingenio cuncta stetere viri.  
Deserto lugent Parnasi fonte sorores,  
Et tumulus refugas lucis hic vnus habet.  
Vos quibus ingenium, en quò contendimus omnes:  
Virtutis sola est gloria, quæ superest.*

## Politiani.

*Ille ego laurigeros, cui cinxit, & insula crines  
Campanus, Romæ delitium, hic iaceo.  
Mi ioca dictarunt Charites, nigro sale Momus:  
Mercurius niueo tinxit, utroque Venus,  
Mi ioca, mirisus, placuit mihi vterq; Cupido,  
Si me fles, procul hinc quæso, Viator, abi.*

## Latomi.

*Campani ad tumulum sedet, & facundia muta est:  
Quo cum nempe viro tota propè interijt.  
Aut si quid loquitur, triste est, & flebile, linguam  
Contenta in cladeis expedijsse suas.*

E M A.



## Emanuel Chrysoloras.



**E**MANVELIS Chrysolorę qui primus Gręcas literas varijs Barbarorum irruptionibus expulſas, poſt ſeptingentos annos in Italiam reportauit, tanta fuit in docendo liberalis ingenij humanitas, vt eius pręclara facies, prima inter Gręcorum imagines illuſtri merito collocanda videatur: quanquam nulla extent, pręter artis grammaticę regulas, grauioris doctrinę monumenta. In docendo enim nunquam ſeſſus, facilę in ſcribendo deſidioſus videri poterat, quum altera pars laudis exoptata noſtris vtili profeſſione peteretur. Is Byzantio emiſſus à Ioanne Imperatore, vt totius Europę reges ad eundem, pereuntis Gręcię maturam opem imploraret, officium quidem laborioſa peregrinatione ita impleuit, vt in Italia ſubiſſet, Gręcia ſcilicet pręſenti metu liberata: cum Ta-

merlanes terror Orientis, Baiazetem Othomannum à terribili celeritate fulguris cognomen adeptum, ad Stellam montem viuum cepisset. Itaque Chrysoloras diro Græciæ hoste sublato lætus, Venetijs primum, & mox Florentiæ, Romæque, ac demum Ticini euocante ingentibus præmijs Iōanne Galeacio principe, Græcarum literarū studium excitauit, tanta felicitate, vt ex eius schola, summæ nec ideo interituræ laudis ingenia prodierint: in quæ fuere Leonardus Aretinus, Franciscus Barbarus, Philelphus, Guarinus, & Poggius. Postremo, quum ad tollendam pseudopontificum controuersiam, indicta synodus tanti spectaculi cupidum exciuisset, exauctorato Balthafare Cossa, Constantiæ interijt: cuius tumulum Poggius his carminibus exornauit.

*Hic est Emanuel situs,  
Sermonis decus Attici:  
Qui, dum quærere opem patriæ  
Affecta studeret, huc yt.  
Res bellè cecidit tuis  
Votis Italia, hic tibi  
Lingua restituit decus  
Atticæ, ante recondita.  
Res bellè cecidit tuis  
Votis Emanuel, solo  
Consecutus in Italo  
Æternum decus es, tibi  
Quale Græcia non dedit,  
Bello perdita Græcia.*

Latomi.

*Illestres inter doctriinæ laude Latinos,  
Quem primum Argiuos conspicias ante suos:  
Ille est Emanuel, peritura ex Hellade mæstas  
Qui primus Musas transtulit in Latium.  
Quam sedem vt melius ferrent, et iam quoq; amarent,  
Miscuit hic strictis pallia lata togis.  
Vt qui sit vestem modò non indutus vtranque,  
Sit dignus neutro protinus ille choro.*



## Bessarion.



**I**N celeberrimo gentium omnium Concilio, quo Florentiæ discipulantibus Græcis & Latinis, præsidenteque Eugenio, Christiani dogmatis fides publici consensus autoritate firmata est, Bessarionis Niceni mirifica virtus Senatorij ordinis ornamento promeruit. Darum est enim honori totius Græciæ ab antiqua pertinacia discedenti, ut duo eius nominis, Isidorus scilicet atque Bessarion in sacra purpura conspicerentur. sed in Bessarione virtutes omnes usque adeo præcellenti temperamento, concentuque ad admirationem responderunt, ut nemo eo Christiana probitate spectatior, nemo admirabilior doctrina, & nemo denique generosis moribus ornator atque splendidior, hoc ipso à morte eius sexaginta annorum curriculo in Senatu conspectus sit. Senatoriâ enim gravitatē,

ore probo atque blandissimo condiebat: ac ipsam viri optimi famam, domi- & foris, nitida ac hospitali disciplina, & liberalis animi beneficentia tuebatur: quum subctæ Turcarum armis, & ideo concidentis Græciæ ingenia, diu iactata mari & terris, apud eum certissimum salutis portum inuenirent, & qui in Academia nomen darent, eodem patrono atque hospite vterentur. Habitabat sub Quirinali ad sanctos Apostolos, deducebatur autem manè in Vaticanum non ex culto quidem & numerofo, sed vno virtutis nomine maximè decoro comitatu: quandoquidem præclara Græcæ Latinæque linguæ lumina, peregrinorum requisita oculis, circa eum in triuijs ciuium digito monstrarentur. In his enim sæpe conspecti sunt Trapezuntius, Gaza, Argyropylus, Plethon, Philolphus, Blondus, Leonardus, Pogius, Valla, Sipontinus, Campanus, Platina, Domitius, nullo æuo perituri. quibus viri domi stipatus, vsque adeo extra inuidiam gloriosa sui fama fruebatur, vt Eugenius, Nicolaus & Pius eum sibi successorem, si fas esset, adoptare percuperent: neque optimè de Republica merito, Senatorum studia decrant. sed Paulo morte sublato, in comitijs fatalis casus tantæ spei Fortunam auertit. Ferunt enim tres summæ autoritatis Cardinales, quum eo decreto, vt eum pontificè salutarent, abditum in cella conclauis adissent, nec admitterentur à Nicolao Perotto ianitore, quod tum vir ineptus lucubrantiparcendum diceret, vsque adeo stomachatos, vt sese indignanter auertentes, responderēt. Ergo nec prensanti, nec roganti quidem, summa dignitas erit inculcanda, vt quum è cælo suffragia expectet, superbis demum ac stolidis ianitoribus pareamus: statimq; suffragia Xysto detulisse, quo repentè renunciato, adoratoque, Bessarion dixisse fertur: Hæc tua, Nicolae, intempestiua sedulitas, & tiaram mihi, & tibi galerum eripuit. Nec multo post cum honore legationis in Galliam est ablegatus, quod Xystus noua licentia Pontificatum nomine principatus gerendum ratus, liberè, & grauitè, religioseque sententias dicentis vultum non perferret. Sed Bessarion, dum è Gallia rediens concepto morbo Rauennæ substitisset, septuagesimuo septimo ætatis anno moritur. Funus autem Romæ celebratum in templo Apostolorum, vbi marmoreum tumulum, viuens sibi cum hac Græca inscriptione extruxerat. hanc sic vertit Maioranus Salentinus.

*Bessarion feci hunc tumulum, qui conderet ossa  
Venerat vnde olim spiritus astra petet.*

**Maiorani.**

*Viuens adhuc feci hoc sepulchrum corpori  
Bessarion, ad Deum remittens spiritum.  
Me docta genuit Græcia, at honores dedit  
Vrbs Roma, quæ mihi perpetuò est patria.*

*Iani*



Iani Vitalis.

Non tibi sit laudi sanctum celebrasse Platonem,  
Castaque Socraticæ frena pudicitiae:  
Non quod virtutum exemplum, quod lumen honoris,  
Quod Sol extinctæ religionis eras:  
Verum quod per te migravit Græcia Romam:  
Et didicit Latios Attica Musa sonos.  
Per te hinc Romanas miratur Tybris Athenas  
Argolicam & Romam Græcia Bessarion.

Latomi.

Damna quis amisse si nesciat Helladis, vno  
Maxima metiri Bessarione potest.  
Qui si Romanas esset moderatus habenas,  
Sortitus nostrum post sua fata Pium,  
Secula vidissent summum par illa virorum,  
Quale nec vlla prius hora vel ora tulit.

## Georgius Trapezuntius.



**G**EORGIVS Trapezuntius in Creta natus, quod paternam originem ē Pontica celebri vrbe duceret, vetustæ patriæ nomen a-  
 sciscere, quam natale solum fateri maluit. Is Græcorum ferè pri-  
 mus Romæ eo tum seculo renascentibus literis, qui Græca feli-  
 ciorē stylo in Latinum verterit existimatus est, vti liquidissimè  
 constat ex Aristotelis, sacrisque Eusebij Cæsariensis operibus, & ex rhetoricis  
 præceptis Hermogenis. Erat enim ingenio ad lucubrandum maximè valido,  
 vehemētiq; sed vti mox apparuit, tetrici liuoris pleno. nam quū se Peripate-  
 ticum profiteretur, vnumq; Aristotelē extollendo celebraret, vsq; adeo super-  
 ba aure fuit, vt nec diuini quidem Platonis ingeniū laudari pateretur: cuius etiā  
 dogmata & mores peracerbè ac insolenter edito famoso volumine laceraret.  
 Sed Bessarione, generosa eruditione, illustriq; facundia Platonem defen-  
 dente,



dente, Georgius vim tanti fluminis sustinere non potuit, quum publica inuidia deflagraret, quod summæ authoritatis philosophum, magistrumque sanctioris vitæ, ac ideo Christianæ disciplinæ proximū, impio ac incesto ore proscidisset. Habitauit iuxta Mineruam, honesta domo sibi & posteris extructa, ad diui Mauri minores obeliscos, ducta vxore, susceptoq; filio, sed non eadem felicitate in literis educato. Is enim nomine Andreas, paternas lites excipiens, Theodoro Gazæ, tanquam Georgij patris laudi decus malignè subtrahenti, rescripserat, sed Theodorus eam recriminandi libidinem, rabiemque facile contempsit. Porro Georgius ad exactam senectutem peruenisse fertur: ita ut repualcenti, & propemodum deliro, memoria tantarum rerum elaberetur, & circuiret Urbem solus obtrito in pallio pileatus, & nodoso scipione vacillantis gradum sustinente. Andree filia hæres Fausto Madalenæ Romano, poetæ lepido collocata est. Hic multa de Georgij profoceri doctrina, & litium acerbitate narrare solebat, cum Leoni ab amœnitate ingenij gratissimus in Academia floreret, sed is antè diem clade Urbis interiit.

## Incerti.

*Hac vrna Trapezuntij quiescunt  
Georgij ossa, parum Deis amici,  
Quòd acri, & nimium procaci lingua  
Platonem superis parem petiuit.*

## Latomi.

*Quum nomen tumulus meum loquatur,  
Qui sim, vel fuerim, vel hìc sepultus  
Dormiam, an vigilem, rogare noli,  
Et turbare meam, precor, quietem.  
Nam cur ingenij tot illa nostri,  
Tibi, inquam, monumenta publicaui,  
Quam nunc ne fieres mihi molestus,  
Atque, me melius, mea inde nosces?  
Nam vita incolumi, valens, vidensque,  
Amisi omne penum mei cerebri,  
Insectando malum Platona, sed tu  
In crucem, qui iterum facis, Platoni  
Vt miser malè vapulem, ito, abito.*

## Theodorus Gaza.



**T**HEODORVS Gaza Theſſalonice honeſto loco natus, Amurathe Græciam omnem victricibus armis quatiente in Italiam venit, acumine, fertilitateque ingenij nemini ſecundus, quum Græcos omnes linguæ peritia, eruditoque iudicio ſuperaret.

Victorino autem Feltrenſe magiſtro vluſ, vſque adeo copioſe & diligenter Latinas literas didicit, vt longè omnium Latiniffimè ſcriberet, ne planè dignoſci poſſet, an exactius, & certius ab eo Latina Græcè, an ipſa Græca Latine verterentur. Hiſtorias enim Ariſtotelis de Animalibus, & Theophraſti de Plantis, ita Latinas fecit, vt Romane linguæ facultatem, quum noua vocabula ſolertè effingeret, audaci, ſed generoſa translatione locupletarēt. Tanta porro felicitate librum Marci Tullij de Senectute Græcum reddiderit, vt peritiſſimi præter adequatos ſenſus, ipſam quoque Ciceronis eloquentię

Maie-



Maieſtatem, ſcitè, & grauiter repræſentatam admirentur. Tranſtulit etiam Problemata Ariſtotelis, & Hippocratis Aphoriſmos, vt præſtantiffimis authoribus ac perſpicuam fidem, nec obſcurè ad ſalutem humani generis ſua dignitas redderetur. His vigilijs ſacerdotium in Magna Græcia commendante Beſſarione promeruit, quod certè ſatis eſſet moderato, frugique homini, & aduerſus omnis luxuriæ voluptates inuiſto, niſi neglecta ratione totius redditus rapacibus Græculis & Brutijs rei familiaris curam demandaffet. Nouiſſimè quum nobiliſſimas lucubrationes in membranis accuratè perſcriptas, Xyſto Pontifici detuliſſet, nec pecunia, vel ipſius librarij præmio digna redderetur, indignatus ſubagrefte iudicium, Effugere hinc lubet, inquit, poſtquam optimæ ſegetes in olfactu præpinguibus aſinis fordeſcunt, atque ita in Brutios ad ſacerdotij ſacram ſedem contendit. Nec multo poſt planè ſenex fato functus eſt, nec iniqua quidem ſorte, quum in Græcia natus, & educatus in Italia, tanquam de vtraque lingua bene meritus in Magna Græcia tumularetur.

## Pontani.

*Sume lyram, dic Muſa modos, dum cōdimus vmbra:*

*Et puer & coluit numina veſtra ſenex.*

*Indignus tellure, Deos Theodore petiſti,*

*Sera quidem, tamen eſt longa parata quies:*

*Virtute, ingenijque bonis hoc ipſe paraſti,*

*Vt cœli aſpiceres aurea teſta ſenex.*

*Nos artus terra tegimus, tu caſte ſacerdos*

*Dare quiem, æternum iam Theodore vale.*

Michaelis Marulli.

*Hic Gazes iacet, & Gazæ Sophia addita mater:*

*Alterutrum quoniam mors rapere haud potuit.*

## Politiani.

*Heu ſacrum caput occubuit Theodorus, et hora*

*Vna obiere omnes reliquæ generis.*

*Nec tamen hoc querimur, nimis eſt potuiſſe videri,*

*Non erat hic noſtro tempore dignus honos.*

*Hoc dolet heu, quòd neutra patri eſt nunc lingua ſuperſtes,*

*Quæ mittat iuſtas Manibus inferias.*

## Eiuſdem.

*Cum terram hinc noſſet Theodorus, et aera, et vndas:*

*Iam reſtant, inquit, ſidera: terra, vale.*

## Pierij Valeriani.

*Roma olim abſtulerat Graiæ decus omne Minervæ,*

*Sive opus ingenio, ſive opus arte foret.*

*Gaza autem, Arginæ clariſſima gloria gentis,*

*Reddiderat patriæ nunc ſpolia illa ſua.*

*Dumque pari Auſoniæ conatu conſulit, & dum*

*Muſarum & Lingue dux vtriuſque viget,*

*Sublatus fato traxit ſecum omnia, & vno hoc*

*Spes Italiùm, & Graiùm, fama cadente, cadunt.*

## ELOGIA

Latomì.

*Ille Deum munus (ferthus, & liba Sacerdos)  
Atque adeo hinc lingua Gaza vtriusque, iacet.  
Gracia quem genuit, suscepit Roma: sepultum  
Communi titulo Gracia magna fouet.*

## Argyropylus.



**I**OANNES Argyropylus Byzantius eodem Turcarum impetu Græcia eiectus, apud Cosmum Medicem gloriosa liberalitater literis fauentem in honore fuit, tanta nominis existimatione, ut Petro filio, nepotique Laurentio præceptor datus, loco parentis haberetur, publicæ verò Florentinæ iuuentuti Græcos authores enarraret. Grati idcirco animi erga Medicæ gentis proceres vigilarum præclara extant monumenta, consecrata in ea domo altrice veræ virtutis. Aristotelis enim Naturalia atque Moralia generosè transtulit: ita applaudente Gaza




te Gaza vetere sodali: qui diuerſas Ariſtotelis partes vertendo deſumpſerat, vt quædam ab ſe pariter translata combureret, ne amiſſiſſimi hominis creſcenti famæ officerent, ſi ad æmulationem odioſa comparatione certaretur. Latina enim vbertate facundior, & Græcorum moſtiſſimus hoc facile dabat elate ambitioſo, & amplioris Fortunæ percupido, quod ipſe omnis ſemper lucri, & præſentis tanquam euanidæ laudis contemptor extitiſſet. Argyropyli autem ſermones, cum faſtidioſi, tum graues eruditæ auribus eſſent, & tum maxime, quū Ciceronem Græcas ignoralle literas illoro ore prædicaret. Peſtilentia demum Etruriam euafante, Romam venit, proſitendoque Græcè Ariſtotelem, ita optimis ſtipendijs vitam traduxit, vt tota ſubſtantia quotidianis ſumptibus æquaretur, & in extremo vitæ actu iocatus, ditiores amicos, æris alieni, condito teſtamento hæredes relinqueret. Vini & cibi æquè auidus & capax, & multo abdomine ventricofus, immodico melopeponum eſu, autumnalem accerſiuit febrem, atque ita ſeptuageſimo ætatis anno ereptus eſt. Ioannes autem Laſcares eundem ciuem & magiſtrum hoc Græco carmine laudauit, quod Maioranus Laſcaris diſcipulus ſic vertit.

*Hoc Argyropylus, patria procul alta ſophie  
Dogmata qui coluit, conditur in tumulo.  
Dat patria huic nomē, ſacrum dat Roma ſepulchrum,  
Nescio quæ potior huic fuerit patria:  
Illa genus, nomenque dedit, verū in chlyta Roma  
Nutriuit, coluit, perpetuoque tenet.*

*Latomi,*

*Hac Argyropyli teguntur vrna  
Ambuſti cineres, & oſſa tantum,  
In qua nec cineres, nec oſſa tandem  
Ætas inueniet: ſed ampla nunquam  
Fama deſtituet locum ſepulchri:  
Quæ per docta hominum volabit ora,  
Totumque afficiet ſtupore mundum,  
Donec Græcia Turcicos triumphos  
Indigno ſtomacho feret coquetque.*

## Marullus Tarchaniota.



**M**ARULLVS Tarchaniota Græcus, inter alarios equites descriptus, Nicolao Ralla Spartano duce in Italia militauit: ita labore ac studio duræ Martis cum tenerrimis Musis per intervalla feliciter adæquato, ut non Græco tantum, sed Latino carmine admirandus euaderet. Nam Theodori ac Argyropyli decora vestigia lusecutus, nihil iam Græcè doctum esse satis ad laudem putabat, nisi tota patris sermonis facultas Romanæ facundiæ iungeretur: propterea Florentiæ Alexandram eruditi ingenij puellam uxorem duxit, Bartholomæi Scalæ vexilliferatus honore conspicui filiam. Hic est qui paulo antè Græcorum nomini fauens, cum Politiano eius gentis ingenij infesto, maledicentissimis epistolis lites extenderat. Verum Marullus inquieto ingenio nullibi sedem stabilem natûs, in cursu studiorum ac itinerum semper fuit; transferendique munus tanta

con ten-



# DOCTORVM VIRORVM

53

contentione, fama; ab alijs susceptum semper contempsit, quasi minimè par, aut certè nobilis gloria periculoso opere peteretur, grauiora idcirco meditationem post editos Epigrammatum libellos, quibus Apollo pereleganter arriserat, in Volaterrano Cecina amnis solito inflator, fallente equum cæco vado, violenter abripuit, eo die quo Ludouicus Sfortia captus, vt ferrato in carcere miser expiraret, in vltiorem Galliam est perductus. Luxere eum pari mœstia Græci Latinique.

## Pontani.

*Hoc vacuum tibi Pierides statuere sepulchrum  
Et Graia, & Latia clare Marulle lyra.  
Ipse etenim Aonia in sylua, atque Heliconis in antris  
Lætus agens, illic ocia grata teris.  
Illic formosæ ludunt ad plectra puellæ,  
Et tæcum ad choreas carmina læta canunt.  
Et tibi responsant syluæ, Peneiaque antra,  
Plaudit & Ogygio roscida ripa lacu.  
Nil præter nomen tumulo, per opacæ vagaris  
Culta per Elysium docte Marulle nemus:  
Hinc tibi se ad cantum adiungit formosa Corinna,  
Cantat & ad calamos Delia culta tuos;  
Illic compositos exercet Cynthia saltus,  
Exercet raros Lesbia blanda choros.  
Nec Parca eripuit, Musæ rapuere Marullum,  
Arnidi ne fieret grata rapina Dea.  
Sis felix igitur Musis comes, & tua Musæ  
Ambrosio foueant membra adamata sinu.*

## Andræ Dactij.

*Ingenio Phæbo, belli par munere Marti,  
Graia domus Cecina busta Marullus habet.*

## Eiusdem.

*Euasit toties hostilia tela Marullus,  
Vt Cecinæ tumidis obrueretur aquis.*

## Pierij Valeriani.

*Cur adeò fluctus contra conaris? in vndis  
Oppetisse horres cur Helicone satus?  
Igneus vt gelido vigor extingatur in amne  
Fortè times? atqui, sæpe fit ignis, aqua.  
Non hoc, inquis, habet male me: quòd miles & acer  
Sim, doleo: sub aquis militem obire pudet.*

## E L O G I A

*Ab, ne indigneris, miles licet impiger, & ra*  
*Hac peruulgata fortibus ire via.*  
*Hac pius Aeneas, & bello magnus & armis,*  
*Hac Romæ fertur Romulus isse pater,*  
*Sfortia summus honos belli, inuictusq; Robertus,*  
*Hac quâ tu ad superos transfiliere polos.*  
*Debentur cælo fortes, cælo ignis & aer,*  
*Vndaque supposita est: infima terra tenet,*  
*Scendenti à terra ad cælum stat limes in vndis,*  
*Primus, age hac cælum scande Marulle via.*

## Tibaldei.

*Hic situs est celebris cithara gladioq; Marullus,*  
*Qui Thusco (heu facinus) liquit in amne animam,*  
*Neptune immitis: meruit si mergier ille,*  
*Mergier Aonio flumine debuerat.*

## Latomî.

*Est aliquid lenisse feras, fluuiosq; stetitisse,*  
*Inque opus arguta saxa animasse lyra.*  
*Plus est imbelleis traxisse in castra Camænas,*  
*Ille sit Amphion: iste Marullus erit.*

D E M E





qui cum neminem è Latinis sibi parem pateretur, Græcis ipsis eruditior existimari volebat. Diuisit idcirco munera Laurentius, vt æmulationis lites dirimeret: & filij præceptorum contentione ad discendum accenderentur. Sed eo principe virtutis eximie morte sublato, Demetrius Mediolanum à Ludouico Sfortia accitus est, abducta secum vxore Florentia, è qua iam liberos susceperat. Nec multo post profitendo perscriptoque vtili volumine, rudimenta Grammaticæ publicauit, quod Theodori, quanquam insignis liber de arte eadem, vti prouectis & doctis scriptus, durior videretur. Vxor virili industria familiam regebat, ipso sene & literarum studijs occupato: sed ea libertas in mirè fecunda vxore dubiam pudicitie famam fecit: quanquam tres filij ipsam veri patris effigiem ore Græco penitus referrent. Theophilus natu maximus iuuenis turbulentus, cum Ticini Homerum profiteretur, nocturno, & petulanti certamine confossus interiit: & Basilius mira ingenij indole, euocante Leone, vt in gymnasio Romano iuuentutem doceret, paucis mensibus ex lenta febre contabuit. Seleucus verò natu minimus ad pubertatem non accessit. Cæterum Demetrius octogenario maior, non planè miser, quòd nihil de obitu Theophili occultante matre didicisset, Mediolani fato functus est, paulo antè quàm Galli Iulij pontificis & Venetorum armis Italia pellerentur.

## Incerti.

*Viuens coronamobilis iuuentutis  
Circundabaris vnde quaque Demetri,  
Dum ostenderes iter per Atticos campos.  
Certè beatus, si obtigisset morienti  
Doctam videre tibi superstitem prolem:  
Oculumque claudi languidum à tuis natis,  
Aut hoc sepulchrum lachryma illorum spargi.*

Michaelis Marulli.

*Dum ver Hymettium diu.  
Ne quicquam apes quærit vaga,  
In os sacrum Chalcondyli,  
Et labra suauiflua incidens:  
Heus, inquit, æquales bonæ  
Huc huc adeste sedula,  
Matrem videtis Attida.*

## Latomi.

*Quid est quod vsquam sit satis mortalibus,  
Sui nec vlla parte cor quod torqueat?  
Senex, nec absque litterarum gloria  
Vixi: at malorum hoc est catena longior:  
Duris que emuntur litteræ laboribus:  
Et sanè iniquis efferuntur præmijs.  
Fœcunda coniunx, et domi persstrenua,  
Sui pudoris proximum est periculum.  
Iam bis miser, quòd quid sit educatio,  
Simulque scirem, quid mali sit orbitas.*

Quare



*Quare referta cū malis sint omnia,  
Vitā vti citō obeas leuissimis, pete  
Quo tunc beatus, hīc quod haud vales, agas,  
Ito, & precare mutuum Demetrio.*

## Marcus Musurus.



**M**ARCUS Musurus genere Cretensis, exactæ diligentia gramma-  
ticus, & raræ felicitatis poeta, in gymnasio Patauino aliquan-  
diu Græcos authores interpretatus, secunda perspicacis ingenij  
fama ad integram doctrinæ maturitatem peruenit: sed sæua con-  
iuratione externarum gentium afflictis bello Veneris inde ex-  
turbatus, ita tranquillum otium quæsiuit, vt Græco carmine diui Platonis  
laudes elegantissimè decantaret. Extat id poema, & in limine operum Pla-  
tonis legitur, commendatione publica cum antiquis elegantia comparan-

dum. Leone autem ingenij illustribus præclara præmia proponente, Romam venit. Nec multo post Manilio Ralla eruditi iudicij viro Græco morte sublato, Archiepiscopus Epidaurensis effectus est. Eam autem secundæ Fortunæ celeritatem, quasi ab occultis fati maiora præmia monstrarentur, immoderato animo tulit, sic ut insana vehementique ambitione percitus, nouum illum sacratæ mitræ honorem nequaquam ingenij merito parem duceret, nulloque pudore præproperus ad purpuram aspiraret, quum sæpe quereretur, Græci generis ne minem quasi probro gentis lectum fuisse, quando Princeps in donanda purpura maximè liberalis, vno comitali die supra triginta nationum omniū delecta capita galero purpureo perornasset. Ab hac intempestiua siti cōtabuit corpus adeo celeriter, ut obrepente morbo intereunte, vix ostentatis mitræ insignibus expirarit. In templo Pacis tumulatus est. Amiterninus autem Antonius sepulchro hoc distichon inscripsit.

*Musure mansure parum, properata tulisti  
Præmia: namque citò tradita, rapta citò.*

*Latomi.*

*Arma Pelasgiacas quaterent dum Turcica terras,  
Inueherent culto barbariemque solo:  
Quid facerent Musæ? fugere Hel. cone relicto,  
Phocin & Ascræum deseruere nemus.  
Regna Latina petunt: & erat Musurus in illis:  
Hospitio vtuntur hospitis antè sui.  
Nunc etiam bustum, grata pietate, sepulti  
Officij quauis sedulitate colunt.  
Thespiacas frondeis circum, & Permessida laurum,  
Et sacro spargunt ex Helicone thymum:  
Castalias lymphas aliæ. & cape munera dicunt,  
Musure, Aonijs factus Apollo chori.*

*I O A N.*



## Ioannes Lascares.



**I**OANNES Lascares Græcorum ferè omnium, qui Otho-  
 manicis armis patria pulsi in Italiam confugerunt, nobilif-  
 simus atque doctissimus fuit. Stirpem enim sanguinis in-  
 corrupti ad Imperatoris Constantinopolitani decus genero-  
 sis moribus referebat, vtpote qui ab ingenua educatione opti-  
 mas literas imbibisset. Naufragum excepit Laurentius Medices, cui nihil  
 antiquius vnquam fuit, quàm ingenia liberali beneficio deuinxisse. Is tum  
 absoluendæ Bibliothecæ studio tenebatur. Ob id Lascarem ad conquirenda  
 volumina Byzantium cum legatione ad Baiazerem bis misit: nec defuit ho-  
 nestæ petenti usquam Barbarus imperator: quippe qui erat totius philo-  
 sophiæ studiosus, Aueroisq; sectator eximius: & de Laurentio priua-  
 tim tanquam de illustri cultore virtutis optimè sentiret, cum paulo ante

Bandinum percussorem fratris fuga in Asiam elapsum in catenis ad supplicium tradidisset, singulari quidem religionis, atque iustitię exemplo, quod ille immane scelus in templo ausus, merita pœna plectendus censeretur. Itaque Lascares tuto abdita Græciæ perscrutatus, cum patriæ opus victoribus celsissent, nobiliora diuitijs antiquæ dignitatis volumina collegit, vt in Italia seruarentur. Transiuit demum in Galliam, legatumq; Ludouici regis apud Venetos egit: nec multo post Leone veteris amicitia nominel liberaliter cum attollente, nobiles è Græcia pueros adduxit instituto ludo in Quirinali, ne Græca lingua scitè loquentium soboles interiret. Valebat Latina facundia, ita vt versus qui extant perscriberet, sed adeo contumaci sterilitate desidiosus erat, vt in vertendo Græca vix Polybii Castrametationem efflagitibus amicis expresserit, quod id studium recto an maligno iudicio, incertum, penitus damnaret. Verum egregia cum laude præstitit, vt Latini haberent emendatiora, quæ minore ipsorum labore verterentur. Honestæ facultates non certo rixæ reditu, sed aliena liberalitate quæsitæ, vel in rem negligenti & sumptuose viuenti nunquam defuerunt, vt nonagenarius ferè senex articulari morbo deformatus, Romæ moreretur. Sepultus est in ecclē Gothica diuæ Agathæ supra Suburram, fecitque sibi Græcum Epitaphium, quod Maioranus sic vertit.

*Lascares in terra est aliena terra sepultus,  
Nec nimis externam quod quereretur erat.  
Quam placidam, o hospes reperit, sed deflet Acheis  
Libera quod nec adhuc patria fundat humum.  
Tibaldei.*

*Lascares hic Graiū specimen: ne crede cadaver  
Illius esse sub hoc marmore, sed statuam.  
Altera quippe fuit Niobe dolor impius illam  
Natorum, hunc podagræ transtulit in lapidem.  
Latomi.*

*Lascares hic Graiæ doctrinæ & nominis heres,  
Ultimus ex illa gente domoque iacet.  
Cum quo lugemus florem perisse Pelasgum,  
Helladaque ingenijs obsoluisse bonis.  
Damna tollenda nimis, sed quæ maiora futura,  
Huius ni pietas aduigilasset, erant.  
Qui non contentus priscos conquirere libros,  
Italiam & tantis accumulasse bonis:  
Semine Mygdoniæ pubis repleuit eandem,  
Quos natiua penes linguaque voxque foret.  
Queis tibi pro meritis Latium sese obligat, illa  
Dempturum patriæ barbara vincula tuæ.*

R O D V L



## Rodulphus Agricola.



**Q**Uis non te Rodulphe Agricola inusitato, & planè portento-  
 so conspirantium syderum concursu natum esse fateretur, si vim  
 cœlestis tam variè radiosi luminis, non secus ac in astris cursum  
 certior disciplina deprehenderet? Haulisti enim Hebraicas  
 Græcasque literas vsque adeo stupenda celeritate, vt nequaquã  
 Gruningiæ in vltima Frisia, sed Hierosolymis Athenisque natus ac educatus à  
 doctissimis credere. Latinas porro tanta felicitate didicisti, docuistiq; vt ex-  
 acta puritas, ac illa nobilis vbertas Romanæ eloquentiæ, nostro cum pudore in  
 squallenti asperoque Oceani littore quærenda videatur. Viuent profectò in  
 admirantium manibus tua illa, quæ auidè leguntur in Dialecticis Rhetoricis-  
 que præcepta, & diuini ingenij carmina, quibus vel illustribus poetis nume-  
 ros excusisti. Nos verò in magno vitæ tuæ desiderio, aut numinum, aut certè sy

derum inconstantiam indignanter vsquequaque mirabimur, quæ tantis cumulatam muneribus terris tantum ostenderint, grauiore quidem iniuria humani generis, cum ille cœlesti aura fortasse dignior, in secundissimo fecunditatis cursu raperetur. Defunctum Heidelbergæ Germaniæ vrbe gymnasio clara, decuriones sepulchri honore perornarunt. Hermolaus autem Barbarus apud Cæsarem legatus, inscripto epigrammate supremum amicitiae munus exoluit.

Hermol. Barbarus

*Inuida clauserunt hoc marmore fata Rodulphum  
Agricolam, Frisyssemq. decusq. soli.  
Scilicet hoc vno meruit Germania, quicquid  
Laudis habet Latium, Græcia quidquid habet.*

Latom.

*Qui putat ingenijs patriam conferre, Rodulphum  
Agricolam, Latij dixerit esse soli.  
Aut extra Italiam nasci minus esse beatum,  
Hunc ipsum Frisium, qui putat, esse sciat.*

L E O



## Leo Baptista Albertus.



**L**EON I Baptista ex Albertorum familia Florentiæ clara, Politanus, audita eius morte, nobile encomium cecinit: nos autem eius ingenij acumen, & styli felicitatem in confragosa materia plurimum admiramur. Nouum enim opus edificatorię facultatis, et propter linguę inopiã valde impeditum, nec satis eloquentiæ capax, aggressus est, tanta facundia, vt imperitos obscuro rudiq; eius seculo, & certa disciplinæ luce carentes architectos in semitam rectissimæ rationis deduxerit, cum Vitruuij præcepta densissimis obsessa tenebris illustraret, ac inspectis antiquorum ædificiorum reliquijs, atque inde accurata dimetiendi ratione initiorum & finium ordinem deprehendisset, ita vt inopem & corruptis artibus incultam ætatem nostram admirabili abditarum rerum copia locupletasse existimeretur. Scripsit etiam in pictura de Recensibus & vmbreis, lineisq;

ex optices disciplina, quibus rerum imagines in eodem sitas plano, tanquam remotas & extantes, erudita manus exprimere consuevit. Ex speculo quoque reflexis redijs: nam ipsius effigiem arguto penicillo pereleganter est assecutus, quam apud Pallantem Oricellarium in hortis vidimus. Extat etiam Apologorum vrbanae grauitatis libellus, quo vel Æsopum inuentionis amenitate superasse iudicatur, & Momus summe gratiæ dialogus, ac ideo cum antiquis operibus multorum sententia comparandus.

Iani Vitalis,

*Albertus iacet hîc Leo, Leonem  
Quem Florentia iure nuncupauit,  
Quod princeps fuit eruditionum,  
Princeps vt leo solus est ferarum.*

Latomî.

*Quisquis Barbarus es, rudisq; Phæbi,  
Hoc saxum pedibus caue profanes,  
Quod sanè eximium tegit Leonem,  
Peius angue tuum genus perosum.  
Nam Musis sacer est, easq; secum  
Vel hîc in tumulto moratur oris  
Docti blanditijs, vel ipse cum illis  
Indagat Clarios comes recessus.  
Doctis multijugam referre prædam  
Non raro vnde solet, stupente Apelle,  
Atque Vitruuio sagacitatem.  
Sed quid te dubium morer? Leonem  
Albertum satis ij loquuntur vngues.*

L A V.



## Laurentius Medices.



ALVE heros optime, maxime ingeniorum liberalis educator,  
 artiumque omnium & elegantiarum pater, ac vnicus veræ vir-  
 tutis æstimator. Salue iterum immortale præconium merite:  
 cum te vigilanter excubante, non Etruria modò tua, sed omnis  
 quoque Italia opulenta pace floruerit: scilicet vt mox orbata te  
 custode & vindice, intestina fatalique insania, & externa immanitate vastata  
 concideret. Sed salue itidem, qui luculenter & fouisti Musas, & feliciter exer-  
 cuisti. Præclarus vtiq; Vatum hospes & æmulus, ideoque cœlesti munere no-  
 mini tuo debita virenti laurea dignissime: nisi hæc fortuna tua putetur infe-  
 rior, quando Cosmum auum eruditi seculi decus gloria superasse summe ar-  
 duum videri poterit: nisi Leonem decimum, ad ornandam virtutem cœlo da-  
 rum, felici prole genuisses.

## E L O G I A

Iani Vitalis.

Nil mortale vnquam vita tibi contigit omni  
 O Patriæ pater & decus immortale tuorum  
 Laurenti, nisi cùm te mors immitis ademit.  
 Illa quidem non te vitali lumine cassum  
 Exstinxit, verùm quicquid sanctiq; boniq;  
 Orbis habet, tecum simul abstulit: aurea quando  
 Secula fœdauit scabra rubigine ferri,  
 Non tamen vlla vnquam viderunt tempora dignum  
 Te magis, & titulis & maiestate decoro,  
 Cui magnus Cosmus auus, & cui filius altum  
 Maximus ille Leo princeps Romanus honorum  
 Atque æternarum laudum erexere theatrum.

Myrtei.

Occidit vsq; Medices Laurentius, ora  
 Conuertens in sollicitas Florentia Musas  
 Dixit, Abite, aliud nunc vobis quærite tectum.  
 Cui Musæ: Nos hospitium sanè perdimus vsquam  
 Quærendum: Sed tu Medice Florentia rapto,  
 Amissum inuenies nusquam: quin desinis ipsa  
 Esse illud decus & Latij Florentia lumen.  
 Nos erimus Musæ, tum si quid nostra parente  
 A Ioue dat pietas sperare, videbimus villo  
 Tempore post heroa Deorum in sede suprema  
 Immortalem alti nutu Iouis astra regentem.

Latomi.

De te nil dicam: sed enim si dixero, quantum est  
 Vel de Dijs genitum, vel genuisse Deos?  
 Vtibus Ausonijs mandatum hoc muneris esto:  
 Carpere nam laudes est violare tuas.

P E T R V S



## Petrus Leonius.



**P**ETRVS Leonius Spoletinus, multo acumine perspicacis ingenij, eruditaque facundia, inter medicos primus ferè prolato Galeno, verum medicinæ limen aperuit, quum in clarissimis Italiae gymnasijs profitendo, exercendoque artem summa nominis auctoritate, non ex fœculentis Arabum lacunis: sed ex purissimis Græcorum fontibus haurienda præcepta artis, atq; remedia docuisset. Is erat validis disciplinarum omnium præsidij instructus, ita vt Astrologie & veteris item Magiæ peritissimus haberetur: quod de euentu grauissimarum rerum diuina prædictione iudicare consueuisset. Constat enim eum amicis sæpe dixisse, sibi subitæ mortis periculum in aqua portendi: vnde flumina crebrasque nauigationes formidaret, quam ob causam, quum alia omnia ad quæstum, & decus secunda retineret, è Patauio, Venetijsque in Vmbriam &

nec satis fuerit impeditissimam illam Geographiæ syluam, inaccessam multis nullique penitus exploratam, glorioso labore penetrasse, nisi ex ipso telluris, & nature germinantis gremio singulas salutare, & noxias herbas, traducto, ac explorato Dioscoride, egris mortalibus demonstrasses. Sed qui linguarum & disciplinarum omnium difficultates euasisse videris, longè maximo etiam inuicti animi præconio, infestam virtuti tuæ inuidiam generosè superasti, quum te speciosis honoribus perfunctum, & tum supremam idcircoque grauissimam legationem Romæ agentem, Innocentius Octauus, admiratione virtutis, Aquileiensem Patriarcham renuntiaffet, vel non probante Senatu Veneto, qui nihil, vel inusitatae virtuti, extra leges tribuendum censuerat. Tulisti quippe æquo animo suffragiorum seueritatem, quum ex eo tamen pari merito tibi purpura pararetur. Sed mors ante diem irrepit, & pestilenti quidem morbo properata, adeo vt quod à Pico, Politianoque Florentia laboranti per dispositos equos mittebatur miræ potestatis antidotum, veneni celeritate præuerrit, scilicet, vt nimis seuera patria optimi ciuis ossa non haberet, quæ sub colle hortorum ad Flumentanam portam sepulchro condita è Campo Martio, ab erudita Romana iuuentute saluantur.

*Barbariem, Hermoleos Latio qui depulit omnem.  
Barbarus hic situs est, vtraque lingua gemit.  
Vrbs Venetum vitam, mortem dedit in chlyta Roma,  
Non potuit nasci, nobiliusue mori.*

Pierij Valeriani.

*Peregrine ciuis, nate in vrbe, & aduena,  
Quicumque adoras templa Musarum sacra:  
Huc in beatæ, & si occupatus, Vrsulæ  
Diuertere, cultum hinc à sinistra suspice  
Inter sacratos hinc & inde Præfules,  
In purpurata veste nobilem virum.  
Quid fronte prima iam ominaris maximum?  
Vina hæc imago est Hermolai Barbari,  
Aciem sacra stit, ne profana videris,  
Candente felix ære lumen excute.*

Latomi.

*Quid stas, & titulum stupes, Viator.  
Hoc sub saxo aliquem ratus sepultum  
Gallum, Theutonicum, Scotum, vel Anglum,  
Genteis quas modò Barbaras vocamus?  
Erras. Barbarus Hermolaus ille,  
Ille Barbarus, vtriusque linguae  
Venus, delitiæ, lepor, voluptas,  
Quo nemo melius tenebat omneis*

*Germani.*



## Hermolaus Barbarus.



**N** VLLA hercle cuiusquam defuncti insignis effigies, maiore merito, quàm tua in Musæo spectatur Hermolae eruditorum omnium, omnibus numeris longè doctissime. Nouocomensibus enim C. Plinium Secundum ciuem suum, ab imperitis inuidiosè surreptum, erudita, præclaraque sententia reddidisti, eumque eductum tenebris, & multo squallentem situ, immenso radiantis ingenij tui lumine penitus illustrasti: scilicet, verecepta antiqua dignitate sibi perlimilis in lucem prodiret, ac ea omnino quæ in foro à Comensibus erecta est, dignus marmorea statua spectaretur. Sed tibi publico nomine debemus omnes, quòd Themistium tenebrosis Aristotelis operibus viuido splendore lucem afferentem, Latino sermone donaueris, ut quantus esses in Physicis, Dialecticis, atque Rhetoricis, tot nobiles exuberantis ingenij forturæ testarentur:

## Latomí.

Cur fugis à titulo? quò tam citò, quaeso, Viator?  
 Siccinie, quòd possim carpere, habere times?  
 Ingenio hoc vixi, fateor: plureisq̃ue laceSSI  
 Pro rigido exercens scilicet ense stylum.  
 Parcebam nulli, gaudens è cæde frequenti  
 Lassa cruentatas figere in ora manus.  
 Et tu fortè times, ne nunc quoque dentibus idem,  
 Quæque Theonimis non placitura petam.  
 Optarim sanè: neque enim tibi abiret inultum  
 Phœbe, sacerdotem sic habuisse tuum.  
 Nam fœdasse suas quòd me malus acuit arteis,  
 (Tutari parteis hoc vocat ille suas)  
 Tergendis voluit pueris à clunibus essem,  
 Quos malè mundatos mors inopma rapit:  
 Ah miser, at quod idem multi quoq̃, nunc imitantur,  
 Iam successorem mî fore spero aliquem.

P O L I



*Germanæ numeros locutionis:*

*Hoc sub marmore, nunc cinis, recumbit:*

*At non mortuus: immò mortis ipso*

*Victurus scelere vsque, & vsque, & vsque:*

*Rumpatur Venetus licet Senatus.*

*At si te nouitas moratur huius*

*Vocabuli, ratione scito factum,*

*Qua suos Domini solent Quirites*

*Insignire Duces, vt Africanos,*

*Cimbros, Pannonicos, Isauricosque:*

*Victarum puta gentium trophæis.*

*Sic & barbarie per hunc Latinis*

*Pulsa finibus, & iugum subacta,*

*Iure Barbarus optimo vocatur.*

## Georgius Merula.



**I**N Georgio Merula ab aquis Statiellis Alexadrino, ingenium subagreste, atque ideo ad lucubrationum labores maxime validum, nullisq; obiter voluptatum illecebris lacesitum emicuit, passim florentibus Græcarum literarum studijs, quarum felici societate antiqui decoris ornamenta Latinae facultati tradebantur. Ob id variegæ eruditionis laude celebratus, quadraginta amplius annos, cum Venetijs, tum Mediolani iuuentutem docuit: in alienos sæpe libros acerbius censuram exercens, quum sæpe Calderini, Galeotti, & Politiani errata, vel certe prætermissa notare contenderet, publicatis Annotationum libellis, quibus late nomini fama apud stupentes grammaticos quæreretur. Edidit etiã translationem Dionis de Traiani gestis: sed petenti Ludouico Sfortiæ historiam perscripsit, Vicecomitum principum origines & bella continentem, sobrio quidem stylo, ac ex omni parte Latino, sed in quo lectores minus austeri peramœna diuerticula passim requirant. Cæterum postremi eius historię libri meo iudicio iucundiores, æternum dormituri, denegata luce in abditis scrinijs iacēt, quum nemo è generosa stirpe Vicecomitum omnino prodeat, qui sepultum familiæ patriæque decus, in lucem asserere velit: quandoquidem nemo ferè sit ex ea gente, qui non spreto veræ virtutis nomine, ab incondito luxu decoxisse videatur. Perijt exactæ ætatis senex, tonsillis fauces occupantibus, Politiano obiter vehementi metu liberato, cum in Miscellaneam eius centuriam, cohortes, & alas, quæ impetu obruerent, emissurus esse diceretur. Ludouicus princeps optimè de literis merito, iustum funeris honorem persoluit, elatusque est ad ædem Eustorgianam: & hoc carmen sepulchro Lancinus inscripsit.

*Vixi alijs inter spinas, mundi que pocellas,  
Nunc hospes cæli Merula, vino mihi:*

biè erepta laude, qui id generis munus ante susceperant, quanquam gmulì eam translationem, vti nos à Leone pōtifice accepimus, Gregorij Tiphernatis fuisse dicerent, quòd falsim inducto fūco, & falsis neuorum coloribus interlita, alieni styli habitum mentiretur. Sed eadem præcellenti studiorum omnium vbertate florentem, post editam Miscellaneorum centuriam: publicataque Latina poemata, immatura mors oppressit. Erat distortis sæpe moribus vti facie nequaquam ingenua, & liberali, ab enormi præsertim naso, subluscoque oculo per absurda, ingenio autem astuto, aculeato, occulteque liuido, quum aliena semper irrideret, nec sua, vel nō iniquo iudicio expungi pateretur. Ferunt eum ingenui adolescentis infano amore percitum, facile in lethalem morbum incidisse. Correpta enim cithara, quum eo incendio, & rapida febre torreretur, supremi furoris carmina decantauit: ita, vt mox delirantem, vox ipsa, & digitorum nerui, & vitalis denique spiritus, inuerecunda vrgente morte, desererent: quum maturando iudicio integræ, statæque ætatis anni, non sine graui Musarum iniuria, doloreque seculi, festinante fato eriperentur. Vix enim quadragesimum quartum ætatis annum attigerat. sed eo præpropere vitæ exitu profectò felix fuit, quòd imminentem conuulsæ Medicæ domus ruinam effugerit. Tumulo autem hoc carmen Crinitus discipulus affixit.

*Hic, hic Viator paululum gradum siste,  
Vatempotentis spiritus vides clarum:  
Qui mente promptus acri, & arduum spirans,  
Ac summa quæque, & alta consequi suetus.  
Is ille ego Angelus Politianus sum.  
Fouit benigno me sinu Flora, & illic  
Ibi Fata cessi, Parthenopæos Reges,  
Cum Gallica arma irruerent minabunda.  
Tu vale, & hoc sis meriti memor nostri.*

*Eiusdem*

*Siren relicto Daunio  
Quærebat vbi consisteret:  
Din'que vagula deuolans  
Accessit amnem lassula  
Arni fluentis leniter:  
Et commorata satis, iter  
Parabat inceptum sequi.  
Sed ecce dum vaga subuolat,  
Audi repentè rem nouam,  
Nouosque numeros, & nona  
Carmina canentis Angeli.  
Itaque statim in labra conuolat  
Dulci lepore perlita:  
Et, inquit, hic libet agere,  
Hic, hic morabor sedulo:  
Vbi Gratia, Decor, & Venus  
Tam blanditer simul canunt:*

*Carmenque*



## Politianus.



**P**OLITIANVS à prima statim iuuenta admirabilis ingenij nomen adeptus est: quum nouo, illustrique poemate Iuliani Medicis equestres ludos celebrasset, Luca Pulcio nobili poeta omnium confessione superato, qui Laurentij fratris ludicrum equestris pugnae spectaculum, iisdem modis & numeris decantarat. In id enim è Græcis atque Latinis delectos flores populo stupendos contulisse censebatur: nec multo post Iuliano à Pactijs in templo immaniter interfecto, eius vindicatae coniurationis historiam Latine, ornatissimeque perscripsit: professusque demum in gymnasio Græcas pariter, Latinasque literas, tantos de se excitauit clamores, fauente iuuentute, vt Demetrius Chalcondyles vir Græcus, præstantique doctrina, vti aridus atque ieiunus à discipulis defereretur. Exinde Herodianum Romanè loquentem publicauit, cunctis haud du



## Io. Picus Mirandula.



**I**OANNES Picus Mirandula merito cognomine Phœnix appellatus est, quod in eum, Dij superi, supra familiæ claritatem, omnis corporis, ac animi vel rarissima dona contulerint. Mira enim altitudine subtilis ingenij, decora facie, lectissimisque moribus, et incomparabili quum disputaret, aut scriberet facundia, omnes eius seculi sapientes in admirationem sui facile conuertit. Grauiſſimo autem opere, necdum absoluto, tanta eruditione, atque vehementia Astrologos totius diuinationis vanitate confutata persecutus est, vt subtilium disciplinarum professores à scribendo deterruisse videatur. In Heptablo autem, dum sacrarum literarum mysteria diuino ore nobis recludit, & in Apologetico grauiſſimus disciplinarum omnium rationibus proposita ad disputandum, ingenij sui decreta defendit, se ipsum doctrinæ, atque memoriæ felicitate supergref-  
sus



*Carmenque fundunt aureum:  
Tu nunc valebis Daunie.*

*Petri Bembi.*

*Duceret extincto quum mors Laurente triumphum,  
Lataque pullatis inueheretur equis:  
Respicit insano ferientem pollice chordas,  
Viscera singultu concutiente virum.  
Mirata est, tenuitque iugum: furit ipse, pioque  
Laurentem cunctos flagitat ore Deos.  
Miscebat precibus lachrymas, lachrymisque dolorem:  
Verba ministrabat liberiora dolor.  
Risit, & antiquæ non immemor illa querela,  
Orphi Tartaræ quum patuere viæ.  
Hic etiam infernas tentat rescindere leges:  
Fertque suas, dixit, in mea iura manus.  
Protinus & flentem percussit dura poetam:  
Rupit & in medio pectora docta sono.  
Heus sic tu raptus, sic te mala Fata tulerunt,  
Arbiter Ausoniæ Politiane lyre.*

*Incerti.*

*Politianus in hoc tumulto iacet Angelus, vnum  
Qui caput, & linguas, res noua, tres habuit.*

*Herculis Strozæ.*

*Quis Lycias sortes? quis Phœbiæ carmina vatis?  
Transmisso Deliquis neget huc Tripodas?  
Quippe hic assidue Phœbus, Musæque parentant,  
Et caros lachrymis sæpe lauant cineres.  
Quin si Fata velint, tegerentur numina sub quæ  
Angelus obdormit Politianus humo.*

*Cæsaris Scaligeri.*

*Ante tuò quàm te nossem de pectore, non te,  
Aiebam, decuit Politiane mori:  
Sine mori decuit: sed non decuisse fatebor,  
Ah, sic abiuuenem Politiane mori.  
At diuina semel noui dum pectora, dixi.  
Nec iuuenem, nec iam Politiane mori.*

*Latomi.*

*Hoc tumulto Charites, lepor, & bona Suada, iocique,  
Et Musæ, & Phœbus, pleetra, chelysque iacent.  
Cuncta obire simul (neque enim sunt visa deinceps:  
Nec vixit fuluis laurus, ut antè, comis)  
Verus ut ille pudor Graiùm, columenque Latinùm  
Angelus arguta desijt in cithara.  
Nam fuit hæc (miserum) seu culpa altera Parca,  
Cantantis filum præsecuisse viri.  
Ah, seuùm potuit quæ flectere corda ferarum,  
Non potuit duram flectere voce Deam.*

## Pomponius Lætus.



**V**LIVM Pomponium Lætum Sanseuerina illustri familia in Picentinis natum ferunt, adeoque insigni cura educatum, vt ex adultera matre, alioqui pudica, illudente ei Salernitano Principe genitus putaretur. Sed vigente demum bello, & labante Fortuna principalis domus, animum ad literarum studia conuertit, tanta antiqui moris æmulatione, & naturæ temperantia optimas literas complexus, vt Romæ inter præclara eius seculi ingenia conspicuus monstraretur. Nam Vallæ præceptoris æquata eruditionis opinione, locum exceperat, sed eum mox Pauli Secundi iniuria percelebrem fecit, quum literatos quosdam, & in his Platinam, atque Callimachum, tanquam impios atque maleficos tormentis excruciaffet. Nam è Venetijs Romam pertractus ad dicendam causam, perpetua vitæ innocentia tutus nihil terreri potuit, vt integro constantique animo



sus esse videtur. Excessit è vita dignus cœlo, trium et triginta annorum iuuenis;  
eo die tam celebri, quàm postea Italiæ maximè funesto, quo Carolus Galliæ  
rex Octauus Florentiam est ingressus, scilicet, vt tanti funeris luctus, quum sub  
signis ornatus in pompam externæ gentis exercitus urbem intraret, vel eo inu-  
sitato spectaculo, & in tanta receptæ libertatis lætitia minimè vinceretur.

Herculis Strozæ.

*Ioannes iacet hic Mirandula, cætera norunt  
Et Tagus, & Ganges, forsan & Antipodes.*

Eiusdem.

*Hic situs est Picus, cuius si cuncta perissent,  
Virtutum septem vix sat erant tumuli.*

Michaelis Marulli.

*Occidis ætatis media quod Pice iuuenta,  
Vltima Socraticæ flenda ruina domus.  
Nec vel nobilitas, vel opes, vel gratia formæ  
Profuit, aut animi tot bona rara tui.  
Hoc hoc, crede mihi, naturæ iniuria matris  
Larga vel in primis quæ fuit vna tibi:  
Sed vitæ documenta hominum, et quàm stuxa sit ollis  
Forma, genus, dotes ingenij, imperia.*

Latomi.

*Ne Pici ingenium deberi quis putet astris,  
Nil genere hoc artis, vanius esse docet.  
Quem vitam, & mores frugi, assiduumque laborem,  
Astrorum scimus percoluisse loco.  
Sed tamen est aliquid (fateor) quo debeat astris,  
Quod citò se nostris eripuerè malis.*

## Callimachus.



**C**ALLIMACHVS antiquo nomine Philippus Geminiano E-  
truriæ oppido editus ingenium lectissimis literis Romæ exco-  
luit, nec multo post indignam in fonte animo subiit calamitatē,  
quum Paulus Secundus illustres Academiæ sodales odio teme-  
rè concepto, tanquam malignè conspirantes persequeretur, ita,  
ut ipse ante alios desumpti Græci nominis reus, tormentis, & carcere pœnas  
daret. Ab ea autem iniuriâ indignabundus in vltimas terras profectus, Casimi-  
ro Sarmatiæ Regi ingenij operam obtulit. Is virtute, fortunaque clarissimus,  
sed Pontificij nominis hostis, quatuor Regum pater fuit. In honore tum erant  
optimæ literæ apud externos reges, vno præ cæteris Matthia Coruino studijs  
ac artibus eximijs liberaliter fauente. Itaque Callimachus Alberto filio præ-  
ceptor datur, à quo demum, post Casimiri patris interitum, ad summum fami-  
milia.



nimo indigna fateretur. Veterum enim ingeniorum illustria nomina sibi ipsis indiderant, quum in cœtu sodalium laureati Musas colerent. Ea nominum notitate, Pontifex elegantiae literarum imperitus, suspiciosusque, vehementer offendebatur, quasi id esset occulta coniurantium tessera ad obeundum insigne facinus. Xysto demum, Innocentioque fauentibus in gymnasio docuit incredibili nominis autoritate, auditorumque frequentia, adeo ut autem auroram profitentem, Romana iuuentus à media statim nocte præoccupandis sublellis præueniret. Descendebat è Quirinali saepe solus, Diogenis more preferens lanternam, quum opes contemneret, et iucunda frugilitate venerabilis haberetur. Simplicinamque, & penè subagresti conuictu vsque adeo gaudebat, ut quum frequenti semper limine coleretur, improuisi nobiles conuiuæ, non sufficienti eius puero per iocum admoniti coquinæ manus admouerent, unde perurbani sales, multæque facietis fererentur. Scripsit Grammaticæ compendium, adultis pueris utile: & grauiore demum stylo seriatim Romanos Cæsares: gratissimoque libello in antiquæ Urbis ruinis, vera loca, atque vocabula demonstrauit. Sed in suggestu summam laudem promeruit: quod eo magis mirum videtur, quum in familiari sermone hæsitante lingua balbutire esset solitus, nec orantem demum, aut clara voce lætitantem, vlla omnino oris titubantia deformaret. Septuagenarius excessisse vitam, quum gelidissimo vini potu ventriculi calorem opprexisset. Elatus est auditorum insignium pñs humeris, honestante funus familia purpurata Alexandri Pontificis, & laudante Marso oratore. Quum varijs autem Elegijs tumulus ornaretur, epigramma Pontani, consensus publico locum obtinuit.

## Pontani.

*Pomponi tibi pro tumulo sit laurea sylua:  
Ossa, maris rores, myrteaque vmbra tegant:  
Teque tegant, artusque tuos, violæque, rosæque,  
Ver habeat, Zephyros spiriet, & ipse cinis.  
Stillet & ipse cinis, quas & Parnasus, & antra  
Thespia, & ipsa suas Ascra ministret aquas.*

## Domitij Palladij.

*Hic iacet exigua Lætus Pomponius vna,  
Cuius honor meritò pulsât vtrunque polum.  
Lætus erat Romæ vates sublimis, & idem  
Rhetor, nunc campus letior Elysus.*

## Latomi.

*Effert Pomponi dum te Romana iuuentus,  
Et fouet in gremio Roma beata suo:  
Fama est, inuidiam summorum adeoque Deorum  
Hunc tumulum, hos gerulos conciliaisse tibi.  
Sed tamen hoc summi tibi debebatur honoris,  
Vt tua mors superis inuidiosa foret.*

## Hieronymus Sauonarola.



**M**EDICEIS Gallorum aduentu Florentia pulsis, Hieronymus Sauonarola Ferrariensis ex ordine diui Dominici cucullatus, vsque adeo austeræ vitæ disciplina, ac erudito subtilique ingenio, & in sacris concionibus admirabili facundia valuit, vt populum instaurandis religionibus deditum, & tum nouo receptæ libertatis gaudio gestientem, quò vellet facile impelleret, priuatisque familiarium, ac ipsius quoque summi magistratus consilijs misceretur. Futura enim prædicere, veluti diuino adflatum numine credebant, quando nihil validius esset ad persuadendum specie ipsa pietatis, in qua etiam tuendæ libertatis studiū emineret. Sed nonnulli optimates, astutis ingenijs adeundo, consulendoq; eius auctoritatē in immensum adaugebant, tanta quidem insania, quò illā sibi astruerent, vt ad Carolum Regem Pisas Legatus mitteretur, & integros quatuor



miliaritatis, atque potentiae locum euectus est, tanta Polonorum consternatione, odioque, vt eum tanquam impium, & Moldauicæ cladis authorem, tyrannidemque impotenti imperio exercendam Regi suaderet, aula extruserint. Maligno enim iudicio nobilitatem, quod imperatæ pecuniæ, & suscepto bello auersa esset, sæuo hosti obiectandam esse censuerat, vt nemo demum superesset, qui libertatis per manum traditæ iura tueretur. Sed Callimachus, vel Alberto absentis desiderium vix ferente, quod inuidiam minimè sustineret, semi exul in Vilna Sarmatica apud veterem amicum occultatus, Fato celsit: ita vt morte celata, sine funere arefactus tepore clybani in armario seruaretur. Id rescivit Albertus, & pietatis ergo, Cracouiæ in æde Trinitatis æreo sepulchro honestandum curauit. Præcipuum eius ingenij monumentum, extat Historia exactissime conscripta de rebus gestis Ladislai Sarmatiæ, atque Pannoniæ Regis: qui ad Euxinum Varnensi acie, ab Amurathe superatus interiit, adeo enim eleganter eius grauissimi muneris leges impleuisse existimatur, vt omnes qui à Cornelio Tacito, per tot secula id scribendi genus attigerint, meo iudicio superarint.

## Iani Vitalis.

*Ænea, Callimachi, quæ circumplectitur ossa,  
Depositi meritis nobilis urna sui,  
Ænea sit quauis, multo est precior auro,  
Etrusci felix hospita Callimachi.  
Ipsi etiam, Italia, tantum decus, auspice, adepti,  
Ad sacra conueniunt busta Borysthenides:  
Exultantque mero, & choreis, referuntque vicissim:  
Dedicat hæc Crispo Sarmatis ora suo.*

## Latomi.

*Exuuias præter pellemque, atque ossa latini  
Nil hic Callimachi Barbara terra tegit.  
Illa Borysthenides rapuere, tenentque Camana,  
Quarum primus amor, gloria prima fuit.  
Hoc perfecturus, si copula longa fuisset,  
Venissetque suo iusta propago thoro  
Sarmatide è nympha: ne Barbara terra videri  
Possêt, Romanæ vel minus apta togæ.  
Sed mors inuidit, qua nil odiosius: atqui,  
Quæ ferit as tacito non caret opprobrio.  
Æneus est tumulus, mors ænea: & æneus ille,  
Qui legit hæc siccis tristitia verba oculis.*

## Marfilius Ficinus.



V V M clarissimi Græcorum Theodorus, Argyropylus, & Trapezuntius, veluti ex condicito inter se distributis operibus in traducendo Aristotele ad non obscuram æmulationem versarētur, vnus Latinorum Marfilius Ficinus diuinæ philosophiæ amore incensus, transferendi Platonis negotium suscepit, atque pertecit, vsque adeo festinata felicitatis ingenij fecunditate, vt plerique in pusillo eius corpore, quod vix semihominem æquaret, tantam vim inusitati spiritus, & tantas vtriusque lingue facultates vigere mirarentur. Nam eundem quoque insatiabilis studij tenorem secutus, Plotinum, Iamblicum, Synesium, & Pselmum Platonice sectæ nobiles authores Latinos effecit, hortante quidem Cosmo Medice, & mox tradita per manus summæ virtutis hereditate, Petro filio, & Laurentio nepote suffragantibus. Ex ea siquidem ornatissimæ domus liberali discipli-



disciplina Ficinus honestis ædibus, per amœna villa, sacerdotio, annuisque stipendijs, atque muneribus sese adauctum, & cumulatè perornatum sensit. Con-  
temnebat enim maiores opes, vir minimè ambitiosus, & nitidæ iucundæque  
vitæ ad bonam frugem percupidus, quum vnâ studiorum laudem spectaret,  
nec ullis vnquam contentionibus misceretur, quod rerum omnium, præter-  
quam vini subdulcis voluptates abdicasset, nulla quidem animi tristitia, quum  
esset omnino lætissimus: sed exactissima ratione ad tuendam valetudinem, si-  
cuti deprehendere licet ex libris de triplici Vita editis. Adeo enim morosè sibi  
ad spem vitæ blandiebatur, vsq̃ eadē die, quum aer incalcesceret: aut ali-  
quo spiritu moueretur, capitis tegumenta permutaret. Sed quum sodalium  
suorum acerba funera luxisset, Laurentij, Hermolai, Politiani, Mirandulæ, qui  
vno anno perierunt: Landiniq̃ item, & Sauonarolæ, in Caregiana ipsius  
villa, septuagenario prouectior febricula interiit, diro quidem omine, quum  
eodem die punctoque temporis, duo clarissima Italiæ lumina Ficinum ipsum,  
& Paulum Vitellium summæ inuictæque virtutis Florentinorum Imperato-  
rem, aliquanto certiore inimicorum rabie, quàm noxa capitali supplicio dam-  
natum, vis ipsa fatalis extinxerit: & cum esset in alpibus Ludouicus rex Gallo-  
rum, armatus irrupens, vt singulas illustres domos, & ad ad vnum ferè om-  
nes Italiæ principatus euerteret.

## Incerti.

*Mores, ingenium, Musæ, sophiæque sepulta est  
Laus hic, cum magni corpore Marsilij.*

## Incerti.

*En hospes hic est Marsilius sophiæ pater,  
Platonicum qui dogma, culpa temporum  
Situ obrutum, illustrans, & Atticum decus  
Seruans Latio dedit: fores primus sacras  
Diuinæ aperiens mentis ætus numine.  
Vixit beatus antè Cosmi munere,  
Laurique Medicis, nunc reuixit publico.*

## Politiani.

*Mores, ingenium, Musas, sophiamque supremam,  
Vis vno dicam nomine? Marsilius.*

## Andræ Dactij.

*Hic situs est magni sacrum qui dogma Platonis,  
Marsilius patriæ tradidit & Latio.  
Exuias tellus, cælestes spiritus oras,  
Diua sed & terram fama polumque tenet.*

## Latomi.

*Hic, hic Marsilius notissimus ille Ficinus,  
Totius Ausoniæ luxque, decusq̃ iacet.  
In paruo ingenteis qui clausit corpore dotes:  
Immo non clausit, sed magis exeruit.  
Quare etiâ hac parua fama est angustior vrna:  
Nô tamen hæc potius, quem replet orbis erit.*

## Galeottus Martius.



**G**ALEOTTVM Martium Narnia genuit, robusto ingenio disciplinas omnes complectentem. Is Matthiæ Coruino Pannoniæ regi præceptor, epistolarumque magister, & in castris miles: & in palæstra multarum palmarum athleta fortissimus operam præstitit, adeo feliciter, ut omnium horarum amicus & comes haberetur. Scripsit librum de Homine, varia eruditione potius, quam eloquentia mirabilem, in quem non multo post inuectus est Georgius Merula grammaticorum exactissimus. Sed ea vehementia Galeottus sese defendit, uti Apologeticus priore libro varietate eruditionis multo vberior censeretur. Scripsit etiam, & malo quidem infortunio, quædam in sacra, moraliq; Philosophia: nam ex ea lectione, quum omnibus gentibus integrè, & puriter veluti ex iusta naturæ lege viuentibus, æternos cœlestis auræ fructus paratos diceret, à cucullatis sacerdotibus accusatus, damnatusque est. Sed eum periculo celeriter exemit Xystus pontifex, qui in minori Fortuna eius fuerat auditor, non sine graui tamen contumelia. Nam in foro Veneto ad geminas columnas ad tribunal perductus est, ut impetrata venia se falsa scripsisse fateretur. Sed accidit, ut id iudicium exortus in turba risus euerteret, falso ac repentino Galeotti dictorio excitatus. Nam quum fortè non ignobilis Venetus, è turba proximus strigo saproceritate, & impudicæ vxoris probro insignis, traductum ludibrio præpinguem porcum appellasset, extemplo Galeottus renidentique ore, pinguis, ait, porcus, quàm macer hircus esse malo. Erat enim Galeottus vsque adeo tumenti abdomine, ut quum sub vasto obesi corporis pondere, vel prægrandia iumenta fatiscerent, rheda curuli veheretur: ac demum senex ad montem Anianum circa Ateste, aruina suffocatus interiret.

Iani Vitalis.

*Hanc galeam, hunc posuit Galeottus Martius enssem,  
Mars tibi, et hanc citharam docto cum pectine Musis,  
Militia functus, decantataque poesi.*

Latomi.

*Et galeæ & Martis tibi fecit nomina mater,  
Illa, nonis facibus trita, dolisque Venus,  
Ne si te Mauors rescisset Apolline cretum,  
Vim tibi, vel matri, sæuus, ut est, faceret.  
Proinde nec est mirum, si vincis vtrâque palæstra,  
Estque tibi inui copiam tanta salis.  
Quem voluit mater tinctum sua olente salua,  
Et pater ornatum munere vterque suo.*

E L L



## Elisius Calentius.



**H**IVS ex Amphraëta oppido semiAppuli Musa, regnantibus Aragonijs Neapoli, insignis fuit, vel illustrium poetarum æmulatione proposita. Tum enim Pontanus, Altilius, Graulina, & Actius, immortalis ingenio præditi vates, diuina carmina factitabant. Sed Calentio amatorix vanitatis incendijs iuueniliter vstulato, æquo torrentior vena vti subitis impulsa casibus nequaquam liquidiſſimè profluebat: in varios alioqui carminum modos repentina largitate mirabilis. Adamavit eum vnice à puero contubernalem Pontanus, suspexit Altilius, Actius verò Syncerus meritis laudibus exornauit. Extant eius Elegiæ teneris affectibus peramœnæ, & Ranarum cum Muribus prælia Homericæ spiritû Latinè decantata. Dicauit eas vigilias Angelo Colorio ab eruditi ingenij candore viro lectiſſimo: quem hodie viuido ingenio senem, & sacrata infula clarum salubris eloquentiæ præcepta in hortis ingenuè tradentem Romana iuuentus colit. Moriens Calentius Lucium filium reliquit, ad quem legitur epistola Pontani, ad paternos mores, studiaque eadem adolescentem accendentis. Porro Calentius ipse quum amore perditus, oblitusque rei, elegis inanibus diu hæſiſſet, Fortunam sibi ad parandas opes deſuiſſe ſerò ſenſit, vti hoc ſuo carmine fatetur:

*Talia poſt cineres de me toto orbe legantur,  
Scriptaque ſint tumulto carmina digna meo.  
Ingenium natura dedit, Fortuna poetæ  
Deſuit, atque inopem viuere fecit Amor.*

Moriens autem, hoc carmen inſcribendum Lucio filio mandauit.

Elisius de ſe pſo, Viatori.

*Sit tibi, ſit felix, & fauſtum iter,  
Qui ſim diſcito paucis, ſodes:  
Hic ego vates iaceo Calentius,  
Somno ſapiens graui,  
Donec me tubicen ætheris excitet,  
Vocans ad pias Superûm ſedes.  
Legiſtin? amabo dic abiens, Vale.*

Latomi.

*Elisius tenerè teneros dum ſcribit amores,  
Durare ad ſenium tam tener hauð potuit.  
Sed nec erat diues, nec mirum in vate negatas  
Spernit is: ancillas aut facit artis opes.*

## Pandulphus Collenucius.



**P**ANDULPHVS Collenucius Pifaurensis ingenio peracri, & studiorum rerumque omnium erudita notitia perornato, nobilissimarum Italiae urbium praeturas gessit: functusque grauissimis legationum muneribus illustri facundia, & gestu pernobili Latini oratoris nomen impleuit. Caeterum tanto ingenio temperantia deerat, vt nulla in arte summum laudis fastigium teneret. Infatiabili etenim cupiditate semper vagus in omnes disciplinas ferebatur, quum esset ex professo iureconsultus: vt facile reliquarum facultatum principes, disputatione, scriptisque lacefferet: quod nihil, nisi valde excellens, probare esset solitus, & quaeque mediocria fastidiret. Indignatione siquidem superba, & ostentatione praecipiti, Plinium aduersus calumniatorem Leonicensem disertis simè defendit. Scripsit & libellum de Vipera; ac item facetissimum capitis & pilei



pilei Dialogum: postremò etiam Neapolitanorum regum res gestas Etrusco quidem sermone in gratiam Herculis Atestini, qui Latinas literas in nime didicerat. Multa autem lectu iucunda, eleganter inchoata absoluerè nequiuìt, quum apud Ioannem Sfortiam Pisarensem Tyrannum, quem deprehensis literis offenderat, supra veterum officiorum memoriam, dissimulata recentis odi libido valuisset. Vir enim incautè Tyranno fidens, ea nece indignus, in carcere strangulatus interiit.

Ferdinandi Balamij.

*Ignoscit Collenuccio Tyrannus,  
Mox illum necat: ò scelus nefandum,  
Vincens scuitiam Neronianam.*

Latomi.

*Esto: Tyrannus strangulauit impia  
Nimis, heu: apertum fraude Collenuccium  
Illumue, ò hospes, an magis se perdidit?  
Sua ille viuit claritate in litteris,  
Atque vitæ nobili præconio.  
At iste tali morte viuens concidit,  
Quod nunc mori vt nec viuere olim, non liceat  
Illius vtrumque præstruente gloria:  
Proinde verum si tacere nolumus,  
Non vim Tyrannus intulit, sed passus est,  
Quæ laurea illi prorsus est clarissima.*

## Iouianus Pontanus.



**A** O V I A N V S Pontanus vir ad omne genus eloquentiæ natus, Cereto Vmbriæ oppido metu profugiens, quod ibi pater à factiosis ciuibus esset interfectus, Neapolim planè iuuenis, & inops contendit. Ibi enim liberali Alfonsi Regis studio, condita celebri bibliotheca literas in honore esse didicerat. Nec defuit honestus virtuti locus, Antonio Panhormita eruditi ingenij vim admirante. Is tum erat excellentis doctrine nomine regij scrinij Magister. Aspirauit demum his cœptis Fortuna, vsque adeo benignè, vt Ferdinandi Regis castra secutus, in demortui Panhormite locum sufficeretur. Vnde illi mox honestæ opes, sed obsequij fide ac merito, vti scripsit, inferiores, nisi ad opimi muneris prouentum Ariadnæ vxoris dotalis hæreditas accessisset. Hac parta dignitate, liberiore veluti studio, Musas per omnes numeros exercuit, tanta habilis ingenij fecunditate, vt



te, vt neq; poetis, neq; oratoribus, qui tum maxime florerent, dignū secunde famæ locum relinqueret. Erat austero supercilio, et toto oris habitu subagrestis: sed stylo, & sermone perurbanus, quum sapissimè vel in serijs multo cum sale iocaretur. Habitus tamen est in omni censura quanquam absolute pius, supra æquum mordax, velleo quod non homines modò sibi notos, sed gentium, & vrbium quoque omnium mores acerba scribendi libertate perstringeret, sicuti ex varijs Dialogis, Charonteq; præsertim intemperanter ostendit. Sed in pangendo carmine, quàm texenda prosa cultior, atque sublimior multis videtur: quandoquidem in historia non semper integra grauissimi incessus dignitate, ab eius muneris disciplina deflexisse existimari possit, quum postea ab Hesperidum hortis citriorum suauissimis odores spirans, atque inde diuino carmine in altum euectus, ad illa ipsa excelso ore decantata sidera propius accesserit. Vixit annos septuaginta septem. Fato autem functus eodem mense, quo Alexander Sextus Pontifex vita excesserat: tumulatus est in sacello ab se sepulchri causa extructo è regione Daualorum domus, vbi Elogium ab se compositum in marmorea tabula spectatur.

*Viuis domum hanc mihi parauit,  
In qua quiescerem mortuus.  
Noli obsecro iniuriam mortuo facere,  
Viuis quam fecerim nemini.  
Sum etenim Louianus Pontanus,  
Quem amauerunt bonæ Musæ,  
Suspexerunt viri probi,  
Honestauerunt reges Domini.  
Scis iam quis sim, vel qui potius fuerim.  
Ego verò te, hospes in tenebris noscere nequeo:  
Sed te ipsum vt noscas, rogo. Vale,*

Basilij Zanchij.

*Aurea Pierio textentem carmina filo  
Pontanum ad doctæ Parthenopes titulum.  
Vt primum Pindo, longè atque Helicone relicto,  
Audijt arrecta Cynthius aure Deus:  
Viciisti Pontane, inquit, mea numina, cedat  
Iam tibi & Eous, cedat et Hesperius.*

Cælij Calcagnini.

*Creditus occubuisse Maro, secesserat olim,  
Vt cali motus, labentiaque astra videret,  
Mox rediens ad nos Iouiani nomine, terris  
Quid felix prosit, quid noxia terra minetur  
Exposuit, nostrisq; oculis substrauit Olympum.  
Scilicet hoc deerat, pecudes, Styga, prælia, turmas,  
Scripserat, extremum votis fuerat aureus axis.*

## E L O G I A

Simonis Vallamberti.

*Nescio quo fingant Musas Helicone manere:  
Hoc scio, quòd tecum, mi Ioniane, manent.*

Marci Antonij Flaminiij.

*Qui cecinit claro fulgentia lumina cælo  
Pontani doctis versibus Urania,  
Phœbe tuis magnam lucem addidit ignibus, utque  
Nunc melius niteant sidera cuncta, facit.*

Pierij Valeriani.

*Scriptorum venerabilis magister,  
Pontanus cubat hinc Viator: illum  
Commentus bona verba, fortè adores  
Ne fac huic mala, quin precare multa,  
Omnem ut surripuit poetices vim,  
Nam dum tam bene scribit, adque amussim  
Æquat omnia, perpolitque ad vnguem,  
Quavis arte decoreque absolutus,  
Secli terriculum fuit sequentis,  
Nemo scribere ut audeat nepotum.  
Quin pacem hinc, bona quin precare, libans  
Thus, costum, violas, crocum sepulchro:  
Qui dum tam bene scribit, adque amussim  
Æquat omnia perpolitque, ad vnguem  
Quæ obsoleuerat ars, decorque rectè  
Scribendi, auspicijs renidet huius,  
Nostra etas veteres ut æmulari  
Et possit simul, et simul præire.*

Myrtei.

*Qui vos sidera clara, citriosque  
Flores Hesperidum hortulis videntes  
Versibus cecinit laboriosis,  
Pontano date sidera alma lymphas:  
Vos horti date ferta, quæ sepulchrum  
Ornent perpetuo cadente flore,  
Spargant perpetuo cadente rore.*

Latomì.

*Ab hoc sit tumulto procul profani  
Arcerent oculos, manus, pedesque:  
Et solis aditum darent poetis:*

Huc



*Huc suo Lepidina cum Macrone  
Ductatum choreas, nouatum amores,  
Et ad delitias nouas veniret.  
Baiana lepidæ & leues puella  
Hic potos calida senes lauarent:  
Queis lusum vt facerent proteruiorem  
Cursarent pede, brachysque nudis:  
Proferrent niueas sinu papillas:  
Femur negligerent fluente veste:  
Darent basia pluribus figuris,  
Quàm suis citrios colunt in hortis  
Tum pulchra Antiniana, tum Patulcis:  
Sed quos aureola coma virenteis,  
Et gratos triplici colore fæctus,  
Hoc circum ordine ponerent sepulchrum.  
Undas Eridanus suas rigandis,  
Igneis Vraniæ daret fouendis.  
Huius luminibus locus caleret:  
Illius lachrymis solum teperet.  
Et hæc omnia Gratia probarent,  
Musæ percolerent, Amor, Venusque:  
Ab hoc si tumulto procul profani  
Arcerent oculos, manus, pedesque,  
Et solis aditum darent poetis.  
Queis nunc sancte senex tuo in sepulchro  
Et nos perfruihur tuo in libello.*

## M. Ant. Coccius Sabellicus.



**M**ARCUS Antonius Coccius Sabellicus ad vicum Varronis in via Valeria, iuxta Anienem fabro ferrario patre genitus, ingen- tem, & propè ferream vim ingenij ad perdiscendas literas attu- lit, tanto prouentu, vt planè imberbis apud Tyburtes ludum a- periret. Inde verò collecta mercede, & togula cœrulea excultus nobilioris doctrinæ cupiditate in Urbem ad Pomponium se contulit, à quo v- berrimi ingenij merito, in collegiū sodalium solemnī cerimonīa cooptatus, Sa- bellici cognomen tulit. mutabat enim nomen, qui in Quirinali sacra lauro co- ronabatur. In ea schola, quòd censura literarum acerrimis iudicū ingenijs a- geretur, multum sibi de incondita, & subagresti Latinæ orationis exuberantia detraxisse fertur. Nec multò post, Roma excedens, Vtino in oppido, non procul ab Aquileia, nobiles regionis adolescentes docuit. Parta demum  
infi-



in signi nominis fama, quum regionem vetustatis autoritate per celebrem lepidè descripsisset, decantato etiam versibus Carnico incendio, & deplorata clade Sontiaca: idcirco eum Vicentini celebritate nominis exciti, ambitiosè duplicato stipendio conduxerunt. nec ibi diu mansit, euocante Senatu Veneto, ea conditione, vt ciuitatis res gestas à fine Iustiniani conscriberet, & trecentis aureis in gymnasio profiteretur. In hoc munere perutilem iuuentuti operam prestittit, quum in altero adulatione parum sobria rerum veritatem adumbrasse videretur. Sed in Enneadibus omnium temporum, ab orbe condito memoriam complexus, vti necesse fuit, ingenti operis instituto festinanter indulgenti, res illustres præclara cognitione dignissimas per obscura breuitate adeo vehementer offuscauit, vt excitatam vberissimo titulo legentium cupiditatem passim eluserit, quum omnia in acervum angustissimè coarctata, nequaquam certa effigie, sed exiguis tantum punctis, & lineis annotata designentur. Id susceptum munus gnauiter secutus, scribendo ad septuagesimum ferè annum peruenit, Gallica tabe ex vaga Venere quesita non obscure consumptus. De sepulchro autem, viuens & incolumis, tempestiuè sibi cauit, scilicet degeneri filio diffusus, quem ex concubina susceperat: compositumque ab se carmen lapidi insculpsit: insigne quidem, & meritum elogium, sed certè honestius, si alieni ingenij pietas inscripsisset.

*Quem non res hominum, non omnis ceperat ætas,  
Scribentem capit hæc Coccion urna brevis.*

Latomi.

*Magnus in hoc tumulto iacet ille Sabellicus, orbis  
Cuius ad ingenium non satis vnus erat.*

*Tempora per modicis incluserat omnia chartis,  
Servire exemplo quæ potuere aliquo.*

*In Venere incerta tamen hic contabuit: atque  
Maluit Italicus Gallica Fata pati.*

*Qui iuuat humanos scire atque euoluere casus,  
Si fugienda facis, & facienda fugis?*

## Laurentius Laurentianus.



AVRENTIVS Laurentianus aliquandiu Florentiæ, & Pisis philosophiam medicinamque professus, ingenium elegantibus literis deditum ad traducendum Hippocratem cōuertit, quod Theodorus Gaza alioqui diligentissimus interpres circumscripti authoris laconismis minimè seriò respondere videretur.

Extant & eius eruditæ Lucubrationes in Galenum medicinæ principis, arcana per obscurè interpretatè: sed in commentationum cursu planè miser, atrabile correptus est. Empturus enim domum ea pactione tertiam præcij partem numerarat, vt, nisi intra sextum mensem totius summæ pecuniam repræsentaret, arrhabonis pecunia lucro venditoris amitteretur. Aduenante verò die, quum

multa ei aduersa spem fefellissent, diffusus amicorum liberalitati, & iacture dolore perculsus, animum despondit, in profundumque puteum se coniecit, sub id tempus quo Petrus Soderinus erecto populari dominatu, tãquam dictator perpetuus, summa cum moderatione Florentinæ Reipublicæ præsidebat.

## Myrtei.

*Spe destitutus commodum sibi domum  
Parandi, & angustæ magis, quàm patria  
Florentianatum ædibus mirabili  
Decebat, infelicem agens vitam miser  
Laurentianus se puteo in præceps dedit  
Angustiori: ne sepulchrum largius  
Esset cadenti, quàm fuerat viuo domus:  
Quæ nunc parata literis illi patet  
Talis polo, qualem nequeat orbis dare.*

## Latomi.

*Candida laurus erat, quondam prælata sepulti  
In titulo, geminis (gloria rara) notis:  
Arteis dum coluit, dum clarus Apollinis inter  
Mystas: perpetuum vivere dignus erat:  
Quæ super hunc tumulum fuluis modo passa capillis  
Stultitiam domini deflet & ipsa sui.  
Qui sibi spes subito quod erat præcisa parandi,  
Optabat quali commoditate domum,  
Fortune impatiens, puteum se misit in altum:  
Sicque miser vitam perdidit atque animam.  
Hoc est versuram vitæ fecisse, domusque:  
Nempe, perire malè, nunquam habitare bene.*

## Antiochus Tybertus.



NTIOCHVS Tibertus Cesenas ingenuus puer, à milite in vltiorem Galliam perductus, amore literarum Lutetiæ confedit, non abnuente hero, vt docilis ingenij adolescens optimis literis imbueretur. Post aliquot autem annos inde rediens in Italiam, profiteri cœpit diuinatorias artes, Magiæ proximas. Eleganti enim libro de Chiromantia edito, tantum nouæ famę promeruit, vt insiggni concursu, à curiosis & anxijis de toto vitæ fortunæque euentu consuleretur: nam ad corroborandam eius disciplinæ autoritatem, oportuna bonarum artium præsidia contulerat: vsque adeo solerter atque feliciter, vt viri doctissimi planè conscij de vanitate incertæ artis, id asseuerarent, quod vulgi testimonio crederetur. Primus enim post Petrum Aponensem, niagiæ peritiā celebrem, duobus seculis iacentem, & à cucullatis explosam artem excitarat, tribus etiam libris de Physiognomia, & Pyromantia compositis: ea tamen opinione, vt nequaquam ex arcano artis auidissimo cuique futura prænoſcendī rerum abdi-  
tarum



tarum euentus prædiceret, sed ex miræ prudentiæ coniectura, tanquam illustri ratione demonstrare putaretur. Prædixerat Guidoni Balueo, cui in togata Gallia propter inusitatum militaris animi vigorem, Guerræ cognomentum fuit: atque item Pandulpho Malatestæ Ariminensium Tyranno, ex volę manus lineis, futurum esse, vt hic pelleretur patria, & dominatu, exulque in extrema egestatis miseria periret: ille verò ab insigni amico perfidiæ suspicione necaretur. memorabili hercle non omnino incertę artis argumento, nisi Antiochus imminentem vitæ suæ exitum ignorasset, de quo tamen, sed fatali deceptus hora, minimè dubitarat. Interfecit enim Pandulphus suo metu, vel Benitiuoli foceri iussu nimium sæuus, à suspecta virtute virum fortem, quauis amicū & paratium ducem, ac ipsum Tibertum custodiæ tradidit, vt ex euentu, supplicio seruaretur. Sed quum occultam exitio Fata viam apperirent, captiuus, & compedibus nexus, custodis arcis filiam mollis animi puellam ita orando, et blandiendo ad misericordiam, amoremque pellexit, vt ab ea restem impetraret, & in fossam demitteretur: sed compedum sonitu prodita fuga miser retractus, & pari forte cum puella securi percussus, interijt. Nec in Pandulpho prædicentis fidẽ eadem Fata fefellerunt, quando omnium egentissimus in hospitali diuersorio desertus à liberis, sæuitiæ infamis, ac egestate senex miser perierit.

Floridi Sabini.

*Exilium domino quod vaticinare potenti,  
Dira morte insons perderis Antioche.  
O miseras arteis, quæ non docuere salutis,  
Cum tibi monstrarint hæ quoque mortis iter.*

Latom.

*Hos ego diuinus aliquid sanè esse putassem,  
Et tantum humanum non superare modum.  
Si non præ reliquis illos humana viderem,  
Enormi quadam cum nece, Fata pati.  
Adde quod est grauius, mala quum licet antè videre,  
Non æquè vt caueas antè videre licet.  
Et tamen ac liceat secum, sine lumine, pugnant,  
Vimque suis Fatis frustra adhibere student.  
Hoc docet Antiochus, qui Fata nisi antè scisset,  
Imocuus poterat, & sine cæde mori.  
Hoc superest Lector (si me patiâre monentem)  
Diuinus fias, si miser esse vles.*

# Philippus Beroaldus.



BEROALDVM inter nobiles grammaticæ professores summi nominis celebritate, & incredibili auditorum frequentia Bononiæ docentem, externa præsertim iuuentus effusè mirabatur, quum ex multa lectione, felicique memoria, abstrusæ doctrinæ opes venusto oris gestu proferret, & interpretando intacta ab alijs aude legeretur. Cupiebat enim obscuris authoribus lucem dare, & rancidæ vetustatis vocabula iam planè repudiata à sanis scriptoribus, in vsum Romanæ linguæ reuocare, vti apparuit ex Commentarijs in Asinum aureum Apulei: cuius familiaritate, horridum eloquentiæ genus, peruerfa quadam libidine induerat, ita vt honeste aures illud asperum impuræ nouitatis mirari primo, & mox admittere cogerentur. Sed ingenio maximè liberali & perhumanò, hæc obsoleta, & ridenda doctioribus opportunè condiebat, ea fama, vt qui omnia didicisse, & sedulo docuisse videri potuit, in delectu, pinguis & supinus euaserit. Obijt non planè senex, paulò pòst id tempus, quo Bononia terræmotu concussa est: & tyranni Bentiuoli domum mirabili subsecutæ calamitatis præfagio, dira fulmina percusserunt. Excepit doctrinæ hæreditatem, eiusdem nominis fratris filius. Is nitidiore ingenio, quum ad poeticam se contulisset, dignas æternitate Odas conscripsit, indeque à Leone pontifice in intimam familiaritatem est receptus, collata ei Vaticanæ Bibliothecæ præfectura: sed paratis honoribus, immatura mors celeriter inuidit.

## Myrtei.

*Sæpe novos linguæ mirata Bononia flores  
Non alios legit, quàm Beroalde tuos.  
Te nunc amisso languent cum floribus horti,  
Et flet delitias ad tumulum illa suas,*

## Quintiani Stoæ.

*Philippus ille candor, ille & optimus  
Sophos iacet, lapisque candidissimus  
Tegit, tegit, Bononiæ, Bononiæ  
Iubar: Viator asta & inspice, inspice,  
Mane, mane, Philippus ille te obsecrat,  
Rogat, preceris omnibus, sacrum omnibus  
Qui iter dedit, dedit. Lapis quoque obsecrat,  
Preceris, vt rogi leues eum opprimant.*

## Latomi.

*In lingua Venerem ne quicquam queris, Amice,  
Partem aliam obsedit, corporis illa mei.*

H E R



## Hercules Strozza.



**H**ERCULES Strozza Ferrariensis, Tito poeta genitus, patrem longo intervallo carminum nobilitate superavit. Illustri enim quodam lepore generosi & solertis ingenij in aula Principis adeo clarus eminebat, ut præter grauioris consilij munera, in quibus egregie prudens, & paratus erat, theatralium etiam ludorum, ac omnis elegantiae arbiter censeretur: nec quicquid de cultu corporis sumptuosisque munditijs, & splendore vitae Atestinis iuuenibus concederet. Sed cum hac ciuilis magnificentiae laude florentem, amatorijsque vanitatibus intemperanter deditum, ille impotens Deorum, ac hominum dominator, ut fabulae ferunt, Cupido saeuus in præcipitem locum arripuit. Concepti siquidem amoris insaniam, adeo perditis sensibus alebat, ut multa ac erudita largitione, tenerrimisque carminibus summi nominis matronam colere aliquantò procacius

quàm liceret minimè vereretur. Quam imbrobitate, si nō molestus palàm, grauis tamen quibusdam in arcano esse cœperat, quum tot illecebræ vna illa morum elegantilibertate malè tegerentur, ob idque ab odiosa obtrectatione timeri inciperet, quanquam luxato olim poplite claudus, nec alioqui planè formosus esset, aut iuuenis præualida scilicet apud zelotypos suspitione, quum ille inter iocos cum foeminis ad eleuandam cruris deformitatem, lepido exemplo diceret, non insulsam esse Venerem, quæ Vulcanum probè virum, quanquam loripedem libenter admitteret. Sed demum Taurellam illustrem forma & natalibus viduam, vsque adeo diris auspicijs adamauit, vt quum riualem haberet impotentem Tyrannum, cum ea fatales nuptias faceret, vt pudore coniugij repulsurialis arceretur. Sed id non tulit vir atrox, & superbus: breuique Hercules dum à cœna domum noctu mulareueheretur, interfectus est, neque cedis quisquam authorem, silente prætore nominauit.

Aldi Manutij.

*Hospes, licet alioproperè eundum tibi.  
Rogo hoc legas carmen, scio miserebere,  
Humanitas quæ est tua. Poetæ hîc sunt sita  
Ossa Herculis Strozze, poeta qui satus  
Patre est Tito. Quòd si cupis cognoscere,  
Qualis poeta vterque, quæis honoribus  
Quantisq; præditus fuerit in patria,  
Quamque in clytis Strozza orta gens maioribus:  
Longum foret narrare: id è libris potes  
Cognoscere hospes, quos pater, quos filius,  
(Nam excusati habentur) fecit excultis modis.  
Cantauit Anthiam, atque Phylloren pater,  
Quosque tulit heroas familia Estensum,  
Inuisaque arma matribus. Lucretiæ  
Hic Borgiæ laudes, decusque heroidum  
Quot sunt, suère, quotque erunt. Hic & Deos  
Canebat, & Gigantas, & bella horrida,  
Ac multa alia, cum rapitur. Heu Fata impia  
Egisset integram vel ætatem alteram,  
Non suam minus gauderet hoc Ferraria,  
Quàm aut Mantua Marone, aut Catullonobilis  
Verona, Venusiumue Horatio suo.  
Heu ter, quater crudelia, heu fata impia,  
Monimentum & ipse exegit ære perennius;  
Atque altius pyramidibus regum, Iouis  
Quod ira nunquam diruet, tempusue edax,  
Aut Aquilo impotens, maline ignes, virum  
Nam sibi dicatum oppetere, Pierides vetant;  
Sed mulierum quæ est gloria, & honos, Barbara  
Taurella coniux quàm pientissima, viro, &  
Vnà vt quiesceret ipsa, donec corporum*

*Erit ex.*



*Erit excitatio, sibi hoc vina posuit.  
Hoc te volebam scire, iamque abi, & vale.*

Bembi.

*Te ripa natum Eridani Permessus alebat:  
Fecerat & vatem Marsque Venusque suum.  
Iniecere manus inueni, & fatalia duris  
Stamina pollicibus persecuere Deæ.  
Vxor honorata Maneis dum conderet urna:  
Talia cum multis verba dedit lachrymis:  
Non potui tecum dulcem consumere vitam:  
At iam adero amplexans te cinerem ipsa cinis.*

Tibaldei.

*Herculis hic Strozze tumulus quem conpidit vxor,  
Taurellæ mærens Barbara gentis honos,  
Plus dederit quamuis, non hæc Mausole, meretur  
Plus tua Fortuna, hæc non pietate minor.*

Latomî.

*Se Venus occultans Martis damnauerat vsunt,  
Castè cum fabro viuere certa suo.  
Non tulit ille ferox: & se quærendo fatigat,  
Alterutrum, vel quò tradat vtrunque neci.  
Frustra at discursans cæli per compita, lustrat  
Lemnum, Imbrum, Lyparam, cumq; Amathunte Paphum;  
Pergit ad occiduas mundi perquirere parteis,  
Maximè vbi Eridanus læta per arua fluit.  
Hic videt insignem, claudo sed poplite, Strozzeam,  
Quem circum semper plurimus ignis erat.  
Hinc Mars non dubius Vulcanum credidit illum  
(Quomodo enim vatem nosceret ille ferus?)  
Non, ait, effugies: nec nox tibi fumida, nec quòd  
Mula, præsidio, claude veharis, erit.  
Dixit: & intorsit sæuum per tempora ferrum,  
Tempora puniceis sepe reuincta rosis,  
Ille abiit: aderat mox Cypria conscia cædis,  
Efflantiq; animam sic ait illa viro:  
Plus satis ad vitam cecimisti carmina: posthac  
Tu mecum, & tecum noster Adonis erit.  
Certè indignus eras: sed pro qua multa tulisti  
Viuus, debebas & mihi Strozze mori.*

## Bartholomeus Cocles.



ARTHOLOMEVS Cocles humili genere Bononiæ natus, ingenio nec mediocribus quidem literis imbuto, sed à coelesti quodam munere, diuino ac admirabili vaticinandi, artes curiosæ, atque feliciter exceperit, erectas nuper, ac illustratas ab Antiocho (se enim metoposcopum, & chiromantem profitebatur) magno hercle Astrologorum pudore, qui laboriosis genituræ supputationibus sæpius fallerentur. Publicarat enim ingenti fama codicem cum effigie linearum, characteres, & notas artis continentem, vt & hac quoque liberalitate tanquam promulgato totius doctrinæ mysterio, ignaras vitæ euentus curioforum mētes circunduceret, valido hercle accedente patrociniò Achillini summi philosophi, qui luculento procemio aduersus calumniatores, Coclitis scripta, tanquam insigni galea muniuerat, vsque adeò studiosè ac appositè, vt intertextis pæssim ex physica ratione quibusdam neruis, probè constituta, valla- taque, vel inanis facultas vna iam, nec ignobilis liberalium artium, acclamatione publica censeretur: & eo quidem clariore authoris existimatione, quod ipsius Antiochi, & Corui Mirandulæ placita grauib. argumentis, tanquam incerta conuellerentur, ita pronis ad credendum auribus, vt multi stabili alio- qui prudentiæ, ab hoc adumbratæ rationis præstigio circumducti, penderent ab ore Coclitis, & de priuatis rebus statuerent: quando quidem quotidianis prædictionibus, futura tanquam præsentia sentirentur. Extat de his præclaræ, ac admirabilis fidei Catalogus, ipsius Coclitis manu perscriptus, de ijs, quibus variâ violentæ mortis pericula denunciauit, exactissimo post eius interitum Fortuna obsequentis euentu comprobatus. Quo fit, vt me quoque inueteratæ exercitationis in hac luce Romana non facile credulum senem, in sententiam adducat ipse exctæ ætatis, & integri iudicij Lucas Gauricus, quum ingenuè fateatur, se à Coclite, senere, amiceque admonitum, vt violenti cruciatus causas effugeret, quum id ipse, sui natalis, negligētia patris, ignarus, ex syderum scientia anteuertisse nequiuert. A Ioanne enim Bentiuolo arreptus, & ex præalta trochlea suspenso fune quinquies quassatus, ideo pœnas dederat, quod excessu- rum patria, & dominatu in eius anni prognostico pronunciaffet. Sed aliquan- to acerbiores non irritæ diuinationis pœnam Cocles promeruit, quum inui- tus, & planè coactus, Hermeti Tyranni filio, dixerit, futurum esse, vt exul in a- cie cæderetur. Non tulit sanguinarius Hermes fatali metu percussus, vel pro- uocatam oris libertatem, iussitque Copono, vt Cocles, tanquam futuris inferijs suis expiando dolori victima mactaretur. Præuiderat necis discrimen Cocles: ideoque secreta galea caput munierat, ingenti gladio, quem peritissimè amba- bus manibus regebat, semper armatus: sed fatales insidias vitare non potuit, quum a personato baiuli habitu Copono, dum seræ ostij, calculo iniecto præ- peditæ, clauem infereret, adacta in occipitium securi sterneretur, non aliam quoque patrati facinoris causam afferente Copono, quam quod ipse Cocles, breui, & scelestè homicidam futurum edixisset.



DOCTORVM VIRORVM  
GVIDONIS POSTHVM.  
Coponus loquitur.

107

*Quis melior Vates? Quis Coclite verior augur?  
Falsa canit, atque hæc cogit habere fidem.  
Grande mihi nuper scelus, ac graue crimen inussit,  
Quale vel ipsius pectus habere neges.  
Puriter exegi tamen, ac sine crimine vitam  
Hæc teneas, ille autem dicere vera solet.  
Quidnam hoc Phœbe igitur? Certè illum hæc multa fefellit  
Linea, quam heu nostras damnat habere manus:  
Namque vbi ob hoc nostra cecidit malus ille securi,  
Cæpi ego, ne falsum diceret, esse nocens.*

Pontani.

*Cur caput armatum galea? latus ense reuinctum est?  
Vim fati radios dixisti habere tuos?  
Sed video melius Fatum est nescire: scisse  
Quando nihil prodest, tela, nec arma valent.*

Ioannes Cotta.



IOANNES Cotta apud Alieniæ pontem, id est oppidum supra Athesim, humili genere ortus, præaltum in literis ingenium ostendit: in agresti enim ore, generosi spiritus indoles ita latitabat, vt in sermone, scriptoque mira felicitas emineret. Hauerat enim pertinaci studio, euolutis vtriusque linguæ optimis authoribus, tantas eruditionis opes, vt à stupenda memoria clarus haberetur, & antiquæ dignitatis carmina perscriberet. Aperuerat ludum Laudi Ponticiæ, quod ibi nupta erat eius matertera. Sed demum inde Neapolim ad Pontanum se contulit, secutusque aliquandiu Sanseuerinum, & Cabanilium proceres, trāsīuit ad Liuianum Venetorum ducem, qui Musarum liberalis hospes academiam in agro Taruisino ad Portum Naonem instituerat, euocatis in conubernium præcellentibus poetis, in quibus longè demum clarissimi (præter Cottam) Fracastorius, Naugerius, & Hieronymus Borgius euaserunt. Ad Abdum autem ex ipsa Gallorum victoria, Liuiano fuso, captoque Cotta, insigni pietate se totius calamitatis & carceris comitem obtulit. Sed Galli inhumana acerbitate non misero tantum comitem, sed libros & calamus, ac omnia denique tenebrosi otij solatia denegarunt. Impleuit alterum officij munus Cotta: susceptisque à Liuiano mandatis, quum ad Iulium pontificem Viterbium peruenisset, paucos post dies oborta pestilenti febre octo & viginti annorum iuuenis interijt. Epigrammata, ac orationes eius extant, sed Chorographiæ opus nobile versibus inchoatum, & in Plinium erudita scholia, perierunt.

## E L O G I A

Aëtij Synceri.

*Sperabas tibi docta nouum Verona Catullum:  
 Experta es duos bis viduata Dcos.  
 Nulla animum posthac res erigat: optima quando  
 Prima rapit celeri Parca inimica manu.  
 Quæ tamen vt vidit morientis frigida Cottæ  
 Hora: suum fassa est crimen, & erubuit.*

Marci Antonij Flaminij.

*Si fas cuique sui sensus expromere cordis,  
 Hoc equidem dicam pace Catulle tua.  
 Est tua Musa quidem dulcissima, Musa videtur  
 Ipsa tamen Cottæ dulcior esse mihi.*

Cæsarîs Scaligeri.

*Intra in me Cottæ Genius, quem dicere conor:  
 Aut perijt trepida mens tremefacta fuga.  
 Tu Latij Siren: ita cantu interficis omneis:  
 Nam tua qui legit, scribere nemo potest.*

Latomî.

*Dic mihi: Pierides Venerem nescire fatemur:  
 Sed Venus est carmen nil nisi, Cottæ, tuum?  
 Fallor? an id circo, Veneris quo gaudia Musis,  
 Sera licet, repares, tam citò raptus abes?*

## Petrus Crinitus.



ET RV S Crinitus iucundo eruditoque ingenio iuuenis, cum a crispa patris coma Etrusco nomine Riccius vocaretur, idque nomen fastidiret, Crinitus appellari maluit. Is non iniquo iudicio habitus est inter Politiani discipulos disertissimus. Extant enim, præter non illepida poemata, libri de honesta disciplina supra viginti, peramœna & copiosa varietate delectabiles: ac item quinque de Poetis Latinis laboriosè eruditeque perscripti. Mortuo Politiano patritiorum iuuenum, qui ingenia literis excolebant, vel genere et censu impar promeruit, vt apud eos & sodalis, & magistri munus adimpleret. Nobiles enim adolescentes more Socratis adamandos pariter ac erudiendos corporis ac animi pulchritudine ductus, prædicabat. Sed tanta familiaritas nequaquam certis grauitatis atque modestiæ finibus descripta, contumeliæ, ac item exitio locum aperuit. In Scandicianâ enim Petri Martellij villa post hilarem cœnam, cum petulantis conuiuæ manu inter iocosam rixam frigidæ cantharo perfusus obriguisset, insolentis iniuriæ dolore faucius paucis diebus interijt, eo quidem totalium grauiore pœnitentiâ, acerbioræque iactura, quod nondum quadragesimum ætatis annum attigisset.

Myrtci



## Myrtei.

Priscos poetas viuere  
 Crinite dum doces, obis.  
 Ergo tibi superstites  
 Debent Poetae non minus.  
 Ipse amplius nihil volens  
 Debere, dono carmine  
 Hoc te sepulchro conditum.


## Andreæ Dactij.

Heus, audi, properes licet Viator:  
 Criniti tumulo teguntur isto  
 Dilesti cineres sacris Camænis.  
 Hoc scires volui, recede felix.

## Latomi.

Iaculent perpetuam, quod vates carmine vitam,  
 Hanc quoque pro arbitrio dent adimantque suo.  
 Mortem irritarat, veteres ut acerba poetas  
 Temporis aeternas mergeret in tenebras:  
 Sequē tuebatur, donec Crinitus & illos  
 Temporis, & mortis tolleret è manibus.  
 Qualemcumq; vicem, quamvis sim victa, rependam  
 Mors ait: & certè tu mihi stultè lues.  
 Tūc magis stulta es, quæ illum euertere speras,  
 Per quem tam fœdè tempus, & ipsa iaces?

## Hieronymus Donatus.



**E**NITUIT in Hieronymo Donato Patritio Veneto, supra oris, atque staturæ dignitatem, senatoria prudentia singularis, præcellenti doctrinæ præsidio, & multo rerum usu constituta. Attulisse siquidem videtur in omnem actionem mores longè lectissimos, & præclaris disciplinarum omnium luminibus illustrés, quibus postea Iulium Secundum Veneto nomini graviter iratum, & cōspirantibus externis regibus, sæuo bello maiestatis iniuriā vindicantem, non leniuerit modo, sed impetrata pace, ictoque scedere conuerterit. Quo felicitis ingenij supremo opere, iam penè conuulsum radicitus eius Reipublicæ statum, septennio restitutum vidimus. sed industriæ suæ fructum sentire non potuit, paulo ante Romæ morbo extinctus, quàm Gallus grauis hostis Italia pellere-  
tur. Verum ex ealegatione, eximia laus totius Italiæ iudicio parta, perpetuis  
annali-



annalibus ad posteros transmittitur, nec erit ingrata patria, quin meritum decus optimo cui instaurata nominis memoria persoluat. Monumenta eius ingenij digna luce, quod publicis occupationibus absolui nequiverant, filij supplerunt, edito libro aduersus Græcos, vanissimè de sacrorum principatu cū Romano pontifice contendentes. Legitur etiam libellus Alexandri Aphrodisi de Intellectu, è Græco in Latinum puriter ac appositè traductus. Extant etiam aliquot Epistolæ, multa styli gravitate conscriptæ: ex his ea præsertim, qua Gallici fœderis compedes Maximiliano Cæsari exuendas persuadet: altera qua concussæ ingenti terræmotu Cretæ insulæ, cum ipse præsideret, clades terroresque describit.

## Myrtei.

Donate, diuinum munere  
Fudisti vt orbi nectaris,  
Quantumque manat gratiæ  
Diuino ab ore cælitum.  
Seruasti, & exul patriam:  
Dijs restitutus denuo  
Orbi quærenti deferis  
Nil præter ossa & lachrymas.

## Latomi.

Plus quam Roma suo Gallis defensa Camillo,  
Hostem semel quem fecerat:  
Donati meritis nullo non tempore summis,  
Semperque cuius optimi,  
Illaque non vnus erepta potentibus armis,  
Regina debet Adriæ.  
Atque illo vberius patriæ quod commodum spectans,  
Spreuit paratam gloriam,  
Quam raro ingenio multam cumularat Apollo:  
Sed patriæ donatus est.

## Alexander Achillinus.



**A**LEXANDER Achillinus Bononiensis, accuratus Auerrois interpres, quum Patauij philosophiam profiteretur, solidæ constantisque doctrinæ famam obtinuit, vel ipso Pomponatio acri æmulo inlidiosa ambitione scholam eius depopulante. Erat enim à summa ingenij simplicitate ambiendi, adulandique prorsus imperitus, vsque adeò, vt falsæ petulantiq; iuuentuti, quanquam doctrinæ nomine in honore esset, ridendus videretur, & tum maxime quum deambula-  
ret vndulatis passibus, coccina in toga exoleti moris, astrictas scilicet habente manicas, & nullis à tergo defluentibus rugis, lutrina pelle fimbriatas: renidenti-  
que semper fronte, & sermone pingui vel inepti, vel contemplantis ingenij vitia fateretur: sed æmulum in corona veteratoris disputantem, & risum falsa dicacitate sæpius excitantem, ipso inuictò doctrinæ robore superabat.

Edide-



Ediderat enim iam pridem ex Peripatetico dogmate singulos libros, de Elementis, de Intelligentijs, et de Orbibus, secutus opiniones Auerrois, quibus totius ingenij sui fama nitebatur. Concidente autem Patauino gymnasio inter exortu belli strepitum, Bononiam reuersus excessit e vita, quum nondum quinquagesimum expleuisset annum. Tumulus eius cum hoc carmine in æde diui Martini conspicitur.

Iani Vitalis.

*Hospes, Achillinum tumulo qui quæris in isto,  
Falleris, ille suo iunctus Aristoteli  
Elysium colit, & quas rerum hic discere causas  
Vix potuit, plenis nunc videt ille oculis:  
Tumodo, per campos dum nobilis umbra beatos  
Errat, dic longum perpetuumque vale.*

Latomi.

*Quisquis Auerroem censet habuisse cerebrum,  
Falleris: haud est me passus habere meum.  
Regula non fallit: Propter quod quodlibet vnum  
Taliter affectum est, sed magis illud erat.*

## Bernardinus Corius.



NON est cur Bernardinum Corium Mediolanensem quisquam eruditus contemnat & irrideat, quod immensum rerum gestarum volumen, incondito ac inepto sermone perscripserit. Honesto enim loco natus, & gloriolæ cupidus, quum pro ingenij captu vernacula idiotisque familiari lingua vteretur, optimam ciuibus suis attulit voluntatem, idque vnum scribendo respexit, quod curiosis aut nobiliore facundia scripturis maximè prodesset, atque inde nominis ac industriæ laus ad posteros proferretur. Nam si Cæcilij Plinij testimonio historia quouis modo scripta delectat, quod lux temporum, nuncia veritatis, et magistra vitæ censeatur, huic ciui suo plurimum profecto Insubres debebunt: qui ingenuo labore intercifam, & planè sepultam grauissimarum rerum memoriâ, diligenter inquirendo consuendoque ad singularem vtilitatem posteris representauit. Fuit enim vir amantissimus patriæ, & nusquam factiosus: minutiarum adeo diligens indagator, ut cum historiæ studiosis perutilem, & iucundam afferat voluptatem, nihil morosis & delicatis officiat. Nam in enarrandis rebus, quibus ipse interfuit, fide & diligentia mirus agnoscitur, quando eum in aula splendide versantem, & ex secretioris archiui copia, opportune adiutum nusquam arcana fefellerint. Perijt Gallis Mediolano potitis ante sexagesimum ætatis annum, Ludouici Principis, & Ascanij Cardinalis calamitate perturbatus. Publicauit Historiæ volumen viuus priuato sumptu, ac ob id graui rei familiaris damno, quoniam dum spectare gloriam videri vellet, refarciendi sumptus,

noui que lucri inanem spem, astuta chalcagraphorum persuasione concepisset.  
In sepulchro eius tale inscriptum carmen legitur.

*Incerti.*

*Bernardine tibi Insibres debere fatentur,  
Non minus ac magno Roma superba Tito.*

*Latomi.*

*Scriptisti patriæ: patria & tibi grata rependit  
Ad bustum assiduas cum gemitu lachrymas.  
Indoluit Phæbus, lachrymasque in fluminaroris  
Et gemitus Zephyros vertit in herbiferos.  
Illa rigant latè terram, terra ebria florum  
Gignit opes: circum laurea sylva viret.  
Inquam dum Zephyri incumbunt, vox redditur ista:  
Vive Cori patriæ, viuat ut illa tibi.*

## M. Ant. Turrianus Veronen.



V A M vides Marci Antonij Turriani Veronensis effigiem, nullis idcirco interlitam picturæ coloribus, sed carbone tantum atque vnīs vmbRARUM finibus deliniatam, hoc loco dicaui mus, quod ille diuino præditus ingenio, dum exactæ ætatis inueteratæque authoritatis medicinæ professores interpretationum subtilitate superaret, prius immitti Fato gymnasijs est creptus, quàm admirandæ vtilitatis exquisitæque doctrinæ inchoata opera absoluerentur. Elaborabat is profitendo simul, atque secando damnatorum cadauera anatome volumen ex placitis Galeni, quo Mundinum rudis seculi scriptorem, & Zerbum in eodem negotio delirantem iugularat. Hic est Zerbus, qui ambitioso auaroque ingenio, quum accitus grandi pecuniâ penetrasset ad Triballos, ut Schenderballam recenti & luctuosa in Euganeos irruptione clarissimum intercute morbo liberaret, nec demum quod inflatè promiserat morienti præstaret, à Barbaris seruis, ut domini manibus ea scilicet victima parentaret, trucidatus interijt: ita ut lepidè Turrianus in eum iocaretur, cum libri eius errata dispungeret, quasi iure concisus esset, quod magna discipulorum iniuria perperam secando cadauera, ipse viuus meritam talionis pœnam subisset. Natus est Turrianus ex ea perillustri familia, quæ ante ducentos annos Insucribus imperarat, patre peracuto excellentique medicinæ professore, ita ut non mirum sit ab ineunte ætate in eadem educatum disciplina, multò maturius quàm quisque alius ad primos suggestus honores Patauij & Ticini peruenisse. Præferebat os maximè venustum, serena quadam comitate occurrentium animos alliciens: verùm docendo & disputando mirus, prolatis Græcis authoribus, pudendos errores, & vitæ quidem exitiales ostendebat, in quos medici ex herbariæ facultatis ac anatomes inscitia cecidissent. Hoc eximio præceptore in gymnasio Ticinensi studiorum nostrorum vigilias pro concione laudante, de liberalibus disciplinis, atque arte medica lauream, et annulum comprobatæ dignitatis ornamenta accepimus.



cepimus. Nec multos post menses quum ad ripam Benaci locus secessisset, pestifera febre triginta trium annorū iuuenis ereptus est, quum Iulius pontifex in pseudo Cardinales, fauentesque eis Gallos victricia arma in luctuosum vtriusque Rauennatis pugnae euentum expediret. Luxere Turrianum cuncta gymnasia, & diuturnis quidem lachrymis. Nemo enim eo in literis absolutæ virtutis illustrius specimen, nemo certiore consummatæ gloriæ spem dederat. Ad meritos autem titulos Veronæ nobili tumulo inscriptos, Nicolaus Archius hoc lepidum carmen apposuit.

*Ante annos sciuisse nocet, nam maxima virtus  
Persuasit morti, vt crederet esse senem.*

Cæsaris Scaligeri.

*Suada, Venus, Nemesis, Charites, Sapientia, Musæ,  
Amplexæ in cunis pectora Turrioli  
Prose quisque sibi trahere & contendere: verum  
Cum fors, visque simul omnibus æqua foret,  
Marte supperuente, Venus, committimus, inquit,  
Vno assensu hominem iudiciumque tibi.  
Ille ferox gladium nudans, Hoc vicinus. Aut vos  
Hunc mecum: aut totus cesserit ergo mihi.*

Latomi.

*Quam cernis vnīs linearum finibus  
Nullo colore præter hanc fuliginem,  
Has inter alias dedicatam imagines:  
Ad vindicandam mortis est iniuriam,  
Ab hoc locata literarum vindice.  
Nam Turriani illius est Antony,  
Qui sanitati quum tuende incumberet,  
Et proferenda ætatlæ mortalium  
Daret salubria, amoueret noxia  
Ætatis ipso, & artis, & conatum,  
Morte inuidente, raptus est e carcere:  
Metam tametsi iam videret vltimam.  
At hæc tua est ô Turriane gloria,  
Quod in theatro solus hoc pulcherrimo  
Mortis pudendo cum pudore prodeas.*

## Lancinus Curtius.



LANCINVS Curtius Mediolani honesta ortus familia, inter Merulæ sectatores Græcæ & Latine doctissimus euasit, sed quadam volucris, nec planè sana ingenij liberalitate, per omnes sciētias euagatus, nusquam ad integrum decus constituisse videtur, vtpote qui passim vtroque stylo, & scaber & obscurus, dissipato variè doctrinæ lumine, evoluisse cuncta volumina videri mallet, quàm pusi & circumscripti poetæ nomen appetisse. Eius enim Syluæ, quæ iam pridem in publicum exiuerunt, quanquam densa illa & peragrestis arborum luxurie, vti maxime frondosæ alteque surgentes quibusdam placere possint: præpedientibus tamen vepribus horridæ inaccessæque existimantur, adeo vt vrbani lector reformidata situs nouitate, in limine hæreat. In libris porro Epigrammatum videre est in multa duricie nonnunquam molles facietias, quæ risum falsè permoueant. Sed hoc multò iucundius atque lepidius consecutus videtur, quàm præpingui Insubrum lingua scire numeros iocanter effunderet. Anguineos etiam, quos vocant, versus, in iris modis & numeris conformabat, ita vt recto & conuerso quoque ordine quadrati epigrammatis introrsus exempta verba aliud carmen efficerent, quod prioris sententiæ percostas, & diametros ex obliqua serie mirabiliter arriderent, inani hercle & planè ridenda cum laude, cum tanto sudore delirantis ingenij, ab inepta et rectis literarū studijs, exitiali voluptate fama quæreretur. Cæterum contentus paruo, sibi que soli (vti sæpe dicebat) & genio suo viuens, & cælebs, & liber sine labe nominis ad senectutē peruenit, nihil obiter immutato vetere cultu, cum cæteri ciues non obscura confessione seruitutis aduentu Gallorum, peregrinam induiti vestem, & capillum ad aurem subtondentes, eum pristino more togatum, prolixæque comatum petulanter irriderent. Moriens de sepulchro sibi cauit, quod in templo diui Marci extra Beatricem portam cum vera effigie & hoc carmine spectatur.

Stephani Dulcini Cremonensis.

*En virtutem mortis insciant  
Viuat Lancinus Curtius  
Secula per omnia,  
Tantum possunt Camænæ.*

Latomi.

*Arguor vt nimium salebroso in carmine durus.  
Quid facerem? vita est taliter acta mihi.  
Tradere difficile est tenero mollique poetæ  
Virtutis duram difficilemque viam.*

B A P T I



## Baptista Mantuanus Carmelita.



**B**

APTISTA Carmelitani ordinis princeps, Mantuæ ex Hispaniola gente honesta, verum ex damnato coitu natus naturam ad carmen attulit, verum insatiabili Hebraicorum studiorum cupiditate ita occupatam, ut cum magnus & admirabilis in omnibus videri contenderet, in excolendis Musis curam ac diligentiam remittere cogeretur, quibus vnus non dubius ad æternitatem gradus parabatur, si certa laude contentus, in reliquis inane nomen tempestiue contempsisset. Sed incidit in ea tempora, quibus nullus mediocribus poetis locus erat, reperit tamen sibi æmulum incondito furore, Consalui magni res gestas decantantem, cuius explosione claresceret. Is erat Cantalicus pro bono poeta ab optimo duce mediocris etiam virtutis amantissimo liberaliter ditatus. Verum & hunc, & ipsum quoque Carmelitam desumpto eodem argumento, Grauius

malæ partæ laudis loco strenuè deturbauit, quum inchoatum poema nobile Pontano atque Actio censoribus recitasset. Cæterum Carmelitæ satis ad laudem fuit, quod per quindecim secula neglectos à ciuibz Andinos fontes salubriter ebiberit, scilicet vt fatali monitu limpidioris eius aquæ siphones Lelio ac Hippolito Capilupis fratribz monstrarentur. Octogenario maior Mantuæ decessit non planè felix, quum in extremo vitæ actu defensionem contra Criticos scribere cogeretur, qui eius poemata obeliscis non inanibus misere confodissent. Sacratio poetæ mortuo cucullati eius ordinis sacerdotes prolixè parentarunt. Federicus autem Princeps marmoream effigiem cum laurea posuit, quæ in arcu lapideo iuxta Virgilij Maronis simulacrum, pia hercle, si non ridenda comparatione conspicitur.

## Myrtei.

*Alter hic iacet à Marone Vates,  
Natus Mantuæ, & is quidem Poeta  
Dignior titulo, nisi incidisset  
In fluctus varios scientiarum,  
Quo Musas coluit minore cura.  
Primus hic tamen à Marone natus  
Mantuæ; coluit Poeta Musas,  
Andinosque bibit sacro ore fontes.*

## Latomi.

*In ponte iuxta quos locatos cernitis,  
Virtutis ergò, patriæq; gloria,  
Vterque Vates, & quiden ortu cinis est  
Quos cognitos licet tamen ne nescias,  
Alter Maro, alter ille Mantuanus est,  
Quem nil vetabit & Maronem dicere,  
Pensare venam si potest professio.*

## Franciscus Marius Grapaldus.



VVM Parmenses post exactos Gallos ad Iulij pontificis auctoritatem se contulissent, Marius Grapaldus à præstanti facundia, & insigni corporis proceritate legationis princeps, luculentam de laudibus inuicti optimique pontificis habuit orationem: ediditque item pari argumento carmina eximie grauitatis. Quo demum officio appositè ac eleganter patriæ præstito, honoris causa lauream à Pontifice de manu erudito capiti impositam solenni ceremoniâ, in Vaticano consecutus est. Exinde tanto honore alacer, Musas tanquam non obscurè propitias vehementius lacessiuit, vt ex publicatis poematibus ostenditur. Sed multo vberius & latius ingenij famam propagauit, edito libro de Partibus ædium, quo per optimas disciplinas perornatum diligenti cultura ingenium demonstrauit. Fato functus est in patria post quinquagesimum ætatis annum,



antrum, quum interiores meatus emittendo lotio globosior calculus obstruxisset.

Georgij Anselmi.

*Emeritam hic laurum Aonides, plectrumq; lyramq;*

*Grata tibi ex merito turba Grapalde dicat.*

*Vt tumuli misera erexit leue nomen inanis,*

*Soluit & ad vacuos, vt sua iusta rogos.*

*Nam te, nec fas est humili cohibere sepulchro*

*Tam rara insignem qui struis arte domum.*

*Reddite vbi doctis voces, vulgoque receptæ,*

*Haud dubiam faciunt non obysse fidem.*

Iani Vitalis.

*Tu Grapalde tibi magna pro mole sepulcri*

*Erigis ingentem perpetuamque domum:*

*Occupat illa suis immensum finibus orbem,*

*Altaq; sublimis sidera tangit apex:*

*Et merito, neque enim tumulo tua gloria claudis;*

*Cum voluit mundi claustra per ampla potest.*

Latomi.

*Collustrans amplas Marius quas struxerat ædeis*

*Extulit artificem Mors stupefacta manum.*

*Quæ tamen, vt bile iusto feruentior atra,*

*Subridens, tumulum (dic, ait) hospes, vbi?*

*Iam video cæcæ, nedum (intulit ille) maligna:*

*Pro tumulo erexi hanc inuidiosa domum.*

## Thomas Linacrus.



**T**HOMAS Linacrus ex Insula Britannia ad perdiscendas Græcas literas in Italiam profectus, Florentiæ Demetrium & Politianum audiuit, eaque enituit morum suauitate, atque modestia, vt à magno Laurentio liberis suis, familiari studiorum consuetudine, quanquam ætate maior, socius adderetur. Inde vero multis variæ doctrinæ ornamentis adauctus, quum Romanæ quoque ingenia certius agnoscenda, ac opulentiores bibliothecas inspiciendas existimaret, ad Urbem conuendit. In primo autem appulsu fortè accidit, vt Hermolao Barbaro amicitia iungeretur. Nam ingressò Vaticanam Bibliothecam, & Græcos codices euoluenti, superuenit Hermolaus, ad pluteumq; humaniter accedens, Non tu hercle, inquit, studiosè hospes, vti ego planè sum, Barbarus esse potes, quòd lectissimum Platonis librum (is erat Phædrus) diligenter euoluas. Ad id Linacrus læto ore respondit, Nec tu sacrate heros, alius esse iam potes, quàm ille fama notus Patriarcha Italarum Latinissimus. Ab hac amicitia (vti casu euenit, feliciter conflata) egregijs demum voluminibus ditatus in Britanniam rediit: datusque est præceptor Arcturo Regis filio: cui dicatam Procli Sphæram legimus. Transtulit demum ex felici vigilia Galeni

leni librum de Tuenda Valetudine, quum in arte medica æquè doctus & fortunatus spectaretur. Verum ab eo munere, veluti quæstuosò potius, quàm ad paradam perennem gloriam nobili, refugit ad antiqua optimarum literarum studia, reuocatus societate Latomeri, atque Grocini, qui constituto Triumviratu, ad immortalè laudem, vertendum Aristotelem communicato labore susceperant, sed Grocinius, ad oblatum sibi sacerdotium à decreto fideque discessit, & Latomerus consilio excussus est, ita, ut Linacro egregiæ voluntatis de cus maneret apud Henricum Octauum. Sexagesimo autem, & quarto ætatis anno, ex dolore disruptæ herniæ vita excedens, honestam domum Londini Medicorum collegio dedicauit.

Iani Vitalis.

*Dum Linacrus adit Morinos, patriosque Britannos,  
Artibus egregijs diues ab Italia:  
Ingentem molem saxorum in rupibus altis,  
Congerit ad fauces alte Gebenna tuas.  
Floribus hinc, viridiq; struem dum fronde coronat,  
Et sacer Assyrias pascitur ignis opes:  
Hoc tibi, ait, mater studiorum, ô sancta meorum  
Templum Linacrus dedicat, Italia.  
Tu modò cui docta assurgunt cum Pallade Athenæ  
Hoc de me precium sedulitatis habe.*

Latomi.

*Dum longum Italiæ vale iuberet,  
Thusque in graminea cremaret ara,  
Qua tuas aperis Gabenna fauceis.  
Linacrus patrios petens penateis:  
Sic amore viri locuta fertur  
Arnis, impatiens Etruscanympha:  
Ab, sic Arnida? sic tuam puellam?  
Sic linquis veteres tuos amores?  
Et præ me petis Anglicas puellas?  
Quid rerum hîc quod ames valet deesse,  
Illic quod cupias potest adesse?  
Gaudes Barbarie? Hermolaon eccum: at  
Quem pro delitijs habent Camænæ.  
Sic autem caperis nitore linguæ,  
Hoc nil tersius est Politiano.  
Sed gaudes refluxum vehi per æquor?  
Ab, ysi iam in lachrymis potes natare:  
Et quæ te huc reuehent, redito tantum.  
An rupeis patrias amas videre?  
Te, Linacre, aperi: nec ibis vltra.  
Quid? quòd Italiam miser relinquis,  
Quum sis Italica eruditione,  
Romano ingenio, lepore Thusco?  
Totus noster homo es: sed Angla mens est.  
Ille abiuit: & hæc soluta in vndas.*



VIRORVM DOCTORVM  
 Antonius Nebriffensis.

121



**H**ISPANIA per mille amplius annos, Vandalicis, Punicisque armis occupantibus, Latinarum literarum splendore caruit, alioqui non obscura telluris, cælique temperie maximorum ingeniorum ferax, si Lucani, Senecarum, Siliij, Martialisque memoria recolatur, ut hic Auerroem in Arabica lingua, sapientiæ lumine clarissimum omittamus. Hispaniæ enim procères, totaq; nobilitas peruersam opinionem de literis induerant: sic, ut earum studia, quum pro libertate aduersus externas gentes dimicarēt publica cōspiratione damnarentur, quasi aliena, importunaq; virtuti bellicæ, qua vna salus, & libertas omnium certiore laude pararetur. Sed post Punicū nomen, virtute Ferdinādī Regis Hispania pulsum, Antoni Nebriffensis ingenium emicuit, par antiquis Grammaticis,

si par Fortuna seculi, anhelanti ad veterem laudem opportunè respondisset. Hic Nebrissæ, quæ olim Veneria fuit, ad Bethim natus, scribendo & docendo iuuentutem, admonitis castigatisque natu maioribus, ad antiquum decus literarum vehementer erexit. Constat enim eum, literarum amore sponte exultantem, ferè totius Italiæ gymnasia collustrasse, collegisseque dignos nobili voto, Græcæ, Latinæque linguæ thesauros: quibus terra patria ditaretur. Dicebat enim proceribus ad arma natis, serò exactæ artis, & disciplinæ exempla, vel longo vsu percepturos, si literarum lumine carerent: quo vno stolide sublato, tota bellica laus celeriter euanesceat & interciderit. Paucis itaque annis effectum est, ut nemo, qui literarum studium reformidaret, satis nobilis haberetur, ipseque Antonius, non secus de restitutis postliminio literis, quàm Ferdinandus, Granatà capta, Maurisque pulsus, gloriosè triumpharet. Scripsit ingenti cursu orsus à grammaticæ præceptis omnes ferè liberales disciplinas, & sacras literas peruagatus, multa volumina quæ extant. Expectatur autem summæ vtilitatis Dictionarium, quo Latine, Græcæ, ac Hebraicæ linguæ documenta continentur, ab herede filio hætenus impie suppressum, quum & ipsa quoque penè ad exitum perducta, Bethici belli historia in lucem non prodeat. Oppressit eum repentina paralytis, quum ad septuagesimum septimum ætatis annum peruenisset, tanto quidem corporis ingenique vigore, ut nihil de studiorum labore omnino remitteret: & ut natura mulierosus, ad supremum usque diem venereis vteretur. Obijt sub id tempus, quo popularibus vltioris Hispaniæ ad arma confternatis, aduersus Belgas præfides tanquam auarè imperantes, grauitè est tumultuatum.

## Myrtei.

*Me putat æternum saxo posuisse sub imo  
Acerba mors, & fallitur.  
Non ingrata etenim mea gens volitare per ora  
Dat, & per oras omnium.  
Hæc mihi pro reduci studio, Latijque Camœnis  
Certè trophæum non minus,  
Quàm tibi pro Mauris debet Fernande fugatis  
Et pro recepta Batika.*

## Incerti.

*Vt quondam tacuit Latij facundia lingue,  
Cum fuit Antonij cesa manus gladys:  
Sic scelus hoc solers Antonij cura piavit,  
Quamque prior vitam sustulit, ille dedit.*

## Latomi.

*Sæcula transferant: neq; adhuc Hispania quicquam  
Ediderat, quales assolet ante viros.*

*Iamque*



*Iamque emarcuerat, neque erat quod gignere posset,  
Semine maternos destituyente locos.*

*Accessit Venerem Phœbus: quin hac tua in vrbe  
Excimus, qui nos, dixit, vtrunque colat.*

*Illa sed assensa est, dignumque prioribus annis,  
Tum veteri ingenio, tum veteri arte, dedit.*

*Ipse est (iam nosti) duce quo Tartessa iuuentus  
Ad decus antiquum spirat, & assequitur.*

*Qui licet in patrem non paulò impensior esset,  
Non tamen in matrem desidiosus erat.*

## Bernardus Bibienna.



**H**OMO valde mirus in vtraque Fortuna extitit Bernardus Diuitius in oppido Bibienna, vnde ei cognomen ad summas Arctinorum Alpes natus. Is à pueritia inter Medicæ familiæ clientes, primum solertis industriæ locum meritis, Leoni patria pulso, atque exuli, singulari fide comes fuit, & consiliorum quidem omnium particeps. In multa enim, & varia rerum commutatione, diuturnoque vsu grauiſimarum actionum peracutus, efficax, & quod vnum in aula maximè conducit, iucundus veterator euaserat: ita, vt cum Leo rerum potitus inter propinquos maturato honore legerit in Senatum. Magno siquidem adiumento fuisse constabat in comitijs ad promerendas suffragatorum voluntates, quum antea nobilissimis Cardinalium hero conciliatis, ad petendum Pontificatum, expeditam viam, astuta quadam vrbaniſſima inuiniſſet. Conuiuia enim in quibus erudito luxu certabatur, miris facetijs condire, seria iocis miscere, adulari, resque arduas diſſimulanter conficere solitus, ingenium nusquam absurdum, aut ineptum, in otio pariter, atq; negotio feliciter afferebat. Scripsit admirabili lepore comœdiæ Calandram, quæ acta est in Vaticano ludis Lupercalibus, pernobiles comœdos Romani iuuentutis, in gratiâ Ifabelle Mantuani principis vxoris, vsque adeò decenti apparatu, vt nihil ad elegantiam theatralem, ab eximio poeta comico, doctius atque facetiſſime compositum, aut magnificentiſſime in scena editum confiteri liceat, nisi tum cæteris patribus sacra purpura pudorem expreſſiſſet: quum tamen à minus ſeueris dignitatem attuliſſe putaretur. Abdicauit in ea numeros primus, vt vernaculos ſales dulcius, atque liquidiſſime ſcœminarum auribus infunderet: quo multirifus hilarior voluptas excitaretur. Id enim vnum peti, quæriſſimè debere a non inſulſo poeta diſſerebat, quòd in Terentiana ſcena, vererendi ſalis prudentiam admirari quidem non ſatis poſſint ſpectatores, ridere certè nequeant, quòd nullam, vel eruditæ fabulæ ineſſe gratiam putaret, niſi ab excitato populo, miſtus cachinno plauſus inredderetur. Perijt non planè ſenex, quum è legatione Gallica in Urbem rediſſet, intempeſtiua ambitione ad pontificatum aspirans, ſi Leo, vti in Fatis erat, vita excederet, quòd ei rex Franciſcus, ex proluxa pollicitatione ſuffragaturus crederetur. id multo iunior, habituque viuacior Leo

in imbecillo sene adeò indignanter tulisse fertur, vt ipse Bibienna, tabifi co veneno ex frixis ouis de manu in mensa porrectis, se petitum suspiciosius, quàm decebat, existimaret: inani certè argumento, quòd insignium medicorum, vel iterata exquisitaque remedia minimè profecissent.

Boccarini Aretini.

*Trunca fides, lugent Charites, perièrè lepôres  
Desipuèrè sales, desipuèrè ioci,  
Luridâ nimirum Mors, quæ Vrbi inuidit, & orbi,  
Diuitium immitti funere corripuit.  
Purpureos meruit titulos. Romæ occidit, ortus  
Est Bibiennæ. Hoc te scire sat hospes erat.*

Latomi.

*Omnia captavi, nec segniter omnia cepi:  
Est mea præcipuus præda galerus honos.  
Pressius at tandem captans, nec vt ante, Leonem,  
Venator perij cassibus ipse meis.*

I A S O N



## Iason Mainus.



**I**ASONI Maino Mediolanensi, uti ipse in gentilitijs insignibus præscribere solebat, virtuti Fortuna comēs non defuit: natus enim ex concubina, nequaquam eodem cultu, quo æquales propinqui, sed eodem pædagogo sibi tantum immiti, atque aspero utebatur, ut ab eo familiariter audiimus. Ex hac schola missus Ticinum ad ius civile perdiscendum, primo anno ita ingenium ad vitia, illam-

que supra cætera pestilentem aleam deflexit, ut cum hospite decoqueret, & iuris Codicem in membranis scriptum, magno emptum precio sceneratori tradere cogeretur: ipse verò demum sordida in toga, capite tonso, quod id tinea deformis obsideret, ridiculus videbatur: sed maturè & peracerbè castigatus, seipsum collegit, bonæque frugis personam nequaquam mentitus, tanta contentione in studijs disputationibusque sese exercuit, ut doctores ipsi, æqualisq; iuuentus, eum adeò celeriter atque feliciter profecisse mirarentur. Exinde suggestu dignus, Institutiones enarrauit, concessitque demum Patauium. sed inde quum secunda fama profiteretur, euocante Ludouico Sfortia Ticinum reuersus est. Ab eximia tum grauitate, atque facundia summi oratoris laude fruebatur: nam optimis literis, vsque ad poeticum decus instructus, dicta, scriptaque lepidissime condiebat. canoram vocem, valida latera, gestum oris excellentem ad suggestum afferens explicati & perillustris, solidique doctoris nomen tuebatur. consultoribus precio grauis videri poterat, nisi pecuniam acceptam si causa decidissent: liberali pactione se continuo redditurum profiteretur. Me audiente interrogatus à Ludouico Gallorum rege, cur nunquam duxisset uxorem, ut te commendante, inquit, Iulius pontifex ad purpureum galerum gestandum, me habilem sciat. Audiuerat enim honoris causa eo die aurata in toga profitemem rex ipse, quinque Cardinalibus, & centum proceribus subsellia implentibus, quum Genua subacta, de Liguribus triumphasset. Ea enim lectione dignitatem equestrem ob spectatum in acie facinus de manu regis traditam, accendendæ virtutis ergo ad posteros manare diffiniuit. Mortuus est Ticini valde senex, extructa nobili domo, emptisque in Placentino latifundijs. Suburbano autem in templo diui Pauli sepulchrum cum his titulis ostenditur.

Dardani Parmensis.

*Quis iacet hoc hospes tumulo? Quis? Summus Iason:*

*Illene Frixææ vellere diues ouis?*

*Clarius hic illo longè est. Quisnam oro? Maynus,*

*Excellens iuris gloria Cæsarei.*

*Non fuit hoc quisquam iuris consultior alter,*

*Qui extinctum posset reddere ius melius:*

*Sed tamen hoc summi vetuit mens dia parentis,*

*Cæsaribus cupiens vsque fauere suis.*

*Te audyt, ô nimum felix, qui iura legentem,*

*Damnantemque acri plurima iudicio,*

*Nec tamen infelix, tua qui monumenta reuoluit,*

*Et memori condit lecta, sonetque sinu.*

*Et quanquam obloqueris plebs inuida solus Iason*

*Hic legum nodos difficilesq; soluit.*

*Amborum sic fama omnem vulgata per orbem:*

*Ille nitens belli laude, sed iste togæ.*

Iasonis Landi.

*Donec erunt igneis, & Phæbus lampade terras*

*Lustrabit, Mayni viuet in orbe decus.*

*Vnicus in terris soluens enigmata legum,*

*Is meritò iuris dicitur esse Parens.*

Latomi.



Latomi.

*Materia vincor, & tu visire, Viator,**Expedit: iacet hic ille Maynus: abi.*

## Christophorus Longolius.



CHRISTOPHORVS Longolius Mechliniæ Belgicæ sacer-  
dote Antistite genitus, & Lutetiæ in scholis frugaliter educatus,  
partis disciplinarum omnium per amplis opibus, aureo Leonis  
principatu Romam venit: adeo dissimulata ingenij professio-  
ne, ut rubro pileo, & astricta penula semi Germani militis habi-  
tum mentiretur, quippe cui mens erat auidè peregrinanti priscae felicitatis mo-  
numenta spectare, scrutari ingenia, bibliothecas excutere, atq; illud demum cru-  
ditæ censuræ iudicium, quod frustra alibi, quàm sub Romano cælo quaeritur, cer-  
tius atque liquidius adipisci. sed intranti gymnasium, & acutè disputanti, non

infulsi literarum professores, celeriter & comiter personam detraxerunt, ita, vt  
 mox honestissimi ciues Romani Flaminius, Tomarotius, & Marius Castella-  
 nus alterna hospitij liberalitate intra penates receptum, triennio aluerint, eiq;  
 virtutis merito Romanæ ciuitatis ius, & nomen impetrarint. Verum aliquan-  
 to post, emerfit liber execrabilis maledicentiæ veneno delibutus, quem iuueni-  
 li declamatione perscripserat, Romani nominis antiquum decus barbaro liuo-  
 re proscindens. Infremuit Populus Romanus ea contumelia perturbatus: Cel-  
 so Mellino adolescente clarissimo, generosa oratione in Capitolio, tanquam  
 reum Maiestatis accusante. Sed Longolius totius aulae clementia præmunitus  
 duabus orationib. publicatis sese eo nomine defendens, iudiciū Populi subter-  
 fugit, quod nequaquā malignitate animi, sed more Sophistarū, exercitationis  
 studio materiæ difficilis ac insolentis, ideoque damnatæ spei argumentum de-  
 sumpsisset, scilicet, vt sodales eius temerè suscepti muneris, vel infelicem auda-  
 ciam mirarentur. Transiuit inde Patauium, his præsertim actionibus claritatē  
 consecutus: adhæsitque Petro Bembo, & mox Reginaldo Polo Britanno, in  
 quorum hodie sacra purpura summam pietatem, atq; doctrinam veneramur.  
 In eius contubernio, cum ingentibus vigilijs libros aduersus Lutherum diser-  
 te, et grauius inchoatos elaboraret, editis iam ad imitationē Ciceronis Episto-  
 lis febre consumptus est. Tumulum autem, hoc carmine Bembus honestauit.

*Te iuuenem rapuere Dea fatalia nentes  
 Stamina, cum scirent moriturum tempore nullo  
 Longoli tibi si canos, seniumque dedissent.*

Germani Brixij.

*Castalides lacerate genas, diuellite crinem:  
 Nec lachryma finem, nec teneant gemitus.  
 Proh dolor, effertur Patauina funus in vrbe,  
 Ante sua extincti tempora Longolij.  
 Quem modò vel Gallum voluit pro dote Latina,  
 Roma locum ciues inter habere suos.  
 Roma sibi plenè mox restituenda, dedissent  
 Longolio plenos, si modò Fata dies.*

Stephani Doleti.

*Longolij ô vtinam potuisset lingua docta tantum  
 Apud rapacem mortem, acreisq; Parcas  
 Quantum olim valuit dicendo, voce dum diserta  
 Romæ cateruas flederet stupentes:  
 Viueret incolumis, nec funere concidisset atro,  
 Dignus perenni temporum recurſu.  
 Sed viuit, neq; morte vlla exstinguetur, arce tectus  
 Famæ micantis, nominisq; magni.  
 Aere perennius exegit monumentum, ad astra latè  
 Laus cuius ingens & loquax volauit:  
 Quod non annorum series, nec flatus impotentis  
 Ausuri, nec imbres diruent edaces:*

*Sidera*



Sidera dum cælo hærebunt, ac Vrsa obibit axem,  
 Cursuque tardo per polum meabit.  
 Longolio Hesperij, quiq; ortum Solis intuentur.  
 Omnes, vicissim gloriam vouebunt.  
 Hinc igitur procul, hinc procul absint nenia sepulcri;  
 Luctusque turpes, quos anus refundunt.

## Claudij Roseletti.

Ante hac nostra cuiquam Ciceronis inesse  
 Eloquium, nervos, vimque stylumque negant.  
 At tua Longoli auscultent sine nomine, nullum  
 Iurabit alium tam Ciceronis opus.

## Eiusdem.

Antistes eloquentiæ, magni nepos  
 Atlantis, admiratus vt Longolium est  
 Artificibus fandi esse priscis non modò  
 Parem, sed & maiorem, ait, præstantior  
 Vt plurimum discipulus est didascolo.

## Latomi.

Illæ caput regni, Phæbique Lutetia nutrix,  
 Longolium ciuem dixerat esse suum.  
 Interea attollens simileis Mechlinia cristas;  
 Afferuit titulo non grauiore sibi.  
 Roma sed indignans: meus est si Tullius, inquit,  
 Non hic: & ascripsit: non meus esse potest.  
 Profiliens tandem titulis Sconhouia veris,  
 Dulcibus ex hortis flore reuincta caput:  
 Gaudeo quòd Batauam vel nunc amplecteris aurem,  
 Roma, ait, at partum tu mihi redde meum:  
 Septem vrbes certent de stirpe insignis Homeri,  
 Quatuor est harum lis speciosa magis.

## Aurelius Augurellus.



NON est cur miremur in pusillo corpore viuacissimi hominis Aurelij Augurelli præaltum ingenium enituisse. Fite enim plerumque natura, ut innati spiritus vis ipsa collectior, parvæ compaginis membra aptissime regat, & quod mentis est ad excogitandum, plenius atque validius illustret. Is Arimini natus, vitâ in literis perdiscendo, docendoque ad octogesimum tertium ætatis annum feliciter extendit, Venetijsque in primis habitus est multò doctior, et purior, quàm quisquam alius, qui Latinas Græcasque literas priuato quodam officio, ac ob id quæstuosiore profiteretur. Extant eius Odæ plures, & paucae Elegiæ Romana simplicitate decantatæ. sed Iambico versu à paucis hæctenus prosperè tentato, visus est ad antiquæ laudis metam propius accessisse. Nouissimè ridendus ille morbus certæ egestatis, & calsi laboris comes, curiosi ingenij familiaris, totum homunculum occupauit, metalla & succos in abditis fornacibus recoquētem, ut ex argento viuo concretum, & ductile argentum ad cudendam monetem efficeret, & admirabilem abditarum naturæ rerum massam conflando, purum inde aurum crearetur. Sed ea cura inani voto suscepta, nequaquam magno damno ei celsit, quum ingenium ab irrita spe ad facticanda carmina vertetur, ut fallacis, & irritæ artis certitudinem, carminum authoritate demonstraret, quum ipso conscientia pudore inanis artifex proderetur. Scripsit enim Chrysopœiam ad Leonem auri contemptorem, ut prodigè vtendi ad alenda ingenia, festosque & planè regios sumptus, inexhaustæ opes sine iniuria humani generis abundè suppeterent. Edidit etiam Geruntica, Petro Lipomano discipulo dicata, quem hodie Veronenses virtutis merito, antistitem venerantur. Taruifij, vbi flamen erat, quum ad forum in taberna libraria disputaret, apoplexia correptus, subito interiit. Depicta tumulo effigies, cui hoc ipse carmè subscripserat.

*Aurelij Augurelli imago est, quam vides,  
Vni vacantis literarum serio  
Studio & iocoso, dispari cura tamen:  
Hoc, ut vegetior sic fieret ad seria:  
Illo, ut iocosis vteretur firmior*

## Latomî.

*Iocum vetustum reficans Aurelius,  
Dum sperat aurum, luditur carbonibus.  
Adbuc Leoni auri prodigo,  
Iam certus artis, nempe Chrysopœiam:  
Ut quod minus collegit è carbonibus,  
Audi Leonis eriperet è dentibus.*



## Guido Posthumus.



**GUIDO** Posthumus Pisaurensis, lepido & comi, argutoque ingenio poeta, quum Elegias, & varijs numeris carmina factitaret, in aula Leonis conspicuus fuit. Patebat enim ea liberaliter, meridianis præsertim horis quum citharædi cessarent, his omnibus eruditæ suauitatis oblectamenta ad ciendam hilaritatem intulissent. Sed benigna principis manu sæpe donatum & non insulsè ad honores aspirantem, regius inuasit morbus, ex moribunda patriæ sede proculdubio conceptus. Medici suaserunt, vt Capranicum secederet Sutrinæ agri vicum, aeris salubritate ac indulgentia Hercules Ragoni Cardinalis, cuius opibus familiariter utebatur, eo deuectus est. Verum non multo post exusto lenta febre toto viscere, vel adhuc iuuenis, vim morbi fatique sustinere non potuit. In eade diu Francisci tumulatum poetæ sodales his carminibus profecuti sunt.

Tibaldei.

*Posthumus hic situs est, ne dictum hoc nomine credas  
In lucem extincto quod patre prodierit.  
Mortales neque enim talem genuere parentes,  
Calliopeia fuit mater, Apollo pater.*

Iani Vitalis.

*Querite nunc alium Musæ, quem semper ametis:  
Qui vos semper amet, Posthumus occubuit.*

Latomi.

*Me Iouis & Veneris fausto sub sidere natus,  
Phæbus adoptauit, nomen & imposuit.  
Vnde (nec est alia factum ratione) sciatis  
Me post defossum viuere corpus humo.*

## Nicolaus Leonicensus.



**N** E M O profitentium Medicorum, Nicolao Leoniceno Vicentino vera salutaris scientiæ dogmata purius atque nitidius explicavit. Nemo errores Sophistarum importuna garrulitate cuncta foedantium eloquentius atque validius confutavit. Nemo eo demum ad illustrem certioris peritiæ fidem longius atque salubrius vitam produxit. Primus enim Græca Galeni volumina Latine interpretando studiosis perdiscenda demonstravit, imperitorum latratibus, publicatis summa eloquentia commentarijs occurrerat, utpote qui ab ineunte ætate optimis literis deditus, ingentes opes capacis & maxime constantis ingenij, ad illustrandam medicinam contulisset. Cibi enim & vini maxime abstinens, somnique minimi, præsertim verò Veneris continentissimus, usq; adeo mollioris vitæ voluptates abdicavit, ut pecunias, luxurię instrumēta, nec agnita quidem



quidem monetæ nota contemneret. oblatum, & nulla delectum curâ cibum caperet: nec vnquam de fortuna quereretur, quod vnâ vir acutus studiorum laudem respiceret, nec opportuna mediocris vitæ subsidia, benignitate Ferrariensium principum Herculis, Alfonsique filij, sibi defutura prospiceret. Eum hercle perfectum Stoicum putasses, nisi honesto ori liberalis hilaritas affuisset. Edidit eruditum & perelegantem librum, qui Romanus medicus Antisophista inscribitur, quum ante de Ordine trium doctrinarum, & de Virtute formatiua perutiles libellos publicasset. Dionis quoque Historia, & Luciani Dialogi, vernacula loquentes lingua, Herculi Latinarum literarum imperito mirè placuerunt. Peruenit ad nonagesimum annum integerrimis sensibus, vegetaque memoria, nec in curua quidem ceruice, quum esset staturæ celsioris & sine scipione venerabilis. Quum ego aliquando comiter ab eo peterem, vt ingenue proferret, quo nam arcano artis vteretur, vt tanto corporis atque animi vigore vitia senectutis eluderet: Viuidum, inquit, ingenium perpetua, Ioui, vitæ innocentia, salubre verò corpus hilari frugalitatis præsidio facile tuemur. Tumulus eius in atrio ædis.

## Myrtei.

*Cui neque sât fuit, & terras euoluere, & vndas;  
 Quæque arcana tenent flumina, terra, mare:  
 Dum rerum causas latè vestigat, & ægra  
 Morborum reuocat corpora colluie:  
 Nunc Leoniceus tegitur paruo aggere terræ:  
 Cuius vtramque volat fama per Hesperiam;*

## Latomi.

*Quod te caelestem tuèretur ducere vitam  
 (Sic fore de Parcibus sciuerat ante suis)  
 Fecit vt excideret morti, tua rumpere fatâ;  
 Nec te decrepitum cerneret esse senem;*

# Petrus Pomponatius.



**P**ETRVS Pomponatius Mantuanus, in philosophia præceptor meus, inter Peripateticos illustres primum suggestus locū obtinuit. Enarrabat enim Aristotelem simul ac Auerroem suavi & præclara voce, elocutione autem emendata & leni quum proponeret, volubili & concitata quum infringeret, porro quū diffiniret, atque decerneret, adeo graui sedataque, vt auditores in subsellijs scriptitando explicatas sententias notis exciperent. At in coronis confessuque doctorum, quum exercitatione perutili ad prætoriam porticū disputaretur, ita mirus euadebat, vt sæpe ancipiti & cornuto Achillini enthymemate circumuentus, superfuso facetiarum sale, aduersarij impetum ex illis gyris & mæandris explicatus eluderet. Erat pusilla admodum, sed quadrata corporis statura, capite nulla ex parte enormi vel insulso, vtpote oculis ad omnes animi habitus aptis-

sine



simè paratis & intentis. Exorto bello Veneto, post Achillini mortē Bononiæ professus est, vbi cucullatos sacerdotes contra se in caput, & nominis famam vehementissimè concitauit, edito scilicet volumine, quo animas post corporis mortem interituras ex sententia Aristotelis probare nitebatur, secutus Aphrodisæi placita: cuius dogmate ad corrumpendam iuuentutem, dissoluendamque Christianæ vitæ disciplinam, nihil pestilentius induci potuit. Scripsit etiam de Fato, & de incantionum occulta potestate. Sexagesimo autem tertio ætatis anno, stranguria oborta Bononiæ fato functus est: relatusque inde Mantuam, nobile sepulchrum Herculis Gonzagæ Cardinalis, erga ciuem & magistrum liberali pietate promeruit.

Iani Vitalis.

*En animarum ingens globus, en legio omniu' agantum  
Quas tu perpetua luce carere negas.  
Mortuus, vt discas eternam has viuere vitam,  
Ad cineres vlulant Pomponiate tuos.*

Latomi.

*Cur, quis hic iaceam, referre cogor,  
Et causæ ingulo meæ admouere  
Hunc ense, vt modò mortuus, cinisquē  
Si tecum fuero locutus, atri  
Comincar placiti, reusque fiam?  
Sed sunt irabidi & mali poætæ:  
Qui quum plurima mentiantur ipsi,  
Me verum prohibent tacere: nam sunt  
Pomponatius ille, qui professus  
Maneis esse nihil, sed interire  
Quicquid est hominis, patique Fatum:  
Nunc contra experior: tacere proinde  
Mallem, sed irabidi verant poætæ,*

Andreas Maro.



VLLIS omnino certioribus lineis, nulloque exactiore penicillo Andreæ Maronis ingenium depinxerim, quàm si eisdem vtar coloribus, quibus illud, dum ille viueret, diligenter expressimus in Dialogo nostro, quem in Ænaria insula, dum vrbs Roma à Cæsarianis, capto pontifice vastaretur, perscripsimus. Interrogante enim Daualo, his fermè verbis respondi, cum de viris & sceminis ætate nostra florentibus iucundissimo censuræ ordine disputaretur, & non temerè in mentionem Andreæ Maronis incidissemus. Is erat Brixianus, quam dimidiàm patriam ab Euganeis, Foroque Iulio repeteret. Cupiebat enim Dux generosus cultorque Musarum, poëtam inusitata virtute præditum, è funesta clade Vrbs eripere: quod ex me, illum ter captum cruciatumque diu, ac omnibus fortunis expoliatum, miserabili ridendoque famescentis baiuli habitu, in Vrbe plena funeribus mendicare didicisset. Non est, inquam, Dauale, cur tantopere Etruscos vates ad expeditæ facundiæ laudem, arguta

cithara personantes admiremur: in eam enim peramicenæ voluptatis consuetudinem, mos patrius illos adduxit, quod faciles ad veniam aures dicere audentibus plurimum indulgeant, ita ut nec eos, vel leui sibilo notandos putent, qui hæsitando, amissa celeritatis laude, vel in dissona, vel in dispari syllaba peccauerint. Verè siquidem admirari, & plaudentis clamorem attollere iunat, si nouum Maronem audiamus. Is enim cum summa eruditorum admiratione ex tempore ad quam iusseris quæstionem, Latinos versus varijs modis et numeris fundere consuevit. Audax profectò negotium, ac munus impudentiæ vel temeritatis plenum, nisi id à natura impetu propè diuino, mira felicitas sequeretur. Fidibus & cantu Musas euocat, et quum semel coniectam in numeros mentem alacriore spiritu inflauerit, tanta vi in torrentis morem citatus fertur, ut fortuita, & subitarijs tractibus ducta, multum antè prouisarum & meditata carmina videantur. Canenti defixi exardent oculi, sudores manant, frontis venæ contumescunt, & quod mirum est, eruditæ aures tanquam alienæ & intentæ, omnem impetum profluentium numerorum exactissima ratione moderantur. Exceptus est secundissimo plausu, ac idcirco a Leone representatæ facultatis nomine sacerdotio donatus, quum post celebre conuiuium, cui Regum legati senatoresque aderant, de suscipiendo sacro bello dicere iussus, iucunda figurarum varietate decantauit, orsus hoc nobili carmine:

*Infelix Europa, diu quassata tumultu  
Bellorum, —*

Tum enim Selymus Turcarum Imperator Campsone & Tomumbeio vltimis Aegypti regibus vna atque altera acie deuictis ac interfectis, magnum Europæ intestino bello deflagranti terrorem intulerat. Perijt amissis poematibus infelix Maro in vili caupona ad Scropham lapideam campi Martij ab omnibus desertus, quinquagesimo tertio ætatis anno, quum è Tybure, quo perfugerat, vagantibus etiã ibi Barbaris, in pestilentē Urbem vrgente Fato rediisset.

*Myrtei.*

*Postquam secundum publica abstulit clades,  
Maronem & vna caruit infelix, campis  
Quæsitus Elysijs, nec inuentus Musis:  
Phæbus furoris nam minister illius,  
Quo carmen edere inclytum Maro fuerat,  
Inter Sibyllas rapuit, æternum ut viuat.*

*Latomi.*

*Quod spectanda data est, non Musa fruenda Maronis  
Phæbe tua est leuitas. gloria quanta fuit.  
Non volo Vergilij, qui vel meditata dolebat  
Carmina, maturæ non satis esse moræ:  
Eius at Andrea, solo quo Brixia alumno  
Nil facere est cunas ausa Catulle tuas,  
Cui fuit in subitos tam promptum ex tempore versus  
Ingenium, ut quicquid pangere iussus erat,  
Aptaret*



*Aptaret numeris variatæque verba ligaret,  
Qualia vix longi temporis esse putes.  
At periëre brevis breuibꝫ cum versibus Author:  
Deme quod æterno viuut in ingenio.*

## Andreas Matthæus Aquauuius.



**M** O ex his qui illustribus orti familijs ætate nostra claruerunt, cum peculiari bellica laude ducerentur, Andræa Matthæo Aquauuius ad Præcutinos Hadrianorum regulo, se Iululentius optimis disciplinis exornauit, vti præclare constat ex eo libro nobili pariter ac erudito, qui Encyclopædia inscribitur, & de Morali virtute Plutarchi plenior liber, subtili & copioso commentario per similes ostendit. Hic heros antiquæ virtutis, vti casus tulit, bis bello prælioque aduerso, & vulneribus honestissime susceptis captus, forti animo terri carceris calamitatem, studiorum solatio ita leniuit, vt ad eam exculsi ingenij frugem, quæ ab impotenti fortuna eripi non potest, generosa meditatione peruenerit. Sed cum cum victor Consaluus cum reliquis captiuis in triumpho ducendum in Hispaniam mitteret, Rex Ferdinandus prudentiæ & lenitatis nomine maxime clarus, libertati, pristinaeque fortunæ restituit. Tanto itaque vsus beneficio, per viginti quatuor annos egit iucundo in otio vitam dicatâ Musis, adeo splendide & vigilanter, vt ad idem literarum honestissimum decus Bellisarium fratrem Neretinarum regulum æmulanter inuitaret, quem de Venatione, & de singularis certaminis prouocatione scripsisse videmus. Cæterum vir tantus quum Neapolitanos proceres, candore, innocentia & liberalitate facile superaret, visus est parum accuratus & diligens in tuenda rei familiaris dignitate, quum in vltimo vitæ actupræaltus animus contemptor opum institutæ liberalitatis neruos inconditis sumptibus incidisset. Fato functus est ad Conuersanū Bario finitimum, septuagesimo secundo ætatis anno, quum Lotrechij Galli infelicibus armis Apulia quateretur.

### Actij Synceri.

*Cernis vt exultet patrijs Aquuius in armis,  
Duraque spumanti frenare laxet equo?  
Quis miteis illum Permessi hausisse liquores  
Credat, & imbelles excoluisse lyras?  
Consurgunt niueæ fulgenti in casside cristæ:  
At clypeus toruo Gorgonis ore tumet.  
Maeste animo, rigidum Musas qui stringere ferrum,  
Qui Martem doctos cogis amare choros,  
Hæc ducis est virtus, non vni insistere palmæ,  
Sed nomen factis querere & ingenijs.*

### Eiusdem.

*Mæsta Bituntina duxerunt otia Nymphae,  
Nec faunis solitos exhibuere choros,*

*Scilicet optato quicquid sine principe cernunt,  
 Ingratum est, tantus principis vrget amor:  
 Nec satis est positus arcum spreuisse sagittis,  
 Quæstibus & totos continuasse dies.  
 Ast etiam nostris faciunt conuitia terris,  
 Et nos Sirenas, Lotophagosque vocant.  
 Vera loquor, Diuæ veniam date vera loquenti:  
 Non amor hic certè, sed magis inuidia est.*

*Marcelli Palonij Romani.*

*Non minus æternū ex Aquiniuo habet Hadria nomē  
 Nobilis immenso quàm dedit ipsa mari.  
 Adde, freto suus est supero quod terminus: illi  
 Nec limes tellus vlla, nec vnda datur.  
 Nam Musis vbi honos, Martique togæque manebit,  
 Et lucebit vbi Sol, Aquiniuus erit.*

*Latomì.*

*Dum grauis incumbit seuos Aquiniuus in hosteis,  
 Vincendique aperit dextra animoque viam:  
 Contigit interea lustrantem castra Graduum,  
 Arma vbi penderent, non sua, ferre pedem:  
 Soluit, pertentat: vocis modulamine captus,  
 Perstitit inuitam sollicitare chelyn.  
 At veritus Dominum mox hostibus adfore fusis:  
 Ille quidem vincat, sed capiatur, ait.  
 Quid vesane tibi pro talibus imprecet ausis  
 Ni citharam vt quantum classica semper ames?*

## Petrus Grauina.



**M**A T V S est Petrus Grauina Catinæ in Sicilia, sed ipse primā domus originem à Capua repetebat. Natura ei admodum indulgenter, præter excellentis ingenij vim, summam etiam procerō corpori, & venusto tribuit dignitatem, firmitate in primis, & agilitate quadam singulari, quum in ludo pilæ vsque ad admirationem, & gladiatoria arte, equestribusque armis ad militarem laudem exercebatur, nataretque sæpissimè ad incredibilem vrinandi patientiam. quibus agitationibus ita firmavit corpus, vt nulla paulò sæuere tentatus valetudine, ad extremam propè senectutem, integro & planè iuuenili vigore peruenerit. Vtebatur parciorē mensa, sed ea semper nitida. Vinum à Veseuo Surrentoque in honore erat, sed semper sobriè & moderatè perpotanti. Vitæ genus adamauit quietum, cunctis solutum curis & litibus, hilarique in primis & tenebra studiosorum adolescentium familiaritate gaudebat. ingenio enim erat aperto, liberali, perblando, cultu corporis nitido & sumptuoso, quum vndulata toga vteretur, & serico latiore villosō pilco argenteam comam morosè perornaret. Quum in Aragonia aula versaretur, emanarentq; ab eo versiculi ex nobili semper



semper occasione, argutè lepideque perscripti, Pontano charus esse cœpit, qui erat ingeniorum censor longè grauiſſimus: idque diuinis operibus ad immortalem amici laudem benignè testatus est. Spectata demum eius virtuti externus Meccenas adfulsit Magnus Consaluuſ, qui ipsius victoriâs & trophea Gallica heroico celebrantem, in templo maximo Neapoli sacerdotij honore nobilitauit. Sed Consaluo in Hispaniâ abducto, quod Regi in suspicionem affectati regni venisset, Prospero Columnæ adhæsit. In pangendis Elégis, tenero quodam lepore sibi genium respondere fatebatur: sed in scribendo Epigrammate vni ei haud dubiè palmam tribuebat Actius Syncerus, qui & parcus, & amarulentus in alieni operis censurâ laudator esse consueuisset. Heroica poemata perijſſe tum ferunt, nisi iam pridem à nobis lectitata compareant, quum Cæsariani à Gallis Neapoli obsessi, tanquam non in focia vrbe, diuina ac humana omnia conturbarent: ita vt noui miretur quispiam tam paucis quæ extant ingenij monimentis, præclari poetæ famam constituisse: nam & multa ipse lugentibus amicis sponte deleuit, veluti strepentibus armis seculum indignatus, aut iratus Musis, quod externi duces conceptuspei minus liberaliter arrisissent. Sed dispari iudicij sorte id poema propè amissum querulus lugebat, quo Surrentini otij delitias elegantissimè depinxerat. Sed Scipionis Capycij pietas, dignum egregio nobilique poeta, colligendi dispersa & publicandi officium præstitit, vt penè intercepta amico poetæ vita redderetur. Non carebat quoque compositi Orationis nomine, quanquam dum publicè oraret, vna actionis laudè contentus esse videretur. Deceſſit septuagesimo quarto ætatis anno ad Concham oppidū Sidicini agri, quū ci in vmbra meridiāti, castaneæ echinus tibiæ suram leuissimè pupugisset: temerè enim scalpendo enatum est vlcus, accersita lethali febricula: adeo enim subtiles mortis causas Fata inueniunt, quum ex decreto vrgēt.

## Iani Vitalis.

*Hanc tibi pro tumuli Ianus Vitalis honore,  
Ramosam laurum magne Grauiſſa dicat.  
Hic vbi odorata manēs requiescere in vmbra  
Floribus in medijs, & inuēt esse tuos:  
Illa, Notis quoties rami quatiuntur, & Euris:  
Perstrepet in laudes sanctè poeta tuas.*

## Latomi.

*Cuius hîc tumulum vides, Viator,  
Vatis eximij, Petri Grauiſſa,  
Tu fortasse putas obisse totum,  
Et veſſe nihil, vel iſſe ad vmbraſ:  
Erras: non obijt, sed vsque viuit.  
Non quum quæ cecinit, vel eſt locutus,  
Vel miſit teneræ preces puellæ,  
Vel ſcripſit lepidos iocos amicis,  
Quæque illa ingenij fuere multa,  
Nunc audis, legis, excipis, tenesque:  
Illum viuere quo negas colore?  
Viuit: teque magis ſupine caudex,  
Cuius poſt cineres nihil manebit.*

# Pomponius Gauricus.



RGIVAE Iunonis Fanum, quod est Picentinorum nobile oppidum, geminos fratres Gauricos præstanti ingenio protulit: Lucam ipsum, quem astrologiæ peritissimum, feliciq; sæpe eventus futura prædicentem, in aula Pauli III. Pontificis admiramur: & Pomponium non in celebrem poetam, validaque in varias artes ardentis ingenij fecunditate mirabilem, nisi instabili ingenio abductus, dum feruide transcurrit, & sectatur operum nouitatem, in cunctis nusquam accuratus, & diligens firmæ prudentiæ dignitatem amisisset. Is Græcorum poetarum vitas, Petri Criniti æmulatione, qui de Latinis librum ediderat, Latine perscripsit, atque item geminos de Physiognomia & de Architectura libelles. Extat & eius volumen de Metallicis curiosorum insanæ turbæ gratissimum. Neq; enim defunt, qui aurum pariter & argentum, ex ignobili materia, inanius

recoctio.



recoctionum artificijs procreari, atque exprimi posse arbitrentur. Exierunt etiam in publicum Epigrammata aliquot & Elegiæ, non dubia amatoris vanitatis indicia: nam illustrem foeminam arfisse constat, enudasseque animi egritudinem procaci Musarum lenocinio adeo incaute & flagranter, ut quum Surrentina via Stabias peteret, in eoque itinere ab obuijs salutaris fuisset, nusquam demum apparuerit, frustra eum Luca fratre per sexdecim annos expectante, quum proculdubio ab ea suspicione trucidatus, & cum seruis & iumentis, ne vllum cædis vestigium extaret, in subiectum mare præcipitatus existimetur.

## Myrtei.

*Ibat Gauricus ad suos amores,  
Sed diu hand potuit suos amores  
Vti Gauricus. abstulere fata.  
Verum nulla manet sepulchri imago.  
Namq. (quod coluit pari labore  
Musas & Venerem) vel à Camænis  
Raptus creditur inter alta montis,  
Qui iacet Stabias super vetustas:  
Velpulchræ Veneri datus sacerdos  
Tyrrheni maris in sinum profundum.*

## Latomi.

*Mortalitatis ut neget post aleam  
Nemo poetas viuere:  
Nullum supersit ut rogi vestigium,  
Musæ tulere Gauricum.*

# Marcus Antonius Casanoua.



**M**ARCO Antonio Casanoua, Comense patre Romæ genito, arguti Epigrammatis palmam detulit illa ipsa Roma, seu æ auris iudicio superba: nec vnquã in confesso pudore poetis adulatrix: quod lepida, & falsis finibus aculeata carmina factitaret. Elocutioni tamen casta puritas, ac in numero sæpe duro lentitas defuit: qualis in Catullo prætenere poeta conspicitur, quum ingeniosè mordaci, & impuro Martiali persimilis esse mallet, & vna præsertim peracutæ circumductæque sententiæ gloria duceretur. Sed miscuisse vtrumque genus tum iuuit, quum paucorum versuum spectanda posteris Elogia priscis Romanæ virtutis heroibus, tanquam manentibus eorum statuis inscripisset. Nemo autem eo simplicitate, ac innocentia vitæ melior: nemo vrbana comitate iucundior existimari potuit: nisi Columniæ familiæ alumnus in gratiam Pompeij Cardinalis, Clementis



mentis pontificis famam intemperantissime lacerasset. Sed Clemens seipso, & toto denique desumpto nomine maior & augustior, reo maiestatis, captoque ad supplicium facile pepercit, præclara C. Cæsaris imitatione, qui Catulliani dentis æternum virus, & liuidam libertatem generosa dissimulatione contempserat. Perijt pestilenti corruptus morbo, quo cladē Urbis fortuna nec innumeris saturata funeribus accumularat, quum obfesso captoque pontifice, Pompeius ipso diuerso ingenij habitu inimici calamitate lætaretur, & ruentis patriæ casum inani pœnitentia deploraret. Tumulatus est iuxta naumachiam campi Martij Laurentiano in templo: quod olim Lucinæ dicatum fuerat, & Blossius Palladius sodalis, quod funeris honore caruisset, hoc pie inscripto carmine tumulum spectantium oculis ad lachrymas indicauit:

*Comensis Casanoua, dum priores  
Et Duces canit, & canit poetas  
Præcurtis Epigrammatis: perennem  
Ac longam sibi gloriam parauit.*

*Latomi.*

*Si dare vitam  
Qualiacunque  
(Quod docuisti)  
Carmina possunt:  
Longa neesse  
Carmina, vates  
Maxime, non est  
Ad tibi longam  
Condere vitam.*

## Balthasar Castello.



IC est ille Balthasar Castello Mantuæ natus, ingenij laude Maroni cuius suo planè secundus, qui ad exactam principalis aulae normam, militari ciuilique munere virum elegantem instituit: parique disciplina illustrem sceminam, descriptis lectissimorum morum finibus effingit. quo opere iucundissimo Græcæ, Latinaeque facultatis peramcenos flores decerpisse videtur: vt in vnum volumen nobilioris vitæ præcepta, oblectamentaque honestissimi ocij conferrentur. placere siquidem magnæ Fortunæ viris, vt sæpe literarum expertibus, ipsisque præsertim sceminis magnopere cupiebat: ob idque maluit vernacula quam Latina lingua stylym Etrusca molliorem exercuisse: scilicet, vt imperiti ex antiquis arguta manu surrepta, translataque scitissimè, non agnoscences, ea omnia tanquam noua mirarentur. Scripsit & Latinas Elegias, & grandi Heroico Cleopatram, sed paucis admodum Etruscis rythmis, quum amatorij doloris finem superba comparatione desperaret, nobilis poetæ famam tulisse iudicatur. In sago autem togaq; pariter habili ingenio, & generoso quidem ore, pacis bellicq;

muneribus iuterfuit, obiuitque subitarias legationes ad Reges, atque Pontifices, quum momenta grauissimarum rerum, non modo prestantis animi fidem, sed expediti corporis diligentiam, celeritatemque requirerent. Nouissimè annis prouectum, sed medicamentis occultata canitie, et multis cultus munditijs, iuuentæ decus affectantem, quum eruditæ artes in eo vigerent, Clemens ad Carolum Quintum in Hispaniam misit: ei, non dubio honore purpure destinato, nisi Fortuna Romanæ vrbi immane excidium struens, veriusque vota fefellisset. Corruit enim mox Roma, Cæsarianorum ducum simulatis inducijs prodita: viderique potuit Castellio in ea re non satis diligentem, aut certè parum felicem operam præstitisse, quum delatum sibi in ea lugubri clade episcopatum Abulensem, munere Cæsaris accepisset. Verum ea dignitate diu perfrui, vel vberiore expectare non licuit. Sublatus est enim occulta febre, quum vix quinquagesimum sextum attigisset annum, ad Mantuam in Carpentanis. Funerarius aulæ procures officium præstitere: nec eum chiromanites ariolus fefellit, qui ex dextræ volæ lineis, eum dignitate auctum Mantuæ, sed nequaquam in Hispania moriturum prædixerat.

Iani Vitalis.

*Castalioneum ad tumultum dum Hispania tota  
Conuenit, & sancto iusta parat cineri:  
Scipiadum Manes referunt dixisse, secundum  
Hic docta amisit Mantua Virgilum.*

Marci Antonij Flamini.

*Si truculenta ferox irrumpis in agmina, Marte  
Diceris inuictæ Castalione satus,  
At molli cithara si condis amabile carmen,  
Castalia natus diceris esse Dea.*

Eiusdem.

*Horrida terribilis cum tractas arma, Maronis  
Castalione tui carmine digna facis:  
Idem cum molli vacuus requiescis in umbra  
Castaliæ, æterno digna Marone canis:*

Latomi.

*Qui iacet hoc tumulo, magnorum munia Diuum  
Immo bis impleuit, sustinuitque trium.  
Mars dextra, calamo Phæbus, Cyllenius arte,  
Ore Charis, Pallas mente, lepore Venus.  
Sed quas exercuit hoc scilicet ordine doteis,  
Semper vt in letam desineret Venerem:  
Quæ quum sit Phæbi: nec vt olim, Martis amica,  
Vel regat hic mundum, vel magis ipsa Venus.*

ANDREAS



# Andreas Naugerius.



NDREAS Naugerius patritij ordinis, Sabellico Venetijs proficiente, Latinas literas, Græcas autem à Marco Musuro Cretense Patavij hausit: sed in Latinis delectu ac obseruatione præceptore diligentior, illum, quem superior ætas in salubri, atq; aspera styli nouitate delectatâ contempserat, candorem antiquæ puritatis assecutus est: ut funeribus Liuiani ducis, & Principis Lauredani laudationibus apparet. Proposito quidem Cicerone ad imitandum, quem Politianus, & Hermolaus fastidisse videbantur, utpote qui omnis eruditionis exundante copia instructi, aliquid in stylo proprium, quod peculiarem ex certa notamentis effigiem referret, ex naturæ genio effluxisse nobilior putarint, quam seruii imitatione enata ad nouam frugem ingenia distorsisse. Magno tum quidem probro erat doctis, ridendis pares simijs videri. Eodem quoque præstanti iudicio, quum Epigrammata lepidissimè scriberet, non falsis aculeatisque finibus, sed tenera illa, & prædulci prisca suauitate claudebat, adeo Martialis seuerus hostis, ut quorânnis statò die Musis dicato, multa eius volumina tanquam impura cum execratione Vulcano dicarentur. Nec minore felicitate Etruscos numeros attigit: sed in Liuiani contubernio castra secutus, studiorum diligentiam remisit, & salubri quidem remedio, quum ingenium bilis atra, veterum lucubrationum vigilijs accersita, haud leuiter afflixisset. Propterea scribendæ Venetę historię munus à Senatu demandatum, acceptoque liberali stipendio, susceptum præstare non potuit: quanquam non desint, qui eum in ipso statim limine feliciter exordientem, religiosi operis grauitate deterritum existiment, quum infinita curiositate, summoque labore, & pertinaci memoria tantarum rerum notitia paranda videretur. Verum in ea cogitatione, ut Reipublicę operam præstaret, à Senatu ad Carolum Casarem in Hispaniam missus, infaustam legationem suscepit, quum in id tempus incidisset, quo Italię Principes seruitutis metu ad arma consternati, affectanti dominatum Italię Cæsari restitissent. Secunda autem suscepta legatione, quum exitiali festinatio, mutatis ad celeritatem iumentis in Galliâ percurrisset, vix dum salutato rege, Blesio in oppido ad Ligerim febre correptus interijt quadragesimo septimo ætatis anno, omni que eum funeris honore, Rex Musarum amicissimus, nec sine luctu profecutus est.

Marci Antonij Flamini.

*Naugeri, ne quis tibi certet, nèue laboret*

*In cassum, laudes æquiparare tuas:*

*Sine epigrammata facis iuncto pede, sine soluto*

*Defles magnanimum funera acerba virum.*

Eiusdem.

*Quot bruma creat albicans pruinas,*

*Quot tellus Zephyro soluta flores,*

*Quot spica Libycis calent in agris,*

*Quot vindemia porrigit racemos,*

*Quot vastis mare fluctuat procellis,*

*Cum nascens pluuias reportat Hædus,*

*Quot Ceraunia frondibus teguntur,*

Quot cælum facibus micat serenum,  
 Quot sunt millia multa basiorum.  
 Quæ sibi dari postulat Catullus,  
 Quotque sunt atomi Lucretianæ,  
 Tot menses, bone Nægeri, tot annos  
 Vident aureoli tui libelli.

## Basilij Zanchij.

Nægeri, tibi Nereides statuere sepulchrum  
 Equoris Adriaci quæ levis vnda filet.  
 Quæ solita in numerum, numeros dum pectine ducis,  
 Concinere, & virides ducere sepe choros.  
 Et Doris tumultu conchas, & lucida texit  
 Coralia, & placidis marmora lambit aquis.  
 Ipse etiam circum affusis pater Adria lymphis  
 Ingemit, & mæstum littora murmur habent.  
 Parua loquor: te te amisso dolet Italia virtus,  
 Mæret & infractis Fannus arundinibus.

## Latomi.

Dum lego, Nægeri, lusus, & ruris amores,  
 Et mittis Dôminæ munera quanta tuæ.  
 Quam bene te niuei pecoris, pecorisque magistræ,  
 Et cannae, & vitis rustica cura decet.  
 Idem quum video regum centum ora trahentem,  
 Verba graui serie dum Periclea tonas,  
 Non possum studium non hoc damnare, vel illud:  
 Area nam non est illa, vel illa tua.



## Ioannes Marius Catanæus.



**I**OANNES Marius Catanæus Nouariensis, Merulæ, Deme-  
trijque discipulus, quum iustas ex vtraque lingua facultates cō-  
parasset, C. Plinij Cæcilij Secundi Epistolas, erudito commen-  
tario interpretatus est: collectaque inde non mediocris erudi-  
tionis fama Romam se contulit, in domoque Bendinelli Sauls  
Cardinalis, cui ab epistolis operam præstabat, tres Luciani Dialogos diuersi  
characteris in Latīnum verit: prætenere scilicet, amores, vel parum pudicos:  
iucundo, Lapithas: graui vero, illum de Legibus conscribendæ Historiæ, tan-  
quam in vsum suscepti a me eius muneris, Iouio nomini dicatum, ex censura  
quidem Scipionis Cæteromachi, quum ille in Academiam nomen daret,  
magnopere laudatos. Descripsit demum carmine Genuam in heri gra-  
tiam, atque inde poësis amore iam planè senex correptus est: sera & pa-

rum ideo felici libidine, quum Musas nunquam tentatis numeris in iumenta la-  
cessisset. Itaque Gotifredi Bolionis sacrum bellum sub titulo Solymidos, quo  
potuit ore decantatum est: in quo poemate non morosus, & æquus lector, ar-  
gumenti pietatem, & quædam schemata iucundę nouitatis admirabitur, si car-  
mina, tanquam salebrosa, & distortis numeris luxata probare noluerit. Ido-  
pus author, quum alieni ingenij iudicium subiturus, ad Bembum, me præsen-  
te detulisset, lecto statim titulo, Bembus hilari comitate, nunquam Catanæ  
putassem, inquit, te alioqui virum de vtraque lingua optimè meritum, hac ipsa  
qua nos gaudemus carminum facultate valuisse, quum nihil omnino, ad quod  
Musæ dulces arrideant in se uero & militari vultu tuo prorsus emineat. Quo  
verbo ille perstrictus, argutè respondit: Ergo nec tu Bembe satis peritus Phy-  
siognomus videri potes, quum te Philomusi poetæ gratia tua florentis, à dedo-  
latis ruditer maxillis, & repando naso, enormis vultus omnino deceperit: quo  
responso, omnibus exortus est plenior cachinnus: quod Philomusus poeta,  
vtrique non insuauis, & Iyristes Bembo sodalis, è Patria Pisauro vespillonis se-  
nisbuxeam faciem referret. Nondum autem perfecto poemate redijt ad pede-  
strem orationem, non obscure ipsa spe conceptę laudis destitutus: perscripsitq;  
duos exactæ eruditionis dialogos de Potestate & cursu Solis ac Lunæ: & de lu-  
dis Romanis: sed ingruente fatali morbo absolui nequiverunt. Perijt in Vrbe  
quum abesset Clemens, Carolo Cæsari Romani imperij insignia Bononiæ tra-  
diturus, adeo celata morte, quod ita impetrâdis sacerdotijs ex mora caueretur,  
vt sepulcri & funeris honore caruerit, quum ab Academicis ad Vetulonias a-  
quas secessisse crederetur.

## Myrtei.

*Vide Viator, quanta iactura occulti  
Esset sepulcri, ni ingeni sui claris  
Perennioribusq; monumentis tectus,  
Adhuc vbique viueret Catanæus.*

## Latomi.

*Penè adiisti ingens famæ Catanæ periculum,  
Sic inscys sodalibus  
Qui Fato eriperis: studiorum creditus illis  
Partu propinquo quærere  
Secessum, idque satis fuerat conquesta Minerva:  
Quam sic Apollo reppulit.  
Hæcine (signabatq; libros) monumenta, vel omni  
Perenniora marmore?*

I A C O.



## Iacobus Sanazarius.



ACOBVS Sanazarius equestris ordinis poeta, Neapoli natus, atque educatus, quum præclarum fœcundi atque felicitis ingenij specimen daret, repudiato auito gentilitioque nomine, Actius Syncerus appellari voluit, adhortante Pontano, qui Iouiani cognomen, amicorum imitatione desumpserat. Sed origo vetustæ stirpis e daucto Nazario, Laumellini agri oppido, inter Padum & Ticinum non ignobili: vnde maiores aduenerant, non obscure petebatur. Floruit amicitia Federici regis, senescente Pontani gratia: qui Aragonum nomen vehementer offenderat, quum veluti personæ oblitus, victorem Carolum inuidiosa vel intempestiua oratione publicè laudasset. Permāsit in ea belli procella in officio Actius, redeuntique Ferdinando Iuniori, armatus inter fideles ciues operam præstitit: vnde ei conspicuus in aula gratiæ locus. Sed infestius demum vr-

gente Fortuna, quum Federicus regno pelleretur: constanti studio atque integra fide, eum exulem in vltiorem Galliam secutus est: qua gratissimi animi testificatione, singularem laudem promeruisse, vel eius inimici iudicabant. Scripsit, tanquam ambidexter, Etrusca simul atque Latina carmina, pari lepore saepeque, arridentibus vtrinque Musis, quum multo felle odij subamarus præpilata iacula iambis intorqueret: aut amorum suorum dulcedine resolutus, tenerime lasciueret. Graui autem & sacro poemate, de partu Virginis viginti annorum lima perpolito, summum decus frustra expectasse videri potuit: quum ille quæ iuueni exciderant, piscatoriæ Eclogæ publico exceptæ plausu, reliquorum operum famam oppresserint: ita vt eam publici tanquam iniqui iudicij querelam aperto cum pudore, nec tamen sine tacita voluptatē deuoraret. Vixit annos septuaginta duos, per amœno, virentique semper ingenio, accuratoque, & planè iuuenili cultu inter amatorias oblectationes: nunquam non festiuis & hilariis. Ex dolore autem indignantis animi, supremum concepit morbum quod Philibertus Aurantius dux Cæsaris Margillinæ villæ suæ delicias, temere excisa turre deformasset. ea ad Pausilypiradices conspicitur. Sed Aurantio demum acie interfecto, quum hora fatalis adueniret, audito eius interitu sese in cubitum erigens: Excedam, inquit, è vita hoc meo non inani voto lætus, postquam Barbarus Musarum hostis, vltore Marte, immanis iniuriæ poenas persoluit. Sepultus est iuxta villam Margillinā in templo Deiparæ Virginis ab se dedicato, Marmoreo autem tumulo Bembus hoc carmen inscripsit:

Bembi.

*Da sacro cineriflores: hic ille Maroni,  
Syncerus, Musa, proximus, vt tumulo:  
Marci Antonij Flamini.  
Quantum Virgilio debet sylua Maroni.  
Et pastor, donec Musa Maronis erit,  
Tantum penè tibi debent piscator, & actia,  
Acti, diuino proxime Virgilio.*

Tibaldei.

*Virginis intacta partum, partumq; videbis,  
Actia quem docto pectore Musa dedit.  
Admirandi ambo: humane fuit ille saluti  
Vtilis, humanis hic fuit ingenijs.*

Petri Grauinæ.

*Qui diuina legis Synceri carmina vatis,  
Magnaque Virginei sacra puerperi:  
Non hæc humano credas procedere sensu:  
Authori mentem mouit, & ora Deus.  
Hunc sibi delegit, quo non cælestia quisquam  
Grandius, aut pleno cultius ore sonet.*

Basilij Zanchij.

*Has nassas, hæc lina tibi Syncere sepulto,  
Piscator tenui dedicat arte Nycon.  
Hos calamos, myrtumque tibi, viridemq; coronam  
Arcadia pastor ponit ab arte Lycon.*

*Has*



*Has lachrymas, vulsamque à vertice Mergillina  
Cesariem & violas spargit, & ammineum.  
Parthenope patria ipsa tibi de marmore bustum  
Condit, & extentis funera temporibus.*

Bembi.

*Quid moror? eterni te suscipit umbra Maronis,  
Et tibi vicinum donat habere locum.*

N. Nicolai Grudij.

*Nuper ad Oenotrias aciem quum fleteret arces  
Christus, & Euboica mœnia Parthænopæ  
Mergillina procul qua Tethyos inspicit undas,  
Audit ab Ætiaca munera blanda domo:  
Arrectusque diu modulamine carminis hæsit,  
Inde sacro taleis fundit ab ore sonos:  
Huc ades, ô Genitrix, illæsi virgo pudoris,  
Arte pius vates dum tua facta nouat:  
An ne iterum arcano compleri viscera motu,  
Conceptumque polo reddere credis onus?  
Certè ego mi videor primis irrepere cunis,  
Rursus & horrifera mortis obire vicem.  
Dum mea sæpe tamen sic mors cantetur, & ortus,  
Nec graue sit nasci, nec mihi sæpe mori.*

Latomi.

*Dum vacat, & terras quoties petit illa Tonantis  
Mater, virgineo sed nec honore carens:  
Synceri ad tumultum properat visura, virescant  
Candida cum rutilis lilia sparsa rosis.  
Vinum dein laticem, dein altera munera flores  
Fundit, & arrepta sic canit orsa lyra:  
Conscie viue mei felix Syncere pudoris,  
Atque idem partus conscie viue mei.  
Nanque ego quo sacrum secretum teste peregi,  
Hunc quoque tu testem carminis huius habes.  
Esto, ventris onus fuerit sine pondere pondus,  
Dum celebres, pondus sustinuisse velim.*

Eiusdem.

*Maior in assumpto ratio quo nomine constet,  
Est ubi te cupiam fellis habere minus.*

## Ioannes Manardus.



**I**OANNES Manardus Ferrariensis, in Pannonia Vladislao Rege medendi artem exercuit, eandemque demum in gymnasio Ferrariæ professus, Epistolarum librum edidit, quo magna medentibus, & pharmacopolis utilitas paratur, quæ terræ frugibus Indicisque præsertim in medicinæ usum adoptatis, obsoleto antiquo nomine, & incerta virium potestate per obscuris eruditam claritatem attulerit. Duxit uxorem planè senex, & articularum dolore distortus, ab ætate, formaque florentis iuuenis toro dignam, adeo leui iudicio, & letali quidem intemperantia, ut maturando funeri suo, aliquanto prolix, quam vitæ cupidior ab amicis censeretur.

Petri



Petri Cursij.

*Dum Manarde vigil cum prole Coronidis esses,  
Vidisti vitam perpetuam esse tuam.  
At dum formosa cum Pallade coniuge dormis,  
Sensisti mortem curuus adesse senex.  
Hic nunc clarè iaces, & quem Podalirion esse  
Vidimus, annosum sustulit ipsa Venus.*

Latomi.

*In fovea qui te periturum dixit Aruspex,  
Non est mentitus: coniugis illa fuit.*

## Camillus Quernus Archipoeta.



AMILLVS Quernus è Monopoli Leonis fama excitus, quum non dubijs vnquam premijs, poetas in honore esse didicisset, in Urbem venit, lyram secum afferens, ad quam suæ Alexiados supra viginti millia versuum decantaret. Arrisere ei statim academiæ sodales, quod Apulus præpingui vultu alacer, & prolixè comatus, omnino dignus festa laurea videretur. Itaque solemnem exceptum epulo in Insula Tyberis Æsculapio dicata, potantemque sæpe ingenti patera, & totius ingenij opes pulsata lyra proferentem, nouo ferti genere coronarunt, id erat ex pampino, brasicæ, & lauro eleganter intextum: sic, vt tam falsè quàm lepidè, eius temulentia, brasicæ remedio cohibenda notaretur, & ipse publico consensu Archipoetæ cognomen, manatibus præ gaudio lachrymis letus acciperet, salutareturque itidem cum plausu, hoc repetito sæpe carmine:

*Salve brasicæa virens corona,  
Et lauro, Archipoetæ, pampinoq;  
Dignus Principis auribus Leonis.*

Nec multo post tanto cognomine percelebris productus ad Leonem, infinita carmina in torrentis morem, rotundo ore decantauit, fuitq; diu inter instrumenta eruditæ voluptatis longè gratissimus, quum cœnante Leone porrectis de manu semetis obsonijs, stans in fenestra veleretur, & de principis lagena perpotando, subitaria carmina factitaret, ea demum lege, vt præscripto argumētobina saltem carmina ad mensam tributū nomine soluerentur, & in pœnam sterili vel inepto longè dilutissimè foret perbibendum. Ab hac autem opulenta hilarique sagina, vehementem incidit in podagram, sic vt bellissimè ad risum euenerit, quum de se canere iussus, in hunc hexametrum erupisset:

*Archipoeta facit versus pro mille poetis,*

Et demum hæsitaret, inexpectatus Princeps hoc pentametro perargutè responderit:

*Et pro mille alijs Archipoeta bibit.*

Tum verò astantibus obortus est risus, & demum multo maximus, quum Quernus stupens & interritus, hoc tertium non ineptè carmen induxisset:

*Porridge, quod faciat mihi carmina docta Falernum.*

Idque Leo repente mutuatus à Virgilio, subdiderit:

*Hoc etiam eneruat, debilitatq; pedes.*

Morto autem Leone, profligatisque poetis, Neapolim redijt: ibiq; demum quum Gallica arma perstreperent, & vti ipse in miserijs perurbanè dicebat, pro vno benigno Leone, in multos feros lupos incidisset. Oppressus vtraque præduræ egestatis, & insanabilis morbi miseria, in publica hospitali domo vitæ finem inuenit, quum indignatus Fortunæ acerbitem præ dolore, ventrem sibi acintima viscera forfice perfoderit,

#### Iani Vitalis.

*Laurus, brassica, pampinus coronam  
Contextæ simul, hinc pares in vnam,  
Deflent interitum sui poetæ:  
Quinimmo archipoetæ: & hinc lagenæ  
Scyphiq; & cyathi, amphoræ, virceiq;  
Queruntur lepidum suum patronum,  
Pro dulci, modò Cretico, & Falerno  
Exhaurire acidas Stygis lacunas,  
Et sales perijssæ Quernianos,  
Dum vitæ sibi prodigus molestæ,  
Fodit viscera forfice. ô seuerum  
Nostri temporis Appulum Catonem.*

#### Latomi.

*Quum matrem Thymelen, patrem Bathyllum  
Per tot lustra tibi astruas Camille:  
Argutis salibus, facetijsque,  
Et primo numeris in vngue natis,  
Exercens Decimigulam Leonis,  
Et summi titulum ferens poetæ:  
Quid est, quòd moriens supremo in ætæ,  
Ferro visceribus dolenter haustis  
Tanquam sis rigido Catone natus,  
Personam proicis, vetasq; plaudis?*

### Albertus Pius Carpenfis.



V B E T hoc loco sub illustri scilicet imagine Alberti Pij inter exempla Fortunæ humanis consilijs malignè & petulanter illudentis, eius viri grauisissimi genus, opes, ingenium, mores, studiaque referre: vt vel hinc mortales inaniterum peritiæ persuasione subnixi, Fortunam omni prudentia superiorem intelligant. Is antiquissima stirpe ortus, à maioribus per manus traditum, quum ante ducentos annos Mutinæ imperasset, in Campis Nacris, Carpum nobile oppidum possedit: optimisque literis, generosisq; moribus animū pariter, & corpus excoluit.



excoluit. Erat enim à procera, decentique statura ad arma neruis, & spiritu validus achabilis, maximarum autem rerum negocijs & literis præaltum, & incomparabile ingenium attulerat. Nihil enim vel præstantis doctrinæ, vel solertis industriæ, vel reconditæ artis, ardens eius ingenium, semperque viuendum, & maximè efficax subterfugit. Erat enim celeri captu, expedita ratione, tenacique memoria stupendus: eloquentia porro tanta, ut in omni congressu, & disputatione, quum de arduis consulèretur, & odio amarus, & amore prædulcis, tranquillitate lenis, atque sedatus, & vehementia concitatus, atque fulmineus, quò vellet Principum animos impelleret: & summus bello, & pace consultor, & mirabilis occasionum inuentor, & artifex censeretur. Quatuor summis Regibus, & totidem maximis Pontificibus in præclaro semper honore legationum operam præstitit, vigilantia, fide, & prouidentia semper illustrem. Sed vti occultæ Principum voluntates, & crumpentia ex insperato eorum odia tulerunt, coactus est alterna partium studia profiteri, quòd his omnino adhærendum iudicaret: quibus Alfonso Atestinus hostis esset, quò cum de possessione paterni agri disceptabat. Sed Atestini Fortuna præclare ipsa Pij prudentia virtuteque superior, priuatam causam publicis cladibus inuoluit, atque ita capto Clemente Pontifice, quum vrbs Roma fœdè perijssèt, ex arce emissus in Galliam enauigauit, ubi se paternam ditione Cæsaris iudicio exutum audiuit. Inde ei diuturnus articularis morbus, quo miserè conuulsus cruciabatur adauctus est: hunc diu æquo animo, & Christiana patientia fortiter tulisse frustra fuit, quum sæua pestis fatalem horam adduceret. Obijt Lutetiæ non planè senex, sub id tempus, quo Carolus Cæsar, & Solymanus, irritò vtrinque ausu ad Viennam Noricam certaturi credebantur. Rodolphus Pius fratris filius, quem aliquantò post Paulus Pontifex eximiae virtutis merito legit in Senatum, condito æneo sepulchro patrum memoriam profecutus est. Sed Albertus ipse, multò perennius antea sibi struxerat, quum librum lōgè grauissimum aduersus Lutherum, perstricto etiam Erasmo Roterodamo publicasset:

Ferdinandi Balamij.

*Insignes vsu rerum, studijsque Mineruæ  
Per paucos ætas prisca recensque dedit:  
In Solem, assuetus doctos versare libellos  
Quum prodit, lucem non tulit insolitam:  
Laudibus hunc omnes doctrinæ, & rebus agendis  
Conspexere domi, conspicuumque foris.  
Hunc Arar, hunc Rhenus toties, hunc accola magni  
Eridani, hunc Tybris sensit, & obstupuit:  
Fortuna inuidit, raperisque Alberte, tuorum,  
Italiæque omnis cum gemitu, & lachrymis.*

Iulij Gonzagæ.

*Hoc decus Italiæ tegitur Pius ille sepulchro  
Solerti ingenio, consilioque potens:  
Nulli hominum vis dicendi, facundia maior,  
Ille sed & studijs auxit, & arte magis.*

*Hunc Reges, hunc Pontifices sibi rebus agendis  
Optarant socium, consilijsque ducem.  
Felix, spem senij natum nisi flectet ademptum,  
Et data in hostiles regna paterna domus.*

## Stephani Doleti.

*Mersit funere Mors nimis profana,  
Mors damnoſa nimis virum interemit,  
Æternum decus omnium virorum.  
Cui quid præripuere laudis illa,  
Illa antiqua patrum superba ſecula  
Tot belli ducibus, virisq; doctis?  
Aut quid noſtra quidem negarit ætas?  
Quòd ſi fortè ſtupes, minùſue credis,  
Id tu plus ſtueas, negesque proſus,  
Hunc & Marti operam dediſſe ſemper,  
Et muſis ſtudio negaſſe nunquam;  
Vt nullum arte parem huic putet Minerva,  
Nec Mars laudibus anteponat vllum.  
Qua morum integritate vixit, omnis  
Quàm purus vity, ore quam modeſto.  
O, quo robore pertulit ſiniſtros  
Caſus, quot ſubijt pericla vitæ.  
Quem ne, Galle minus tuo remotum  
Aſpectu memores, & ipſe inſto  
Complectaris amore, ſcito cauſa  
Neglexiſſe tua, quibus beârat  
Fortuna hunc aliquando rebus amplis.  
Sed quod non tibi ſit graue, aut moleſtum,  
Pro tantis ſtudijs, quibus per orbem  
Gallorum cupyt decus vagari,  
Morti, qua cecidit, peccare mortem,  
Et votis onera polum, vt labores  
Poſt tot, tantaque damna, totq; curas,  
Cælo tandem aliquando conquieſcat.*

## Latomî.

*Qui ſic proſcindas cauſa pietatis Eraſmum,  
Te, mihi religio eſt ſumma negare pium.  
Hoc ego cur faciam? quum nec pietatis Eraſmus  
Laſus perſonam detrahat ipſe tibi?*

L V D O.



## Ludouicus Ariostus.



**L**UDOVICVS Ariostus nobili genere Ferrariæ natus, cum paterna hæreditas inter numerosam fratrum sobolem diducta, ipsi pertenuis obueneret, ingenium in literis vigilanter exercuit, ut certo nobilique præsidio fantiliæ nomen tueretur. Sed ut pari propè necessitatis, & gloriæ stimulo vehementer excitatus, feliciore certe iudicio inter primos Etruscæ linguæ poetas celebrari, quam inter Latinos in secundis gradibus consistere maluit: quod eius industriæ labor, cum eruditis ac idiotis latissimè dispensatus, uberiorem præsentis præmij, & diffusæ laudis fructum ostenderet. Adhæsit comes Hippolyto Atestino cardinali in Pannoniam profecto: quum ille erudito ac illustri comitatu apud reges Hungaros ambitiosè gauderet: sed iterum euntem, quum sequi recusasset, usque adeo grauiter offendit, ut penè implacabilis odij discrimen adierit. Receptus inde est ab

Alfonso principe tãquam horarum omnium amicus, & sodalis, cuius benigna manu vrbana domum extruxit peramcena hortorum vbertate, frugimensæ quotidianos sumptus adæquantem. In eo autem ciuili ocio, extra aulę strepitũ poemata factitauit: satyras in primis mordaci sale consperfas, ac item comœdias plures theatri voluptate sæpe repetitas: inter eas autem, maximè Suppositi excellunt, inuentionis, atque successus amœnitate cum Plautinis faciliè contendentes, si vtriusque seculi mores non ineptè comparentur. Sed luculentissimum operum, ob idque forsitan æternum id volumen existimatur, quo Orlandi fabulosi Herois admiranda bello facinora, octonario modulo decantauit, Boiardo hercle, ipsoque Pulcio peregre superatis. Quandoquidem & hunc rerum, & carminum accurata grãditate deuicerit: ac illum surrepto inuentionis titulo, ac eo quidem varijs elegantioris doctrinę luminibus illustrato penitus extinxerit. Cuncta enim euoluissè volumina videtur, vt sibi vndique collecta gratia, ex iucundissimis floribus longè pulcherrimam, ideoque perennem, quo lepidum caput ornaretur coronã intexeret. Interijt in patria scalaris ætatis anno, quum diu pectoris angustia ex pituitæ stillicidio laborasset: hoc autem carmen, viuens composuit, vt sepulchro incideretur.

*Ludouici Ariosti humanatur ossa  
Sub hoc marmore, seu sub hac humo: seu  
Sub quicquid voluit benignus hæres:  
Sine herede benignior comes: seu  
Opportunius incidens Viator:  
Nam scire haud potuit futura, sed nec  
Tanti erat vacuam sibi cadauer:  
Vt urnam cuperet parare viuens,  
Viuens ista tamen sibi parauit,  
Quę scribi voluit suo sepulchro,  
Olim si quod haberet is sepulchrum:  
Ne cum spiritus hoc breui peractio  
Pręscripto spacio misellus artus,  
Quos ægrè antè reliquerat, reposcet:  
Hac, & hac cinerem hunc & hunc reuellens:  
Dum noscat proprium, diu vagetur.*

Cælij Calcagnini.

*Tu repetis cælum, & terras Arioste relinquis,  
Et loca iam meritis inferiora tuis.  
Nos miseri, & curis longè mortalibus acti,  
Non tibi sed nobis fundimus has lachrymas.  
Gloria te niueis subducit in æthera bigis,  
Nos sine te luctu perpetuo opprimimur.*

Latomi.

*Arma, virumque canens, Etruscę carmina Musę,  
Palmam Virgilio vel tribuente refers.  
Scit sua te melius patrio sermone Latina,  
Quàm sese Latio Graia referre sono.*



## Aegidius Cardinalis.



ON est cur te præteream Aegidi, humili quidem loco, verumtamen maximè illustri Fato Viterbij nate : Christiani scilicet oratoris in sacra pergula, primum, atque vltimum decus merite : quam egregia illa ex arcanis Moseos deprompta, sublimis ingenij monumenta tenebris adhuc impiè suppressantur. Præstantissimum enim præceptorem facitè superasti, Marianum scilicet Genezanensem, Pontani, & Politiani admiratione, eruditoque præconio indyctum. huius enim extat in Epistolis laudatio florentissima, illius verò nobile carmen, quod in Aegidio Dialogo tale legitur :

*Qualis Alphei liquidos ad amnes,*

*Sive Maeandri viridante ripa,*

*Concinit ferum moriens in ipso*

*Funere cygnus.*

*Talis ad pleetrum ad Thyasos Deorum*

*Ludit in cælo Marianus, ipsa*

*Morte victurus Marianus, ipso*

*Funere felix.*

*Ipsè sis felix, faueasq; nobis,*

*Ipsè ades fessis Mariane rebus,*

*Tu preces audi miserorum, & iras*

*Siste Tonantis.*

Cæterum Marianus, Aegidij comparatione ad optimè glorioseque dicendum, nequaquam tanta ex Græcis, noui, & veteris instrumenti enarratoribus præsidia compararat : neque penetrarat ad Chaldaeos, vt admiranda nostræ legis fundamenta reuelaret : neque concionibus prædulce illud, & nobile poeti cum melos instillarat : vt suspensos arrectis auribus animos : suauitate carminū ad colendam pictatem reuocaret. Sed Aegidius quum in sugggestu verè admirabilis, æquo iudicio per omnes vrbes oratoriæ facultatis lauream mereretur, etiam domi lepidissimis sermonibus nouam laudem ferebat. Erat enim eius ingenium exquisito literarum omnium delectu grauiter extructum, sic, vt in omnes explorum casus per amplas opes, alacris, & expedita memoria suppeditaret : facundia porro tanta dissimulatis illecebris audientes semper exhilarans, atque demulcens : vt ipso concionante vel maxima templa complerentur. Ante autem id tempus, quo totius Eremitani ordinis præfecturam a Iulio consecutus est, nonnunquam accidit, vt Patauij optimis literis operam nauas, facti tata ab se lepida carmina ad lyram elegantissimè decantaret. Ei demum Leo pontifex, virtutem omnem liberaliter ornare solitus, honorem purpurei galerei detulit : quum Petruciana coniuratione, & Vmbriico bello circumuentus, Senatum aut malignè aut segniter principis iniuriam ferentem, supplere cogere- tur. Exinde functus est legatione in Hispaniam, quum Selymo post debellatos Persas, & duos Memphiticos reges interfectos, nobis arma comminante, Christianæ gentes ad sacrum bellum excitandæ viderentur. Sexagesimo ætatis anno subita oppressus pituita Romæ interiit, quum Clemens Carolum Cæsarem Bononiæ iterum excepsisset, destinatus, optatusque à multis ad Pon-

tificatum, tanquam par summo oneri. Sed non deerant, qui præclari nominis famam verbis eleuarent, quod pallorẽ oris sumpto cumino, & suffitu vdx palę mentiretur, variasque libidines censoria seueritate contegeret, quas demum malignus potius rumor, quàm vlla certi vestigij relicta proles detexit. Fit enim quadam naturæ minimè benigna sorte, vt nulla absolutæ virtutis præclara facies enitere possit, nisi aliquem vitij turpem næuum ad eludendam felicitatem ostendat.

Iani Vitalis.

*Ante sacrosanctos cineres bona verba Viator  
Dicito, diuinus hîc iacet Aegidius:  
Qui potuit lingua humanas inflectere mentes,  
Et trahere hærentes feruidus ad se animos.  
Quicquid pandit Arabs, diuinum quicquid Erebus  
Diues Aramæis occulit in tabulis,  
Explicuit populis: & si quid spiritus vltra  
Sentit, adhuc sanctum quod meditetur habet.*

Latomi.

*Et tua debuerat summos conscendere honores  
Virtus, & probitas, ingeniumque sagax.  
Sed tuus obtendit Genius, fuge protinus, inquit:  
Nunc formidatos truderis in scopulos.  
Non est iam merces, sed talio, summa referre:  
Et tu pacem, alij belligerentur, amas.*

## Ioan. Franciscus Picus Mirādula.



**I**N Ioanne Francisco Pico Mirandulano, inter studiosos bonarũ artium, scribendiq; auidos memoria verborum vehementer excelluit: sed in ipso rerum delectu illud perillustre iudicium, quod summo viro Hippocrati maxime difficile existimatur, omnino non vigit. Frustra enim ad Ioannis patruī gloriam aspiranti, ingrelloque grauisimorum studiorum penetralia, quum insatiabili lectione duceretur, nusquam Minerua satis arriserat. Extant eius sacra Poemata, suis quoq; Commentarijs illustrata, ne legentibus minus clara viderentur: & libri de Veritate fidei Christianæ, in quibus disciplinarum omnium acerrime eminet. Sed acriter disputantem inter cucullatos, magna etiam expeditæ doctrinæ laus sequebatur, quum scribentem vel mediocriter eloquentes minimè probarẽt. Neque enim quid potissimum imitaretur, constitutum habuisse videri potest ex duobus præsertim libellis, de Optimo imitationis genere ad Bembum præscriptis. Sed quum in omnibus ingenij operibus sacras literas religiosè respiceret, contempsisse Latinæ facundiæ flores, atque inde gloriam tanquam inanem existimari voluit: quanquam eius vniuersa literarum studia, tanquã illustri in homine, & in domo sanctissimis moribus perornata, quum in minus seueros iudices faciliẽ inciderent, splendidiora viderentur: & hercle vir antiqua simplicitate, potius, quàm nouo astu æquiora iudicia redimebat: quum libros ipsos priuato

im pres-



inpressos sumptu, liberali largitione publicaret. Interfectus est cum Alberto filio, vir indignus adeo crudeli vitæ exitu, à Galeotto fratris filio, quum nocturnis insidijs, capta arce, Mirandulæ dominatum ex paterno iure inuadendum existimasset. Fuere qui crederent merita fortasse pœna mulctatum, quod cudentæ monetæ miserum artificem ipsius officinæ præpositum, ex impuri auri, & decumum subtiliter improbi, magnum sensim lucrum ipsi domino reddentem, crudeli supplicio ad deriuandam inuidiam sustulisset: quum intellecta fraus ipsius famæ vehementer officeret, palamque ea aurea moneta, ex eius effigie spectabilis, vulgato vitij detrimento reijceretur. Sed iuuat audire quosdam, virum alioqui integra fide optimum excusantes, tanquam eius auaræ fraudis penitus ignarum, quum in vxorem, quod esset accurata & diligens mater familiars, tanquam muliebris auiditatis probro notatam, eius flagitij nomen nullo cum pudore referendum existiment.

## Myrtei.

*Hic Picus iaceo, atque me illa, quæ iam  
Ante non potuere, nunc iniquo  
Me seruant obitu arma literarum.  
Ægrè illud fero concidisse dextra  
Fratris filij: hoc eleuor, me adeptum  
Vitam pro studijs meis perennem.*

## Latomi.

*Passus es immeritam (quis enim Franciscæ negarit)  
Non minus insigni cum feritate, necem.  
Sed iuuat interea sciolos inquirere quosdam,  
Exitio quæ te Fata dedisse putent.  
Sunt ea: laudatæ pietas sanctissima vitæ:  
Verus amor recti, mens sine felle mali.*

## Nicolaus Machiauellus.



**Q**UIS non miretur in hoc Machiauello tantum valuisse naturā, ut in nulla vel certè mediocri Latinarum literarum cognitione, ad iustam rectè scribendi facultatem peruenire potuerit: habili siquidem ingenio, ac ubi solertiam intenderet, planè mirabili, cuncta quæ aggredere elegantissimè perficiebat, siue seria, siue iocula scriberentur. In Historia enim apprimè grauis, & astutus, ita Patriæ fauit, ut dissimulatis sectionum studijs, impellenterecondita libidine, & lenis, & asper incessisse iudicetur, egregia hercle cum laude, nisi uti nos non imperiti rerum Etruscarum præclare conspiciamus, prædulcis eloquentiæ mella, occulto veneno illita, singulis operibus infudisset: & tum etiam, quum optimum principem formaret, quum bellicis præceptis ducem instrueret, & denique traditis exactæ prudentiæ documentis, in deliberando & consulendo eximium senatorem



senatorem effingeret. Sed comiter æstimemus Etruscos sales, ad exemplar comœdiæ veteris Aristophanis, in Nicia præsertim comœdia: in qua a deo iucundè vel in tristibus risum excitauit, vt illi ipsi ex persona scitè expressa, in scenâ inducti ciues, quanquam præaltè commorderentur, totam inuistæ notæ iniuriam, ciuili lenitate pertulerint: actamque Florentiæ, ex ea miri lepôris fama Leo Pontifex, instaurato ludo, vt Vrbi ea voluptas communicaretur, cum toto scenæ cultu, ipsisque histrionibus Romam acciuerit. Constat eum, sicuti ipse nobis fatebatur, à Marcello Virgilio, cuius & notarius, & asseda publici muneris fuit, Græcæ atque Latinæ linguæ flores accepisse, quos scriptis suis infereret. Ipse quoque natura perargutus, & docilis, falsique iudicii plenus, pedestrem patrij sermonis facultatem à Boccacij conditoris veritate diffluentem, nouis, & planè Atticis vinculis astrinxerat, sic, vt ille castigatior, sed non purior aut grauior otiosis ingenijs existimetur. Cæterum quod olim eiecto Soderino à Mediceis in questione tortus fuisset, ab his leniendo doli, annuam scribendi Historiæ mercedem promeruit, ita tamen, vt ægre compresso odio, quum dicendo, scribendoque Brutos, & Calsios laudaret, eius con iurationis architectus fuisse putaretur: in qua Aiactus poeta, & Alamanus ex ipsa turma prætorialeuissimus eques, cõceptis sceleris capite pœnas dederunt. Fuit exinde semper inops uti irrisor, & atheos: fatoque functus est, quum accepto temere pharmaco, quo se aduersus morbos præmuniret, vitæ suæ iocundus illusisset, paulò antequàm Florentia Cæsarianis subacta armis, Mediceos veteres dominos recipere cogeretur.


Antonij Vaccæ.

*Quisquis adis, sacro flores, & ferta sepulchro  
Adde puer, cineri debita dona ferens.  
Nam veteres belli, & pacis, qui reddidit arteis,  
Iam pridem ignotas regibus & populis,  
Etruscæ Machiauellus honos, & gloria linguæ,  
Hic iacet, hoc saxum non coluisse nefas.*

Latomi.

*Quum sibi præteneras odio so radier aureis:  
Vero, vix aliquis Machiauelle ferat:  
Id verò facias: laudemq; è dente pararis,  
Quanta fuit linguæ visq;, Venusq; tua?*

## Philippus Decius.



ARI fere gloria & dignitate Philippus Decius in professione humani, diuiniq; præsertim iuris floruit, Mayni Iasonis & ciuis, & æmulus, ac ætate simul æqualis, sed qui docendo, & scribendo in omnibus Italiæ gymnasijs multò latius ingenij famam protulerit. Enarrabat enim subtilissime & uti sæpe vidimus, longè omnium acerrimè disputabat. Ab ipsis Pisis ubi uxorem duxerat, Ticinū à Gallo præ-



præsides, opimis stipendijs euocatus, in id tempus incidit, quo Ludouicus Rex ad conuellendam Iulij Pontificis auctoritatem, concilium Pisis indixerat. Fugitiui, ideoque rebelles aliquot Cardinales, in gratiam Regis synodum postulabant: ius verò indicendi, decernendique loci. Pontifex ad se reuocabat. Consultus propterea Decius super eare, intemperanter contra maiestatem Pontificis descripto respondit, secus ac Iason, qui rogatus sententiam, vel magno munere oblato adduci non potuit, vt non clementissimè responderet. Ob eam contumeliam Matthæus Sedunensis Cardinalis, pulsus Gallis victore cum exercitu, Ticinum urbem ingressus, vnam omnium Decij domum militi diripiendam dedit. Tanto accepto incommodo in Galliam ex fuga profectus, in ciuitate Biturigum ius diuinum edocuit per duos ferme annos. Inde verò in Italiam reuersum Senenses conduxerunt: qua in vrbe, vnica eius filia Senensi patritio collocata, octogenario maior interijt, delatusque est Pisas ad sepulcrum marmoreum, magno sumptu ab se in maximi templi fronte constitutum, inscriptione adeò inepta, vt si eam supponamns, elegantibus ingenijs non sine pudore rebus morri, ridenda videatur.

## Iani Vitalis.

*Dum curat Decius sibi sepulchrum  
Clarum marmore ponere elanti,  
Inscripsit titulos ineruditos  
Vt risum magis excitare possint,  
Quàm laudare hominem vndecunque clarum:  
Quòd si non sibi cultius sepulchrum  
Quàm doctos titulos, & elegantes  
Curasset, modò mollius iaceret.*

## Latomi.

*Quum mors ad Decij nouum sepulchrum  
Legisset titulos parum Latinos:  
Certè, inquit, timui hætenus lucernam  
Iuris tollere: quòd minus venustè  
Fecisse arguerer, parumq; doctè.  
Sed quum sic loquitur magister ipse,  
Committam quoque & ipsa barbarissimum.*

## Thomas Morus.



**F**ORTUNA impotens, & suo more instabilis, infestaque virtuti, si vnquam superbe, & truculenter iocata est, sub hoc nuper Henrico Octauo in Britannia immanissime desauit, prostrato ante alios Thoma Moro, quem Rex, paulo ante præclarus eximiae virtutis admirator, ad summos honores extulerat: inde cū fatali scilicet oborta infantia, mutatus in feram, crudeli mox impetu præcipientem daret, quod huius furentis Tyranni nefariae libidini, vir omnibus religionis, atque iustitiae numeris longè optimus, atque sanctissimus adulari noluisse. Dum enim ille uxorem repudiare, pellicem inducere, filiamque magno probro abdicare properaret, Morus scrinij Magister, pietatis ac innocentiae suæ reus, causam ad tribunal dicere coactus, impio iudicio, nisi par metus ab irato & saevo mentes excuteret, ita damnatus est, vti latronum more, terribimo supplicij



supplicij genere necaretur: nefas esset dilacerata membra, propinquorum pietate sepelire. Sed Hénricus, vel hoc vno facinore Phalaridis æmulus, eripere nō potuit, quin ad sempiternam inusitati sceleris memoriam, Mori nomen in Vtopia, perenni constantiæ laude frueretur. In ea enim beatæ gentis regione, optimis instituta legibus, ac opulenta pace florentem Rempublicam elegantissimè descripsit, quum damnatos corrupti seculi mores fastidiret: vt ad benè, beateq; viuendum, commento periucundo, rectissima via monstraretur.

## Iani Vitalis.

*Dum Morus immeritè submittit colla securi,  
Et flent occasum pignora cara suum,  
Immo, ait, infandi vitam deflete Tyranni,  
Non moritur, facinus qui graue morte fugit.*

## Iacobi Exerichi Hispani.

*Henricus Morum gladio ingulauit iniquo,  
Tam dignum vita, quàm fuit ipse nece:  
Mortuus ille tamen viuet per secula cuncta,  
Post mortem virtus viuere sola facit.*

## Ioannis Secundi Hagiensis.

*Quis iacet hic? Truncus. Cuius caput ense recisum est,  
Et natat in tetro sanguine? Canities. Hosp.  
Hic est ille Thomas Morus, sic Fata rependunt. Cuius  
Tristia multa bonis, & bona multa malis.  
Que circumstant Diuæ lugubre cadauer? Hospes  
Diua tenax Veri, sancta Fides, Nemesis, Cuius  
Harum prima ody causa, & fuit altera mortis,  
Vltix iniuste tertia cedis erit.*

## Latomi.

*Quid tibi cum Moro, tali indignissima ciue,  
Anglia? Quid pergis dicere inepta tuum?  
Tu ferro infontem, nec simplice morte, Catonem  
Persequeris: tutò nec licet esse pium.  
Proinde sile: nam quo maculam tibi demeret istam,  
Ipse sibi patriam condidit Vtopiam.*

## Roffensis Cardinalis.



ARI quoque immanitatis portento, ante paucos dies, quàm Morus obtruncaretur, eadem sanguinarij Regis rabies Britanniae lumen extinxit Ioannem Ficerium Antistitem Roffensem, animi pietate, candore, constantia, priscis illis, atq; sanctissimis Christiani ordinis patribus comparandum. Is quum summa scientiae eruditionis, & probitatis autoritate clarissimus spectaretur, vel atrocissimi supplicij metu expugnari non potuit, vt Regi ex impudenti repudio inauspicatas nuptias affectanti, volens pareret. Putabat enim Regem paulò ante admirabili virtutum omnium concentu, & rarissimis naturae, atque Fortunae muneribus praestantissimum, atrabilis morbo correptum insanisse, quòd iratus Romani Pontificis sententiae, qua fuerat ex diuini iuris formula damnatus, Pontificij Imperij patrimonium inualisset. Non subscripsit ergo nefario rebellantis



lantis Regis voto, vir egregiè pius, integreque seuerus, ac ideo in carcerem ductus est, vt vitæ periculo, & longo cruciату, imbecilli senis constantia frangeretur. Id celebre factum ita Rossensi parauit laudem, & Henrico inuidiam cumu-  
lavit, vt eum Paulus Tertius ad exornandam virtutem natus, collato sacræ pur-  
puræ honore legerit in Senatum. Sensit illico exprobrati odij vulnus Rex su-  
perbus & impius, sanctissimoque viro modeste ea dignitatis fama permoto, ca-  
put in foro præcidit, ne merita purpura ornaretur. Ferunt id caput lanceæ præ-  
fixum, vt ludibrio, terrorique cæteris foret, publicis lachrymis laudatum, ac a-  
doratum extitisse. Reliquit ingenij monumenta eruditum volumen, quo Lu-  
theri opiniones grauissimè confutarat: itemque alios vtilis libros, quibus sacri  
sacerdotij authoritatem defendit, & de Veritate corporis, & sanguinis Christi  
in Eucharistia libros quinque aduersus Oecolampadium. Sed is sibi admodum  
exitialis fuit, quo Catharinæ Reginæ coniugium tuetur. Extat etiam religiose  
meditationis explicatio in septem Dauidicos Psalmos: reliqua in carcere purga-  
tissimè conscripta, quod damnatæ causæ nomen iugularent, Tyrannus abo-  
leuit.


## Incerti.

*Tene viri tanti ceruicem abscindere posse?  
Tene cruore pio commaculare manus?  
Si vita spoliās Rossensem Barbare, quando  
Vllum producet terra Britannia parem?  
Sed tu sancte senex, æuo fruiture beato,  
Latus abi, in cælum te vocat ipse Deus.*

## Latomi.

*Quum te, sancte senex, infami morte, Tyrannus  
Perderet, æternis obijceretque probis:  
Perdere non potuit titulis cælestibus auctum,  
Turpiter haud famæ consuluisse tuæ.  
Quin luit æternum scelus exitiale, pudendum  
Seque sibi, & populus reddidit ipse suis.  
Postera, nam dicet, quæ talia legerit ætas:  
Anglia bina vno tempore monstra tulit.*

# Leonicus Tomæus.



**L** E O N I C V S Tomæus Epirota patre Venetijs genitus, sed Pataui inſitus ciuis, quum Florentiæ Græcas literas ſub Demetrio didiciſſet, primus Latinorum philoſophorum Patauſj Ariſtolelem Græcè interpretatus eſt. Philoſophiam enim ex puriſſimis fontibus, non ex lutulentis riuulis ſalubriter hauriendam eſſe perdocebat, exploſa penitus ſophiſtarum diſciplina, quæ tum inter imperitos, & barbaros principatum in ſcholis obtinebat, quum doctores excogitatis barbara ſubtilitate Dialecticorum figmentis, Phyſicas quæſtiones non ad veritatis lucem, ſed ad inanem diſputandi garrulitatem reuocarent: & iuuentus in gymnaſio Arabum, & Barbarorum commentationes ſecuta, à recto munitoque itinere in confragoſas ignorantiae crepidines duceretur. Scripſit crudite, & luculenter Commentarios in parua Naturalia Ariſtotelis: ac item pereleganter



ter aliquot quæstiones, & in his de Intellectu, de Alica, & de Astragalo, tituli varietate iuuentuti gratas & vtilis. Sed in libro de varia Historia, quo ingens & peramœna reconditæ lectionis copîa exprimitur, omnes eius ætatis styli iu- cunditate superauit. Vita eius procul à contentione, ambitioneque, in studioso mollique otio versabatur ita, vt domi, quàm in schola clarior, beneuolis vera Peripateticorum, & Academicorum dogmata suauissima comitate pomeridia- nis horis explicaret. Peruenit veneranda barbæ canitiæ ad septuagesimum ter- tium ætatis annum mediocri substantia, ipsa que ciuili frugalitate, & cælebs, & felix, quod nemo vel innocentia & doctrina conscientia, vel munditia corpo- ris, vel animi nitore beatior ætate nostra fuerit. Aluerat domi gruem, de manu ipsius senili oblectamento cibaria capientem per quadraginta annos. Is senio- tabefactus quum periisset, ex eius desiderio triste omen concepit, prædixitque nullo lacesitus morbo, se nō multo post adamati gruis fatum maturo vitæ exi- tu secuturum. Patauini, externa que gymnasij cultrix iuuentus funus ornauêre. Sepulchrum autem Bembo faciundum curauit, & carmine nobilitauit.

*Natura si quid rerum te fortè latebat,  
Hoc legis in magno nunc Leonice Deo.*

Latomi.

*Precare sacra verba, Viator,  
Nam Tomæus hic sepultus est:  
Dulci fruitur memoria  
Integritatis illibata,  
Partaque literarum gloria.  
Funde puer dulce merum:  
Odoros sparge flosculos:  
Spiret vt bustum, madeatque tellus:  
Illa que sancta & candida animula  
Se totam nostra gratitudine inebriet.  
Addemus titulum sepulchro & istum,  
Barbarus vt ne quis violet:  
Hic iacet vir vnus omnium  
Doctissimus, pijsimus.*

## Augustinus Niphus.



VGVSTINO Nipho Sueſſæ ad Auruntam nato, sed ab vrbe Trophea in Brutijs oriundo, inter Aristorelicæ sectæ professores eximia laus contigit, quum in omnibus ferè Italiae gymnasijs, Achillino, & Ponponatio florentibus opima stipendia meruisset. Erat ingenio fertili, adaperto, liberali, sermone autem Campanum pingue quoddam resonanti maxime libero, & ad ferendas fabulas in suggestu coronaque, ad voluptatem aurium periuicundo: sed vel toto ore subagregiti, & penitus in faceto ira se ad vrbanos iocos componebat, vt valde mirarè-

tur, qui mox tacentis supercilium austeræque labra, & lineamenta conspiceret. Scripsit in omnes Aristotelis libros perampla commentaria, sed rudi & incondita quadam vbertate, ut tum mos erat, crassæ & planè barbaris auribus accommodata, quod Latine, recteque scribendi facultatem, tanquam inimicam optimis disciplinis, ab ipsa præsertim philosophia segregabant. Luculentius eius operum existimatur id, quod pro Auerroë aduersus Algazellem disputatè tum publicauit, quum florente ætate à multo vigore ingenij neruosiior haberetur: quanquam ipse in opinione decretoque parum constans, euariatoque sæpe iudicio, commentationes in Analytica priora, & in libros de Anima tenerius adamasse videamus. Parto demum otio, obrepenteque podagra, scripsit aduersus Astrologos, Moralesque libellos: & de Tyranno & rege, & de Augurijs, varietate tituli vel parum curiosis expetendos, & longiore quidem dignos vita, si plenior Latini sermonis spiritus accessisset. Susceptis liberis, & senescente vxore septuagenarius senex, puellæ citra libidinem impotenti amore correptus est usque ad infaniam: ita ut plerique philosophum senem, atque podagricum ad tibiarum modos saltantem, miserabili cum pudore conspexerint, unde illi maturaturæ vitæ exitum constat. Perijt in patria nocturno itinere refrigeratus, quum serò è Sinuessâ rediisset, obortis scilicet tonsillis, quæ fauces obsederant, ea ipsa nocte Etruriæ admodum funesta, qua Alexander Medices, in lecto turpissimè confossus interijt. Galeacius Florimontius quum præceptori urnam poneret, hoc carmen incidi iussit.

## Incerti.

*Dum lapidi titulum mærens Galeacius adit,  
Et tristi curat funera cum gemitu:  
Si quis honos tumuli non hoc tibi, Niphe, supremum,  
Sed patriæ, & misero stat mihi munus, ait.  
Næ viuis meliore tui tu parte: leuamen  
Luctus nos medijs querimus in lachrymis.  
Marci Antonij Flamini.  
Qui docuit rerum Niphus cognoscere causas,  
Non rerum oblitus hoc iacet in tumulo,  
Sed cælo meliore sui cum parte receptus,  
Nunc gaudet melius discere quam docuit.*

## Latomi.

*Apagete vos, Philosophiam qui tetricam  
Putatis: & boni indigam  
Leporis, ebræ horridamque Cypridis.  
Quid? Niphus annon melleus,  
Perplexæ sœtus inter enthymemata,  
Et syllogismos frigidos  
Narrare suauis, Atticæque fabulas:  
Multumque risum spargere?  
At quam venustum hoc septuagenarium  
Quod undulatis passibus,  
Et curioso, flexuosoque capite  
Saltare coram cerneret,*



*Modò Dorium, modò Phrygium, vel Lydium:*

*Amore saucium graui?*

*Tractare sic Philosophiam inuisam, arbitror*

*Summi fuisse philosophi.*

## Ioannes Ruellius.



VELLIVS in vrbe Suefionum natus, quum susceptis liberis vxorem exulisset, abdicata medendi arte, sacerdotum in templo Deiparae Virginis, Lutetiae Parisiorum Poncherij antistitis liberalitate promeruit, totumque id otium optimis literis, vt fortunis auctum decebat, impendit: non ignobili quidem gloriae prouentu, quum eruditionis auctoritate Budæo proximus esset, & Latini sermonis nitida puritate superior haberetur, vt præclare indicat Dioscorides in Latinum è Græco emendatè traductus. Leguntur libri aliquot probè, fideliterque translati de Mulomedicina, & Actuarius medici volumen de Vrinis: sed proprio vsu ingenio libros tres de natura stirpium perscripsit, Theophrastum in multis, & Plinium eleganter æmulatus. Extant quoque singulari diligentia translati è Græco quinque libri de Agricultura, ex viginti qui nomine Constantini circumferuntur: reliquos Coroneus Gallus vertisse dicitur: sed Cornarius Germanus expedita facundia celeberrimus, vniuersos viginti Latinitate donatos nuper publicauit. Erat Ruellius natura modestus & lenis, vultu multo rubore suffuso, & resimilis naribus, statura verò mediocri. Sexagesimo ætatis anno vita functus est, paulò antequàm rex Franciscus niuofas Alpes trañceret, vt copijs suis Cesarianorum impetu perculsis fortiter opem ferens, Subalpina oppida, summotis hostibus in fide confirmaret: vt inde in spem inauspicatæ pacis induciæ pararentur.

Dionysij Carronij.

*Hic situs est, in quo vixit medicina, Ruellus*

*In quo naturæ notitia, atque poli:*

*In quo prima fuit dos, Gratum vertere scripta*

*In Latium, ac Latio scribere digna Ioue.*

*Olim erat affinis, nunc est conuiuia Deorum,*

*Præmiaque illa sui grata laboris habet.*

Latomi.

*Hic vester ille est, Galle, Ruellius:*

*Mentis tam acuto lumine præditus,*

*Perinde vultum nosset vt ætheris,*

*Seu leta nobis, seu mala plurima*

*Cordis recessu conderet intimo:*

*Ac si fuisset sensibus omnibus*

*Coniunctus astris: & reor hercule.*

*Nam quæ reliquit scripta sat arguunt.*

*Nostris bonis tam commodum & vtilem,*

*Aut esse Diuum, aut munere proximum.*

# Antonius Tibaldeus.



IC primus ferè post Petrarcam supra æmulantes Seraphinum atque Manutium, planè extinctum Etrusci carminis decus excitauit, vsque adeo grata auribus alternantium numerorum suauitate, vt quum expeditis vbique eius iucundę facultatis illecebris, in amatorios lusus Principum aulas perambulaſſet, edita, vel surrepta eius carmina à viris pariter & ſceminis ad citharam cantarentur. Sed tantam mox famam feliciore orti ſidere Bembus, & Syncerus æternis carminibus oppreſſerunt. Agnouit ille tanto perſtrictus fulgore, ingenij ſui Fortunam, atque ideo ad Latina carmina ſe conuertit, quum in his ad genium non inſulſa venareſponderet. Sed factus grandæuus ſenex, ridente vrbe Roma carminum ſuorum Etruſcorum exequijs interfuit: ita hercle vt euaneſcentis antiquę laudis magnam partem redimeret, quum Epigrammata multo Latino ſale, lepore quę conſperſa inexpectatus edidiſſet. Perijt in via lata octogenarius ſenex, firmiſſimo corpore & celfa proceritate ſemper erecto, ſtranguria cruciatus adeo grauiter, vt ex atra demum bile ſeipſo factus amarior, ſæpe nec inſulſè delirare videretur, quum ianua fenestrisquę penitus occluſis, Carolum Cæſarem ex Africa relato inſigni triumpho, ad eius limen tranſeuntē ſpectare noluerit: quod eum minimè iuſtum Imperatorem putaret, qui ſub fide publica captę deletęquę Vrbis ſcelus, quo maietas eius vel extra culpam ſuggillari potuit: decumatis legionibus minimè vindicaſſet: quaſi non ſatis fuerit, in tantę cladiſ ſolatio Borbonium, Dorbinum, Moncatam, & Aurantium, quatuor ſummos Duces, & patrati facinoris authores, ſingulis ic̃tos fulminibus, vltorem magno numine ſpectauiſſe.

Colæ Bruni Meſſanenſis.

*Quæ ripiſte ſæpe ſuis ſtupnère canentem  
Eridanus, Tyberisquę: parens ille, hic tuus hoſpēs,  
Credibile eſt, vates Antoni, nunc quoq; campis  
Te canere Elyſijs, turba admirante piorum.*

Latomi.

*Certè non modicam merère laudem  
A rara ingenij tui æquitate,  
Antoni numeris poeta Tibuſcis.  
Qui palmam tribuens, tuąquę arena  
Cedens poſterioribus poetis:  
Viuus, ac hilaris tuis dediſti  
Muſis inferias, quaſi exoletis.  
Sed quem ob ingenij tui leporem,  
Feſtiuumquę animum, bonę Camænę  
Scribendis Epigrammatis Latinis  
Immortale tibi dedere nomen:  
Vt iam ſis numeris vtriſquę felix,  
Vniſ candidus, alteris venuſtus.*

ERAS.



## Erasmus Roterodamus.



RASMV S Roterodamus ex Insula Batavorum, perpetuis eruditæ laudis honoribus extollendus videtur, postquam ætatis nostræ scriptorum prope omnium decus, ingenij fertilitate superauit. Is ab adolescentia, pio religioso animi decreto, ad cucullatos sacerdotes se contulit, tanquam humana despiceret. Sed non multo post, petiit ælius intempestiuæ seruitutis, voti que temere susceptæ, ea sacrati ordinis septa transiit, vt ad excolendum ingenium planè liber, per omnia Europæ gymnasia vagaretur. Contendebat enim cura ingenti ad summæ gloriæ fastigium, ad quod literarum omnium cognitione perueniri posse intelligebat, quum iam ad arcana cuiusque doctrinæ, infinita lectione, inusitataque memoria penetrasset. Edidit Moriam, atque inde primam nominis famam longissimè protulit, imitatione Luciani satyræ pungentes aculeos passim relinquens, omnium scilicet sectarum actionibus ad insaniam reuocatis. Opus quidem falsa aspergine periucundum, vel grauibus, & occupatis; sed sacrato viro prorsus indecorum, quum diuinis quoque rebus illuisse videretur. Sed maturè demum, quod eius intemperantiæ malè audiendo pœnas daret, sanctiores literas complexus est, tanta robustissimi ingenij contentione, vt vertendo Græca & commentarios excudendo, plura quam quisquam alius volumina publicauit. Verum se ipso haud dubiè cunctis admirabilius futurus, si Latine linguæ conditores grauitè imitari, quàm feruido properanti que ingenio indulgere maluisset. quærebat enim peculiarem laudem ex elocutionis atque structuræ nouitate, quæ nulla certa veterum æmulatione pararetur, vt in Ciceroniano non oc culti liuoris plenus ostendit. Tanta enim erat naturæ fecunditas, vt plena semper ac ideo superferente aluo, varia & festinata luxuriantis ingenij prole delectatus, nouum aliquid quod statim ederetur, Chalcographis tanquam intentis obstetricibus parturiret. Obijt apud Heluetios Basileæ, septuagesimum excedens ætatis annum, quum Carolus Cæsar in Prouinciã irrumpens, ad aquas Sextias, Francisco Gallie Regi graue bellum intulisset.

Incerti.

*Theutona terra suum quum miraretur Erasmus,*

*Hoc maius protulit dicere, Nil genui.*

*Ioannis Secundi Hagienfis.*

*Defunctus vita, longique laboribus æui,*

*Hac situs est tandem doctus Erasmus humo.*

*Quem licet in sera rapuerunt Fata senecta,*

*Et vitæ saturum sopijt alta quies.*

*Nos tamen hunc velut immaturo funere raptum,*

*Flemus, & effusus diffuimus lachrymis.*

*Ille igitur perijt, & quondam illa illa diserta,*

*Et dulci manans nectare lingua tacet.*

*Ingeniumque sagax, & amans virtutis, & equi,*

*Omnia sub paruo condita sunt tumulo.*

*Illum igitur canos Virtus lacerata capillos,  
Et Charites lugent, luget & ipsa Fides.  
• Colletasque rosas Permessi ad flumina Nymphæ  
Inspargunt sacro Pierides tumulo.*

**Iani Vitalis.**

*Lubrica si tibi mens fuit, & spinosior æquo,  
Ingenium certè nobile Erasme fuit.  
Felix si mistas labruscas dulcibus uvis,  
Prodiga defisset vinea ferre tua.  
Barbarie è media præclarum sidus haberent,  
Et te Varronem tempora nostra suum:  
Hanc tamen inscriptam his titulis posuere columnam,  
Lactura hic laudum publica facta fuit.*

**Gilberti Cognati.**

*Magnus Roterodamus ille noster,  
Hæc quo secula neminem tulerunt  
Maiorem, neque prisca clariorem  
Norunt tempora, nec cui futura  
Parem posteritas habebit: ecce  
Sub hoc marmore mortuus quiescit.*

**Viti Coppi Selestadiensis.**

*Lachrymarum, te rogo, iam siste riuulos  
Viator, & dulcem quietem floribus  
Orna, tumulum Sabæo thure confouens,  
Vixi satis, Fati peregi tempora:  
Non ocio, sed duris me laboribus  
Unus, quò plurimis prodessem subdidi.  
Sic docta primum bella gessi Palladis,  
Ut me duce mirata sit Germania,  
Suum me sæpius Ciceronem dielitans:  
Tandem sacris literis sum immortalus.  
Hæc Fata lege subire, an non est viuere?  
Rure donari, nisi forsitan mori putas.*

**Simonis Vallamberti.**

*Hoc quanquam tumulo mortale cadaver Erasmi  
Mors claudis, id fermè est nihil.*

**Non**



Non huius virtus, spes, fama, scientia, possunt  
Claudi. quid, ô Mors hic habes?

Ioanni Morelli.

Corpus humo, superis animam, dat nomen in ævum  
Lex, pietas, virtus Roterodame tua.

Latomi.

Theutona terra suum quum miraretur Erasmus,  
Hoc maius potuit, dicere, Nil genui.  
Quippe Deos inter, cælo ridente, relatum  
Ipse suum dixit Iuppiter esse genus.

Eiusdem.

Qui paucos habeas pares, Erasme,  
Multorum invidiam feras necesse est.  
Istos quod loquodædalos ab Vrbe  
Vnos præ reliquis, inimmerentis  
Manes sic videam styli cruentam  
Stringentes aciem, perinde tanquam  
Stuprasses Charitum nouem sorores.  
Indignum patria eruditione, &  
Asserto titulo elegantiarum.  
Causam scire velim, quid vrat illos,  
Et quid tantopere tumultuentur.  
Sed quid dissimulo? sat æstus illam  
Prodit feruidus & malignus ille est,  
Ille inquam est Ciceronianus, ille  
Vno qui Cicerone stare, rectè  
Latinam negat elocutionem:  
Et damnat stolidi laboris omneis,  
Qui superstitione non fereunda  
Vno non nisi Tullio loquuntur.  
Hæc illa est Helene, viri elegantes  
Armis quæ Latium per vniuersum  
Vindicanda videtur in Batauum:  
Vmbra scilicet, atque inane nomen:  
Tanquam quo genito Allemannis ora, est  
Vano ridiculè soluta partu.  
At si tam modicas ob has labruscas  
Perit vinea tota, ô vrbs Quirini,  
Scribemus titulo hoc tibi columniam:  
Quæ quondam meritis suo fouebas,  
Ornabasque viros honore, laudum  
Laetura es modo facta publicarum.

## Rutilius.



**R**UTILIUS è Colonia oppido Vicentini agri, quum erudito diligentique eius ingenio Nicolaus Ridulphus Cardinalis familiariter vteretur, ex umbratili iure consulto flamē euasit, quod nunquam in forum prodijisset. Edidit enim volumen ab industria atque facundia commendatum, de his qui florente Romano imperio iuris intelligentia præstiterunt: quo laborioso elegantique opere, Ciceronem obiter à multa mendorum labe repurgauit. Maiora porro editurus videri potuit, nisi immatura mors lucubrantem Venetijs oppressisset. Amici autem poetæ de eo tanquam conspicui sepulchri honore, ex humili fortuna facillè carituro, hæc carmina decantarunt.

Petri Cursij.

*Vt mors Rutilium sensit tot reddere vitæ.  
Styx vale, ait, vitæ iam patefacta via est.*

Croti.

*Exciri vi Legum latores sensit ab Orco  
Inuida Mors, fufis protulit hæc lachrymis:  
Quàm verè eiusdem est inferre, auferreque leges,  
Lege horum cum lex penè refixa mea est.*

Iani Vitalis.

*Viuatur in chartis Rutili felicius ipsis,  
Cum videant mortem marmora & ærasuum:  
Absumpsit priscos legum Libitina peritos,  
Tu facis in scriptis viuere & esse tuis.  
Quàm meritò illi igitur dicent, æternior ære  
Est tua, & æternis pagina marmoribus.*

Latomi.

*Qui tot Rutilium vitæ afferuisse videret,  
Quos antè in libro cederet ipse suo:  
Huic temerè, Ridulphus ait patronus, honorem  
Marmoris, & longos contulero titulos.  
Ille quidem rectè, nec nos non rectius, illa  
Sarcinius gratis qui tibi carminibus.*

CVLIEL.



## Gulielmus Budæus.



**N**ULLI mortalium etate nostra perpetuis lucubrationibus aspirante fortuna, cum Græcæ tum Latinae eruditionis maiores opes contigerunt, quàm Gulielmo Budæo, non Galliaè modo, sed totius etiam Europæ longè doctissimo. Natus Lutetia præcellentium disciplinarum celebri domicilio, dum perennem spectaret laudem, & rei familiaris fortunas honoresque ingenio suo, & sperata gloria viliores arbitraretur, exaginta amplius ætatis annos in studijs consumpsit: ita ut summæ eruditionis libro de Assæ, alteroque in Pandactas edito, ac infinita demum lectione confectis Commentarijs, quibus Græcæ & Latinae facultatis ornamenta comparantur, nulli communicata laude, æquales omnes doctrinae auctoritate superarit. Sed qui in memoriae thesauris tantas diuitias miro digestas ordine continebat, veluti occupatus in apparatu, candidioris

eloquentiæ cultum neglexisse existimatur. Id enim in toto studiorum negotio longè grauiusimum, nemo nisi irrita spe senectuti vnquam referuauit. Ad augebant nominis famam in perspicuo animi sanctissimi mores, quibus aliquantò vberiora rei familiaris incrementa, quam pertinaci diligentia, vel honoris ambitione, educatis feliciter liberis reliquit, quum rex Franciscus subita liberalitate inclutus, optimi viri otium foueret, & ipse supplicibus libellis præpositus, honestissimo prouentu ditaretur. Sed vir alioqui incorrupta mente compositus, Erasmiianæ obrectationis spicula ferre non potuit, quum facile indignabundus, bile Gallica redundaret: ille autem contumaci odio incensus, tela veneno Batauo delibuta iacularetur. Septuagesimum tertium agentem annum oppressit febris, longinquo & æstuoso ad Armoricum Oceanum itinere concepta. Pie autem tranquilleque vita excedens, condito testamento, omnes honores funeris & tumuli penitus abdicauit, ita vt quum numerosa proles eum lugeret, noctu tumularetur. Fato functus est, non multo post celebres illos hospitales triumphos, quum Cæsar ab Hispania per mediam Galliam in Belgas profectus, gentem bello fessam, festa pascim hilaritate in spem pacis erexisset.

Iani Vitalis.

*Qui sanctum simul, & simul disertum  
Exquiris sapientiæ magistrum,  
Vltra quid petis? hic iacet Budæus.*

Salmonij Macrini.

*Budæus voluit media de nocte sepulchro  
Inferri, & nullas prorsus adesse faces:  
Non factum ratione caret, clarissima quando  
Ipse sibi lampas, luxq; corusca fuit.*

Theodori Bezæ.

*Vnus Budæus terramq; polosq; hominesq;  
Deiunxit magna prouidus arte sibi:  
Cælo animum, terræ corpus donauit habendum:  
At cerebri nobis dona superba dedit.  
Sic decessit inops, nam nil sibi reliquerat ipse,  
Verum hæc paupertas vnica vincit opes.*

Eiusdem.

*Budæum fleuere homines, plorauit & aer,  
Budæus gelidis est quoque fletus aquis:  
Sic fleuere homines, vt plena volumina mæstis  
Carminibus quibus bibliopola terat.  
Sic aer luxit, consumptis vndique nimbis,  
Vt etiam quas plueret non reperiret aquas.  
Flumina sic flerunt, vt quæ modò naus abibat,  
Currat in offensis sicca quadriga rotis.  
Restabant cælum & tellus, communis vt omni  
Quamlibet immenso mæror in orbe foret:  
Sed quum cælum animam Budæi, terra cadauer  
Possideat, quæso qua ratione flegant?*

Simonis



Simonis Vallamberti.

*Extinctum luxit Budeum maestus Apollo.**Namen in extinctum non meruisse putes?*

Latomi.

*Budeus columen, decusq; Graium:**Budeus Latiae corona linguae:**Budeus dubij lucerna iuris:**Budeus pater elegantiarum,**Et fons totius eruditionis:**Budeus patriae iubar coruscum,**Regis delictum sui, suaeq;**Tempestatis bonos, lepor, voluptas,**Hic terrae exuias reliquit, orbi**Famam, astris animam. Viator ito.*

## Hieronymus Aleander.



ET VR hoc incomparabili inusitatae memoriae felicitati, quae in Hieronymo Aleandro supra cuiusque vel antiqui seculi capum admiranter excelluit, ut eius ex vero depicta facies, vel in pudenda ingenij sterilitate inter fecundissimas imagines conspiciatur, quando nihil eum cuncta volumina cupide perlegentem, vel rerum vel verborum omnino subterfugerit, quin singula memoriter, vel à multis annis longo sepulta silentio recitaret. Latinae enim Graecaeque literae, quum saepe alacriter iactabundo, pro vernaculis haberentur, Hebraicas admirantibus Iudaeis, & suae stirpis eum facile credentibus solertissime didicit. His ingenij dotibus insignis, quum Lutetiae Parisiorum Graece docendo honorem praefecturae gymnasij concordiae studiosae iuuentutis acclamatione esset consecutus, venissetque in Urbem, Leo Pontifex grauisimus ingeniorum aestimator, eum extulit, misitque legatum in Germaniam, ut Lutheranæ doctrinae initia disputatione tollerentur. exinde Clemens Brundisium casu potius quam animi iudicio Antistitem fecit. Paulus autem verè virtutis eruditus exornator, legit in Senatum. Lætatus est ea purpura per annos quinque, peruasurus haud dubie ad exactam aetatem, nisi nimia tuendae valetudinis sollicitudine intempestiuis medicamentis sibi hercle insanus & infelix medicus viscera corrupisset. In toto autem vitae cursu, extemporanea facundia delectatus, serò ingenij labem sensit, quum ad meditatam scriptiorem purior eloquentiae vena, uti externo & praecipiti quodam luto perturbata minime proflueret, ita spe melioris styli miserè destitutus, quum vastum opus vasta illa memoria aduersus singulos disciplinarum professores agitaret, Romae interijt fato suo vehementer indignatus, quum se praereptum anno vno ante climactericum inter anxiam supremamque suspiria quereretur. Tumulatus est in aede Transyberina diuo Chrysogono dedicata, ea testamenti lege, ut sepulchrum Graeco carmine a se composito, quum reliquis titulis inscriberetur, quo novas clades imminere nobis ominatur in hanc sententiam:

*Excessit è vitæ ærumnis facilisq; lubensq;  
Ne peiora ipsa morte dehinc videam.*

Iani Vitalis.

*Non tibi literulis ornare Aleandre sepulcrum  
Fas erat, at vastam ponere Pyramidem:  
Stesichorosq; inter celebres; sanctosq; Platones  
Ex auro solidam stare tibi statnam:  
Vidimus in te vno diuinæ insignia mentis,  
Et plus quàm humani par decus ingenij  
Nunc peryt tecum, quantum vix secula mille,  
Quantum vix præstent milliamille hominum.*

Cælij Calcagnini.

*Incertum est Aleander vtrum te dicere malim,  
Quum Græcum atque Italum te tua lingua velit:  
Septem vrbes Græcas natalem ingentis Homeri  
Immensis studijs afferuisse ferunt.  
De te his maior, quum idem te vendicet omnis  
Attica terra sibi, Romula terra sibi.*

Latomi.

*Non tibi pro tumulo hoc, quantumuis nobile, marmor  
Ponimus: hoc cineres, aridaq; ossa tegat:  
Non longos titulos: subiectos casibus ipsos,  
Et quibus erasis ipse superstes eris:  
Sed totam Europam, quam docto in nomine oberras,  
Quæq; tuas laudes vix Aleandre capit.*

## Lampridius.



**LAMPRIDIVS** Poeta Cremonensis, quum in colle Quirinali schola Græcorum adolescentium instituentem Lascare coalesceret, docendi munus suscepit exercitatione perutili, quod argumenta proposita vtriusque linguae verbis & figuris ad mutuam ingeniorum æmulationem verterentur. Sed erepro Leone, & subinde euerfis optimarum literarum studijs, Patavium se contulit, ubi per aliquot annos domi ex collatitia mercede delectorum iuuenum Græcas & Latinas literas maiore quæstu, quàm gloria professus est. Nunquam enim (vtri erat) elato contumaci que ingenio adduci potuit, ut publicum suggestum conscenderet, ne cum eloquentioribus, vel minus eruditis, ambiguae existimationis aleam subiret. Nouissime Federicus Gonzaga, ut filio preceptor esset, Mantuam acciuit. In eo munere, septenne discipulo, & vix degustata principis liberalitate, minimè senex lateris dolore surreptus est. Scripsit odas æmulatione Pindarica eruditæ & graves, sed ob id plerisque minus iucundas, quod prisca, imitationeque difficilis poetæ cursum, tanquam inflati & tortuosi fluminis, secutus insolentior & durior Latinis auribus euaserit. Fit enim monente Flacco, ut quæ optima



optima & excellenter Græcè ornata intelliguntur, vel paribus numeris tractata ad genium Latinæ suauitatis minimè respondeant.

## Myrtei.

*Ergo ego nobilium ô genitrix atque hospita vatam  
Mantua, quod nimum vicina Cremona Maroni  
Obsuerit, solus pœnas abs te ipse reposcor?  
Ille soli tantum damnum tulit: aſt ego de te,  
Mantua, deq; tuo meritis bene principe, cara  
Propatria & vitam, & cineres tibi reddere cōgôr:*

Aspasiæ amicæ sepulcro inſcriptum in templo ſancti Andrææ.

*Lampridium carum Muſis hîc Mantua ſeruat.*

## Marci Antonij Flaminiij.

*Perdideras Varium, noſtro ſed tempore laudes  
Lampridius renouat docta Cremona tuas:  
Ille Sophocleo cantabat digna cothurno,  
Iſte canit lyricos Pindarico ore modos:*

## Latomi.

*Mantua vicina propè liuida honore Cremonæ  
Vt quæ Lampridio vate ſuperba foret:  
Ad ſe pelleſtum, & properata in Fata vocatum:  
Hac viſa eſt querulum voce lenare virum:  
Munus erat noſtrum ſimileis genuiſſe Maronii  
Naſci hîc debueras, ſine Poeta mori.*

## Gaspar Contarenus Cardin.



**G**ASPAR Contarenus patritij ordinis Venetus, ab insigni memoria illustrique doctrina, & corporis ac ingenij castitate mirabilis, ad Rempub. ita accessit, vt grauitate iudicij consummatae prudentiae Senatoribus aequaretur: atque inde maturata maximarum legationum munera capesseret, non ætatis quidem, sed vna virtutis prærogatiua commendatus. Iuuenis enim tanquam perfectus Peripateticus Aristotelem à calumnia defenderat, quâquam modestiæ causa suppresso nomine aduersus Pomponatium præceptorem, quum ille, si non infano, impio tamē conatu animas nostras interire cum corpore, ex Aristotelis sententia persuadere libro edito contendisset. Appulit exinde ingenium ad sacras literas adeo diligenter, vt ad normam Christianæ disciplinæ librum, de optimi Antistitis officio publicaret. In ipso autem ciuiliū honorum cursu, honestum deco-



decorumque sibi & patriæ, de Republica Venetorum volumen edidit, in institutæ leges ex antiquo more ciuitatis in mandandis honoribus ad memoriæ posteritati traderentur. Nouissimè Paulus pontifex augusta illa generosi iudicii maturitate facillè superiores principes autecedens, nihil tale expectantem in senatum legit, purpuraque ornatum in Germaniam legatum misit, ut quorundam animi concepta Lutheri sententia salubri adducto dogmate sanarentur. Sed post eam rem casto labore semper actitatum, quum in urbem redisset, Legatus Bononiæ creatus est, in eoque munere, paucos post menses, nondum sexagenarius, rapida febre interijt. Sepulchrum eius lateritij operis, in eadem diui Proculi ad læuam, cum hoc carmine conspicitur.

Marci Antonij Flamini.

*Contarene tuo docuisti Magne libello  
Extinctis animas viuere corporibus:  
Ergo iure tui viuunt monimenta libelli  
Et uiuent seclis innumerabilibus.*

Eiusdem.

*Descripsit ille maximus quondam Plato  
Longis suorum ambagibus voluminum,  
Quis ciuitatis optimus foret status:  
Sed hunc ab ipsa seculorum origine  
Nec vlla vidit, nec videbit ciuitas.  
At Contareneus optimam Rempublicam  
Parui libelli disputationibus  
Illam probauit esse, quam millesima  
Iam cernit ætas Hadriatico in mari  
Florere pace, literis, pecunia.*

Iani Vitalis.

*Contarene tibi pietas dum dia parentat,  
Et queritur longo amissum Respublica luctu,  
Ite, ait, illustres animæ vitalia secla  
Heroum, & vestro athletæ exornate sepulchrum  
Floribus: hic veris docuit rationibus esse  
Immortalem animam summa de mente creatam*

Latomi.

*Lectus es in Venetum, Romanum deinde Senatum,  
Firmior ingenio qui stat vterque tuus.  
At nunc celestis fulges trabeatus in ostro,  
Sceptra magistratus ætherei geris.  
Nam cur non capias defensi præmia cæli,  
Quum non ingratos senseris hic homines?*

## Henricus Cornelius Agrippa.



**Q**UIS in Henrici Cornelij Agrippæ sedato vultu portentosum ingenium latuisse crediderit? Hic enim immenso captu, vastaq; memoria, scientiarum artiumque omnium rationes, arcanaque intima & summos apices complexus disciplinas conuellit, religiones in dubium reuocat, studiorumque omnium labores festiua declamatione deridet: eoque vehementius atque validius, quòd tantæ nouitatis argumenta sacrarum literarum auctoritate confirmantur, quasi feliciore opere illudentis ingenij tâtas opes ostentare nequiuisset, nisi vir educatus in literis & à Cæsare cruditionis ergo equestris ordinis dignitate honestatus, importunos arictes inanis eloquentiæ eternis optimarum literarum arcibus admo uisset. Sed adhuc cum plausum à multis exceptum volumen de Vanitate scientiarum, aliud addidit librum de Occulta philosophia, curiosis admodum pestilentem quod



quod opus ex censura Christiana, edicto vetitum apud vñs impios reperitur. Sed in vtroque serio, pariter & ioco grauior atque lepidior, ac ideo forsitan æternus appareret, nisi puriorem eloquentiam non secus ac reliquas facultates infelici vel inepto iudicio contempsisset. Excessit è vita nondum senex apud Lugdunum ignobili & tenebroso in diuersorio, multis eum tanquam Necromantiæ suspitione infamem exécrantibus, quòd Cacodæmonem nigri canis specie circumduceret, ita vt quum propingua morte ad pœnitentiam vrgeretur, cani collare loreum magicis per clauorum emblemata inscriptum notis exoluerit, in hæc suprema verba iratè prorumpens, Abi perdita bestia, quæ me totum perdidisti: nec vsquam familiaris ille canis, ac assiduus itinerum omnium comes, & tum morientis domini desertor, postea conspectus est, quum præcipiti fugæ saltu in Ararim se immeruisse, nec enataste, ab his qui id vidisse asserabant, existimetur.

Ioannis Baptistæ Possuini.

*Viuens quem cernis, ne te fortasse moretur  
Os placidum, Stygi rex fuit iste lacus.  
Quare etiam custodem habuit dum viueret Orci,  
Cui nunc in tenebris præda daret comitem.  
Ast hic si ingenium moderari scisset, ad auras  
Tantum isset, quantum Tartara nigra subit.*

Latomî.

*Hunc tumulum haud Charites seruant, sed Erynies atræ:  
Non Musæ, at sparsis anguibus Eumenides.  
Colligit Alecto cineres, miscetq; aconito,  
Grataq; dat Stygio liba voranda cani.  
Qui quod erat viuum comitatus, atrociter Orci  
Nunc quoque per cunctas raptat agitq; vias:  
Insultatq; adeo, & Furias quia nouerat omneis,  
Salutat, iniungit nomine quamque suo.  
O miseræ artis, quæ solæ ea commoda præstant,  
Accedat Stygiæ notus vt hospes aquas.*

Baptista Pius.



ON erit vlllo seculo, agrestibus præsertim grammaticis in gratum Pij nomen, vrbani autem & elegantibus viris nunquam iniucundum. robusto enim ingenio, tenacique memoria prævalidus, doctissimi famam meruit, quum obscuros authores interpretandos suscepisset, inepta quidem Beroaldi præceptoris æmulatione, cuius in Asinum Apuleij commentationes exierant. in ijs fuere Fulgentius, Sidonius, & è poetis Plautus, Lucretius, & Valerius Flaccus. Exolera

enim rancidæ virtutis vocabula delectu infano sectabatur, admirâte quidem discipulorum infæcia turba, quum plane a non insultissimis rideretur. Siquidem eius sermo stylusque, Oscoꝝ & Aborigenum linguam pingui atque aspera nouitate referebant, quàm nonnulli læsciue ludentes discere percuperent, nisi contagiosi vitij periculo terrerentur. factum autem breui est, vt ea obsoletæ & ridendæ passim elocutionis verba, tanquam portenta in scena transierint, confecta scilicet à lepidis ingenijs mirabili fabula: hæc enim impressa extat, qua suo habitu suoque idiomate blaterantis Pij persona inducitur, ab obiurgante reprehendenteq; Prisciano meritis flagello plagas, puerorum malè discantium more, clunibus nudatis excipiens. Tum enim Phœdrus ad antiqꝝ pronunciationis decus Romanam iuuentutem glorioso studio reuocabat, quum ludis Capitolinis stupendam apparatu, miraꝝq; felicitate Plauti Penulum per ingenuos nobilesque comædos representatis florentis quondam Urbis fortuna edidisset, id expetente Leone, quod tum frater Iulianus à populo Romano ciuitate donaretur. Ceterum Pius quadrato ingenio eos nasutorum rumores contempsit, sua conscientia protectus felix, quod neminem se videre diceret, eruditi nomine dignum, quid vi & tota facultate vel abstruse lectionis interrogatus, præclare & constanter prolato præsentis doctrinæ thesauro minimè responderet. Idem ipse vegeta rerum omnium, & in sene quidem admirabili recordatione, tam probe quam superbe præstare erat solitus. Sed vel sero ita explosi styli vitium agnouit, vt se totum ad Ciceronem reciperet, & multa in eo elucidando commentaretur. Eum postremo quum Bononię, Mediolani, & Lucę per quin quaginta annos docuisset, Paulus pontifex tanquam veterem suum familiarem in Urbem acciuit: publicoque in munere defunctus est octogenarius, summa temperaturæ firmitate aduersus morbos inuictus. Contigit ei subitæ ac inexpectatę mortis leuissimum genus, quo diuinus Plato felix fuisse iudicatur: praus enim hilariter, & remota mensę mappa subinde lectitans Galeni librum, in quo de signis propinquæ mortis agitur, deprehendit fatales in vnguibus maculas, & dixit: Ergo sæua Parca instans, vitæ meæ filum commordet: nec multo post nullo acri, clementis vitæque mortis, impetu cõcussus, in complexu Probi Præternatis poetæ leniter expirauit. Tumulatus est in templo diui Eustachij, his carminibus honestatus.

Leonardi Marfi.

*Ingenio tentasse Pius sese omnia cernens,  
Nunc repeto, dixit, Sidera: Terra vale.*

Antonij Vaccæ.

*Felsina quem genuit, studijs consumptus ætate annis  
Ille poeta Pius bibliotheca loquens,  
Hic situs est, qui cum prisca omnis gratia linguae  
Et Plauti veteres interiøre sales.*

Latomi.

*Quinunc verborum botulos, & rancida fæta  
Mensa infers, structor non adeò bonus es*

*Ignos*



*Ignorasse tui seculi Baptista palatum  
 Argueris, doctæ lauitiasq; gulæ  
 Qui velit has Oscas tecum dūglutiat escas:  
 Dulcibus assuetos mellea liba iuuant.*

## Eranciscus Arfillus.



**ERANCISCVS** Arfillus ē Senogallia per triginta annos alter-  
 nante ingenij libidine, Æsculapio filio patrique Apollini sacra  
 fecit, quum medicinam vti popularis & pedestris ordinis me-  
 dicus, ad alimenta vitæ p̄sīm exerceret, & quotidiana fere car-  
 minum fœtura lætaretur. Natura enim frugi, & auræ libertatis  
 custos, Vaticanam aulam, & Potentium limina, contumaci quadam superbia  
 deuitabat. Scripsit appposito carmine ad præscriptum, Proloquia Hippocratis,  
 & lepidum item libellum de Poetis vrb̄anis, mihi tanquam veteri sodali dedi-  
 catum, quum Leone ingenij liberaliter arridente, multi vndique poetæ illu-  
 stres, nequaquam ad inanes spes in Vrbem confluxissent, & pulcherrimo quo-  
 dam certamine à singulis in vna tantum statuæ materia scriberetur, qua carmi-  
 num farragine Coritius homo Treuir, humani iuris libellis prepositus, vti per-  
 humanus poetarum hospes, ac admirator inclaruit, ea scilicet statua insigni mar-  
 morea, Aureliano in templo dedicata, inuitatisq; vatibus, vt tria numina Chri-  
 sti Dei, & Matris, ac Auia vno in signo celebrarent. Sed Arfillus qui sese artis  
 præsidio aduersus morborum contumeliam præmuniens vitam satis extende-  
 rat, intercute morbo oppressus, septuagesimum ætatis annum superare non po-  
 tuit.

Iani Vitalis.

*Carminibus nostros celebraſti Arſille poetas,  
 Qualia dictarunt Phœbus & Aonides:  
 Nos memores grati officij tibi certa dicamus:  
 Myrtea Pyrmille munera grata tuæ:  
 Optamusq; tibi sedes, vbi sancta piorum  
 Elifios inter, dicitur eſſe cohors.*

Honorati Faſitelli.

*Ergo videmus lumine hoc ſpirabili  
 Caſſum iacere te quoque,  
 Vt plebe quiuus vnus ē vili iacet,  
 Arſille, magno Apollini,  
 Nouemq; Muſis care, ſiue poculis  
 Præſertibus morbi graues  
 Eſſent leuandi, ſiue dulci carmine  
 Dicenda mater aurea*

## E L O G I A

*Cupidinum, lususq; furtorum leues.  
 O vota nostra inania:  
 Quid dura Fati non potest nece sitas?  
 I, da lyram mihi puer,  
 Manuq; funde proniore Cæcubum:  
 Nunc sunt Lyæi munera,  
 Nunc plectra cordi, nunc iuuat lætissimo  
 Cinxisse flore tempora:  
 Sicci tenebris obsiti tristi in Styge  
 Fortasse cras filebimus.*

## Latomî.

*Siccine plebeios inter Franciscæ iacebis,  
 Tanquam haud sis alio dignior umbra loco?  
 Immo iaces alio. nec enim pateretur Apollo,  
 Cuius te vinum constat obisse vicem.  
 Vnde vel Alcinoi te cultos credimus hortos  
 Incolere, Hesperidum flauicomiumue nemus.  
 Vel certè Aoniò memoras in vertice fastum,  
 Nunc etiam Domine, nequitiâq; tuæ.  
 Quæ quia delectat gracileis audire Camænas,  
 Te socium Ascræi constituere chori.*

MARIVS



## Marius Molsa.



**M**ARIUS Molsa Mutinensis, eximium atque habile ad poeticam ingenium à natura consecutus, Latinis Elegis, & Etruscis rhythmis parigratia ludendo Musas exercuit: tanta quidem omnium commendatione, ut per triginta annos, qui Romæ Meecenatis nomen tulere, insigni liberalitate, studioque adiutum adipiscendis honoribus efferre contenderint: prægrauante semper eius Genio, quum rediuius toties amoribus occupatus, par ingenio studium subtraheret, neque habitu, vel incessu villo'ue nobili commercio carminum famam tueretur: scedè prodigus, honestique nescius pudoris, neglectum rerum omnium ad innoxiae libertatis nomen reuocabat vsque adeo supinè, ut summae laudis, & clarioris Fortunæ certissimam spem facile corruperit. His moribus, quum Venerem, quàm Mineruam impensius coleret, ab illa meritum pudendo contactu

miserabilis morbi, quo periret venenum hausit. Ab hac verò sempiternam ingenij laudem retulit, non à iucundo tantum carmine, quo lasciuisse videtur, sed pedestri etiam, grauique facundia, qua Laurentium Medicem, nefaria libidine antiquis statuis noctu illustria capita detrahentem, apud Romanos ab ea iniuria dolore percitos accusauit. Ea enim perscripta oratione, Laurentium vsque adeo pudore, & metu perennis probri consternatum ferunt, vt atroci animo, quo iniustam ignominia notam nouitate facinoris obscuraret, interficiendi Principis, amicique singularis immane consilium susceperit: scilicet vt dijs inuitis patriæ libertas pararetur, vel si cuncta humane & fraternæ simul amicitia, hospitalisque cubiculi sanctissima iura tollerentur, nec Regum omnium salutis interesset, quum eo vno exemplo, omnis vel in arcano vitæ securitas expiaret, dum ille altè stertenti, tanquam Tyranno parum nobili, si non scelestam vitam eriperet.

Tryphonis.

*Qui lepidi veteres æquauit carmine Molsa,  
Hic iacet, ætatis maximus huius bonos.*

Franchini Cossentini.

*Molsa iaces, tua fama viget, tua scripta leguntur,  
Felix qui potuit viuere post obitum.*

Marci Antonij Flamini.

*Postera dum numeros dulces mirabitur ætas,  
Sive Tibulle tuos, sive Petrarca tuos.*

*Tu quoque Molsa pari semper celebrabere fama,  
Vel potius titulo duplici maior eris:*

*Quicquid enim laudis dedit inlyta Musa duobus  
Vatibus, hoc vni donat habere tibi.*

Latomi.

*Molsa tuos quicumque legit cordatior igneis,  
Nec locuples, inquit, nec probus iste fuit.*

## Albertus Pighius.



MAGNA hercle naturæ illudentis inuerecundia excellentem doctrinam cum illustri eloquentia coniunctam, si Christiani scriptoris decus spectetur, multa in faciei oris truculentia operta, in Alberto Pighio conspeximus. Is Campo Batavorum vico editus, secutusque Adriani pontificis Fortunam, quæ ex disciplinis per regre undicerat, Latini sermonis elegantia feliciter exornauit: ita vt subtilissimarum scientiarum placita, & si quid durum, atque difficile ex sacris literis nouitate rerum ac nominum scribentibus offertur, prudenter ac molliter explicaret. Sed in differendo vultus Scythico more confusus & enormis, & aspero gutture vox educta, & grauiter resonantis nasi tumultus, totam ferè sapientiæ gloriam deformabant. Admirabili quoque cum ingenij, tum manuum argutia excelluit, vt pote qui græca instrumenta deprehendendis siderum cursibus, exactissime



ctissimè fabricaret. Verùm in libro de Hierarchia quò veluti acutissimo gladio Lutheri causam iugulauit, ferè nemini concessam pietatis & doctrinæ laudem adeptus est. Quum id volumen commētaretur, vt direptam ab impijs sacrosanctæ potestatis hæreditatem Romano pontifici assereret, eum e summo vitæ periculo certissimum Dei maximi numen eripuit. Bononiæ enim in celeberrima pompa, quum transeunte coronato Cæsare Carolo Quinto, pars lignei pontis iuxta Cæsarem turbæ pondere corruisset, Albertus tignorum, atque hominum ruina ita oppressus est, vt probitatis, ac instituti operis merito seruaretur. Obijt nondum senex in patrio solo, sacerdotijs à Clemente, & Paulo liberaliter honestatus.

## Myrtel.

*Qui extrema Batauū profectus ora  
Non bello ore, animo sed omniumque  
Præclarus studio scientiarum  
Pro Republica, & optima Quiritum  
Sede, acer stetit hostis in Lutherum  
Albertus iacet hic. Sacrum sepulchro  
Datus maxime Pontifex & vndam.*

## Latomi.

*Nè turba tumultum, Viator istum:  
Sed astra reuerenter, & saluta  
Sacratum cinerem viri sacrati.  
Ille est Pigbins hoc loco sepultus,  
Aureis qui Batauas ita expoliuit,  
Vt dicas sapere Atticos lepôres.  
Quare tam benè dormiat, precare,  
Quàm doctè, nitideque, & eleganter  
Defendit Latiae decus tiaræ,  
Et morem statuit pium sacrorum:  
Vtro vt nomine debeant Latini  
Plus illi addubitent: vtroque certè  
Ingens promeritum viri fatentur.*

## Benedictus Iouius Nouocom.



VO iusto nomine te appellem, Benedicte Ioui: qua satis digna cum laude te prosequar vix scio: amore siquidem naturaque germanus frater, summo charitatis officio pater optimus, moderatus educator, & diligens in literis magister extitisti, ut erga me orbatum patre, nec adhuc pubescentem, omne munus perfectæ virtutis adimpleres. Sed hæc alij fratrib. fortasse plenius prestiterunt: tu certe quod ad spem immortalitatis pertinet, quum patriam historiam atq; item res gestas & mores Heluetiorum eleganter perscriberes, ingenium meum, veri gloriosiq; itineris monstrator, æmulatione domestica succendisti. Scilicet ut nostrorum temporum historiam, cogniti orbis res gestas complectentem, exordiri atq; perficere posses, te demum admirante, feliciter auderemus. Verum hæc vna erit tua peculiaris Christianæ modestiæ laus, quod frugi contentus vita, ex nobili coniugio



iugio Iouiam familiam vetustate quàm fortunis clariorem, præclara sobole amplificasti. Supra id etiam felix, quod ambitiosè patria nunquam pedem extuleris, nisi vt Mediolani Demetrium Græcè profitentem pronùciationis causa audires, qui iam linguam nullo præeunte magistro didiceras. Indeque perpetua vitæ innocentia ac animi tranquillitate æquatus summis Philosophis, ad tertium & septuagesimum ætatis annum peruenieris, nihil morbis corpore affecto, vegetaque semper illa incredibili rerum & nominum memoria, & integro intentoque ardentis ingenij vigore, quod dudum centum Epistolas grauissimæ eruditionis posteris dedicasti. Sed hæc & Græcæ translationis non ignobilia opera, cum lepidis poematibus, eruditorum liberorum diligentia publicabit. Ego verò te, quamquam ex merita pietate haud dubiè cœlesti felicitate beatum, frustra singulis horis cum fletu requiram, & eo quidè grauius atque molestius, quo instantis senectutis sperata solatia Fato tuo mihi erepta satis dolere non possim, nisi tibi malorum finem, & perennis boni vel serò partam possessionem, impiè aut imprudenter inuideam. Elatus est nobilium iuuenum humeris, tumulatusque in templo maximo, qui hos nos nemini adhuc, nisi sacrato viro, Comi contigit.

Ioannis Baptistæ Possuini.

*Claudere Musæum iam Paulus cæperat, atque  
Extremam chartis imposuisse manum,  
Quum subito exclamat Benedictus, muneris huius  
Siccine me expertem frater abire sinis?  
Non datur hoc, Iouius, viuenti, dixit, at ille  
Perpetuum sperans viuere, letus obit.*

Antonij Seronis.

*Quod sis vltima pars Ioui libelli,  
Id fratris pietate, & arte factum est,  
Ne vel carior aptiorue imago  
Olim quàm tua iacetet vlla sese  
Signasse hunc lepidissimum libellum.*

Latomi.

*Quum tibi deferret fratris sententia primum,  
Ætatis medium posceret ordo locum:  
Maluit extremum Phœbus consultus haberes:  
Nec tibi non certa lege supremus erit,  
Dixit: honoratum quod frater ducit at agmen  
Claudere quis melius debuit, aut potuit?*

**D**ESIDERANTVR autem à nobis multorum imagines, qui præclara, quum iam pridè obierint, scriptorum testificatione, ingeniorum suorum effigies fama consecrarunt. Frustra enim eas, vel diligentissima vestigatione perquisimus: sic tamen vt minimè desperemus viros elegantes huic honesto voto humaniter suffragaturos. Alij enim aut statuas, aut picturas publicis aut priuatis in locis ostendent, aut turpiter apud propinquos neglectas, aut occultatas indicabunt. Quid enim in toto nobilis officij genere honestius esse poterit, quàm in Musæum, quo publicus virtutis honos ad exemplum & voluptatem continetur, exoptatas imagines liberali pietate contulisse?

# Maphei Vegij Laudensis.



VI Heroico spiritu Maronem feliciter æmulatus, quum Aeneidem addito libro suppleuisset, omnes ferè à mille annis illustres poetas, nec excepto quidem Petrarca laureato, præclara cum laude superauit. Sed grauioris quoque doctrinæ, & summæ prudentiæ opinione, Martini pontificis amicitiam consecutus, in conferendis sacerdotijs supplicum libellorum officio præfuit: ita, vt mox Eugenio, & Nicolao carissimus fuerit. Extat & eius iucundus nobilisque Dialogus de Præstantia disceptantium, Terræ, Solis & Auri: & ne quid ad cumulatam eruditionem verò Christiano deesset, quædam etiam in sacris literis synceræ interpretationis glossemata reliquit, aureumque præsertim libellum de rebus antiquis memorabilibus Basilicæ sancti Petri, in quo donaria, sepulchraque pontificum referuntur.

Iacobi Guidij.

*Felix, dum studet addito libello  
Aeneam Vegius referre ad astra,  
Illustres alios it ante vates  
Asserta sibi gloria Maronis.*

Latomi.

*Quam laudem Vegius petebat, aufert,  
Vt summo similis foret Maroni.  
Tabella Veneris manum supremam  
Tanto haud indecorem ferens Apelli.*

# Ioannis Tortelij.



VI Aretij natus ingenium omnibus ferè disciplinis excultum Romam attulit, meruitque inde, vt ab optimo pontifice Nicolao intra cubiculum curarum, & consiliorum particeps, & sacrorum studiorum adminiculator ascisceretur. Suauitate enim sermonis, hilarique modestia æquales antecelsit, inter quos pudenda simultas insanis altercationibus excitata, omnem literatæ dignitatis existimationem foedissimè conuellebat. Sed Tortelius exacti grammatici laude contentus fuit, edito nobili æternoque volumine de Potestate literarum, quo maximum renascenti eloquentiæ lumen adfulsisse videmus. Diui quoque Athanasij vitam Eugenio expetenti Latinam fecit. Sed quid maius Tortelio in toto genere laudem tribui non ineptè potest, quando eum Valla disertissimus omnium grammaticus, tanquam summum censorem sibi delegerit:

Latomi.

*Nomen grammatici petens, tuorum  
Votorum poteras tulisse summam*

Videri:



*Videri: nisi plenior Vallā  
(Certè candidus, & benignus in te)  
Integræ titulo eruditionis  
Ornatum voluisset: experire  
Dum te iudice se obtulit paratum  
De facto vitio Latinitati:  
Vnus quo reliquos agebat omneis,  
Cui te præ omnibus eximebat vnum.*

## Bartholomæi Facij.



VNC Spedia intimum Lunensi in portu Liguriæ oppidum protulit, vtriusque linguæ peritiā insignem, sed certè clariorem, si Genuensium victorias de Veneto hoste naualibus prælijs paratas, in corrupto iudicio perscripisset: nam Vallā, quamquam suspectus hostis, & irrisor, nihil eum æqua prudentia, nihil ex lege contribendæ historiæ, dum illa conderet, perpendisse testatur. Sed Alfonsus rex veræ gloriæ cupidus, eum ideo liberali stipendio conduxerat, vt res suæ bellogestæ, quæ erant absoluto scriptore dignissimæ, posterorum memoriæ mandarentur. Eo nomine quanquam in diuersa materia Vallæ æmulus factus, obtreccatione laudis peracrem virum ita pupugit, vt talionis immortalī vulnere facile suscepto clarior euaserit: alioqui secundam famam meritis, quum Arrianum derebus Alexandro Magno gestis, è Græco Latine loquentem edidisset. Subsecutus est properè hostem Vallam pari, ac importuna Fatorum iniuria elegantioribus studijs ereptum, ita vt non infacetè hoc carmen epitaphio subscribendum ederetur:

*Ne vel in Elysij sine vindice Vallā susurret,  
Faciū band multos post obit ipse dies.  
Latomi.*

*Qui Vallam nequijt viuū superare, petendum  
Duxit ad infernas issēt vt umbra domos.  
Copiolas nostras ait, vt qui læserit omneis,  
Coniungam doctis manibus, & moritur.*

## Guarini Veronensis.



B hoc insigni viro, Græcæ, Latinaeque literæ obscuris illis temporibus, antiqui seculi normam, quadratæq; structuræ ordinem, & diu quæsitum decus receperunt. Huius quoq; immortalī beneficio, Strabonem fermè totum legimus, atq; item aliquot Plutarchi Vitas in Latinum accuratè cōuersas. Hæc parta laus manauit ad filium. qui tali hæreditate peculiariter honestatus, æmulatione patris, quū iisdem studijs operam dedisset, rem utiq; & familiæ & nominis dignitatē diligenter adauxit.

## E L O G I A

Vespasiani Strozza.

Hunc tibi consensu tumulum Ferraria magno  
 Pro meritis posuit clare Guarine tuis.  
 Tu pater eloquij, geminae tu gloria linguae,  
 Praecipuus iuuenum tu moderator eras.  
 Te duce nostra vigens studijs florentibus aetas,  
 Pierio prisca certat honore viris.  
 Nec Verona minus talis se iactat alumno,  
 Quam celebres veteri nomine tollit auos.  
 Primus & extremus te nouerat orbis, & ultra  
 Humanum virtus se tulit ista gradum.  
 At nos hic senio resolutos condimus artus.  
 Candida fidereas incolit umbra domos.

Eiusdem.

Hic veneranda tegit magni lapis ossa Guarini,  
 Vtraque lingua suo mereat orba patre,  
 Hoc Verona decus terris dedit, abstulit aetas  
 Longior, ad Superos mens pia fecit iter.

Latomus.

Famam qui celebrem, nomenq; reliquit honestum,  
 Guarinus, vixi, dicere iure potest.  
 Qui latuit viuens vel habet per crimina nomen,  
 Ille nihil moriens perdidit: ast abijt.

## Petri Pauli Vergerij.



S Iustinopoli in Histria natus, Chrysologusque discipulus, Graecae literas ex purissimo fonte haustas illustribus discipulis humanissime refudit, ut inductis passim eius linguae riuulis Italianam plane sitientem irrigaret. Latine autem scribendi, singularis eo seculo facultas enituit, uti apparet ex eo libello, qui de educandis Liberis ad exactam disciplinam, peramoenè atque prudenter scriptus, me puero in scholis legebatur.

Latomus.

Hic sunt Vergerij sepulta docti,  
 Non fama, & pietas, nec eruditi  
 Fœtus ingenij: sed ossa tantum,  
 Et quicquid tumulo solet recondi,  
 Terrenum, breue, lubricum, caducum:  
 Viuunt illa, manentq;, & usq;, & usque:  
 Et vel Elysij recepta campis,  
 Viri manibus, ut pia ministra,  
 Adsunt: & meritum astruunt honorem:  
 Vel per ora hominum volant, cauentq;

Nemora



*Ne mortis rabidum tulisse dentem,  
Veltotus tumulo perisse, seclis  
Vllis Vergerius queat videri.*

## Iacobi Bracellij Liguris.



**P**RÆCLARO huius exemplo liquidissimè constat, non esse vique adeo dura atque aspera Ligurum ingenia, quàm à quibusdam damnatæ eius terræ glabris cautibus asimilentur, vt non facile Musarum culturâ molliantur. Scripsit enim Alfonso Regis res bello gestas, omnium scriptorum collatione, qui nuper antecesserint, longè grauissimè, si eius seculi nondum perpolitam eloquentiam cum ea conferamus, quæ demum inducta subtiliore antiquorum imitatione candidior euaserit.

*Latomi.*

*Asseris Alfonso meritos virtute triumphos,  
Opes, ducès, & oppida.  
Asserit Alfonso studij tibi præmia, nomen  
Inter quæ doctos nobile.  
Adde quod alterius quæ est vita, est mutua: neuter  
Cadente stabit altero.  
Hoc reor esse, quòd olim non insulsa vetustas  
Iunxit Camænas Gratijs.*

## Georgij Vallæ Placentini.



**Q**UI disciplinas, literasq; omnes, vno ingenti volumine complexum, multa potius didicisse, quàm in eo celeri transcurso perdiscenda posteris reliquisse videtur: quandoquidem coaceruantis omnia, indefesseque scribentis, requisitus ille Romanæ elocutionis spiritus omnino defuerit, quo vno voluminum vita præclaretur, longissimeque producit.

*Latomi.*

*Et tibi, Vallæ, tui stat opinio magna laboris,  
Futura semper posteris honestior.  
Quid tum? si pulchri curam, speciemq; negante  
Tum seculo, deesse Momus dixerit?  
Et viuunt multi, facie vel tubere turpes,  
Tamen Sybillæ quos statim haud censent libri  
In mare portandos. tibi stat tua fama, Georgi,  
Vt cumq; forsan altero pede claudicet.*

## Ioannes Simoneta.



IC Francisci Sfortiæ res gestas, elocutione, texturaque operis C. Cæsarem alludendo imitatus, Latine perscripsit: is demum liber, vt diffusius, in castrisque præsertim à militibus legeretur, à Landino in Etruscum sermonem conuersus est. Erat Ioanni germanus frater Cichus: ille in Brutijs natus, qui Galeacio à coniuratis interfecto, quum pupilli incorrupta fide tutelam suscepisset, nefaria ambitione Ludouici patruī captus, damnatusque fatalis constantiæ suæ abscissis ceruicibus pœnam subiit, mitiore aliquanto Fortuna erga Ioannem, quum in eadē questione acerbitate diu tortus euaserit, valido scilicet apud Tyrānum pudore, ne videretur ingratis sublatus, qui patrem summę virtutis principem, ne vnquam interiret, beneficio literarum immortalem effecisset.

Latomi.

*Quid, Simoneta? negas relatam gratiam,  
Qui de Tyranni non ita es meritis patre?  
At dira fratrem quæstio iam absorbuit.  
Et tu perieras: sed datum hoc est gratiæ,  
T tormenta quod post multa non occideris:  
Nam vt innocentem te probes, nil egeris.  
Immo, inquis, est relata: sed tyrannica.*

## Bernardus Iustinianus Venet.



IC à prima patriæ nascantis origine Historiam scribere orsus, quod suscepit graue munus elegantissimè perfecit: ita, vt eum nobili gloria dignum existimemus, quum patritius, eruditoque patre genitus, quod patriæ debebat egregiè, cumulateque perfoluerit.

Latomi.

*Quærere debueras aliquem toto orbe Latino,  
O Imperatrix Hadriæ.  
Qui quæ gestisti praeclara domiq; forisq;  
Inde vsque ab incunabilis,  
Ore, animoq; pari, nullo corruptus amore,  
Ad posteros transmitteret  
Quæstisti multis, quadam præmorta seclis  
Iam parte: nec repertus est.  
Ergo ne desperas? poteras: sed respice, cinis  
Qui præstet hic Bernardus est.  
Quare age, grata suo quantum Verona Catullo,  
Perfolue: ni plus debeas.*

CHRL



# Christophori Personæ Romani.



**T**S inter diuæ Balbinæ flamines, in Auentini montis cœnobio Prior appellatus, Procopium Latinè loquentem fecit, non dubia in Leonardū Aretinum conflata inuidia, qui suppresso Græci authoris nomine, Gothicam historiam, tanquam è varijs scriptoribus decerptam pro sua Iuliano Cæsarino Cardinali, qui ad Varnam ab Amurathe cæsus perijt, nullo pudore nuncuparat.

Latomi.

*Forſan erit, Gothicos quite celebrare triumphos  
Non ferat: & dignum te, patriaꝫ neget.  
Immo nemo ſuos non inculcare labores  
Gaudet, ſublatis quæ tulit antè malis,  
Eximium præſtas patriæ officiumꝫ, fidemꝫ:  
Prociderit: firmo eſt nunc iterum illa gradu.*

# Gregorij Tiphernatis.



**H**VIVS doctiſſimi viri munere reliquam Strabonis partem, quam Guarinus non attigerat, in Latinum ſplēdidè traductam legimus. Fama quoque fertur Herodianī Hiſtorias eius ingenio, laboreque fuiſſe translataſ, quaſi eas morienti ſubtraxerit Politianus, vir in literario negotio ſæpe conuictus furti: ſed vix credibile videtur, vt vir in omni dicendi facultate opulentiſſimus, idem atque promptiſſimus, ex alieni ingenij labore famam probro, & calumniā redundan- tem quæſiſſe voluerit.

Pontani.

*Gregorio ſit terra leuiſ, ver aſſit & vna:  
Terra ferat flores, vna liquore fluat.  
Plaudat & huic Latium tumulo, plaudatꝫ iuuentus  
Itala, Gregorio & Vmbria plande tuo.*

Latomi.

*Gregorius toti quo ſeſe proderet orbi,  
Pergit Strabonem vertere:  
Cum quo nunc peragrat Latiali in veſte togato,  
Quàm latius ipſus orbis eſt.  
Ingens quod merito pro prauo munus, Apollo  
Tamen libenter contulit:  
Vel quòd eum ſciret longè grauioribus aptum,  
Vel quòd fidem cognosceret.*

# Raphael Volateranus.



**V**IT hic vir infinitæ propèlectionis, quippe qui disciplinas omnes in aceruum cōiecerit, vtili potius in aliena desidia, quam ad explicatæ doctrinæ decus nobili opere: non multo enim cum sale, & sine ornamento Latinæ orationis, cuncta astricto ordine ita digessit, ut alibi quærenda legentibus indicare videatur. Ea vero quæ, de Principibus ætatis suæ scripsit, tanquam timido ore carptim enarrata, rerum superiorum haud dubiè fidem eleuant: ostenduntque ea omnino certa veritatis luce carere, quæ inter adulationem & metum nec præsentis nec futuræ spe laudis, intempestiuè publicantur. Sed multum hercle debemus ingenuo gratuitoque labori, quo hic integritate vitæ vir optimus, delicatis rerum noscendarum compendia demonstravit, & Procopium de Persico, atque Vandalico bello, sincere potius quam splendide conuertit.

Latomi.

*Itō, inquam, ito, nec obstrepas, Viator,  
Qui vertigini tam graui laboro,  
Quod nullam capio hæcenus quietem,  
Lustra hic cum iaceam nouena, & ultra,  
Sic me excarnificat sua imbibenda  
Phrasi Tullius: absque qua tueri  
Vitam posse meos negant labores.  
Sed qui nuper adest Erasmus istinc,  
Dicit non opus, & monet quiescam.  
Illas proinde molestias molestas  
Longum omneis iubeo valere, sed tu  
Nunc ô summe veni, veni, veterne.  
Venit: tu ito, nec obstrepas, Viator.*

# Antonius Galatheus.



**H**IC è Salentino extremo Italiæ angulo perillustis medicus atque Philosophus, studia quæ sectabatur, optimis literis expoliuit, extenditque ingenium vsque ad poeticam laudem, ob id à pontano Hermolaoque grauissimè celebratus. Eius extant præter Etrusca carmina & Physicæ quæstionis subtiles libellos, Iapygia chorographice uescripta: quæ meo iudicio cum antiquis comparanda videtur. Sed tum cum lepore doctus & urbanus apparuit, quum in curatione podagræ leniendo dolori, eius insanabilis morbi encomium festiuissimè cecinisset.

Latomi.

*Quam laudas, Podagramque vocas, Galathee, puellam  
Quamuis prostituas, interea ipse premis.*

Anelli



*Anelli sed posse, negas. ergo potes idem.  
Publicus & mango, machus & esse domi.*

## Ludouicus Cælius Rhodogin.



**H**VIVS multa volumina lectionum Antiquarum, quum ingentes vigiliarum opes ostentent, plerique admirantur: sed ea farrago, tanquam ex vetere horreo laboriose affectateque prolata, delicatis lectoribus quoddam subrancidum olere videtur. Nullus enim compositi ac illustri styli neruus, tanta in compage conspicitur. Sed eum tamen Patauij & Mediolani cum laude, vel ob id, quod egregium totius habitus dignitatem attulisset, e suggestu docentem audiuius.

**Cælij Calcagnini.**

*Ludouicus ille Cælius, domi & foris  
Græcè, Latinèq; omnium doctissimus,  
Viuere perennis, quodq; paucis contigit;  
Vixit: suæq; æternitati interfuit.*

**Cæsar Scaligeri.**

*Descripsit Varro, coram quæ sepe videbat:  
Aut facile è patris prompserat hausta libris:  
Varronem extinctum magnis reddere: maius  
Illum maiorem condere: vtrumq; dedi.*

**Latomii.**

*Cælius ingentem rerum conuectat acervum.  
Et tantum plenos curat habere lacus.  
Vel sine delectu dedit horrea ditia multum:  
Quem tu si facias, lauta palato etiam.  
Absuit vsq; adeò nihil, hoc in Cælio haberent  
Tempora Varronem quò minus ista suum.*

## Iacobus Faber Stapulensis.



**A**B hoc homunculo, genere staturaque perhumili, sed ab ardenti ingenio cum optimatibus haud dubie conferendo, totius Galliae iuuentus ad cultum literarum studia alacriter excitata est. Faber enim ingeniorum appellari volebat: quum in omni ferè doctrinae genere ad docendum aptissimus haberetur. Defuit in eo, dum scriberet, illa Latini sermonis puritas, quæ diu, aut neglecta apud externos, aut parum accuratè quæsita, non magnoperè feruida ingenia delectabat. Scripsit Commentarios in Astronomicis, iuuentuti perutiles, & Scholia in Moralem philosophiam perdiscantibus opportuna: ætate autem conse-

ctus, quum sacras literas attigisset, à Lutherana doctrina non procul absuit, ita  
vt in ea suspicione senex moreretur.

Cæsaris Scaligeri.

*Inuidiosa vtriusque sui sapientia mundi,  
Mortalis, Stipula quem genuere, Faber.  
Iacta alios, qui egeant laudis mea Gallia vestra:  
Nanque mea potius Gallia laudis eges.*

Simonis Vallamberti.

*Hac quicumque vrna Fabrum putat esse sepultum  
Errat, cœlestem non tegit vrna virum.*

Latomi.

*Hic Stagyræa recubat doctissimus artis,  
Notus formandis ingenijsq; Faber:  
Gallia cui meritos, si est grata, refundet honores,  
Et tumulo flores, thbusq; merumq; dabit.  
Hoc magis, extremo quod tempore penè catastam  
Inuidia manibus fecerat ipse sibi.  
Sed sic Socraticæ decuit decedere vitæ:  
Scilicet inuidia non sine dente, senem.*

## Antonij Tilefij Consentini.



**H**IC varia tenuique materia, & minuto semper lemmate delecta-  
tus, non ignobilis poetæ nomen tulit, quum in paruis singula-  
ris & planè conspicuus esse mallet, quàm in grandi caractère,  
veluti vnus de populo in turba tot vatum trita, & centies repeti-  
ta canentium, mediocris & obscurus. Descripsit enim lepidè &  
diligenter nonnulla curta poemata, inexpectati, ac ideo festiuè semper argumen-  
ti, & in his Zonarium reticulum, quo sacerdotum serica crumena suspenditur:  
fictilemque lucernam: tantum sibi olei, dum Musas coleret, exorbentem: & lu-  
centem noctu volucrem cicindelam, puerorum lusibus opportunam. Reliquit  
& Tragœdiam, in qua Danaem sub aurei imbris nomine, cum multo senten-  
tiarum verborumque splendore expressisse iudicatur: ac item breues libellos  
de Coronis atque Coloribus grammaticis, rei nouitate gratissimos. At Romæ  
in gymnasio Horatium comiter & tenerè professus, sacerdotiũ à Giberto pro-  
meruit, effugitque cladem Urbis, vt in patria non planè senex interiret.

Latomi.

*Pauca millia versuum Tilefij  
Te, nec fallimur, edidisse constat:  
Vires millia multa seculorum:  
Et gratas neget esse quis Camœnas?*

P E T R I



# Petrus Alcyonius.



Siquum duatum vrbium suppresso nomine se Hybridam fate-  
retur, diu in chalcagraphorum officinis corrigendis erroribus  
menstrua mercede operam natasset, multa obseruatione ad pre-  
cellentem scribendi facultatem peruenit. Sed hic partus honos  
noti erat in conspectu, quum nulla ex parte ingenuis, sed plane  
plebeis & tordidis moribus foedaretur. Erat enim impudens gulę mancipium:  
ita, vt eodem saepe die bis & ter, aliena tamen quadra, coenitaret. nec in ea foedi-  
tate malus omnino medicus: quod domi demum in lecti limine per vomitum  
ipso crapulae onere leuaretur. Quum aliqua ex Aristotele perp̄ram insolē-  
terque vertisset, in eum Sepulveda vir Hispanus, egregie deliteris meritis, edi-  
to volumine peracuta iacula contorsit, non hercle indigna tanti philosophi vul-  
neribus, si vindictę nomine merita poena multaretur, tanto quidem erudito-  
rum applausu, vt Alcyonius ignominia dolore misere consternatus, Hispani  
hostis libros in tabernis, vt concremaret, graui precio coemere cogeretur. Sed  
luculento opere de toleranda exilij Fortuna, ita eruditionis ac eloquentia fam-  
am sustentauit, vt ex libro de gloria Ciceronis, quem nefaria malignitate abo-  
leuerat, multorum iudicio confectum crederetur. In eo enim, tanquam vario  
centone, praecleara excellentis purpurę fila, languentibus ceteris coloribus in-  
tertextis notabantur. Verum non multo post confirmata suspitionis inuidiam  
duabus splendidissimis orationibus peregre mitigaui, quum in clade Vr-  
bis vehementissimē inuectus in Cæsarem, populi Romani iniurias, & Barba-  
rorum immanitatem, summa perfecti oratoris eloquentia deplorasset.

## Latomi.

*Charybdis illa, & gurgēs Alcyonius;  
Hic, viuere, immo bibere, postquam desyt,  
Exhalat altam exæstuando crapulam,  
Vt quam bibens, viuens volo, haud concoxerat,  
Bustum frequenteis obsidere vultures,  
Miluos, & vrp̄as, noctuasq; conspicis:  
Immata queis est fœda vel voracitas,  
Vel lucis odium, vel cupido sordium:  
Fuere in illo cuncta quæ domestica.  
Vt illa oletum olens anima spurcissima  
Nunc iure talem sortiatur hospitem,  
Phæbo scelestam vindicante iniuriam,  
Qualem ipse sacris præbuit se literis.*

# Petri Martyris Angleriae.



**P**S est, qui apud Verbanum Cisalpinæ Galliae lacum natus, Oceanicas decades rerum Indicarum conscripsit, quum in Hispania ascitus in regiam, Ferdinando Regi ingenij ac industriæ suę operam obtulisset. Nactus enim materiam luculento scriptore dignissimam, id ingenue fideliterque præstitit, quod mediocri ingenij vires tulerunt, sic ut ingentis & peramoenæ occasionis argumentum, his præbuisse videatur, quibus liberales Musæ, ad ornate copioseque scribendum, facultates auplissimas cōtulerunt. Extat eius legatio ad Campsonem Gaurum Memphiticum regem suscepta, viriliter integerrimeque descripta, quo vel breui opere, sublata demum Sulthanorum tyrannidis, & Mamaluchorum equitum, quorum nomen nobis erat obscurius, memoria relinquitur. Sed tum importune decessit, quum Ferdinandi Cortesij in altero ad Occidentem orbe inuento subactoque, inusitatae felicitatis victorias scripturus esse videretur.

Latomi.

*Quid Petrum veteri hinc in orbe queris?  
Iuit res superis nonas relatum.*

# Gabrielis Altilij.



**G**ABRIEL Altilius in Lucania natus, iunioris Ferdinandi regis præceptor, usque adeo molliter, ac admirande in elegis, & heroico carmine excelluit, sicuti ex Epithalamio Isabellæ Aragoniæ perspicui potest, ut Pontani atque Actij testimonio, antiquis vati bus æquaretur. Is virtutis merito, Policastri (ea vrbs olim Buxentum fuit) antistes factus, a Musis per quas profecerat, celeriter impudenterque discessit, magno hercle ingrati animi piaculo, nisi ad spem non iniustæ veniæ ob id culpa tegetetur, quod ad sacras literas, nequaquam ordinis oblitus, tempestiue confugisset. Mortuus est in sacrata sacerdotij sede, sexaginta annis maior, tulitque Pontani pietate supremi officij nobile carmen, quod pro titulo vñ næ marmoreę incideretur.

Pontani.

*Et tibi dant tumulos Musa, meritumq; sepulchrum,  
Et tibi dat titulos quæ tibi culta Charis,  
Altili o venerande iaces hic? hac iacet vrna  
Pontificale decus? pontificalis honos?  
Ergo agite o Nymphae Sebethides, ergo age virgo  
Parthenope: ad tumulum spargite Veris opes:  
Sparge tuos flores, florum secunda Patulci:  
Et tu sparge tuas Antiniana rosas.*

Altilio



*Altilio requiem dic, ô Chari, dic age, Clio:  
 Luceat Altilio lux sine fine meo.  
 Quisquis adest, pia verba sonet, madeatq; sepulchrum  
 De lachrymis: madeat Pieri rore tuo.*

Basilij Zanchij.

*Minciadae in ripa veteris prope moenia Mantus  
 Errat & in Thusco concinit umbra lacu:  
 Dum canit, argutos cantus imitatur oloris,  
 Dulcibus extremum dum canit ante diem.  
 Scilicet Altily post funera dulcis imago,  
 Nunc repetit patriae limina cara suae:  
 Nunc tumultum inuisit magni propè busta Maronis,  
 Sebethus placidis quæ fluit amnis aquis.  
 Talis Persephone, talis Ledeæ propago,  
 Alternis superas itq; reditq; vias.*

Latomi.

*Audijt Altilius desertis transfuga Musis:  
 In quarum tabulis nobile nomen erat.  
 Sed quid peccauit, si demereatur, vt olim  
 Carminibus Phæbum, nunc pietate Deum?*

## Marcellus Virgilius Florent.



**E**XIMIA huius fuit in blando vultu, cultoque sermone suauitas, et quum è suggestu iuuentutē doceret, aut in corona loqueretur, doctrina multiplex ipsaq; varietate mirabilis. Ex eo autē officij munere, quod antea Aretini, Pogijque fuerat ab epistolis Reipublicæ operam præstabat: & quum suppeteret otium tertio inueneri vacare erat solitus. Susceperat enim Dioscoridem omnino traducendū expetentibus medicis. petebat enim ex eo labore non obscuram laudem, quod in perdifficili herbario negotio ab ineunte ætate accuratissime desudasset. Sed edito opere statim in publicum exierunt duæ omnino diuersæ interpretationes, altera Hermolai, quæ extincta putabatur, altera Ioannis Ruellij Galli à Latini styli mundicijs multo maximè laudata. Extat etiam nobilis oratio in conatione habita, quum Laurentio Medici Iuniori militaris Imperij insignia traderentur.

Latomi.

*Et tibi Vergilium dederunt, Florentia, Diui,  
 Quo nomen instar Mantuæ  
 Nobile sustineas: illa aurea quatenus ætas  
 Permittit isti ferreæ.*

## Iani Parrhasij.



IR hic honesta familia Consentia, quum è suggestu summa facundia maiestate Latinas literas Mediolani profiteretur, cunctos nostri seculi doctores, erudito rerum omnium quæ explicaret apparatu, ac vna præsertim rotundæ pronuntiationis gloria superauit. Duxerat vxorem Demetrii Chalcondylis filiam, quæ felici cognatione, & focer, & gener, mutui suffragatores in scholis vtriusq; linguæ imperium tenuerunt, tanta Parrhasij fama, vt Triuultius summæ dignitatis sexagenarius Imperator, inter iuuenes auditores conspiceretur. Edidit commentarios in Claudianum, & Nasonis Ibin, recondita eruditione refertissimos. Nouissimè autem in manibus erat pene absolutum volumen de Rebus abstractis per epistolam quæ sitis. Sed Mediolano excedere coactus est, quum ludimagistri regionum sæpe ab eo reprehensi redargutique, ac ob id inscitia pudore decoquentes in eum conspirassent, ita vt lasciuia fabula Insubrum auribus grauis excitaretur, tanquam auditores parum pudicè dilectos corrumperet. Verum ab ea futili calumnia, tanquam literarum nomine clarissimus conducente Leone cum Basilio vxoris fratre in Urbem venit, sed tãti suggestus honore diu perfrui non potuit, articulare morbo membra omnia sæuissimè deformante, vnde ei maturatus in patriam reditus cum vitæ exitu contigit.

Pierij Valeriani.

*Parrhasius quantum picturæ contulit olim,*

*Parrhasius noster contulit eloquio.*

*Ille fuit celebri deductus origine Phæbi:*

*Hic genus vnde trahat, scripta diserta monent.*

*Ille suos velat tenebris ex arte labores,*

*Hic aperit clausum quicquid erat in tenebris.*

Laromi.

*Ianum, respiceret quod tempus vtrunque Latinum:*

*Prisca ætas gemina fronte fuisse refert:*

*At nunc Parrhasio, doctrinæ nomine, Iano*

*Cor geminum, & pectus nemo fuisse neget.*

## Georgij Sauromani Germani.



IC in Italia, quum Iuris ciuilis studio operam dedisset, eamque facultatem sine forensi agitatione parum nobilem, nec fructuosam esse fateretur, ad humaniores literas ingeniū traduxit, adeo felicitè, vt duabus orationibus in laudem Caroli Cæsaris publicatis, totius Academiæ iudicio, Longolio plenior atque torosior cerneretur. Ob id ciuitate Romana donatus est, egitque tenerum sodalem apud

A cade-



Academicos, exuta quidem omni vocis, moris, atque habitus asperitate per aliquot annos, dum minuta Cæsaris negotia procuraret, Leoni, Hadrianoque & demum Clemeñti eloquentiæ nomine non ingratus. Sed in tumultu captæ urbis ab Hispanis, omnibus fortunis exutus, ne in tormentis expiraret, à Germanis ita seruatus est, vt non multo post grassante pestilentia, cum filio concubinaque perierit.

Latomi.

*Ille hic Germanæ non vltima gloria terra,  
Despecto in tumulto, at nobili in Vrbe iacet.  
Hanc dedit externò raræ faciundia linguæ,  
Illum gentilis miles, & atra lues.  
Ipse tamen viuit, sed quomodo mortuus? inquis:  
Laudati æternis Cæsaris in titulis.*

## Cælius Calcagninus Ferrar.



IC diu in patria iuuentutem docuit, honestissimo patre, sed incerta matre genitus, ab Atestino Principe sacerdotio donatus est, quum fecundum, miteque ingenium, & elegantes mores ad literas attulisset. Promior erat ad Elegos, quandoquidem in pedestri oratione iunus, & scaber, et sine dulcedine numerorum affectatus haberetur. Dum enim multa legisse videri vellet, & plurima docere percuperet in Epistolicis questionibus, & titulo inepto, & toties vsurpata ab alijs materia nasutos offendit, & bilem mouer nobilibus ingenijs, quum in libros Ciceronis de Officijs, inuerecundè prorsus inuehitur, qua in re à festinante Fato beneficium tulisse iudicari potest, quod luculentam Ciceronis defensionem à Maioragio in publicum prodeuntem, & viuum proculdubio iugulaturam, morte effugerit.

Lilij Gyraldi.

*Asta, Viator, non est moræ dispendium,  
Mortalitatis hoc memor nuperrime  
Tibi sepulcrum Cælius construxerat,  
Quo doctiorem neminem Sol lampade  
Quacunque spargit lumen orbi viderat,  
Eheu, repente raptus hic est conditus,  
Cui sunt parem visura nulla secula,  
Hic gloria, dum vixit, inuidit suæ,  
Tot splendida eruditionis lumina,  
Quæ maximo, Alcida iubente principe,  
Vulgata, densas different caligines,  
Quæ passim oberrant sensibus legentium.  
Iam abi, Viator, & memento sedulo  
Præclara tantum facta Fata vincere.*

Cynthij Gyraldi.

Quisquis Castalidum colit vireta,  
 Ment e vel vigili petit serenas  
 Domus calicolum, vicesq; rerum,  
 Naturæ & penetrat vias latentes,  
 Vel putat faciles Deos habere,  
 Virtutis propria fauore fretus  
 Te Celi aspiciat, tuumq; Fatum,  
 Quo nil deterius dedere terris  
 Crudeles nimium tibi Sorores.  
 Tu quid pulueris (heu modum) Sibyllæ  
 (Æquo lumine, heu Fata si viderent)  
 Explere, aut Pyliæ dies senectæ,  
 Debebas, Lachesi iubente dira  
 Prô scelus, raperis gradu citato.  
 Exemplo hoc igitur docemur omnes,  
 Quàm constant fragili loco, perenne  
 Quæ nos credidimus manere in æuum.

Latomî.

Nempe, vulgo etiam, in nubæ puellæ  
 Zonam proiciunt, moræq; mulctant  
 Casu præcipiti Thalassionem.  
 Et tu tam veteris tenax pudoris,  
 Te pro virgine adhuc geris? tuumq;  
 Times dicere Cælum, Minerva?  
 Sed, stulta, ut dubites: quis oris illam,  
 Quis illam ingenij, quis artiumq;  
 Illam tam vberè copiam fluore  
 Ex te matre Dea neget profectam?  
 Quare si sapias, asseras Minerva:  
 Ne cælo genitum parente, Nymphæ  
 Terrestres sibi vindicent libenter.  
 Non est, crede mihi, tibi pudendus.

## Augustinus Iustinianus Genun.

**H**IC è secta diui Dominici linguarum varietate delectatus, Instru-  
 menti veteris, nouiq; textus Hebraico, Græco, & Chaldæo sermo-  
 ne perscriptos curiosis repræsentauit, grati quidem sumptu, & te-  
 nuicum laude, quum impressa domi præalta volumina emptores  
 rarissimos inuenirent, sic ut temerè conceptam spem lucri inanes inicitæ ratio-  
 nes eluserint. Sed factus inde Nebiensis Antistes, scribendæ patriæ Historiæ  
 negotium suscepit, adeo ineptis ad id ingenij viribus, ut præcipitata editionis,  
 male audiendo, pœnas daret. Nec multo post, quum è Genua in Corsicam in-  
 certa adhuc tempestate transire vellet, in cursu fluctibus obrutus, aut à Pœnis  
 prædoni-



prædonibus interceptus creditur, quum nullum vsquam naufragij, aut piratarum prædæ vestigium apparuerit.

Latomi.

*Iustinianus quo abierit ne quærito:  
Id scire Olympi quando te Rex noluit:  
Sacro trilingui quem edito volumine,  
Ad alta cæli transtulit palatia,  
Exemplo humanum clanculum Mosaiço:  
Ne fortè busto lachrymas si impenderes,  
Ne quicquam ocellos, lachrymasq; perderes.*

## Robertus Valturius.



**T**S Sigismundo Malatestæ Ariminensium Principi, militaris disciplinæ præcepta, è Græcorum & Latinorum Historijs collecta perscripsit: eo luculentiore vtilioreque volumine, quod explicatis veterum machinarum artificijs, totius bellici apparatus instrumenta secundum picturæ imagines legentium oculis subiecerit.

Latomi.

*Quæis diruendis turribus,  
Et edomandis vrbibus,  
Vsa est vetustas machinis:  
Dum restitutis denuò  
Se munit Valturius,  
Morti, Charonti, & Æaco  
Formidolosus factus est.*

## Matthæus Palmerius Florent.



**E**VIVS ingenio, & industria Eusebij libro de Temporibus addita est coronis. Scripsit etiam Histotiam Pisanam: atque item poemata Latinis, ac Etruscis versibus, quodam etiam opere Dantis comœdiam gemulatus. Sed id nequaquam prosperè successit, quum de diuinis perperam, incauteque locutus, libro ex Theologorum sententiâ damnato, crematoque in hæresis Arrianæ suspensionem inciderit.

Latomi.

*Tempora iam multis postquam fugientia seclis,  
Et velut in tabula gesta priora refers,  
Palmeri, insignem præclaro hoc munere palmam,  
Morte vel inuidia penè crepante, meres.*

# Iacobus Angelus Florent.



PTOLOMÆI hic Cosmographiam ex Græcis codicibus, & tabulis diligentissimè lineis ex picturæ dimensione expressam, Alexandro Quinto dedicauit: quo munere gentium omnium Historia ingentem requisitæ lucis splendorem accepisse videntur, quum narratio maximarum rerum ferè omnis tanquam lumine orbata & manca sordescat, nisi positis sub aspectum regionum tabulis, ex vero situ locorum totius rei gestæ notitia, quod est miræ voluptatis, illustretur.

Latomi.

*Et tibi stat meriti è tabulis laus, Angele, summi,  
Cum mundo æqualeis sanè habitura dies.  
Hinc te perpetuum comitem Ptolomæus habebit,  
Pes, oculusq; alter cuius, & orbis eris.*

# Hector Boethus.



VI à prima origine Scotorum regum historiam Latine diligenter perscripsit, passim veteris chorographiæ memor, & moderatæ libertatis nusquam oblitus, ita vt magnopere miremur extare de remotis ab orbe nostro Hebridum, & Orcadum insulis, mille amplius annorum memoriam, quum in Italia altrice ingeniorum tot seculis post eiectos Gothos scriptores omnino defuerint, tanto quidem publicæ dignitatis detrimento, vt non dispudeat maioribus nostris indignari: nisi satius fuerit amissæ libertatis obliuisci, quàm cum infami quodam pudore, calamitatis, ac ignauix nostræ vulnera refricasse.

Latomi.

*Quisquis ad tumultum obstupescis istum  
Tædas perpetua mirare luce,  
Lucem perpetuis adesse tædis:  
Et quis sic statuit, cupis doceri:  
Fiat. Hic recubat Boethus Hector:  
Ille, qui patriæ suæ tenebras,  
Atque illas patrias, nitore linguae  
Inuecto Latiae fugauit ultra  
Thylen, & vitrei rigoris Arcton.  
Perfoliunt Scotides proin Camænæ,  
Quum passim incipiant, queantq; haberi  
Romane meritas suo parenti  
Grateis. & tumultum volunt ad istum  
Tædas perpetua micare luce,  
Lucem perpotuis adesse tædis.*

P O L Y D O



## Polydorus Virgilius.



**H**IC Vrbinus natus, ubi adoleuit optimis instructus literis in Britanniam transiuit, quum antea lepidò argumento Prouerbia, excepta demum ab Erasmo, & eruditissimè amplificata publicasset. Is ab hoc Henrico rege fortunis adauctus, flamenque Londini creatus, conscripsit Historias rerum Britannicarum, ea fide vt Scotis, & Gallis sæpe reclamantibus, alieno potius arbitrio, quàm suo interuuisse multa in gratiam gentis existimetur, quòd in recensendis minorum Ducum nominibus, tanquam gloriæ audis plurimum indulserit.

Latomi.

*Vrbinum caro, quod abest, transmittit alumno  
Cum gemitu lachrymas, cumq; rosis violas,  
Nam didicit seuos non iam lachrymare Britannos,  
Nec gemere ad doctum busta sacrata virum.  
Ah, inquit, gemitus quicumque impendere parcit,  
Cum violis vernas non dabit ille rosas.  
Transmittitq; merum: si fortè quis abluat ossa:  
Tergendisque crocum, cum castaq; thymum.  
Atque ait: heu, parteis ego quas ardentè obirem,  
Pro me, si qua hic est mater, obire rogem.*

## Gaguinus Gallus.



machentur.

**G**ALLIA huic plurimum debet: sed de fide illi viderint, quorum interest incorruptam rerum memoriam ad posteros transmitti: nam in his quæ ad Italiam pertinent huius tempestatis, vsque adeo insolenter, & pingui stylo cæcutire solet, vt qui nulla orationis ornamenta in eo conspiciunt, passim eius imprudentiam sto-

Latomi.

*Condere quum voluit, iam non condire Gaguinus,  
Acrius vt saperet, debuit historiam.  
Hoc magis insipida est, quo plus sale tinxeris isto:  
Natuam rerum nam decet esse fidem.*

## Barinus Becichemus Scodren.



B hoc Dalmata non infulse Latino Georgij Castrioti Scander-  
bechi admirabiles res bello gestas quanquam inuisatis excessi-  
bus perscriptas legimus. Aequauit enim hic vir amore patriæ, &  
Barbarorum odio à fide procul abductus, Epirotæ reguli virtu-  
tem antiquis heroibus, ita vt iustam egregiæ factorum gloriam,  
dum supra æquum in laudes prorumpit, suspitione mendacij eleuasse censea-  
tur.

Latomi.

*Gesta ab Aloidis trepidanti praelia cælo,  
Nec dum sat promptis ad fera bella Deis:  
Robora quum licuit pro paruo mittere telo,  
Et capite excessum perterebrare polum,  
Nempe etiam longas ne opus esset iungere scalas,  
Thessalus impositum Pelion ossa tulit:  
Ausus quum nemo Diuum se fidere cæle,  
Mutauit fœdis corpora quisque feris:  
Donec in Æthnæo fabricatis Lemnius antro  
Fulminibus, leto contulit arma Ioui:  
Per quæ porrectos per iugera mille Gigantes  
Disiecit, summis occuluitq; ingis.  
Scribere debueras, hominem celebrasse, Marine,  
Est modus, ingenio subsit vt ille tuo.*

## Iacobus Zieglerus.



VIS eo Latinas literas, quo Romania arma penetrare nequie-  
rint, peruenisse non miretur. Hic enim in terra Gothica natus ac  
educatus, adeo exactè, puriter & facundè, Christiæ Daniæ, ac-  
que Noruegiæ Regis immanitatem, neque ipsi sanguinario Ty-  
ranno diu lætam, neque demum Dijs vltoribus neglectam per-  
scripsit, vt eruditis gentibus pudori esse possit: quod Latinæ facundiæ fruges,  
sub Cimerio cælo penè felicius ac vberius, quàm sub hac benigniore, ac tempe-  
ratione plaga proueniant.

Latomi.

*Quem lictore stylo disertus orbis  
In scænam rabidum trabis Neronem, &  
Cædendum pueris palam propinas?  
Respondisse ferunt. Quid hoc inepte?  
Sime constituis tuum Neronem,  
Te oportet Senecam fuisse nostrum.*

PAVLVS



## Paulus Aemylius.



VNC protulit Verona, Gallia aluit, Ludouicus duodecimus sacerdotio in æde Deiparæ Virginis Lutetiæ Parisiorum exornauit, quòd orsus à primis Galliæ regibus mille amplius annorum Gallicam Historiam, Laconica tamen breuitate præscripsisset. Sed in sacri belli enarratione, quum Gothifredi Bolionis virtute Hierosolymæ caperentur, aliquantò luculentius ita sese diffudit, vt mediū iter, non interitura cum laude tenuisse existimetur.

Latomi.

*Quæ semel absoluit lambendo simia fœtum,  
Plus te ( si fas est dicere ) Paule, sapit.  
Quum natura duas tantum concessit habere,  
Miror te extremam non reperire manum.*

## Germanus Brixius.



S ad Altisiodorum Galliæ oppidum natus, in poesi lauream meruit, Latino carmine edito, de trium ingentium nauium miserabili conflagratione, quum duæ Britannicæ Gallicam cognomento Chordigeram (hæc erat inusitata magnitudinis) harpagonibus comprehensam expugnare niterentur. Sed demum emendatiora poemata vario titulo publicauit. Inde verò pedestri orationi deditus, transtulit e Græco, vti Lascaris alumnum decebat, ex Chrysostomo Babyliæ vitam, & libros septem de Sacerdotio, puritate sermonis minimè contemnendos. Senescētem, sed adhuc planè robustum inuasit atræ bilis morbus, ob id paulatim scæuior, arque lætaliōr effectus, quum ex accumulato multo auro dimidiam ferè partem furto sibi subtractam miser sensisset, vt credi par est, à domesticis, quibus nec vitam quidem postea credidit, sic vt in itinere iuxta Ligerim apud Carnutes expirarit.

Latomi.

*Nunc sacra cum tractes, quum nunc bona carmina pangas,  
Quis, Brixii, vatem te neget esse sacrum?*

## Nicolaus Tegrinus.



S Luce natus, professione Iurisconsultus, post magistratus honestissimos in Italia gestos, patriâ Historiâ egregia fide perscripsit: & in ea precipuè vitâ Castrucci, q. Lucæ, Pisarū, & Pistorij dominatū tenuit: & magnas Florentinis intulit clades. Cuius viri, si tyrānidis inuidiosum nomē facessat, inusitata bello virtus, singulari laude celebranda iudicatur.

Sed Machiauellus Florentinus Historicus, patrij veteris odij memor, petulantij malignitate, non interituram memorabilis Ducis famam fabulis inuoluit, quum vitam acerrimi hostis Etrusco sermone scribere orsus tam impudenti, quam astuto illudendi genere, sacrosanctam rerum gestarum fidem corruperit.

Latomi.

*Exoluis patria supremum Tegrime munus,  
Illi dum veram conficis historiam.  
Tam non est illi verè omnia scribere turpe,  
Quàm tibi venalem non habuisse fidem.*

## Camillus Ghilinus Mediol.



VIVS extat liber Exemplorum, florida per omnes ætates varietate periucundus, ac ipso penè Valerio Maximo argumenti hilaritate festiuor. Ea rerum exempla diligenti, grauique studio collegerat Baptista Fulgosius, gentilium suorum perfidia Genuæ principatu deiectus: sed quoniam Latinæ orationis facultas minime suppeteret, ea materno sermone perscripserat, vt aliquanto post ab hoc Ghilino Latinè verterentur. Fuere qui existimarent à Iacobo patre id opus longo vigiliarum labore compositum, vt quodam hæreditatis partem obuenisse filio adolescenti, studiosoque liberali quidem indulgentia beneuolentissimi patris, quum in eo eruditi ingenij certa indoles eminere, qua vel alieni operis oborta suspicio præclare discuti posse videretur. Erat enim Camillus in grauisimis legationum muneribus, ob industriam cum summa fide, prudentiaq; coniunctam, diu versatus: ita vt excitatæ fabulæ famam ridendo dilueret, & perurbanè se ab hoc furti genere non abhorre fateretur, quando iure damari nō possit amore incensus adolescens, si quid opulento patri arguta manu surripiat. Perijt in Sicilia apud Carolum Cæsarem Francisci Sfortiæ Legatus, quum de bellatis ad Tunetum Barbaris, Augustus Victor ad triumphum in Italiam reuerteretur.

Latomi.

*Argueris factum tibi supposuisse paternum:  
Dicit Momorum quum tibi turba diem:  
Nam quum patris eras hæres ex asse futurus,  
Vsum etiam fructum præripuisse potes?  
Nempe, ais, hoc gratū est: nec parua est gratia Momis,  
Scripta quòd alterius credi vtriusque queant.*

IO AN.



## Ioannes Reuclinus Germanus.



**H**IC est ille Capnionis cognomento, è patriâ lingua in Græcam verso, ne Latine fumeus euaderet, Germanorum ætate nostra clarissimus, qui inusitato fretus ingenio, Græcas ac Hebraicas, atque item Latinas literas in Germania pari felicitate propagauit, quum arcana Hebræorum confirmandis Christianæ legis præliis in lucem proferret, effectricemque mirabilium operum Cabalæ disciplinam apud valida, atque expedita ad perdiscendum eius gentis ingenia proficeretur. Extat eius liber de Verbo mirifico, & de Cabalæ scientiæ placitis, eloquentia illustri ad Leonem Decimum perscriptus. Circumferuntur etiam præter grauiores libros quanquam suppresso nomine, ex eius officina obscurorum viorum Epistolæ, admirabili facietiarum lepore conditæ, quibus ad excitandum risum, cucullatorum Theologorum ineptissimè, atque ideo ridiculè Latina lingua scribentium stylus exprimitur. Vlciscebatur enim infestam nomini suo turbam, iucundissimo satyræ illudentis genere, quum maligna cucullatorum conspiratione tanquam Iudeis parum æquus hostis: ac ex animo planè recutitus impietatis accusaretur. Hic liber auidè coemptus, & euulgatus, adeo grauiter calumniatores eius ordinis percussit, vt coniurationis princeps Hostratus lætali dolore sauciatus interiit: & reliqui æstuantes à Leone suppliciter impetrarint, vt edicto diuendi, atque imprimi veraretur: sed edicti maiestatem Reuclinus falso ingenio ludificatus, secundum Epistolarum volumen, tanquam ex titulo minime vetitum, altero quidem aculeatius impressoribus tradidit, ita vt cucullati miserè cum Hydra luctantes, animos in ealite desponderint. Hostrati autem tumulo hoc nobile carmen, Capnionis puer affixit.

*Hic iacet Hostratus, viuente ferre, patique  
Quem potuere mali, non potuere boni.  
Crescite ab hoc taxi, crescant aconita sepulchro;  
Ausus erat sub eo, qui iacet; omne nefas.*

Latomi.

*Esset quòd patrio cognomine fumeus, hosteis  
Reddidit audentes Capnio, credo, tuos:  
Dum tibi debèri Fatis incendia credunt:  
Illi non seges quæ properata struunt.  
Quum potius ratio cognominis arguat istud,  
Flamma quòd ipsorum nil nisi fumus erat.*

## Ioan. de Monte Regio Germ.



VNC enim vnum admirabili solertia diuini ingenij, Astronomorum omnium qui hactenus floruerunt præstantissimum videretur: quum decimam sphaeram totius coelestis globi supremam, inclusasque diurna rotatione rapientem, certissima supputatione sibi & posteris inuenerit: hac ipsa æde pol gloriosa sapientiae palma, Thalete, Eudoxo, Calipo, Ptolemæoque ipso, tantæ scientiæ conditore, ac Alfragano, nobilior. Extant eius subtilissima Commentaria in Alma gestum Ptolomæi, & Mathematicæ rationationis exactus atque perutilis liber de Triangulis. Ab hac commendatione eruditi nominis creatus est à Xisto Quarto Ratisponensis Episcopus, accitusque Romam, vt annum ex vetusta intercalatione fastis minimè respondentem, ad statas ex cursu lunæ Paschales ceremonias reuocaret. Quod cõfici posse videbatur, subductis semel aliquot diebus Martio mensi, qua vna ratione mille & quingentorum annorum excessus, in cursu sideris non planè sensibilis, toto demum cumulo deprehensus, emendatissimè tolleretur. Sed grassante in Vrbe pestilentia Fato surreptus, quod maxime cupiebat, præstare non potuit.

Brutonis Seleri.

*Inferior nullo doctrinae laude priorum,  
Doctus in astrorum cognitione fui.  
Itala me tellus, & me Germania nouit,  
Pannonis & studium prædicat ora meum.  
Duxit in has celebris primum Purbacchius artes  
Ingenium magna dexteritate meum.*

Latomi.

*Extimuit, penitus nudatas Iuppiter ædeis  
Quum decima sphaera cerneret esse suas.  
Hoc homines, inquit, submouimus hactenus orbe:  
Ab, propè nunc nostris prodimur in thalantis.  
Et nemo ijs obstat conatibus? intulit Hærmes:  
Authorem Parcæ sed vetuere mori.  
Heu, ait, heu miseros, qui sic vlciscimur hostem:  
Vt cesset, Diuum protinus esse iube.*

## Ludouicus Viues Valentinus.



VANQVAM hic ducta vxore apud Belgas liberis operam daret, sacrarum tamen literarum studia egregio digna sacerdote cõplexus, adeo profecit, vt diui Augustini librum de Ciuitate Dei luculenta Commentatione adiecta, religiosè admodum illustrarit, quum publicè auctus stipendio liberales artes profiteretur, legendaque posteris multa volumina perscriberet. Nondum senex Fato functus



etus est Brugis, quod est emporium Gessoriaci litoris, prosequentibus magno  
luctu amissi præceptoris memoriam Belgis omnibus, sed maxime ciuibus Bri-  
spanis: quod eo doctiorem in Hispania superesse neminem faterentur.

## Conradi Lycosthenis.

*Hoc tegitur Vires tumulo, subsiste Viator,  
Et pressopacis verba precare gradu.  
Quin etiam costum, violas, & thuris honores,  
Vini da prompta debita dona manu.  
Qui dum sic verbis, rebusq; exornat ad vnguem,  
Per non tentatas maxima quæq; vias:  
Nostra ætas vincit veteres, atque omnibus illis  
Viuem, quem contra ponere possit, habet.*

## Eiusdem.

*Doctrinæ columen, decusq; vitæ  
Viuem ne tumulo hoc puta Viator  
Condi, sed tennes soli fauillas.  
Nam non mors violenta, non edaces  
Ignes, non series vetusta secli,  
Non vires chalybis, licet potentis,  
Non fluctus pelagi, licet ferocis,  
De vita poterunt tulisse Viuem,  
Doctrinæ columem, decusq; vitæ.*

## Latomii.

*Quòs ynngrammata, dic amice Viues  
Tam multa accumulas? an vi perennem  
Hoc tibi redimas labore vitam?  
Quantum ergo placitis Deum, Stygiq;  
Iurat & tribuis? peremitati  
Nam reponere te ac tuos labores,  
Teste agnominis hoc tui vocablo  
Omnes fulmine sancière tacto.  
An non id tribui cupis Deorum  
Decreto, at merito tuo labori?  
Quod quum non potuit Deos latere,  
Credo gratuitum hoc inisse pactum.  
Vt nolint siquidem, crepentq; viues  
Nullo munere, sed tuo labore.*

## Cosmus Pactius.



**C**OSMVS Pactius ex amita Leonis Decimi genitus, nobili vir ingenio, elegantiq; doctrina præditus, quum esset Florentinus Archiepiscopus, Maximum Tyrium Platonicae sectae philosophum e Græco in Latinum scitissimè vertit. Nec in eius ingenui muneris labore cessaturus videri poterat, tanquã virtutis & pietatis amore flagrantissimus, nisi importuna mors, vix dum Leone auunculo ad Pontificatum prouecto, & optimorum consiliorum studia, & paratæ purpuræ honorem intercepisset. Hæc subinde studia Alexander germanus frater, diuerso, nec utiq; multum felici itinere secutus est. Ad scribendas enim tragœdias ingenium appulit, eruditum hercle, sed aliquantò quàm cothurnatum poetam deceret aridius, quod etiam & gracilitas ipsa totius habitus, & angustæ vocis exilitas ex viuientis fronte promitterent. Poeticam autem Aristotelis, non ineptè, uti difficilem, in Latinum verterat. Ob id tanquam ex concepta artis ratione tragœdijs incumberebat, verum adeo intemperanter, ut Græcas & ex his præsertim Iphigeniam in Latinum pariter, & Etruscum carmen vertendo, propriæ quæ inuentionis alias effundendo, quæ in theatris agerentur intetæ libidini vix modum imponeret: quanquam ab Etruscis histrionibus repudiarentur: qui exibilantis populi iudicium maximi instar periculi omnino fugiendum existimabant, quod ea poemata versibus constarent pede vno longioribus: ex noua scilicet, ac ob id insolenti nostris auribus Græcorum imitatione, quæ numero & modo prorsus infaceto tanquam enormis, nusquam nisi Græcissantibus arrideret. Iure itaque nouæ inuentionis exemplar, nemine imitante, apud ipsum auctorem stetit atque consenuit: vsque adeo difficile est, obsoletis nitorem, & nouis auctoritatem feliciter attulisse.

Latomi.

*Pactius effugit perituros Cosmus honores,  
Vt sempiternos sumeret. Quid perdidit?*



**V**BET postremò desiderare quorundam externorum imagines, Germanorumq; præsertim, quum literæ non Latinæ modo cum pudore nostro, sed Græcæ & Hebraicæ in eorum terras Fatali commigratione transierint: ita ut eorum qui iam fato functi cæteris clariore euaserunt, veras imagines à viuis, & pari laude florentibus, efflagitare non dubitem, quando id ab humanissimis, nisi violato Musarum sacramento, frustra expectari minimè possit. Quis enim nisi planè barbarus & impius, vel exiguam laudem sine piaculo defunctis inuiderit, quanquam ex peculiari sua ingenij fecunditate nullo æuo periturus? Pertinet hercle in quota parte exoptatæ laudis ad producendâ vitam, in albo atque ordine præcellentium hominum recenseri, agnosci que item ex vera oris effigie, ostendi que posteris in perstricta nec inutiles editorum operum censura, vnde nouam nobilitatem veluti liberali, nec sperata quadam adoptione ad cumulatum decus



decus induerint. Emicuit dudum perillustis eruditio in Ioanne Oecolampadio, sed profectò clarius & luminosius illuxisset, nisi Christianæ hostiæ sacramentum repudiasset. Eadem ferè nouæ sectæ libido Zvinglium in sacris literis apud Heluetios clarum incesit. Contigit & honestissima laus ex studio nobilium literarum Bilibaldo N<sup>o</sup> Imbergensi, cuius extant nonnulla opera ex Gregorio Nazianzeno piè translata, & Cosmographiæ liber ex Ptolemæo accuratius quàm antea traductus, & totius Germaniæ urbium descriptiones, eruditam lucem obscuris regionibus afferentes. Quis Vadiano ex sancto Gallo Heluetiorum insigni pago, nouæ atque vetustæ Cosmographiæ curiosus, gratias non ager, quum libellum Pomponij Melæ per utili commentatione ex breui & obscuro, magnum illustremque reddiderit? Miramur quoque diligentiam laboremque viro regia in aula conspicuo longè honestissimū, Cuspiniani Vienneſis, a quo ciuili quadam facundia Germanorum & Byzantium Cesarum Imperia, propinquitates, stemmata, mores, atque exitus referuntur. Viget apud nos eruditi nominis autoritate Copus Basiliensis, ab exacta doctrina, felicique artis industria medicus, Francisco Galliæ regi magnoperè repetita sæpe memoria, desideratus. Suspiciamus etiā ingenium Conradi Godenij, vertendi Græca docendique facultate, apud Belgas magnoperè celebratum. Venerantur Iureconfulti nostri Zasium ex Harudum Constantia, humani iuris intelligentia, cum exactissimis scriptoribus conferendum. Floret adhuc apud nos prædulcis & grata memoria Beati Rhenani: ex eius enim ingenij liberalitate officinaque libraria, optimarum literarum magnas opes ad nos peruenisse conspiciamus. Sunt etiā in celebri fama Camerarius, Græcæ atque Latinae linguæ ita peritus, vt scribendo pernobilis Ciceronis imitator euaserit: & Copernicus absolutæ subtilitatis mathematicus: atque item Albertus Crantzius, qui Danorum & Sueuorum regna ad extremum borealem Oceanum, nostris obscura, facundissimè descripsit. Sed qua demum veteri sodalicio digna pietate imaginem tuam, vt Elogio nostro coronetur expectauerim, Vrsine Gaspar Vindelice, paucis ante annis morte præpropere nobis erepte: nobiles enim poetæ læto carmine, historicos verò styli grauitate superabas: sed in cumulo honestissimæ laudis, vt integer vitæ scelerisque purus, tranquillī animi probitate periculosi officij munus feliciter adimplebas, quum Maximilianum summæ indolis adolescentem, Ferdinandi Cesaris designati filium, patruī fortuna dignissimum, perfectis moribus ac literis erudires. Sed cur reliquos enumerare non desino, postquam inanis spei votum, infinitus eruditorum numerus interrumpit: offertur enim lætissima seges ab ipsa mirabili Germanici cœli fecunditate. Occulta hercle siderum commutatione euenisse arbitramur, vt illud cœlum, molestis Boreæ flatibus, frigore geluque damnatum, horrida dudum torpentiaque ingenia mollierit ac excitarit. Neque enim contenti sua veterē militiæ laude, qua Martium decus Romanis gentium victoribus ereptum, stabili disciplinæ seueritate feliciter tuentur, ipsa etiā pacis ornamenta, literas, optimasque artes decoquenti Græciæ, ac Italiæ dormitanti (quod pudeat) abstulerunt. Patrum siquidem nostrorum memoria, architecti in primis, ac exinde pictores, statuarii, sculptores, mathematici, & peragutę manus artifices, ac item aquileges, septempedarii que mensores, è Germania petebantur. Nec mirum quum antea inusitata & portentosa inuentionis æreas formas excudendis li-

bris, & formidanda bello ænea tormenta nobis attulerint. Sed hæc infestis seculi fortuna, non vsq; adeo illis benigna mater, & nobis immitis extitit nouerca, vt nihil omnino ex pristina hæreditate reliquerit. Tenemus enim adhuc (si fas est vel modestè gloriari, tota penè libertatis possessione spoliatis) syncere & cōstantis eloquētiæ munitam arcem, is placet) ingenuus Romani candoris pudor, aduersus externos s conseruatur atq; defenditur. In hac enim statione ad perennē decus, optimo cuiq; cui intentè vigilādum erit, vt Bembo, Sadoletiq; signiferis, quod reliquum est è tanta maiorum substantia, generosè tueamur: quāquam inani miseriarum nostrarum solatio, postquam non iniquo iure apud nos conuulsa libertas interijt: qua vna proculdubio altrice studiorum, bonas artes excitari, propagariq; conspiciamus.



VVM iam confecto priore volumine, quo fato functorū imagines continentur, ad secundum non inuita Minerva peruenir (id enim de viuis erit) censuræ periculo grauius quidem, sed ingeniorum illustrium religiosa commendatione iucundius, operæ precium existimaui, eorum nomina profiteri, quo tabulæ pictæ in nostro conclauī immortalibus dicato spectantur. Sit hæc enim delectæ sedis, & instituti operis certa nuncupatio, vt vel hinc viri elegantes, tãquam aridentis augurij læto nomine accepto suorum ingeniorum monumenta ad posteritatem æterna prospiciant, nec ideò grauātè morē gerere velint, honesta mihi pariter ac ipsis & deniq; grata omnibus expetenti. Appello enim eos, qui literarum amore voluptates abdicarunt, & bona spe diuturnæ laudis aluntur, num laudari vel à mediocribus poetis ineptum putent? Superbè quidem insaniunt, si alienę liberalitatis munera fastidiant. Ideirco mihi satis fuerit, Italos blandè ac humanitè admonuisse: neq; enim eos adeo austeros, & illiberales fore crediderim, quin imagines scitè pictas ad Musæum minimè transmittant. Quid enim inuerecūdius, ne dicam agrestius admitti poterit, quàm ab exemplo tot insigniū virorum omnino discelsisse, qui hoc eruditę benignitatis officiū letissimè præstiterūt? Quamobrè annotata nomina subdidimus, vt qui absunt, certam se debē benignè sibi relictam intelligant: si in hac florida ac immortalī corona, conspici decorum existimarint. His equidem ingenuis lusuibus nostris primus vigiliarum suarum fructus prædulci libatione degustabunt. Quid enim viuenti, ac utique de ingenij virtute benemerito beatius accidere potest, quàm repræsentata alieni iudicij testificatione gloriā præsentire? Quid porro lætius atque iucundius, quàm interesse posteritati suæ, & denique Fatīs inuitis mortē nō timere? quam nemo nisi anxius ante ipsum inuidiæ laceffentis euentum non timuit. Nomina eorum qui adhuc viuunt & præclara fecundi ingenij gloria perfruuntur, hæc sunt. Imagines autem eo seriatim ordine sedem obtinent, vt dignitatem omnem, vel fortunæ vel generis, ipse vnus ætatis honos antecedit.

NOMINA



## NOMINA EORVM QVI IN TABULIS HABENTUR.

PETRVS BEMBV<sup>S</sup> CARDINALIS.  
 BAPTISTA ÆGNATIVS.  
 IACOBVS SADOLETVS CARDINALIS.  
 GEORGIVS TRISSINVS.  
 HIERONYMV<sup>S</sup> FRACASTORIVS.  
 HIERONYMV<sup>S</sup> VIDA EPISCOPVS ALBANVS.  
 IOANNES PIERIVS VALERIANVS.  
 ROMVLVS AMASÆVS.  
 ANDRĒAS ALCIATVS.  
 MARCVS ANTONIVS FLAMINIVS.  
 PHILIPPVS MELANTHON.  
 IANVS VITALIS.  
 REGINALDV<sup>S</sup> POLV<sup>S</sup> CARDINALIS.  
 DANIEL BARBARVS.  
 ANTONIVS MIRANDVLA.  
 PHILANDER GALLVS.  
 HONORATVS FASITELLVS.  
 BASILIVS ZANCHIVS.

Sed quæ spe alienæ benignitatis munus expectauerim, quum hæc nostra cupiditas ad externorum imagines extendatur, nisi viri nobiles adiutent, honestis quæ votis arrideant: Nulla enim res est, vel non planè ardua, quæ illustri patrocinio non indigeat, vt rectè mature quæ perfici ac impetrari possit. Rogabo itaque veteres patronos, in prouincijs dignitate atque opibus præcellentes, sic vt eos etiam pie obtester per communia Musarum sacra, vt hoc officium expedite ac liberaliter præstare velint. Quid enim non præstabunt sacrati Proceres, qui se alumnos amatoresque Musarum professi, nunquam veræ gloriæ nomen contemperunt: ita vt vel ab vltima Sarmatia, qua Latinæ linguæ septa, Roxolano rum niuib<sup>us</sup> terminantur, mihi minimè defuturum sperem Ioannem Dantiscū Varmiensē Episcopum, qui multis legationum functus honoribus, & poetica lauro coronatus, suæ gentis nobilitatem ad eandem laudem accendit, ad quā præclare aspirant Philippus Padneuius, Martinusque Cromerus? Nec in hoc ædè pol' erudito munere collocando suspensè cunctabitur generosus ille Musarum hospes Otho Truchses, Germaniæ decus, & sacri Senatus ornamentum: quum eius explorata liberalitas neque vsu consenescat, neque præterita existimatione satietur, nec aliud quicquam nisi extra inuidiam positum perenneque respiciat. Nec id hercle mirum, postquam ille alioqui multis importunus maturatæ purpuræ splendor, nec perstrinxerit oculos, nec memoriæ neruōs eliserit, nec quicquam de sincero nobiliq; pudore vel leuiter inumbrarit. Patefecit enim innatæ virtutis studia, in hoc dudum apud Vangiones conuentu longè grauissimō, quum summa autoritate præses, ideoq; Reipub. causa vehementer occupatus, omnes numeros perfectæ virtutis expresse- rit: ita vt ab eo iam non paucos quidem sed ex feraci ingeniorum Germania, integram per imagines lectissimō

rum virorum cohortem expectem, in qua inter tantos Græcorum authorum interpretes, diuinarumque rerum scriptores inclytum poetam Georgium Logum sodalem meum, si ita fas est, cum laurea signiferum exoptarim. Nec Thomam quoque Nadastrum, qui vnus in Pannonia, pari studio Martis & Palladis antiquum decus tuetur, quenquam omnino prætermissurum ex his arbitror, quos intestini ac externi belli calamitas reliquos fecit. Iam pridem enim amisimus sacri ordinis Antistites literarum, atque virtutis studio præcellentes Ioannem Pannonium æterno poemate edito stabili fama commendatum, & Philippum Moræum Strigonicensem Mugaciana acie à Barbaris interfectum: & quos nuper non fera dies nobis eripuit veteres amicos, pietate ac altitudine animi, Latinaque facundia illustres, dum tota Europa maximas legationes obirent: Stephanum, inquam, Brodericum Vaccensem, Francapanem Agriensem, & Statilium Albæ Iuliæ Dacorum sacerdotio insignem. Sed florentissimi paulò antè Regni profectò miseret, tanquam subacti, ac in foeda seruitute planè morientis, cum in eo egregia illa, ideoque non temerè formidata Barbaris, veterum militum soboles interierit, extincto nimirum Mathia rege, cuius summæ virtuti nusquam fortuna defuit, pudore ingentis animi uicta, scilicet vt mox indignata imbelles firmissimi regni dominos, vt suo more instabilis non iniquo iure rebellaret. Hæc eadem pari incurfu Dalmatas afflixit, apud nos valida ad capeffendam ex literarum studijs laudem, hac ætate ingenia floruerunt: sed ab alsiduis Barbarorū incursionibus exturbati vetere agro, ac in extremas patrij litoris margines compulsi, tanquam de retinenda libertate desperantes, armis literas commutasse videri possunt: sic vt nemo dignus Elogio compareat, nisi in lucem studiosè producat ciues suos Tranquillus Andronicus præclarus Ciceronis æmulator, dum grauisimarum actionum ac Ottomanicæ legationis, obscurorumque nobis itinerum Commentaria perscribit, Belgarum porro ingenia mihi hercle diligenter excuder, & bona fide recensabit, oraque delectorum, ni fallor erudite picta benignè largietur Antonius Perrenotus Atrebatensium Antistes, modò ei adeò grauitè maximis officijs occupato, hæc ardens conficiendæ publicæ pacis cura, excolendis Musis otium relinquat, quod certè necessario somno subtrahendum crediderim, quum iam pondera consiliorum ingentium ex sinu Cæsaris, nimia planè vel importuna fatiscentis senis patris humeris piè subeundo gnauiter excipiat. Sed valebit opinor Erasmi viri summi præceptorisque memoria, quum discipulorum eius insignis globus passim occurreret Petro Nannio duce, quo optimarum literarum professore, Louanienfium academia gloriatur. Qua in re se monitorem occupato Perrenoto, facillè præstabit Cornelius Sceperus eruditi iudicij pondere, & in tantis legationibus ac illustri totius Europæ peregrinatione celebratus. At non hæc quoque sperauerim ex opulenta Gallia, quæ variæ & inconditæ doctrinæ acervos aliquandiu mirata, nunc primum quid stillud eximium in literis, & perillustre decus intelligit, repudiataque barbarie, ita Latina orationis puritate delectatur, vt si quid Manes omnino sentiant, Budæum pariter, ac Erasmus miserè pudeat, adeò agresti & senticosa via laudem vigilijs parem omnino quæsiuisse? Aspirabit utique nobili voto luculenter Ioannes Bellaius, præclaro vetustæ familiæ, ac insitæ virtutis nomine Parisiorum Antistes, & bis merita purpura Senator amplissimus.

Quid



Quidenim amico veteri, erudita præsertim, ideoque minimi sumptus munera cupienti non tribuet? qui perenni studio Græcis atque Latinis Musis sacra facit: qui ingenia fouet, productaque in regiam eruditi principis liberalitate, protinus exornanda in luce constituit? Huic igitur non immerito viri doctissimi morem gerent, benigneque docta ora pictoribus præbebunt, ipseque ante alios Perionius, vel religionis amore sacratis inclusus septis, qui Aristotelem Cicero nis ore loquentem fecit, dum Strebæum pari æmulatione conspicuum, glorioso certamine superare contendit. Quid non tribuet sodali Danesius, qui Budæi præceptoris imaginem huc vsque transmisit, vir hercle summa eruditione Romanoque iudicio insignis, a quo propediem absolutæ felicitatis partum expectamus? Necputo Lazarum Baiphium, libris de re Vestitaria Nauali que percelebrem, & Gulielmum Pellicerium explicato totius rei herbariæ negotio, publicæ vtilitati consulentem, quicquam vetere amicitia indignum admissuros. Nec desiderio meo prorsus illudet ipse Castellanus, præcellentis doctrinæ merito perpetuus comes ascitus regi, ut inter mollissima cœnæ tempora rerum omnium origines, & euentus infinitæ regis memoriæ recondenda repræsentet. Consequentur & hos Tufanus, in rei literariæ substantia Budæi præceptoris astutus hæres, quum id tantum adierit, quod certum & salubre videbatur, totam autem parum comptæ elocutionis intemperiem effugerit. Nec ab his vestigijs longè aberunt poetæ duo planè suauis & teneri, Salmonius Macrinus, Nicolausque Borbonius: & Regius, qui pedestri oratione poetarum honoribus æquatur. Postremo & ipse Vatablus, quanquam in celeberrimo gymnasio plenius subellijs superbus, suam vel Hebraica duritie non planè faceti oris effigiem denegabit. Sed ad quem modò confugiam, qui in Hispania præcellentium ingeniorum delectum habeat, ac eleganti viro dignum huius non indecore liberalitatis officium præstet? Inter multos hercle, qui seuerioribus diuinarum rerum achumanarum studijs dediti, tanquam Reipublicæ, priuatæque maxime vtilis iudicantur, rari occurrunt elegantium literarum ornamentis insignes: quod hic omnis Latine scribendi lepore parum grauibz inani ambitione questus, nulla omnino subsidia serijs facultatibus, sed impedimenta nonnunquam asserre videatur. Qua de causa quum vigente adhuc seniorum opinione, ipsi etiam totius Hispaniæ procures, hæc studia tanquam importuna militiæ penitus abdicarent: hic excellens cultus, quo disciplinæ omnes exornantur, aliquantò serius quàm aliss in terras, in Hispaniam peruenerit: ita ut hæc terra alioqui rerum omnium ferax, acerrimorumque in primis, & sublimium ingeniorumatrix, quæ tot nobiles æternosque poetas ac oratores Romanæ ciuitati quondam inseruit, hoc toto, quod suspicimus illustri eloquentiæ honore, penitus orbata cenleri possit. Agnouere tamen nonnulli maiorum incuriam, Nebrissa monitore, ingeniaque sua ad hanc laudem feliciter extulerunt, in quibus nuper emicuit Garcias Lassus, Horatiana suauitate odas scribere solitus: sed generosè ad fastigium euadentem, dum alteram militiæ laudem ardentè appetit, mors acerba elusit: & casu quidem ignobili: quum ad aquas Sextias ex turricula ab agrestibus lapide caput ictus, spectante Cæsare concidisset. Sed hodie procul dubio Ioannes Sepulueda Cordubensis, ipsam eximie laudis arcem obtinet, qui Græce peritus linguæ, & scientiarum propè omnium validis instructus præstidijs, dum assidue, atque ideo feliciter stylum exercet, eloquentissimus euadit.

Huic autem proximum accedere audimus Martinum Silicæum Carthaginen-  
sem Episcopum, qui lectissimis moribus ac literis, virilique ingenio & casta fa-  
cundia, dum Philippum Cæsaris filium persanctè & solerter edocet, optimum  
Principem ad paternum decus, & ad regni felicitatem instituit. Reliqua porro  
ingenia quæ fecunditatis egregiæ aut maturæ frugis specimen præbent, indica-  
turum scitè atque fideliter crediderim Franciscum Mendocium Cardinalem,  
quem accipiendis de manu summi Pontificis solennibus Senatoriæ dignitatis  
ornamentis propediem expectamus. Hic enim supra generis antiquum decus,  
amplissimam ex optimis literis laudem spectat, potiturque iam parta ex his stu-  
dijs insigni gloria, quæ nixa veræ virtutis radicibus nunquam deflorescet. Ea  
porro ingenia, quæ vltima terrarum Lusitania ad Oceanum nobis abscondit, à  
Michaelè Syluio Cardinale non diu quidem expectabimus, is enim à varia do-  
ctrina poeta cultissimus, ac omnis elegantiae iucundus arbiter, studia nostra ve-  
hementer amat & laudat, patrij decoris planè cupidus, supra reliquos animosæ  
gentis honores, hoc literatæ laudis nomen, tanquam non postremæ, si non sum-  
mæ gloriæ minimè contemnit. At quid postremo ab vltima Britannia expecta-  
uerim? nisi lugubres fortasse imagines? quum ibi optimi paulo ante Re-  
gis importuna crudelitas, æternæ laudis procures ex-  
cisa planè virtute sustulerit.

F I N I S.

## IN IOVIVM.

Postquam relegit omnium  
Prouinciæ Iouius intimos lares,  
Nec instituta substitit  
Via, vel alto territus montis iugo,  
Hinc diuidentis Italos,  
Illinc Iberos bellicosa Gallia,  
Vel æstuosis Adriæ  
Illinc procellis, hinc profundis fluctibus  
Turbatus Inferi maris:  
Sed inter acreis euagatus milites  
Interq; rauca cornua,  
Et fusæ victorum hinc, & hinc cadauera  
Non otiosa indagine  
Tot inde retulit libros annalium;  
Mox vtriusque littoris  
Orare mensa, diligens felicibus  
Piscator inde retibus,  
Avara quicquid ante Neptuni manus  
Celauerat nobis, tulit.  
Nunc inquietus patre deductus Ioue,

Animusq;



*Animusque terrestribus  
Non rebus explendus, velut celeri Noto;  
Elatum vbi cælestibus  
Explere sese latius potest:  
En aureo promittit penu,  
Quantum supremo Iuppiter manu polo  
Pulchri recondit: Et quia  
Nunquam moueri cælites queunt loco,  
Vt sustulit Fati dies,  
Veras recepit singulorum imagines:  
Quas dedicatas Apollini,  
Musisque Larium colentibus lacum,  
Beata continet domus.  
Hæc si videre longa te vetat via,  
Aut morbus, aut senium graue,  
Præsens libellus indicabit, aureo  
Quouis monili carior.  
Vos hinc remordet illa si cura, arduum  
Tentate cælum, posteri  
Quod summa virtus sola dat recludier.*

## PAVLO IOVIO EPISCOPO

NVCERINO, MVSARVM CVPIDINI

Ioannes Latomus.



E D quid, Paule loui, tibi rependam?  
 Doctus non ego: nec tuo repostus,  
 Vt hoc nomine debeam, in theatro:  
 Quod neque ambio, nec tamen recussem:  
 Quod nemo faceret, quis hoc videri  
 Non loco, nisi rusticus, præoptet?  
 Grateis, Paule, tamen tibi rependo,  
 Communis meriti, ac honoris ergò:  
 Quòd doctos habeam loco parentum,  
 Scriptores venerer libenter omnes

Candore



Candore ingenio fideq; summa,  
 Et quanto ingenio licet, nisi illi,  
 Aut sint planè athæi, aut palam nefanda,  
 Quæ non scribere præstitisset, edant.  
 Horum nomine, Maximo, optimoq;  
 Huic Paulo Iouio, hospiti benigno  
 Musarum, & Charitum pio parenti,  
 Doctorumq; probissimo patrono,  
 Tantas accumulo, aggeroq; grateis  
 Tantas & toties manu, styloq;  
 Quantas & quoties pro agris receptis  
 Et caris pro omnibus Deo refudit  
 Suo Vergilius: vel ipse Naso  
 Læto pectore reddidisset, idem  
 Si de Tartareis locis Getarum  
 Ad cæram patriam redisset exul.  
 Nam quod pulchrius, hospitaliusq;  
 Adde splendidius benigniusq;  
 Vllis in regionibus, vel annis,  
 Aut vllò abs homine, vt libet, potente  
 Factum legimus? at caret, profecto  
 Exemplo Iouij profusus ardor.

Quid? Si quis Phalaris, Vitelliusue,  
 Aut latro impius, aut rapax danista  
 Conatus simile huic fuisset? an non  
 Vitæ illam maculam eluisset omnem?  
 Et doctos studio hoc suo benigno  
 Ad perenne decus sibi obligasset?  
 At quid nos Iouio rependere, æquum est?  
 Qui vir optimus, integerrimusq;  
 Perque omnes adeò politus artes,  
 Quiq; arteis adeò poliuìt omneis,  
 Vt vix inuenias parem, aut secundum:  
 Non parcat sibi, sumptibusq; tantum,  
 Vt hic saltem habitent benè ac honestè,  
 Quotquot non nisi commodè hospitari  
 (Sed quò deueniant, quis approbabit?)  
 Censura Iouij pia merentur,  
 Ob illa ingenij beata dona.  
 Non illi titulos perenniores?  
 An non carmina perpolitiora?  
 Non encomia, debitosq; honores?  
 Non grateis referemus auctiores?  
 Non laudes cumulatiùs canemus?  
 Laus est, Magne Ioui, tua hæc pèrennis,  
 Et tua est pietas peculiaris

*Hæc, quod non modò vindices disertos  
 Asserasq; viros, ita vt palàm ausint  
 Morti oppedere, nec timere morte  
 Blattas ac tineas voraciores:  
 Sed quod insuper id, quod est caducum  
 Et mutabile maximè, puta oris  
 Dices effigiem perennitati:  
 Et quales fuerint velis videri,  
 Quos iam vix meminit fuisse quisquam.  
 Laus hæc est Ioui peculiaris.*

*In mortem hæctenus expeditus omnes  
 Os, denteis, calamum, manus, & vngueis,  
 Nos sua quoties rapacitate,  
 Tollenda optima quæque prima, lædit:  
 Quid? vel vnus æstinauit assis,  
 Tum comititia, tum malos lambos,  
 Verborumq; malorum onusta plaustra?  
 Quin & reddimus proteruiorem  
 Nunc, sed nunc fremit, ingemit, doletq;  
 Quod ne corporibus quidem necandis  
 Sit satis semel expeditisse telum.  
 Sic Ioui bone, sic iò triumphæ.  
 Huic morti inuideamus vsque, & vsque,  
 Magno quisque animo, inuidenter omnes:  
 De qua nunc retulit nouum triumphum  
 Hic noster Iouius. Qui & ipse quamuis  
 Quasdam illi exuuias suas reliquit,  
 Quæ Deum comitem minus decerent,  
 Et cæli nimis hospitem grauarent,  
 Vespillone quidem est abusus illa,  
 Quod si quis Iouium velit videre,  
 Musæum petat, eccum, in hac corona  
 Cum Phæbo & socijs vides Camænis  
 Scribentem simul, loquentem  
 Quod non vlla satis stupebit ætas,  
 Quod totum afficiet stupore cælum,  
 Quum cursum remorabitur dierum,  
 Et iam præteritos vehet recenteis,  
 Quid tandem illius, obsecro peremit?  
 Sed vt te inbeam, Ioui, valere,  
 Quo te nomine (si nouum necesse est)  
 Appellem, dubito. Iouis? nec illud  
 Augustum satis est, licet propinquum.  
 Phæbi, aut Mercurij? meres vtrumque.  
 Es iuncto simul aſt vtroque maior.  
 Sed quid te vocitem? Patrem deorum?*

*Sed*



Sed iam Iuppiter hoc præoccupauit.  
Musarum Venerem? sat istud aptum,  
Et quod prætulero: at nihil virile est.  
Sed cur non puerum marem locamus,  
Musarumq; Cupidinem vocemus?  
Euge, illud lepide, bene ac venustè:  
Musarumq; Cupidinem vocemus.  
Nam quis aptius, efficaciusq;  
Tardas excacuet, trahetq; menteis,  
Vt credant lepidas, amentq; Musas,  
Et sic depereant furore multo?  
Vt vel de media subinde nocte  
Confessum veniant suos amores,  
Ad fores vigilent licet repulsi,  
Ab ijs non abeant nisi intromissi?  
Atque ipsum furere arbitrentur esse  
Sat magnum sibi præmium laboris?  
Quis flammæ melius propaget istas,  
Quàm (Musa inuitis) Cupido vester?  
Atqui id quod facies, rogas, veneno?  
Non villo iaculoûe, poculoûe:  
At quodam ingenioso honoris æstro.  
Quo quisque immodico feretur æstu  
Ad illa optima, Literas & Artes?  
Locum scilicet vt decentiorem in  
Museo referat: quod est laboris,  
Honor perpetuus, suprema meta.  
At tu Magne Ioui vale perenne,  
Musarumq; vale, vale, Cupido,  
Quinobis aperis nouam hanc arenam.


# INDEX POETARVM

## NOSTRAE AETATIS ILLUSTRIVM,

### QVORVM EPIGRAMMATA, PRÆTER NOVA

Ioannis Latomi Bergami in singula doctorum viro-  
rum Elogia, hoc in opere variè di-  
spersa continentur.

### ACTII SYNCERI.

 <i>E Andrea Matt. Aquanio duo. pag. 137</i>		<i>Calij Calcagnini.</i>	
<i>Ioanne Cotta.</i>	108	<i>De Calio Rhodigio.</i>	203
<i>Baptista Platina.</i>	35	<i>Hieronymo Aleandro.</i>	182
<i>Poggio Florentino.</i>	22	<i>Ioniano Pontano.</i>	95
<i>Aldi Manutij.</i>		<i>Ludouico Ariosto.</i>	158
<i>De Hercule Sirozza.</i>	104	<i>Colæ Brunt.</i>	
<i>Andrea Dactij.</i>		<i>De Antonio Tibaldeo.</i>	174
<i>De Marsilio Ficino.</i>	89	<i>Conradi Lycosthenis.</i>	
<i>Michaelæ Marullo duo.</i>	53	<i>De Ludouico Pine duo.</i>	219
<i>Petro Crinito.</i>	109	<i>Croti.</i>	
<i>Antonij Amiternini.</i>		<i>De Rutilio.</i>	178
<i>De Marco Musuro Cretense.</i>	58	<i>Cynthij Gyraldi.</i>	
<i>Antonij Panhormitzæ.</i>		<i>De Calio Calcagnino.</i>	210
<i>De seipso.</i>	24	<i>Danthis Aldigerij.</i>	
<i>Antonij Seronis.</i>		<i>De seipso.</i>	11
<i>De Benedicto Iouio.</i>	195	<i>Dardani Parmensis.</i>	
<i>Antonij Vaccæ.</i>		<i>De Iasone Mayno.</i>	126
<i>De Baptista Pio.</i>	188	<i>Dionysij Carronij</i>	
<i>Nicolao Machiauello.</i>	163	<i>De Ioanne Ruellio.</i>	173
<i>Aurelij Augurelli.</i>		<i>Domitij Palladij.</i>	
<i>De se ipso.</i>	130	<i>De Pomponio Læto.</i>	76
<i>Basilij Zanchij</i>		<i>Eliij Calentij</i>	
<i>De actio Syncero.</i>	150	<i>De Antonio Panhormita.</i>	24
<i>Andrea Naugerio.</i>	146	<i>Seipso duo.</i>	91
<i>Gabriele Altilio.</i>	207	<i>Ferdinandi Balamij.</i>	
<i>Ioniano Pontano.</i>	95	<i>De Alberto Magno.</i>	8
<i>Bernardi Bembi.</i>		<i>Alberto Pio Corporum principe.</i>	155
<i>De Danthe Aldigerio.</i>	11	<i>Pandulpho Collenucio.</i>	83
<i>Bloisij Palladij.</i>		<i>Flaminij.</i>	
<i>De Marco Antonio Casanova.</i>	143	<i>De Actio Syncero.</i>	150
<i>Boccarini Aretini.</i>		<i>Ardea Naugerio duo.</i>	145
<i>De Bernardo Bibienna.</i>	124	<i>Augustino Nipho.</i>	172
<i>Brunonis Seileri.</i>		<i>Balthassare Castellione duo.</i>	144
<i>De Ioanne Regiomontano.</i>	218	<i>Gaspere Contareno duo.</i>	185
<i>Cæsaris Scaligeri.</i>		<i>Hieronymo Sauonarola.</i>	83
<i>De Angelo Politiano.</i>	75	<i>Ioanne Cotta.</i>	108
<i>Calio Rhodigio.</i>	230	<i>Ioniano Pontano.</i>	96
<i>Iacobo Fabro Stapuler se.</i>	204	<i>Lampridio Cremonense</i>	183
<i>Ioanne Cotta.</i>	108	<i>Mario Molfa.</i>	182
<i>Marco Anconio Turriano.</i>	115	<i>Floridi Sabini.</i>	
<i>Caroli Aretini.</i>		<i>De Antiocho Tiberto.</i>	101
<i>De Leonardo Aretino.</i>	20	<i>Franchini Cosentini.</i>	
<i>Claudij Roseletti.</i>		<i>De Laurentio Valla.</i>	26
<i>De Christophoro Longolio duo.</i>	129	<i>Mario Molfa.</i>	182

Fran-



# P O E T A R V M.

Francisci Petrarca.	De seipso.	13	Ioannis Morelli.		
Georgij Anselmi.			De Erasmo Roterodamo.		177
De Mario Grapaldo.		119	Ioannis Secundi Hagienfis.		175
Germani Brixij.		128	De Erasmo Roterodamo.		167
De Christophoro Longolio.			Thoma Moro		
Gilberti Cognati.			Iulij Gonzaga.		
De Erasmo Roterodamo.		176	De Alberto Pio Corporum Principe.		155
Guidonis Posthumi.			Lancinij Curtij.		
De Bartholomao Coclise.		107	De Georgio Merula.		71
Herculis Strozza.			Leonardi Marfi.		
De Angelo Politiano.		75	De Baptista Pio.		188
Ioanne Pico Mirandulano duo.		77	Lilij Gyraldi.		
Hermolai Barbari.			De Calio Calcagnino.		209
De Rodolpho Agricola.		62	Ludouici Ariosti.	De seipso.	158
Hieronymi Aleandri.	De seipso.	182	Maiorani Salentini.		
Honorati Fasiteli.			De Bessarione Niceno Cardinali.		44
De Francisco Arfillo.		179	Ioanne Argyropylo. 51.	Ioanne Lascare 60	
Paulo Iouio.		227	Marcelli Pallonij.		
Iacobi Cardinal. Papien.	De seipso	36	De Andrea Mattheo Squauiniio.		138
Iacobi Exerichi.			Michaelis Marulli.		
De Thoma Moro.		167	De Demetrio Chalcondyle.		56
Iacobi Guidij.			Ioanne Pico Mirandula.		77
De Mapheo Vegio.		196	Theodoro Gaza.		49
Iani Vitalis.			Myrtei.		
De Aegidio Cardinali.		160	De Alberto Pigbio Campense.		193
Alberto Magno.		8	Ambrosio Monacho Camaldulense.		23
Alexandro Achillino.		113	Andrea Marone.		136
Antonio Panbormita		25	Antonio Nebriſſense.		122
Balthassare Castellioneo.		144	Aurelio Augurello.		122
Bessarione Niceno.		45	Baptista Mantuano. 118,	Bartholo.	16
Callimacho Philippo.		81	Francisco Philelpho.		31
Camillo Querno Archipoeta.		154	Francisco Mirandula.		161
Erasmo Roterodamo.		176	Hieronymo Donato.		111
Flauio Blondo. 28.	Francisco Arfillo.	179	Ioanne Boccacio.		41
Galeotto Martio.		90	Ioanne Mario Cataneo.		148
Gaspere Contareno.		185	Iouiano Pontano.		96
Guidone Posthumo.		131	Lampridio Cremonense.		183
Gulielmo Budeo.		180	Laurentio Laurentiano.		100
Hieronymo Aleandro.		182	Laurentio Medice.		66
Ioanne Scoto.		9	Nicolao Perotto. 33.	Nicolao Leonicensi. 133	
Laurentio Medice.		66	Petro Crinito. 109.	Philippo Beroaldo. 102	
Leone Baptista Alberto.		64	Pogio Florentino.		22
Mario Grapaldo. 119.	Petro Granina. 139		Pomponio Gaurico. 141.	Lampridio. 183	
Petro Pomponatio.		135	Nicolai Grudij.		
Petro Leonio.		68	De Actio Syncero.		151
Philippo Decio. 165.	Rutilio. 178		Nicolai Archij.		
Thoma Linacro 120.	Thoma Moro. 167		De M. Antonio Turriano.		115
Iasonis Landi.			Petri Bembi.		
De Iasone Mayno.		126	De actio Syncero. 151.	Iacobo Sanazario. 150.	
Ioannis Baptista Posseuini.			Angelo Politiano.		75
De Benedicto Iouio.		195	Christophoro Longolio.		128
Henrico Cornelio Agrippa.		187	Hercule Strozza. 105.	Leonico Tomaro. 171	
Ioannis Latomi Bergani.			Petri Criniti.		
In singula doctorum virorum Elogia Tu-			De Angelo Politiano duo.		74
muli & Epigrammata.			Petri Currij.		
De Paulo Iouio Musarum Cupidine.		228	De Ioanne Manardo. 156.	Rutilio. 178	

# I N D E X.

Petri Grauinæ.  
*De Actio Syncero*  
 Pietij Valeriani.  
*De Hermolao Barbaro.*  
*Iano Parrhasio.*  
*Iouiano Pontano.*  
*Michaelæ Marullo.*  
*Theodoro Gaza.*  
 Platinæ.  
*De Antonio Campano.*  
*De seipso*  
 Pogij Florentini.  
*De Emanuele Chrysolora.*  
 Politiani.  
*De Antonio Campano.*  
*Domitio Chalderino duo.*  
*Donato Acciajolo.*  
*Marfilio Ficino.*  
*Theodoro Gaza duo.*  
 Pontani.  
*De Antonio Panbormita.*  
*Gabriele Altilio.*  
*Gregorio Tiphernate.*  
*Michaelæ Marullo.*  
*Pomponio Lato.*  
*Bartholomæo Cocleite.*  
*Marullo Tarchaniota.*  
*Theodoro Gaza.*  
 Prosperi Spiritei.  
*De Platina.*  
 Quintiani Stoæ.

*De Philippo Beroaldo.* 102  
 Sabellici. 99  
*De seipso.* 70  
 Salmonij Macrini. 180  
*De Gulielmo Budeo.* 96  
 Simonis Vallamberti. 176  
*De Erasmo Roterodamo.* 49  
 Gulielmo Budeo. 181  
*Iacobo Fabro Stapulense.* 204  
*Iouiano Pontano.* 40  
 Spinelli. 83  
*De Ambrosio Monacho Camaldulense.* 42  
 Stephani Doleti. 156  
*De Alborto Pio Carpenſe.* 40  
 Christophoro Longolio. 128  
 Stephani Dulcini. 38  
*De Lancino Curtio.* 29  
 Theodori Beza. 89  
*De Guicelmo Budæo duo.* 49  
 Tibaldæi. 180  
*De Actio Syncero.* 24  
 Guidone Posthumo. 206  
 Hercule Strozza. 201  
 Ioanne Lascare. 53  
 Michaelæ Marullo. 79  
 Tryphonis. 107  
*De Mario Mofa.* 53  
 Vespasiani Strozza. 46  
*De Guarino Veronensi duo.* 35  
 Viti Coppi Selestadien. 196  
*De Erasmo Roterodamo.* 166

F I N I S



B A S I L E Æ

Industria & opera Petri Pernæ  
Sumptibus verò commu-  
nibus cum Domino  
Henrico Petri

ANNO DOMINI CIOIOLXXVII





с. 118  
118

